

宋士

梁 沈 約 撰

中 華 書 局

卷七三至卷八四(傳)

宋書卷七十二

列傳第三十三

顏延之

顏延之字延年,琅邪臨沂人也。 曾祖含,右光祿大夫。 祖約,零陵太守。父顯,護軍

司馬。日

細行,年三十,猶未婚。 仕之,先欲相見,延之不往也。後將軍、吳國內史劉柳以爲行參軍,因轉主簿,豫章公世子 延之少孤貧,居負郭,室巷甚陋。好讀書,無所不覽,文章之美,冠絕當時。飲酒不護 妹適東莞劉憲之,穆之子也。回穆之旣與延之通家,又聞其美,將

中軍行參軍。

列

傳第三十三

顏延之

奉使至洛陽,道中作詩二首,文辭藻麗,爲謝晦、傅亮所賞。 義熙十二年,高祖北伐,有宋公之授,府遣一使慶殊命,參起居,延之與同府王參軍俱 宋國建,奉常鄭鮮之舉爲博士,

一八九二

仍遷世子舍人。 之雅仗辭辯,延之每折以簡要。 京師,開館以居之。 高祖受命,補太子舍人。 高祖 親幸,朝彦畢至,延之官列猶卑,引升上席。 既連挫續之,上又使還自敷釋,言約理暢,莫不稱善。 雁門人周續之隱居廬山,儒學著稱,永初中,徵詣 上使問續之三義,續 徙尙

書儀曹郎,太子中舍人。

中書, 義眞 郡,今卿又爲始安,可謂二始。」黃門郎殷景仁亦謂之曰:「所謂俗惡俊異,世疵文雅。」 頭好辭義,待接甚厚,徐羨之等疑延之爲同異,意甚不悅。 時尚書令傅亮自以文義之美,一時莫及,延之負其才辭,不爲之下,亮甚疾焉。 專徙員外常侍, 出爲始安太守。 領軍將軍謝晦謂延之曰:「昔荀勗忌 少帝卽位,以爲正員郎 阮 咸,斥爲始平 廬陵 兼

延之之郡,道經汨潭,爲湘州刺史張邵祭屈原文以致其意,曰曰

恭承帝命,建旟 (舊) 楚。 訪懷沙之淵,得捐佩之浦。 弭節羅潭,議舟 汨渚,敬祭楚三

間大夫屈君之靈:

羅思越。 時,飛霜急節。 崩薰 比物荃蓀,連類龍鸞。 而 藉用可塵,昭忠難闕。 「摧,玉貞則折。<a>[四] 物忌堅芳,<a>[三] 人諱明潔。 嬴、芊遘紛,昭、懷不端。 聲溢金石,志華日月。 謀折儀、倘,貞蔑椒、蘭。 如彼樹芬,實穎實發。 曰若先生,逢辰之缺。 身絕 野闕, 望汨心欷,瞻 迹遍 溫 風迨 湘

天下共之,豈一人之智所能獨了!」辭甚激揚,每犯權要。 延之好酒 元嘉三年,羨之等誅,徵爲中書侍郎,尋轉太子中庶子,頃之,領步兵校尉,賞遇甚厚。 ·疎誕,不能斟酌當世,見劉湛、殷景仁專當要任,意有不平,常云:「天下之務,當與 謂湛曰:「吾名器不升, 當由

選代, 也。」乃以光祿勳車仲遠代之。延之與仲遠世素不協,屏居里巷,不豫人間者七載。中書令 荒宴。」此四句,蓋自序也。 湛及義康以其辭旨不遜,大怒。 時延之已拜,欲黜爲遠郡,太祖 賢,山濤、王戎以貴顯被黜,詠嵇康曰:「鸞翮有時鎩,龍性誰能馴。」詠阮籍曰:「物故 家吏。」湛深恨焉,言於彭城王義康,出爲永嘉太守。延之甚怨憤,乃作五君詠以述竹林七 恭思皇后葬,應須百官,湛之取義熙元年除身,以延之兼侍中。「私邑吏送札,延之醉,投札 與義康詔曰:「降延之爲小邦不政,有謂其在都邑,豈動物情,罪過彰著,亦士庶共悉,直 論,塗窮能無慟。」詠阮咸曰:「屢薦不入官,一麾乃出守。」詠劉伶曰:「韜精日沉飲,誰知非 王球名公子,遺務事外,延之慕焉,球亦愛其材,情好甚款。延之居常罄匱,球輒贍之。晉 令思愆里閭。 猶復不悛,當驅往東土。 乃志難恕,自可隨事錄治。 殷、劉意咸無異 作卿 可不

於地曰:「顏延之未能事生,焉能事死」

閑居無事,爲庭誥之文。 今删其繁辭,存其正,著于篇。 日

庭誥者,施於閨庭之內,謂不遠也。吾年居秋方,慮先草木,故遽以未聞,誥爾在

庭。 靈,而致之心用。夫選言務一,不尙煩密,而至於備議者,蓋以網諸情非。古語曰得鳥 若立履之方,規鑒之明,已列通人之規,不復續論。

今所載咸其素蓄,

「E」本乎性

者羅之一目,而一目之羅,無時得鳥矣。此其積意之方。

昔之善爲士者,必捐情反道,合公屛私。 道者識之公,情者德之私。公通,可以使神明加嚮,私塞,不能令妻子移心。 是以

雖 用細制,每以不朽見銘,繕築末迹,咸以可久承志。 況樹德立義,收族長家,而不思 尋尺之身,而以天地爲心,數紀之壽,常以金石爲量。觀夫古先垂戒,長老餘論,

植孝,悌非期友,而友亦立悌。 日身行不足遺之後人。欲求子孝必先慈,將責弟悌務爲友。雖孝不待慈,而慈固

夫和之不備,或應以不和,**猶信不足焉,必有不信。** 儻知恩意相生,情理相出,可

有參、柴,人皆由、損。

虚求,不可校得,敬慕謙通,畏避矜踞,思廣監擇,從其遠猷,文理精出,而言稱未達,論 衆,不以所長議物,淵泰入道,與天爲人者,士之上也。 夫內居德本,外夷民譽,言高一世,處之逾默,器重一時,體之滋沖,不以所能干 若不能遺聲,欲人出己,知柄在

問宣茂,而不以居身,此其亞也。若乃聞實之爲貴,以辯畫所克,見聲之取榮,謂爭奪 之志,馳傾觖之望,豈悟已挂有識之裁,入修家之誠乎。 可獲,言不出於戶牖,自以爲道義久立,才未信於僕妾,而曰我有以過人,於是感苟銳 記所云「千人所指,無病自死」

者也。行近於此者,吾不願聞之矣。

慌若迷塗失偶,黶如深夜撤燭,銜聲茹氣,腆默而歸,豈識向之夸慢,祇足以成今之沮 喪邪。此固少壯之廢,爾其戒之。 所出,而非長見所上。適值尊朋臨座,稠覽博論,而言不入於高聽,人見棄於衆 成名乎。 凡有知能,預有文論,若不練之庶士,云之校之羣言,通才所歸,前流所與,焉得以 若呻吟於牆室之內,喧囂於黨輩之間,竊議以迷寡聞,妲語以敵要說,是短算 視,則

哉。是以德聲令氣,愈上每高,忿言懟議,每下愈發。有尙於君子者,寧可不務勉邪。 雖曰恒人,情不能素盡,故當以遠理勝之,么算除之,豈可不務自異,而取陷庸品乎。 夫以怨誹爲心者,未有達無心救得喪,多見誚耳。此蓋臧獲之爲,豈識量之爲事

皆厚富,是理無貧薄。然乎?必不然也。若謂富厚在我,則宜貧薄在人。可乎?又不 無怨,安之不悶者,蓋有理存焉。 夫旣有富厚,必有貧薄,豈其證然,時乃天道。 若人 富厚貧薄,事之懸也。以富厚之身,親貧薄之人,非可一時同處。〔5〕然昔有守之

可 道在不 -然,義在不可,而橫意去就,謬生希幸,以爲未達至分。

治,遞其優劇,出之休饗,後之捶責,雖有勸恤之勤,而無霑曝之苦。 蠶溫農飽,民生之本,躬稼難就,止以僕役爲資,當施其情願, 吃其衣食, 定其當

散以及人,此用天之善,御生之得也。 務前公稅,以遠吏讓,無急傍費,以息流議,量時發斂,視歲穰儉,省贈以奉己,損

或 優 脢 明灼 則 則 人自爲厚,刻則物相爲薄。耕收誠鄙,此用不忒,所謂野陋而不以居心 功博。 率下多方,見情爲上,立長多術,晦明爲懿。 〔日月,將不勝其邪。故曰:「孱焉則差,的焉則闇。」是以禮道尙優,法意從刻 若奪其常然,役其煩務,使威烈雷霆,猶不禁其欲,雖棄其大用,窮其細瑕, 雖及僕妾,情見則事通,雖在畎畝,明 也。

偏。 急,仁恕之功。 物,則其情得,而人心塞矣。 至 夫 罰濫 願 含 欲 生之氓,同祖一氣,等級相傾,遂成差品,遂使業習移其天識,世服沒其性靈 有秩,管、燕輕饑。 '情嗜,宜無間殊,或役人而養給,然是非大意,不可侮也。 隅 則 無 以 豈與夫比肌膚於草石方手足於飛走者同 爲罰,惠偏 則不 若能服溫厚而 如無惠。 雖爾眇末,猶扁庸保之上,事思反己,動類念 知穿弊之苦,明周之德,厭滋旨而 其意用哉。 罰愼其濫,惠戒其 奧有竈,齊侯蔑 識寡嗛之

瞻 諍厭,賓友清耳,笑不傾撫, 左右悅目。 ,彌喪端儼,況遭非鄙,慮將醜折。 抃博蒲塞, 會衆之事,諧調哂謔, 適坐之方,[10]然失敬致侮,皆此之由。 豈若拒其容而簡其事,靜其氣而遠其意,使言必 非鄙無因而生,侵侮何從而入,此亦持德之管 方其剋

籥,爾其謹哉。

作典,明慎議獄,而僭濫易意,朱公論璧,光澤相如,而倍薄異價。此言雖大,可以戒小。 扶其正性,忠而勿誨,必藏其枉情。輔以藝業,會以文辭,使親不可褻,疏不可間,每存 則 大德,無挾小怨。率此往也,足以相終。 嚬笑入戾,期變犬馬,則步顧成妖。[二]況動容竊斧,束裝濫金,又何足論。 是以前王 遊道雖廣,交義爲長。得在可久,失在輕絕。久由相敬,絕由相狎。愛之勿勞,當 嫌惑疑心,誠亦難分,豈唯厚貌蔽智之明,深情怯剛之斷而已哉。必使猜怨愚賢,

若 而 存 非 、弊者反矣。 :其正性,紓其妄發,其唯善戒乎。聲樂之會,可簡而不可違,違而不背者鮮矣,背 酒 一酌之設,可樂而不可嗜,嗜而非病者希,病而遂告者幾。 旣皆旣病,將**蔑其正**。 旣弊旣背,將受其毀。必能通其礙而節其流,意可爲和中矣。

贍 人之急,雖乏必先,使施如王丹,受如杜林,自己亦可與言交矣。 善施者豈唯發自人心,自己乃出天則。 與不待積,取無謀實,並散千金,誠不可能。

用 近欲從。 浮華怪飾,滅質之具,奇服麗食,棄素之方。動人勸慕,傾人顧盻,可以遠識奪,難 若覩其淫怪,知生之無心,爲見奇麗,能致諸非務,則不抑自貴,不禁自止。

禀體五常。 壽,人皆知其懸天;至於丁年乖遇,中身迂合者,豈可易地哉。是以君子道命愈難,識 夫數相者,必有之徵,旣聞之術人,又驗之吾身,理可得而論也。

人者兆氣二德, 二德有奇偶,五常有勝殺,及其爲人,寧無叶沴。亦猶生有好醜,死有夭

亦 深,自己故藥之者恒苦術淺,所以毀道多而於義寡。自己頓盡誠難,每指可易,能易每指, 以 心 明之末。 生矣。CIED是以中外羣聖,CIKD建言所黜,儒道衆智,發論是除。然 ||殘桂,[|图]然則火勝則煙滅,蠹壯則桂折。 智,耗真情,傷人和,犯天性。雖生必有之,而生之德,猶火含煙而煙妨火,桂懷蠹 古人恥以身爲溪壑者,屛欲之謂也。欲者,性之煩濁,氣之蒿蒸,故其爲害,則燻 故性明者欲簡,嗜繁者氣悟,去明卽悟,難 有之者 不 患誤 而

彼之可,而忘我不可,學嚬之蔽。將求去蔽者,念通怍介而已。 爲有明矣。 廉嗜之性 不同,故畏慕之情或異,從事於人者,無一人我之心,不以己之所善謀 不以人之所務失我,能有守矣。 己所謂然,而彼定不然,弈棊之蔽,悅

列傳第三十三 顏延之

華

野

同泰。

必在,何恤人言。 積,嫌間所襲,或性不和物,尤怨所聚,有一于此,何處逃毁。 苟能反悔在我,而無責於 人,必有達鑒,昭其情遠,識迹其事。 流言謗議,有道所不免,況在闕薄,難用算防。接應之方,言必出己。 日省吾躬,月料吾志,寬默以居,潔靜以期,神道 或信不素

報,厚之篚筐,然後圖終。如或與立,茂思無忽。 志,則意入淵泉。 志,當自同古人,見通則憂淺,意遠則怨浮,昔有琴歌於編蓬之中者,自己用此道 棄,必有家人誚讓。非廉深識遠者,何能不移其植。故欲蠲憂患,莫若懷古。懷古之 夫信不逆彰,義必幽隱,[110]交賴相盡,明有相照。一面見旨,則情固丘岳,一言中 喭曰,富則盛,貧則病矣。 以此事上,水火可蹈,以此託友,金石可弊,豈待充其榮實,乃將議 貧之病也,不唯形色粗黶,或亦神心沮廢,豈但交友疎 也。

自 情,榮鄙又間向背之意,此二塗所爲反也。 [埋於民,自事其生,則督妻子而趨耕織。 必使陵侮不作,懸企不萌,所謂賢鄙處宜, 以勞定國,以功施人,則役徒屬 m 擅豐麗;

祿利者受之易,易則人之所榮; 蠶穡者就之艱, 艱則物之所鄙。

艱易旣有勤倦之

人 以 有 . 情爲質,非假嚴刑;有恒爲德,不慕厚貴。 有惜者,以理葬,有恒者,與物

暮行背毁,昔同稽款,今猶叛戾,斯爲甚矣。又非唯若此而已,或憑人惠訓,藉人成立, 終。 之無度,心短彼能,私樹己拙,自崇恒輩,罔顧高識,有人至此,實蠹大倫。每思防避, 與人餘論,依人揚聲,曲存禀仰,甘赴塵軌。衰沒畏遠,忌聞影迹,又蒙蔽其善,三三毀 無通閭伍 見人休事,則懃蘄結納,及聞否論,則處彰離貳,附會以從風,隱竊以成釁,朝吐面譽, 世 有位去則情盡,斯無惜矣。 又有務謝則心移,斯不恒矣。又非徒若此而已,或

又迕,愈使失度。能夷異如裴楷,處逼如裴遐,可稱深士乎。 **覩驚異之事,或涉流傳,如道卒迫之變,反思安順。若異從己發,將尸謗人,迫而**

動 以恬漠爲體,寬隃爲器,則爲美矣。曰己大喜蕩心,微抑則定,甚怒煩性,小忍卽歇。 《無愆容,〔三〕舉無失度,則物將自懸,人將自止。 喜怒者有性所不能無,常起於編量,而止於弘識。然喜過則不重,怒過則不威,能 故

使無赤,石可毁而不可使無堅。」苟無丹石之性,必慎浸染之由。能以懷道爲念,曰則必 室,久而不知其芬。」與之化矣。「與不善人居,如入鮑魚之肆,久而不知其臭」。與之變 是以古人愼所與處。唯夫金眞玉粹者,乃能盡而不汙爾。故曰:「丹可滅而 習之所變亦大矣,豈唯蒸性染身,乃將移智易慮。故曰:「與善人居,如入芷蘭之 不能

意。 存從理之心。 道者,瞻富貴同貧賤,理固得而齊。덕之自我喪之,未爲通議,苟議不喪,夫何不樂。 道可懷而理可從,則不議貧,議所樂爾。或云:「貧何由樂。」此未求道

所用。 屬,不能爲寒。 爾。 不由於外。「云」是以稱體而食,貧歲愈賺,量腹而炊,豐家餘飡。 況心得優劣,行己身獲仁富,明白入素,氣志如神,雖十旬九飯,不能令饑,業席三 或曰,溫飽之貴,所以榮生,饑寒在躬,空曰從道,取諸其身,將非篤論,此又通理 凡養生之具,豈間定實,至可或以膏腴夭性,有以菽藿登年。 豈不信然。 非粒實息耗,意有盈虛 中散云,所足在內,

分。 度,無挾私殊,博其交道,靡懷曲異。[言]故望塵請友,則義士輕身,一遇拜親,則仁人投 地道厚也。 此倫序通允,禮俗平一,上獲其用,下得其和 且以己爲度者,無以自通彼量。 一情紀而合流貫,人靈茂也。 昔之通乎此數者,不爲剖判之行,必廣其風 **渾四游而斡五緯,天道弘也。** 振河海而載 山川,

平。進退我生,遊觀所達,得貴爲人,將在含理。含理之貴,惟神與交,幸有心靈,義無 之才,遽爲丘壤,回遑顧慕,雖數紀之中爾。以此持榮,曾不可留,以此服道,亦何 過,衰耗騖及。 世務雖移,前休未遠,人之適主,吾將反本。 其間夭鬱,旣難勝言,假獲存遂,又云無幾。柔麗之身,亟委土木,剛清 。 夫人之生,^[三]暫有心識,^[三]幼壯驟 能

列

傅

意,吾將忘老,如曰不然,[三]其誰與歸。偶懷所撰,[三] 自 惡 一,偶信天德,逝不 上慚。 欲使人沈來化,志符往哲,勿謂是賒, 略布衆條;〔三〕 日鑿 若備舉情見,顧 斯 密。 著通 此

未書一。 贍身之經,別在田家節政,奉終之紀,自著燕居畢 義

祭酒、司徒左長史,坐啓買人田,不肯還直,尚書左丞荀赤松奏之曰:「求田問舍,前賢所鄙。 虚 月 知 朝 延之昔坐事 延之唯利是視,輕冒陳聞,依傍詔恩,拒捍餘直,垂及周年,猶不畢了,昧利苟得,無所顧忌。 所居官 極 士。 張 彌 著。 已,預 劉湛誅,起延之爲始興王濬後軍諮議參軍,御史中丞。 認 仰竊 無愧畏,豈 臣 **讌班觴**,肆駡上席。 聞 ,屏斥,復蒙抽進,而曾不悛革,怨誹無已。 過榮,增憤薄之性,私恃顧盻,成强梁之心。外示寡求,內懷奔競,干祿 聲問 過情,孟軻所恥,況聲非外來,問由己出,雖心智薄劣,而高自比擬,客氣 可復酮亮五教,增曜台階。 山海含容,每存遵養,愛兼彫蟲,未忍遐棄,而驕放不節, 請以延之訟田不實,妄干天聽,以强凌弱,免 交遊關茸,沈迷麴糵,橫興譏謗,詆毀 在任縱容,無所舉奏。 **祈**遷,不 遷國子 日

延之甚疾焉。 延之性旣褊激,兼有酒過,肆意直言,曾無遏隱, 復 爲 秘 書監,光祿勳,太常。 因醉白上曰:「昔同子 時沙門釋慧琳,以才學爲太祖所賞愛,每召見,常 參乘,袁絲正 色。 故論者多不知云。 此三台之坐,豈可 使刑 居身清約,不營財 餘 居之。」上 护

利,布衣蔬食,獨酌郊野,當其爲適,傍若無人。

躬親。 日。 痺,左胛尤甚。 非,簡息干黷。 雖容載有塗,而妨穢滋積。早欲啓請餘算,屛蔽醜老。 方今乃知其信。 禀恩明世,負報冥暮,仰企端闈,上戀罔極。」不許。明年致事 臣班叨首卿,位尸封典,肅祗朝校,尚恧匪任,而陵廟衆事,有以疾怠,宮府觀慰, 二十九年,上表自陳曰:「臣聞行 息臭庸微,過宰近邑,回澤爰降,實加將監,乞解所職,隨就藥養。 素不能食,頃向減半。 耗歇難支,質用有限,自去夏侵暑,入此秋變,頭齒眩 臣延之人薄寵厚,宿塵國言,而雪効無從,榮牒增廣,曆盡 百里者半於九十,言其末路之難也。 本猶賴服食,至以此倦悸遠晚,至以年疾所催,顧景引 但時制行及,歸慕無縣,是以 疼, 根痼 伏願聖慈,特垂矜 身彫,日叨官次, 愚心常謂爲虛, 漸 劇 手足冷 腆冒愆 轉闕

密謀,兼造書檄。 老父,何能爲陛下。」問意乃釋,由是得免。 「何以知之?」延之曰:「竣筆體,臣不容不識。」劭又曰:「言辭何至乃爾。」延之曰:「竣尙不顧 **元凶弑立,以爲光祿大夫。先是,子峻爲世祖南中郎諮議參軍。** 砌召延之,示以檄文,問曰:「此筆誰所造。」延之曰:「竣之筆也。」又問: 及義師入討,峻參定

無所受,器服 世 祖 登阼,以爲金紫光祿大夫,領湘東王師。 不改,宅宇如舊。 常乘羸牛笨車,逢竣鹵簿,卽屛往道側。 子竣旣貴重,權傾一朝,凡所資供,延之 又好騎馬,遨游

|竣起宅,謂曰:「善爲之,無令後人笑汝拙也。」表解師職,加給親信三十人。 里巷,遇知 舊 輒 上據鞍索酒,得酒必頹然自得。 常語竣曰:「平生不喜見要人,今不幸見汝。」

傳於世 之與陳郡謝靈運俱以詞彩齊名,自潘岳、陸機之後,文士莫及也,江左稱顏 孝建三年,卒,時年七十三。 追贈散騎常侍、特進、金紫光祿大夫如故。 謝焉。 諡 日憲子。 所著並 延

太宗卽位,詔曰:「延之昔師訓殷躬,情契兼款。 竣 可擢爲中書侍郎。」臭,延之第三子也。 剜 有傳。 |竣弟||測、「尽」 亦以文章見知,官至江夏王義恭大司徒錄 前記室參軍、濟陽太守臭伏勤蕃朝,綢繆恩 事參軍,「三五五五本。

鹿,斷可識矣。。 記云:「八十者一子不從政,九十者家不從政。」 豈不以年薄桑楡,憂患將及, 雖 吻,以此爲忠,無聞前誥。 有職王朝,許以辭事,況顚沛之道,慮在未測者乎。 夫馳文道路,軍政恒儀,成敗所因,非繫乎此。 史 |臣曰:出身事主,雖義在忘私,至於君親兩事,旣無同濟,爲子爲臣,各隨其時可也。 夫自忍其親,必將忍人之親,自忘其孝,期以申人之孝,食子放 而據筆數罪,陵讎犯逆,餘彼慈親,垂之虎 自非延年之辭允而義愜,夫豈或免。

校勘記

[一] 父顯護軍司馬 「顯」南史作「顒」。

妹適東莞劉憲之穆之子也 之,少子貞之,無名憲之者。」按憲慮形似,「憲之」或「慮之」之譌。 洪頤煊諸史考異云:「案劉穆之傳, 穆之三子,長子慮之,中子式

爲湘州刺史張邵祭屈原文以致其意 「張邵」各本並作「張紀」,據文選六〇顏延之祭屈原文及

李善注引改,並參校南史。

RSI __ 玉貞則折 「貞」文選六〇作「縝」。 李善注:「禮記,縝密以栗知也。 鄭玄曰:縝、緻也。」

ŦĪ. 物忌堅芳 「芳」各本並作「方」,據文選六〇改。」李善注:「堅芳卽玉及蘭。」

以延之兼侍中 百官,乃取晉義熙元年告身,除延之兼侍中,欲以虛應故事,故延之不受,投札於地。 「兼侍中」各本並作「兼持」,據建康實錄改。 時晉已亡,晉恭帝后死,葬時欲備

今所載咸其素蓄 「蓄」各本並作「畜」,據远龜八一六改。

若不練之庶士 各本並脱「若」字,據元龜八一 六補。

八九山 非可一時同處 各本並脱「同」字,據元龜八一六補。

諧調 晒 謔 適坐之方 「適坐」元龜八一六作「適生」。

列 傳 第 Ξ + 椌 勘 記

- [11] 期變犬馬則步顧成妖 「期變」元龜八一六作「耽愛」。
- 善施 者豈唯發自人心 各本並脱「豈」字,據經覽四七七引補。
- 使施 如王丹 受如杜林 「受」各本並作「愛」,據远龜八一六改。 按此兩句事見後漢書王丹傳、

杜林傳。

猶火含煙而煙妨火桂懷竈而蠹殘桂 各本並作「猶火含煙而妨火桂懷蠹而殘桂」,今據藝文類

聚二三引、元龜八一六訂正。

- 二吾 難以 生矣 「生矣」各本作「主言」、下一字不成字、今據元龜八一六改正。
- [1六] 是以中外羣聖 「是」各本並作「其」,據元龜八一六改。
- 二七 然有之者不患誤深 「誤」字三朝本脫去,北監本、毛本、殿本、局本作「誤」,元龜八一六作「不」。
- 所以毁 道 多 而 於 義寡 各本並脱「於」字,據元龜 八一六補
- 二之 昔有琴歌於 編 蓬之中 者 各本 並脫「有」字,據初學記 八引、藝文類聚三五引補
- [10] 義必幽隱 「幽」各本並作「出」,據元龜八一六改。
- (三)又蒙蔽其善各本作「又蒙之」、今據元龜八一六訂正。
- 〔三〕或涉流傳 各本並作「或無涉傳」,據元龜八一六訂正。
- 能以恬漠為體 寬偷爲器則爲美矣 各本並無 「則爲美矣」四字,有「者」字一字,今據御覽五九

三引訂正。

- [18] 故動無愆容 各本並脫「故」字,據御覽五九三引補。
- △□□□ 能以懷道爲念 「念」各本並作「人」,據远龜八一六改。
- [] K] 理固得而齊 各本並脫「齊」字,據元龜八一六補
- 宝 凡養生之具豈問定實 各本並脫「養」字,據元龜八一六補。 「間」,本集作「簡」。
- 三合 所 足 在內不由於外 各本並作「所足與不由外」,據元龜八一六改正。
- [三元] 況心得優劣 「優」各本並作「復」,據元龜八一六改。
- 靡懷: 曲異 「靡」三朝本、毛本作「唯」,北監本、殿本、局本作「無」,元龜八一六作「靡」。 今從元

龜改正。

- [三] 夫人之生 各本並作「三人至生」,據元龜八一六改。
- 〔三〕暫有心識 「心」各本並作「之」,據元龜八一六改。
- [川图] 偶懷所撰 「偶」各本並作「値」,據远龜八一六改。[川图] 如曰不然 「日」各本並作「固」,據远龜八一六改。
- [WH] 略布衆條 「條」各本並作「脩」,據元龜八一六改。
- 「宗」本猶賴服食(各本並脱「食」字、據元龜八九九補。

列傳第三十三 校勘記

宣出 比倦悸遠晚 各本並脫「遠」字,據元龜八九九補。遠晚,猶言日暮途遠。

[JIK] 竣弟測 「測」各本並作「惻」,據南史及本書顏竣傳改。

官至江夏王義恭大司徒錄事參軍 「江夏王」下,各本並衍「傅」字,今删去。

宋書卷七十四

列傳第三十四

臧質 魯爽 沈攸之

逼,播 北境,拯其塗炭,寧一六合,未爲無期。」高祖曰:「卿言是也。」及行,熹求從,不許,以爲 等侯。三又參高祖 熹 革屢起,熹乃習騎射,志在立功。嘗至溧陽,溧陽令阮崇與熹共獵,值虎突圍,獵徒並奔散, 爾。」行參高祖鎭軍事,員外散騎侍郎,重參鎭軍軍事,領東海太守。 《直前 、宮收圖書器物,封閉府庫。 臧質字含文,東莞莒人。父熹字義和,武敬皇后弟也。 越非所。 射之,應弦而倒。 將軍首建大義,劬勞王家。雖復不肖,無情於樂。」高祖笑曰:「聊 車騎、中軍軍 高祖入京城,熹族子穆斬桓脩。日道至京邑,桓玄奔走,高祖 有金飾樂器,高祖問熹:「卿得無欲此乎。]熹正色曰:「皇上幽 事。 高祖將征廣固,議者多不同。 與兄燾並好經籍。 以建義功封始興 隆安初,兵 以 **烈建威** 戲 使熹 縣 五. 卿

列

傳第三

+

四

臧

質

東二 將軍 郡 道襲 撫之戰敗退走, 爲寧朔 牛脾縣,時年三十九。 廣州 臨海 郡太守。 將 軍, ,路由臨海,熹資給發遣,得以無乏。 太守。 從征。 蜀主譙縱遣大將譙撫之萬餘人屯牛脾,又遣譙小苟重兵塞打鼻。 追斬之。 郡經兵寇,百不存一,熹綏緝綱紀,招聚流散,歸之者千餘家。 事平,高祖遣朱齡石統大衆伐蜀,命熹奇兵出中水,以 追贈光祿勳 小尚聞撫之死,即便奔散。 徵拜散騎常侍,母憂 成都旣平,熹遇疾。 去職 義熙九年,卒於蜀 頃之討 本號領 熹 孫季高 建平、巴 至牛脾, 劉毅,起 海

義恭 爲 遷寬陵、江夏內史,復爲建武將軍、巴東建平二郡太守,吏民便之。 出 . 為 世 無軍 子中軍行參軍。 建平太守,甚得蠻楚心。 質 少 、好鷹犬,善蒲博意錢之戲。 參軍,信 以 輕薄無檢,爲太祖 永初元年,為員 南蠻校尉 外散騎侍郎, 長六尺七寸,出面露口,禿頂拳髮。年未二十,高祖 劉湛 所知,四徙爲給 還朝, 從班 稱爲 例 良守。 事 也。 中。 母憂 遷寧遠將軍、歷陽太守。 會稽宣長 去 職 0 公主每爲之言 服闋,爲江夏王 以

發,復爲建威將軍、義興太守。 欲 以爲益州 爵 質 年始出三十,屢居名郡,涉獵史籍,尺牘便敏,旣 命無章,爲 事,未行,徵爲使持節、都督徐兗二州諸 有司 所 糾, 遇赦。 元嘉二十六年,太祖謁京陵,質朝丹徒,與何勗、檀和之並功 與范曄、徐湛之等厚善,曄謀反,量質必與之同, 軍事、寧遠將軍 有氣幹,好言 [兵權。 徐克二州刺 太祖 謂 史。 大任, 在鎭 會

臣 一子,時共上禮,太祖設燕盡歡,賜布千匹。

馬王方回等率軍出許、洛,安北司馬王玄謨攻滑臺不拔,質請乘驛代將,太祖 伐蠻,枉殺隊主嚴祖,又納 等救憲。 跋燾圍汝南,汝南戍主陳憲固守告急。 二十七年春,遷南譙王義宣司空司 虜退走,因使<u>質伐汝南西境刀壁等山</u>蠻,大破之,獲萬餘口,遷太子左衞 面首生口,不以送臺, 冤官。是時上大舉北討, 質白 太祖遣質輕往壽陽,即統彼軍,與安蠻司馬劉 馬、寧朔將軍、南平內史。至未之職,會索虜大帥拓 不許 衣 率。 與 鰾 康 坐 前

上,質 之、熙祚並 也 祚 威 救。 將佐以下, 垂 所領 退, ,以崇之爲龍 將軍 始至 房侵除、豫,拓跋<u>萧率大衆數十萬遂向彭城,以質</u> 營城南。 會 悉北府精兵,幢主李灌率属將 熙祚 毛熙祚亦受統於質。[K] 盱眙城東有高山,質慮 贈 皆爲 被創 正 員郎 **虜攻崇之、澄之二營,崇之等力戰不** 驤 虜 將軍 所 死,軍遂散 澄 執 、北秦州 之事在祖父燾傳。 後 得叛還, 亂。 刺 史,鎭 其 至是又爲虜所敗焉。 日質案兵不 士,殺賊甚多。 百頃,公 行 敢 至 教,故三營一 敵,衆散,並爲 隊 濁水,爲索虜所克,舉軍 主周胤之、外監楊 為輔國將軍、假節 房據之,使崇之、 熙祚,司州刺史脩之兄子也。 時覆沒。〔刊〕初, "房所殺。 積弩 方生 「將軍 、置佐, 澄之二軍營於 虜 敗散,崇之及 叉 又攻熙祚 率射 臧澄之、建 仇 率萬人北 池之平 城,城

Ш

列

戰之備,城內有實力三千,質大喜,因共守。 之等,一攻城不拔,便引衆南向。 食平越、石鼈二屯穀,至是抄掠無所, 營旣敗,其 夕質軍亦奔散, 城內增修守備,莫不完嚴。 棄輜重器甲,單士百人投盱眙,日 人馬饑困, 房初南出,後無資糧,唯以百姓爲命。 聞盱眙有積栗,欲以爲歸路之資。 盱眙太守沈璞完爲守 及過淮, 旣破崇

衞。 築 欲於君山作浮橋,以絕潍道。 長 城 圍,一夜便合,開攻道,趣城 二十八年正月初,燾自廣陵 內更擊不能禁,遂於君山立桁,水陸路並 城內乘艦逆戰,大破之。 東北,運東山土石塡之。 北返,便悉力攻盱眙,就質求酒,質封溲便與之。 斷 明旦,賊更方舫爲桁,桁上各嚴兵自 虜又恐城內水路遁走,乃引 **燾怒甚**, 大船

爾若有幸,得爲亂兵所殺。 **楜,無不利。」質答書曰:「省示, 具悉姦懷。** 自送死,豈容復令生全,饗有桑乾哉! 未至,以二軍開飲江之徑爾,冥期使然,非復 王玄謨退於東,梁坦散於西,[10]爾謂何以不聞童謠言邪:『虜馬飮江水,佛狸 丁零死者,正可減常山 燾 與質書曰:「吾今所遺鬭兵,盡非我國人,城東北是丁零與問,南是三秦氏、羌。 、趙郡賊;胡死,正減幷州賊, 氐、 羌死,正減 爾若不幸,則生相鏁縛,載以一驢,直送都市。 但爾住 爾自恃四脚,屢犯國疆,諸如此 人事。寡人受命相滅,期之白登,師行未遠,爾 攻此城,自己假令寡人不能殺爾 關中財。 我本不圖全,若 事, 爾 死卯年。』此期 卿若殺 不可具說 由 我 丁零 而 設使

邪 天地 是時屬中童謠曰:「軺車北來如穿雉。不意虜馬飮江水。 之,當出廩相飴。 返,爾豈懚邪?卽時春雨已降,四方大衆,始就雲集,爾但安意攻城莫走。 į 無靈,力屈於爾,韲之粉之,屠之裂之,如此未足謝本朝。 頃年展 爾陸梁者,是爾未飲江,太歲未卯年故爾。 得所送劍刀,欲令我揮之爾身邪!甚苦,人附反,各自努力,無煩 **斛蘭昔深入彭城,值 虜主北歸石濟死。虜欲渡江天不** 爾識智及衆力,豈能勝苻堅 少日雨,隻馬不 糧食闕乏者告 **多云。**」

轉禍爲福邪!今寫臺格如別書,自思之。」時購斬臺封開國縣侯,食邑一萬戶,賜布絹各 廣中諸士庶·[□□]狸伐見與書如別,爾等正朔之民,[□□何爲力自取如此。 質又與虜衆書曰:「示語 大丈夫豈可不知

徙。」故質答引之。[[三

登城,分番相代,墜而復升,莫有退者,殺傷萬計,虜死者與城平。又射殺高梁王。日為如此 出城外,截其鉤獲之。口可明日,又以衝車攻城,城土堅密,每至,頹落不過數升。 虜乃肉薄 三旬,死者過半。 虜 以鉤車鉤垣樓,城內繫以彄絙,數百人叫喚引之,車不能退。旣夜,以木桶盛人,懸

乃解

圍遁走。

獨 開 遣 國 子, 司 一嘉質 馬 食邑五 柳元景屯 功 百戶。 以 爲 兵境上,不 使 持節 明 年,太祖 、監雍梁南北秦四州諸軍事 時進 叉北 軍。 伐, 質 使質 文顧 率所統見 戀嬖妾, 、冠軍將軍、寧蠻校尉 棄營單馬還城, 力向 潼關 質頓 散用 兵近 郊 雍州 臺庫見錢六七 不肯 刺 時發, 史,封

百

萬

爲

有司

所

糾,上不

問

也

騎常 下。 弟 江 自 給 自 食邑三千 陵 南 波 賜 駭 世祖 一进,傷其乃懷。 ,急便竄逸,迷昧過 掖 侍 之。 見義宣。こじ質諸子 ,馳告司 元凶 持持 門入,與質同 户。 一弑立, 至新 義宣 節 空義宣, 如 亭即 之鎭 得 故 以 質 質 舫 位, 報 使質 會太 可 爲 ٠, 又遣州 遣宣譬令還,咸 卽 千 以 丹陽 在都邑, 甚,良可 極 餘 率 H 質 所領 乘, 殿,生禽元凶 舉兵,馳信 尹,加 爲 祭酒從 都 部伍 聞質 怪 督江 自白下步上,直 征 歎。 事 前 虜將軍。 舉義, 州 後 報 復本 田 質 諸 穎 世 百 國 軍 位。 祖 餘 仍使質留守 起 並逃亡。 戚 事 里,六 · 板進 銜 質 勳 車 劭 命 至廣莫門, 家遣門生師顗報質, 臣 尋錄 報 騎 、平乘 質 忠誠 世 劭欲 將 號 得敦 祖 朝堂,甲 軍 並 征 率 篤 · 開 相 門 施 北 使使 亮, 慰 龍 者 衆 將 府 悦, 大將 五千, 仗 軍 方當 子 不 儀 幡 守。 白 同 乃下書 質 人 軍 顯 具太祖崩問。 馳 逕赴 薛安都 義恭 自 司 位, 下 防。 、江州 曰 「臧 贊翼 討 一尋陽 行 逆, 訓 封始 程 刺 京輦 杖三十,厚 自 天祚 與世 敦 史, 興 陽 質疏 等無因 、郡公, 等亦 加散 祖 而 口 進 顗

時

`世祖自攬威柄,而質以少主遇之,是事專行,多所求欲。

及至尋陽,刑政慶賞,不復

諮禀 義宣 始聞 勸 外,地勝兵强,持疑不決,則後機致 因此密信說誘,陳朝廷得失。 以,質曰:「天下 宜已推崇世祖,故其計不行。 義宣 朝廷。 世 腹 至京邑報弟瑜, 質 或 祖 於 心將佐蔡超、竺超民之徒,江立咸有富貴之情,願義宣得,欲倚質威名,以成 禍 義宣 短 ,便有異圖,以義宣 長,義宣乃意定。 盆口、鈎圻米、輒散用之, 義宣時未受丞相,質子敦爲黃門侍郎,奉詔 雖爲兄弟,而年 ·屯危,禮異常 瑜席卷奔叛。 日,前在荆州,亦拜司空。」會義宣有憾於世祖,事在義宣傳 凡闇,易 馳報豫州刺史魯爽,期孝建 質每慮事泄,及至新亭,又拜江夏王義恭,義恭愕然, 又謂:「震主之威,不可持久,主相勢均,事不 大近十歲,義宣驚 禍。」質女爲義宣子採妻,自己謂質無復異同, 瑜弟弘爲質府佐,世祖遣報質,質於是執臺使,狼狽舉 可制 臺符屢加檢詰,質漸猜懼。 勒、欲 外相 日:「君何意拜弟。」質日:「事中宜然。」時義 推奉,以成其 設勸, 元年秋同 道經 自謂 志。 舉。 尋陽,質令敦具更譬說, 及至江陵, 人才足爲一 爽失旨,即便起兵。 · 兩 立。 納 便致 其 今專據閩 其業,又 世英傑, 問質 拜稱 質 且 所

齊、晉,宗戚懿親之寄,望崇於魯、衞。 忍小存大,雖愛必從。 臣 聞 執藥隨親,非情謬於甘苦,揮斤斬毒,豈忘痛於肌膚。 丞相臣義宣,育悊台鉉,拊聲聯服, 而惡直醜正,實繁有黨,或染凶作僞,疾害元功, 定主勤王之業,勳越乎 蓋以先疑後順,忠焉必

樊、葉, 徒,招 美, 社 惟 或 一,今奉旨前邁,星言啓行 疑, 敢希巷伯惡惡之情, 勞 聚羣 **遂令負**展席圖, 蔽於流議,投杼市虎,成於十夫。 挾 立節於本朝,揮戈晉陽,務清 ·惡,念舊愛老,無一而存,豈不 乘威 縦戾。 固已藉 自知愆深釁重,必貽剿戮,乃成紫毁朱, 風聽而 于 宵憤,撫短策而馳念。 君 田山田 側。 .醜相扇,志肆讒惑。 臣誠庸懦, 鑒古揆今, 奉教 前 況乃宏命爰格, 誠 朝, 陛 交間 實懷 下 雖恋緇衣 垂 忠輔。 危逼,故投 慈狎達,不稍 崇樹 好 係宗 賢之 袂 私

 齿血 之情, 耀 更希 ", 斯 異 誠 臣 則 以 不 寵 本凡瑣,少無遠概,因緣際會,遂班槐鼎,素望旣盈,愜心實足,豈應徼 仰說 失 ·照,甘 直 四 宗 以 海 之望, 蔓草 廟,俯 亭 罪戮。 難除,去惡宜速,是以 愜 昭戮 兆民。 伏願陛下先鑒元輔匪 馬 劍,顯肆市朝,則 裁表 感慨 17,涕言 無顧 結 無已。 躬 夷 旌 茂節 (險, 慮 向 國 • 不及身。 末錄庸 全鋒 凱 瑣 歸, 仰恃 奉 國 九流凝序,三光並 天眷 微誠, 「察亮」 不 功非冀, 遂 丹款,)淟涩

加 魯弘 輔 國 將軍 一,下戍 大雷 馳報義宣 義宣 遣諮議 參軍劉 諶之萬 就 弘。

待 之。 世 殿 加 遣 中 撫軍 將 軍 沈 將 靈 軍 柳元 賜 領 景統 百 舸,破其前軍於南陵,生禽軍主徐慶安、軍副王僧。 豫州 刺 史王玄謨等水 軍,屯梁山 洲 内, 兩岸 築 偃 月 質至梁山 壘, 水陸

亦

夾陣兩岸。

元景檄書宣告曰

能 升 臨實位,景屬 夫革道應運,基命之洪符,嗣業興邦,紹曆之明算。 天居。 大宋啓期,理高 主上聖略聰武, 中世,皇根帝葉, 孝 ,感通 一神,義變草木,哀動精緯,躬幸南 自非瑞積神夷,德充民極,孰 永流 無疆。 夷陂 遞來,遘茲

野,親 凶 難 掃大逆,道援橫流,德模靈造,三光重照,七廟載 國 禍冤深,人綱鬱滅。 興。

觀聽。 桓衢 大難已夷,凶命假存,懸在晷刻,廣莫之軍,曾無遺矢,重關自開,偽衆已潰, 遂復攜嬪擁姬,淫宴軍幕。
孔、范之變,顯 泗,貪虐以逞,阬戮邊氓,忽若草芥,傾竭 西門遺出自皂隸, 心,掩其不逞之釁。 文簿,專行欺妄。及受命北伐,憚役緩期,師出 巷,後騎陳師。 ,惟以侵剝爲務。 初 臧質 :踐殿守,忘犬馬之情,奔趣帑藏,頓傾天府。 去歲義舉,雖豫誠款,而淹留西楚,私相崇戴,奉書致命,形於 少負疵釁,衣冠不齒,昧利誣天,著於觸事。 龍 遂爵首元等,職班盛級,優榮溢寵,莫與爲疇。 勞不足甄,定於朝議,而虛張功伐,扇動怨辭, 越州朝。 官自賄 至,族以貨傾。 往莅 東守,鬻爵三千。 倉庾,割沒軍糧。 於逆辭。 是以 有辰,顧懷 康 山海弘量,苞荒藏 凡此諸釁,皆彰著於憲 周 受任述職,不以宣効爲心;專方 率卒西討,竊俘取黜。荷恩彭、 **陁覆命屠宗** 私愛,匹馬棄衆,宵行 作牧漢南, 自謂 自恣醜薄,罔知涯 心 冤達蒼昊"郭伯 疾,錄其 公盜府蓄, 迹。 斯舉, 簡,振曝於 新亭之捷, 質猶 勳莫己 一介之 獨 復盤 矯易 返,

罹 房室。 及受命南徂,臨路滋甚,逼奪妻嬪,略市金帛,怨動京邑,醜聞都鄙。 棄逐舊故,委蔑忠 涘,干謁 心,有識莫附。 反。 勤,魯尙期、尹周之徒,心腹所倚,泣訴於御筵;袁同、連子敬之疇,爪牙所仗,一逝而 X 雖上旨頻煩,屢求勞牒,質但稱伐在己,不逮僚隸,託咎朝廷,歸罪有司,國士 禍 質 ,質與之少長,親交兼常,曾無撫孤之仁,惟聞陵侮之酷,尺田寸寶,靡有孑遺。 陳聞,曾無紀極,請樂窮大予之英,回以求器盡官府之選。 、生與釁俱,不可詳究,擢髮數罪,曾何足言。 何文敬趨走厮養,天性愚狡,質迷其姦諂,寘懷委仗,遂外擅威刑,內遊 徐司空匪躬王室,遭 解

蔽同 敗道傷俗,悖亂人神,民怨盈塗,國謗彌歲。 寇忘哀,曾無奔拽。 恨 極,近漸別子,禮越常均,苟識無所守,功弗 流,坐觀成敗,示遣疲卒,衆裁三千,戎馬不供,軍糧靡獻。 心於本 郤至, 丞相 威 ,推諸昔歲,迹是誠非矣。 理 重位尊,任居分陝,宗國倚賴,實兼恒情,而不及謙沖之塗,弗見逆順之訓, 乖范燮。 面蕃十稔,惠政蔑聞,重贓深掠,縱慾已甚,姬妾百房,尼僧千計, **遂乃遠忽世祀**, 且家 近受欺構,杖納姦疏,還謀社稷。 國 夷險,情事異常,豫是臣子,孰不 由己,必爲義不 又 賊 劭 未禽,凶威猶强,將毁其 皇朝直以親秩之重,酬寵兼 全,終於敗德。 日者宴安上 私 今茲放命, 星赴,而玩 墳

造育爲重。援人自助,棄人快讒,怙亂疑功,未聞其比。

卒利 於轉圓。 啓。 馳。 殞 攸 艱 命,況仰禀聖略,俯鞠義徒,萬全之形,愚夫所照。夫薛竟陵控率突騎,回过陸道步 歸,大司馬江夏王道略明遠,徽猷茂世,並旄鉞臨塗,雲驅齊引。 棘 兵,凌波電進。 檀右衞、申右率、垣游擊整勒銳師,飛輪構路。王豫州方舟繕甲,久已前驅 八鑾搖響,五牛舒施。 ,惟恩思難,激氣衝襟,故以眺三湘而永慨,望九江而遐憤。 僕以不肖,過蒙榮私,荷佩升越,光絕倫伍 加以三謀協從,七緯告慶,幽顯同心,昭然易覩。 沈鎭軍、蕭安南接舳連旌,首尾風合。 千乘雷動,萬舳雲回。 家本北 騰威發號,星流漢轉。 邊,志存慷慨,常甘投 驃騎竟陵王懿親令譽,問 若使 羣兵競邁,祕駕徐 身死國康, 以上臨下,易 生,以殉 誓在 僕訓 望

有 履 安奉 詔 遲 諸 ·順,聲泰事全,孰與附逆居危, 回,未震雷霆者,正 君 或世荷恩幸,或身聞敎義,當知君臣大節,誓不可犯,冠屨至誨,難用 ||爲諸君身拘寇手,或懷乃心。 身害名醜,慈親垂白受戮,弱子嬰孩就誅。 吉凶由人,無謂爲遠,今而不 倒設。

變,後悔何及。授檄之日,心馳賊庭。

質相 疑。 義宣 亦 質進計曰:「今以萬人取南州,則梁山中絕,萬人綴玄謨,必不敢動。 相次係至。 江夏王與義宣書曰:「昔桓玄借兵於仲堪,有似今日。」義宣由此與 質浮舟外江,

一九二

直 向 石頭, 此 上 略也。」義宣將從之,腹心劉諶之曰:「質求前馳, 此志難測。 不如盡銳攻梁

山,事剋然後長驅,萬安之計也。」

救之。 文仲。 周 之攻壘甚急,劉季之水軍殊死戰,賊勢盛,求救於玄謨,玄謨不遣,崔勳之固爭,乃遣勳之 質遣將尹周之攻胡子反、柳叔政於西壘,〔三〕時子反渡東岸就玄謨計事,聞賊至,馳歸 比至, 城已陷, 勳之戰死,季之收衆而退。 子反、叔政奔還東岸,玄謨斬子反軍副李

潰。 亦走,衆悉降散。 護之督諸 自行。」義宣遣劉諶之就質,陳軍城南。 因 質 風 欲仍攻東城,義宣黨顏樂之說義宣曰:「質若復拔東城,則大功盡歸之矣。 放火、船艦悉見焚燒、延及西岸。 將繼之。 戰良 人人,贼 陣 小拔, 騎 玄謨留 得 質求義宣欲一 入。 1羸弱守: 劉季之、宗越又陷其西北,衆 城,悉精 計事 ,密已出走矣。 兵出戰,薛安都騎 質不 軍 乘之,乃大 軍 宜遣麾下 知所爲, 前 出,垣

平,質之黨也,至是懷貳,誑文敬曰:「傳詔宣敕,唯捕元惡一 質至尋陽,焚燒府舍,載妓妾西奔。 使所寵 何文敬領兵居前,至西陽。 人,餘 並無所問。」 西陽 文敬 太守魯方

而走。

質先以妹夫羊沖爲武昌郡,質往投之,旣至,沖已爲郡丞胡庇之所殺。 無所歸,乃入南

湖逃竄,無食,摘蓮噉之。 志圖泯夏,違恩叛德,罪過恒科。梟首之憲,有國通典,懲戾思永,去惡宜深。 臣義恭、左僕射臣宏等奏曰:「臧質底棄下才,而藉遇深重,窮愚悖常,構煽凶逆,變至滔天, 之中心,兵刃亂至,腸胃纏縈水草,隊主裘應斬質首, 追兵至,窘急,以荷覆頭,自沈於水,出鼻。 傳京都,時年五 十五。 軍主鄭俱兒望見,射 錄尚書江夏王 臣等參議,須

武昌郡所執送。敦官至黃門郎,敦弟敷,司徒屬,敷弟敞,太子洗馬,敞弟斁,敦子仲璋,質 辜日限意,使依漢王莽事例,漆其頭首,藏于武庫。 之二子二孫未有名,同誅。 質 初下,義宣以質子敦爲征虜將軍 、雍州刺史。 質留子敞為監軍,將敦自隨,至是並為

庶爲鑑戒、昭示將來。」詔可。

事。 丁,幷送糧運,伏誅。任薈之字處茂,樂安人也。 太祖稱之曰:「望雖不足,才能有餘。」杜仲儒,杜驥兄子也。 質之起兵也,豫章太守任薈之、臨川內史劉懷之、鄱陽太守杜仲儒並爲盡力, 歷世祖、南平王鱳撫軍右軍司馬、長史行 發遣郡

通直 守。 詔 以爲尚 後事 郎。 豫章望蔡子相孫沖之起義拒質,自己質遣將郭會膚、史山夫討之,為沖之所破。 書都官曹郎中。沖之,太原中都人,晉祕書監盛會孫也。官至右軍將軍, 大司 在 |鄧琬傳。[18]沈靈賜以破質前軍於南陵功,封南平縣男,食邑三百戶。贈崔勳之 馬參軍劉天賜亦梁山戰亡,追贈給事中。 世祖發 巴東太

剢

魯爽 小名女生,扶風郿人也。 祖宗之字彦仁,晉孝武太元末,自鄉里出襄陽,歷官至南

平北將軍。 鎮襄陽,軌遣親人程整奉書,規欲歸順,自拔致誠,以昔殺劉康祖、徐湛之父,故不歸。 出境,盡室入羌,頃之病卒。 功,有自疑之心。會司馬休之見討,猜懼,遂與休之北奔。 子軌一名象齒,爽之父也。 城 郡 太守。 縣侯,食邑千五百戶。 義熙元年起義,襲偽雍州刺史桓蔚,進向江陵。 高祖討劉毅,與宗之同會江陵,進號鎭北將軍,封南陽郡公,食邑二千五百戶。 桓謙、荀林逼江陵,宗之率衆馳赴,事在臨川烈武王道規傳。 高祖定長安,軌爲寧南將軍、荆州 便弓馬,筋力絕人,爲竟陵太守。 以功爲輔國將軍、雍州刺史,封 善於撫御, 宗之自以非高祖舊隸 刺史、襄陽公,鎭長 士民皆爲 盡 社 力, ,屢建大 衞送

累遣招納,許以爲司州刺史。

秀,小字天念,頗有意略,才力過爽。 刺 史、襄陽公,鎭長社。 爽少有武蓺,虜主拓跋燾知之,常置左右。 幼染殊俗,無復華風。 燾以充宿 壽未及至,秀已擊破之,拔阿叔泥而反。 衞,甚知待之。 粗中使酒、數有過失、燾將誅之。 偽 高 梁王阿叔泥爲芮芮 將軍 爽有 **憲** 上 其 荆州 所圍

甚急,回回使秀往救,康自率大衆繼其後。

嘉二十七年,助戍彭城,會世祖遣將劉泰之輕軍襲虜於汝陽,

「三」天祚督戰, 問,因得逃歸,後爲山陽太守。太宗初,與四方同反,至司事在薛安都傳。 蕃,如可天祚因其沈醉,偽若受使督切後軍者,所至輕罰。天祚爲憲所愛,羣虜並畏之,莫敢 爲虜所獲。天祚妙善針術,燾深加愛賞,或與同輿,曰己常不離於側,封爲南安公。 沒,燾引置左右,與秀相見,至因動令歸降,秀納之。 驛往反,是時病還遲,爲燾所詰讓,秀復恐懼。 功,以爲中書郎,封廣陵侯。或告燾,鄴民欲據城反,復遣檢察,幷燒石虎殘宮殿。 **燾尋南寇,因從渡河。** 天祚,廣平人,爲殿 中將 先是,程天祚 軍 墠 有,有 敗被 武 秀常乘 燾北還 創 力。 爲虜所

秀定 還葬國 [:「南 歸南之謀。 **廉始南行,遣爽隨永昌王庫仁眞向壽陽,與弟瑜共破劉康祖於尉武,仍至瓜步,始得與** 更有軍,可遣三百騎往界上參聽。」騎去,爽率腹心夜擊餘虜,盡殺之,馳入虎牢 **虜羣下於其主稱奴,猶中國稱臣也。 燾許之。長社戍虜有六七百人,爽譎之**

尺,江、河匪遠,夷庚 點爲授,殞命不可,還國 陽 奉辭 爽 唯第三弟在北, 於 南平王鱳曰:「爽、秀得罪晉朝,〔三〕負釁三世,生長絕域,遠身胡虜,兄弟闔門,淪 壅塞,隔同天地,痛心疾首,晝慨宵悲。 餘家屬悉自隨,率部曲及願從合千餘家奔汝南。遣秀從許昌還壽 無因。 近係南雲,傾屬東日,蓋猶痿人思步,盲者願明。嵩、霍咫 房主猖狂,豺豕其志,虐**福**華、

列

傳

第三

邇 負,方當 願 戎 欽 怨結 齊 傾 契 承 義 束 幽 風 骸 奮 顯 了梟馘 聞 北 德,願 闕,待戮 自盱眙旋軍,亡殪過半,昏酣沈湎,恣性 醜 徒, 垂 授 司 馮恃皇威,肅淸逋穢,牢、洛諸城, 寇,儒 拯 一,以 慰 節 虔望。 未 申,伏心邊表。 老弱百口,先遺歸庇。 明大王殿下以叡茂居蕃 」肆身。 指期克定。 爽、秀等因民 逼逼丹心,仰希懷遠。 規以 之憤,藉 ,文武兼姿, 涓 塵, 微 將 旅 雪 遠 之 謹 夙

遣同義潁川聶元初奉詞陳聞。」

宋 守 留 之出 撫 如 安二 東 茲 故 。[圖]其 郡 胡 福 鑠 郡 先, 入漢,方之此 馳 餘 濟 諸 陰 弟 驛 年 軍 闔 也 事 子 濮 以 姪 門效款 弟及 聞 領領 陽 並 虜毁 授 五. 義陽 官 同 郡 上 可, E 其 爵 契 諸 招 大 內 說 賞 土 曾何 集 墳 軍 史, 下部 墓 庶, 義 事 賜 足云。 銳, 將軍 資 委征 征 給 梟剪 曰:「偽寧南將軍魯爽、中書郎魯秀, 虜 甚厚。 虜府 刺 朕實嘉之,宜卽授任,逞其忠略。 將 **注**魏? 史 軍、 如 以 爽 故 時 司 肅定邊城、獻馘象魏。 北 申言, 州 鎭 秀參右 刺 義陽。 史。〔三〕秀可 詳 加 將軍 北 酬敍。」爽至 來 南 部曲 平王 輔 或 雖宣孟之去翟歸晉, 一樂軍 凡六千八百八十三人,是 將 一汝南 志榦 爽可 軍、 事 加加 郊到, 汝陰 滎陽 督司 督 州 潁 豫州之義 內史, 忠誠 豫州 إال 將軍 郡 陳

士 四萬,出許、洛。 明 年 四 月 入 朝,時燾 八月,虜長社戍主永平公禿髮幡乃同 已 死, 上 更謀! 經略。 五. 月, 遣爽、秀、程 棄城走。 天祚等率 進向大索戍,戍主偽 一步騎弁 荆州 豫州 軍

師 諫 刺 史跋僕蘭曰:「爽勇而無防,我今出城, 入 不 河 止 一,馳往 八水門。 機之。 **比**曉, 王玄謨攻碻磝 **虜騎夾發,賴** 不拔,敗退,水軍不至, 秀縱 必 輕來據之,設伏檀山,必可禽也。」處果夜進,秀 兵力戰,虜乃退還虎 爽亦收衆南還。 车。 爽因進攻之,本期舟 轉勵數百里、至

曲

虜候

其

機疲,盡銳來攻,爽身自奮擊,虜乃退走。

俱 以 命 爽 詣 上 江陵。 爲 人,蓄仗聚馬, 三十年 使持 一、元凶 義宣 節 督 進爽號平北將 1豫司 弑逆,南譙王義宣起兵入討,爽即受命, 如寇將至。 雍秦幷五 軍,領巴陵太守,度支校尉,本官如故。 一州諸軍事、左將軍、豫州刺史。 率部曲至襄陽, 爽至壽陽, 留爽停江陵,事平, 與雍州刺史臧質 便曲 意賓客,爵

當 同 稱 督 配 建 司 精 同 平 州 舉 兵 爽 元凶 克 與 Ŧi. 豫 、義宣 年, 千, 州 之爲逆也, 痰 義宣 狂 之新蔡汝 使攻新亭壘。 竊 |及質 酒 質 造 乖 法 聞 謬 相 秀在 服, 南 結已久,義宣 爽已處分, 卽 汝陽 登壇 日 京師 將戰 便 潁 自 起兵、馳信報弟瑜, • Щ 秀命打 謂秀曰:「我爲卿誅徐湛之矣。 便狼狽反。 號 義陽弋陽六郡諸 亦欲資 疑 長 退軍 其 史 、勇力, 韋 進爽號征 鼓 處穆、 因 將家 情 軍 此 事 中兵 契甚至。 歸 北將軍 奔叛, 輔 順 參 國 軍 世 皆 將 孝建 楊 祖 得 軍 方相委任。」以爲右軍將軍, 爽於是送所造輿服 元 西歸。 司 卽 元 駒 位,以 年 州 治中 刺 二月,義 爽 史,領 爲 使 庾 左 其 騰 軍 宣 衆 汝 之不 將 南 計 報 載 軍,出 黃標, 爽,秋 江陵 太守。

列

版義宣及臧質等並起。 ,平西朱今補車騎,名脩之,皆版到奉行。」義宣駭愕。 征北府戶曹版文曰:「丞相劉補天子,名義宣 爽所送法物,並留竟陵縣不聽進。 , 車騎臧今補 丞 相, 名

陽 戰 爽 世 軍 祖 垣 已立營, 子弟並 而 護 爽直出 配 飮 之代幼緒據歷陽。 以兵力。 酒 世祖 伏 過醉, 歷陽,自采石濟軍,與質水陸俱下。 誅 以賊强 遣左軍將薛安都步騎為前驅,別遣水軍入淵,分路並會。 安都刺爽倒馬,左右范雙斬首,傳送京都。 量固,未可輕拔,使量宜進止。 鎭軍將軍沈慶之係安都 爽遣弟瑜守蒙龍,歷陽太守張幼緒請擊瑜 進 軍,與 幼緒便引軍退還,下獄。 爽相遇於小峴。 瑜亦爲部下所斬送。 安都進次大峴 爽親 更遣驍騎將 自前,將 進平壽

中箭 刺史 遭 秀擊脩之。 劉 ,赴水死,軍人宗敬叔 義宣 秀之遣 初舉兵, 軍襲江陵,秀擊破 王玄謨聞之,喜日 召秀加節,進號征虜將軍,當繼諶之俱下。 、康僧念斬首,傳京邑。 之。 「魯秀不來, 義宣還江陵,秀與共北走,衆叛且盡,秀向城,上射之, 臧質易與耳。」秀至襄陽 雍州刺史朱脩之起兵奉順,更 大敗 而 反。 會益州

白太祖請處穆爲長史以輔爽,太祖以補司馬,後轉長史云。 贈 韋處穆 、楊元駒 給 事 中, 庾騰 之員外散 騎 侍 郎 爽初南歸,秀以爽武人,不閑吏職,

沈攸之字仲達,吳興武康人,司空慶之從父兄子也。父叔仁,爲衡陽王義季征西長史,

兼行參軍,領隊,又隨義季鎮彭城,度征北府。

岸,气气後又罷。攸之遷員外散騎侍郎。又隨慶之征廣陵,屢有功,被箭破骨。 戰,配以仇池步稍。事平,當加厚賞,爲慶之所抑,遷太子旅賁中郎,攸之甚恨之。七年,遭 爲太尉行參軍,封平洛縣五等侯。隨府轉大司馬行參軍。晉世京邑二岸,揚州舊置都部從 征西陽蠻,始補隊主。巴口建義,南中郎府板長史,兼行參軍。新亭之戰,身被重創,事寧, 母憂,葬畢,起爲龍驤將軍、武康令。 事,分掌二縣非違,永初以後罷省,孝建三年,復置其職。攸之掌北岸, 將軍劉遵考,求補白丁隊主,遵考謂之曰:「君形陋,不堪隊主。」因隨慶之征討。二十九年, 攸之少孤貧,元嘉二十七年,索虜南寇,發三吳民丁,攸之亦被發。旣至京都,詣領軍 會稽孔璪掌南 世祖以其善

宗卽位,以例 四方反叛,南賊已次近道,以攸之爲寧朔將軍、尋陽太守,率軍據虎檻。 誅戮羣公,攸之等皆爲之用命。封東興縣侯,食邑五百戶。尋遷右軍將軍,增邑百戶。太 前 廢帝景和元年,除豫章王子尚車騎中兵參軍,直閣,與宗越、譚金等並爲廢帝所寵, 削封。 尋告宗越、譚金等謀反,「言」攸之復召入直閣,除東海太守。未拜。

沈

列傳第

三十四

禀受。 時 攸 王 之謂 玄 謨 軍 爲 大統 吏曰:「今衆軍姓號 ,未發。 前鋒有五軍在虎檻,五軍後又絡驛繼至, 不同, 若有耕夫漁父,夜相 河叱, 便致 每夜各立 駭 亂, 姓號,不相 取敗之道

旭 統 死 衆 也 衆軍 。」乃 旣 了軍 並 倚 死 Ė 就 賴 范潛率五百 賊 聞 之。 一軍請 有 孝祖 乘勝之心,明日若不更攻,則示之以弱。 時南賊前鋒孫沖之、薛常寶等屯據赭圻、「計」殷孝祖率衆軍攻之,爲流矢所中 死, 號,衆咸從之。殷孝祖 遣 人投賊,人情震駭,並謂攸之宜代孝祖 寧朔將軍江方興、龍驤將軍劉 爲前 靈遺各率三千人赴赭圻。 方興名位相亞,必不爲己下,軍 爲統。 時建安王休仁屯虎檻, 攸之以爲孝 下政不 總

戰 孝 若 祖 爲 不 捷 朝 廷 則 所 大 委賴 事 去 鈴鋒 矣。 鏑 詰朝 裁 交, 之事 輿尸 諸 ,而反,文武喪氣,朝野危 人咸謂 吾應統 之, 自卜 心 懦 薄, 事 之濟否,唯在明 幹略 不 辦 及 卿,今輒 旦 相

, 致

敗

之由。

乃率

諸

軍主詣

方興謂之曰:「四方並反,

國家

所保,

無復

百里之地。

唯

推 為 統 但 當 相 與 勠力 酮 方興 《甚悅。 攸之旣 出, 諸 軍主 並尤之, 攸之日 「卿忘 廉 藺

艱 寇 難 賈 党 之事 可 自 邪? 厝 吾 同 異。」 本 以濟 明 或 日 進 活 戰, 家, 自寅 豊 計 訖 彼 午, 此 之升降。 大破 賊 於赭圻城外,追 且. 我 能 下 彼, 彼 奔至姥 必不 能 Щ 下 分遣 我 ,行一共濟 水 乘

勢進討,又破其水軍,拔胡白二城。

尋假攸之節 進號輔國將軍, 代孝祖督前鋒諸軍事。 薛常寶在赭圻食盡,南賊大帥劉

攸 胡 之斬 及流 屯濃湖 公讚 查 ラ 大 以囊盛米繫流查及船腹,陽覆船,順風流 ,封懷寶書呈太宗。 八得囊 米。 攸之從子懷寶 尋剋赭圻。 爲賊 將 遷使持節、督雍梁南北秦四州郢州之竟陵諸軍 帥,在赭圻,造親人楊公讚 下,以餉赭圻。 攸之疑其有異,遣人取 齎密書招誘攸之,

冠

軍將軍

、領寧蠻校尉、雍

州刺史。

走。 州 張 引 攸 率 之悉 諸 刺 興 得 還者 世 將 史,持節 赭 袁 約 圻 以 攻 顗 鵲 濃湖 勒 濃湖 錢溪所送胡軍耳鼻示之,顗 尾 復 率 所 食 必是彼戰失利, 如故。 部, 盡 ,顗遣人傳唱錢溪已平,衆並懼,攸之曰:「不然。 大衆來入鵲尾,相持旣 之平也,賊 ,遺千人往南陵迎米,「忌」爲臺 不犯 不 拜 秋毫, 軍委棄資財,珍貨殷積 遷中領 唱空聲以 諸將 軍 以 一,封 駭懼,急追胡還。 此 惑衆耳。」勒 入, 多之。 貞 陽 軍主張興世越鵲尾上據錢溪,劉胡 縣公,食邑二千戶 攸 軍所破,燒其資 之進平尋陽,徙監 い 諸軍 軍 中不得妄動。 一各競收 攸之諸 (實)胡 斂,以强 軍悉力進攻,多所 若錢溪實敗,萬人中應 錢溪信尋至, 郢州 於是棄 弱 諸 爲 軍 衆 少 事 自攻之。 多。 而 が前 果 奔,顗 斬 獲,日 將 唯 大 i 攸之、 破 軍、郢 攸 亦 有 叛 暮 逃

之等米船 軍 置置 佐 列 吏,假節 傳 在 呂梁, 第 \equiv + 叉遣 與鎭 四 軍 軍 沈 將 主王穆之上民口,穆之爲虜攻覆米船, 攸 軍 之 張 永 以 重 兵 徴安都 安都 懼 要引 又破 索 虜 索虜 運車於武原 引 大 衆 攸之等引 援 之。

時

四方皆已平定,徐

州

刺

史

海 安都

據彭

城

請降,

E

雖 相

酬

許,

而

辭旨

簡

略

攸

之前

將

攸

許,復歸淮陰。三年六月,自率運送米下邳,并鑿四周深塹,遣龍驤將軍垣護之領民口還 豫,睢陵、淮陽亦置戍,攸之還淮陰。 発官,以公領職。 退,爲虜所乘,又值寒雪,士衆墮指十二三。留長水校尉王玄載守下邳,積射將軍沈韶守宿 復求進討,上不聽,入朝 面 陳,又不

無爲 降,求軍迎接。」攸之副吳喜納其說,咸謂宜遣千人參之,旣而來者轉多,喜所執彌固。攸之 乃集來者告之,語曰:「薛徐州早宜還朝,今能爾,深副本望。但遣子弟一人來,便當遣大軍 相接。君諸人旣有志心,若能與薜子弟俱來者,皆卽假君以本鄕縣,唯意所欲,如其不爾, [空勞往還。] 自此一去不反。 時 軍主陳顯達當領千兵守下邳,攸之留待顯達至,虜遣淸泗間人詐告攸之云:「安都欲

許卿 八日也。 七。上大怒,詔攸之曰:「卿春中求伐彭城,吾恐軍士疲勞,且去冬奔散,人心未宜復用,不 了[80]上悔,追軍令反。攸之還至下邳,而陳顯達於睢口爲虜所破,龍驤將軍姜產之、司 所啓。今便不肯爲吾行邪。卿若不行,便可使吳喜獨去。」他之懼,乃奉旨進軍。行至 其年秋,太宗復令攸之進圍彭城,攸之以淸泗旣乾,糧運不繼,固執以爲非宜,往反者 遵世 攸之棄衆南奔。初,吳興丘幼剛、丘隆先、沈誕、沈榮守、吳陸道量,並以文記之才 戰沒。虜追攸之甚急,因交戰,被稍創,會暮,引軍入顯達壘,夕衆散,八月十

軍將軍、行南兗州刺史。 隨攸之,及張永北討,永一奔,攸之再敗,幼剛等並皆陷沒。 追贈姜產之左軍將軍,高選世 | 屯騎 攸之之還淮陰,以爲持節、假冠 校 尉

發無度,繕治船舸,營造器甲。 亡叛,同籍符伍充代者十餘人。 監 自圍捕,往無不得,一日或得兩三。若逼暮不獲禽,則宿昔圍守,須曉自出。 郢 州諸軍、郢州刺史。 四 年 ,徵攸之爲吳興太守,辭不拜。 爲政刻暴,或鞭士大夫,上佐以下有忤意,輒面加詈辱 自至夏口,便有異圖。 而曉達吏事,自强不息,士民畏憚,人莫敢欺。 乃除左衞將軍,領太子中庶子。 六年,進監豫州之西陽、司州之義陽 五. 年,出爲 賦斂嚴苦,徵 聞 將吏一人 有虎, 輒 持節、

郡

軍事,進號鎭軍將軍。

新除 督 吹 如 一部。 刜 在 荆 夏 泰豫 湘 口 州 雍 未拜,會巴西民李承明反,執太守張澹,蜀土騷擾。 元年,太宗崩,攸之與蔡興宗在外蕃,同豫顧命,進號安西將軍,加散騎常侍,給鼓 ,營造舟甲,常如敵至。時幼主在位,羣公當朝,攸之漸懷不臣之迹,朝廷制度,無 益 刺史蔡興宗未之鎭,乃遣攸之權行荆州事。攸之旣至,會承明已平,乃以攸之都 梁寧南北秦八州諸軍事、鎭西將軍、荆州刺史,持節、常侍如故。 時荆州刺史建平王景素被徵, 至荆州,政治

江 州 刺 史桂 陽王休範密有異志,以微旨動攸之,使道士陳公昭作天公書一函,題云「沈

列

所

遵

還。 是遺軍主孫同、沈懷奧興軍馳下,受郢州刺史晉熙王燮節度。 邑,攸之謂僚佐曰:「桂陽今反朝廷, 丞相」,送付攸之門者,攸之不開書,推得公昭,送之朝廷。 進攸之號征 西大將軍、開府儀同三司,固讓開府 必聲云與攸之同。 若不顚沛勤王,必增朝野之惑。」於 後廢帝元徽二年,休範舉兵襲京 同等始過夏口,會休範平,

|壁、蜒, 逐息。 攸之曰:「外勞于外,宜還京輦,然任寄之重,換代殊爲未易,還止之宜,一以相委。」欲以觀 察其意。 攸之自擅閫外,朝廷疑憚之,累欲徵入,慮不受命,乃止。 可强充斯任。 攸之答曰:「荷國重恩,名器至此,自惟凡陋,本無廊廟之姿。 雖自上如此,豈敢厝心去留,歸還之事,伏聽朝旨。」朝廷逾慴憚,徵議 羣公稱皇太后令,遣中使問 至如 成成防一 蕃,撲討

志,阻 壞,巴東、建 軍府富 五. 郡 無所問。 四 兵 「實,與江夏、竟陵、武陵 年, 斷 及景素反,攸之急追峽中軍 陝、不 建平王景素據京城反,攸之復應朝廷。 平 攘兵見天賜,知景素實反,乃釋甲謝愆,攸之待之如故,後以攘兵爲府司馬。 爲峽中蠻 聽 軍下。 所破,至是民 時攘兵 並 爲 兄子 名郡。 人流散,存者無幾。 , 天賜 巴東太守劉攘兵、建平太守 世 爲荆州 祖於江夏置郢州 西曹,區已攸之遣 景素尋平。 其年春, 那罷 初元嘉中,巴東、建平二郡, 劉道 攸之遣 軍 天賜譬說 府, 欣 竟陵、 軍入 並 疑 之,令其解甲, 武陵 峽討 攸之自有異 亦 蠻 ;並殘 帥 盈 田

道欣 堅守建平,攘兵譬說不回,乃與伐蠻軍攻之,破建平,斬道 欣

賜 攸之爲 攸 攸 之聚衆 之 臺 州 用三人。 直 府 閤 繕甲,姦逆不 佐 高 吏,進其階級。 道 道慶 慶家 大 在江陵,攸之初 事 久。」楊運長等常相疑畏,乃與<u>道慶</u>密遣 怒,自入州 發 時有 象三頭至江陵城北數里,攸之自出格殺之, 取 教, 毁之而 至州,道慶時在家,牒其 去。 及還都, 親 不詣 刺客, 戚 十餘人, 攸之別。 齎廢帝 求州從事 道慶至 手 忽有 詔 ",以金 一都,云: 流矢集 西曹, 餅

陵 馬 同 子 攸 之馬 內 司 故 千。 史王文 徒 廢 其 帝 障 左 事 泥 月十二 長 遣 旣 不 其 和 殞 史元琰 使 果。 順帝 等。 要 後 日 雍 其年十一月,乃發 刺 敬見、 齎 州 客 卽 廢帝 刺 位 史張敬 一,進 文 刳斮之 和 攸 輔 斬 之號車騎大將軍、開府儀同三司,加班劍二十人。 遣攸之長 兒、梁州刺史范柏 其 或 具 使,馳 將軍 公兵反 以示 中 叛。 攸之。 表 兵 以 参 攸 聞 之素 元琰 軍 年、司 柏 一、督 年、道 蓄 旣 前 州 至江陵,攸之便 士馬,資 鋒軍 和 刺 史姚 佩玉 事 孫 用豊積, 道 同, 懷 和、湘 兩 率 端 有異志,腹 寧朔 至是戰 州 密 行 將 相 事 軍 應 士 庾 中 心 和 十萬, 佩 兵参軍 議 玉、巴 有 鐵 不

冠 武 兵 寶、 軍 軍 將 龍 沈 軍 驤 僧 劉 將 敬 攘 軍 龍 兵, 騎 驤 兵 率 **, 攸之**遣 參 將 寧 軍 軍 朔 一高茂 朱君拔 將 其 軍 外 又遣輔國 、寧朔 兵參軍 將 公孫 將軍中兵參軍王靈秀、 軍 沈 方平、 慧 眞、 龍 龍 驤 驤 將 將 軍 軍 騎 中 輔 兵參 兵 國 参 將 軍 軍 朱 軍 王 靈 中兵參軍 道 實 起 龍 叉 驤 遣 j 將 珍東 司馬 軍騎

之聞齊王世子據盆口,震懾不敢下,因攻郢城 參軍 事參 從 門釋僧粲筮之,四三日:「不至京邑,當自郢州回還。」意甚 率 西 寧朔 北 胡欽之、龍驤將軍 軍 來,正蓋軍上。 兼 將 司馬武茂宗 軍 中 兵參軍王珍之、 輔 至沌口,云:「當問訊安西,暫泊黃金浦。」既登岸,郢城出軍擊之。 中兵參軍東門道順 國將軍 寧朔將軍外兵參軍楊景穆,相繼俱下。 中兵參軍 沈韶 ,閏十二月四日至夏口。同三攸之將發江陵 寧朔 將軍 不悅。 中兵參軍皇甫 初,江津有雲氣,狀如 攸之自 賢 寧朔 率 輔 將 國 將 軍 塵 使沙 中兵 軍

時齊王輔政、遣衆軍西討。尚書符征西府曰:

忍,孰 之釁。 壑其性,從始至終,沿壯得老。 裂 師 地 殪 ,腰金拖紫,窮貴於國,極富於家。 甲,靡旗亂轍者也。 尊 不 橘柚 冠賤屨,君臣之位,奉順忌逆,成敗斯兆,未有憑凌我郊圻,侵軼我河縣,而 可 懷 不 ·薦,璆瑨罕入,箕賦深斂,毒被南郢,枉繩矯墨,害著西荆,饕餮其心, 沈攸之少長庸賤,擢自閻伍,邀百戰之運,乘一捷之功,鐫 今遂驅迫妖黨,繕集尫卒,結釁外城,送死中甸,是而 擁旄蕃伯,便無北面之禮,受督志屏,即有專 不焚 可 征 Щ

回 〈EBD員外散騎常侍冠軍驍騎將軍南臨淮太守重安縣開國子軍主王敬則、輔 今遣新: 除 使持節督郢州司州之義陽諸軍事 平西 將軍郢州 刺史聞喜縣開 國侯黃 或 將軍

堅。 成買 投 膦 河 或 州 龍 軍 虎 伯 專 甲 將 屯 鶚 太 之廣 後 賁 鳌 將 驤 騎 征虜將 軍 萬 守 介郎 成 視 等,「語」鐵 將 軍 軍 南 校 太原 顧 後 將 輔 濮 尉 後 岳 興 軍 前 /鑾戎 諸 撫 將 軍 軍 軍 陽 長 國 盻 漁 公 統 右 將 湘 鋒 壽 軍 軍 軍 太守葛陽 陽 則 薄 州 一雲騰 馬 軍 馬 事 中 軍 軍 主 縣 前 墨 ·領平越· 声略 臨 五 主 -兵參 軍主 中 驍騎 刺史軍主呂安國 開 一騎 後 龍 千, 兵參軍 王 或 浴浴 風 將軍 張 縣 敕勤、〔三〕龍驤 軍 男 (MO)屯騎校 又遣 生,暗鳴 龍 虎百萬,六軍 江王宜 中 事 文信、龍 鐵 開 驤 郎 軍 事 軍)散騎常侍領 爲羣,芝艾同焚,悔將何及。 國 後陳。 主程 軍主 主蕭 將征 男 與、 軍 則 驤 輔 以尉南城 順之、 左右 隱雋,輕鰈一萬, 一苟元賓、三三寧朔 虜將軍廣 主彭文之、「思」龍 凡 將 屯 齊軌 將 國將軍南高 軍 此 騎 游擊將軍湘 電 軍 諸 軍主薛道淵、冠 輔 五, 起, 令曹虎 射聲校尉 校 帥 州 國將 尉 輅舒: , 以 莫不 刺 寧朔將軍崔 此 史統 頭,舳 軍 平太守軍主 旆, 攻 截 南 王洪範 將 游擊將軍軍主 驤 勇力 城, 其津 軍撫 將 馬 縣 丹 艫二萬, 軍 開 軍 動 檻 軍 何 將 要。 軍中 驃 ている。 或 天, 一發照, 主 慧景 城 陳承叔 男新 騎 軍 沌陽 不 勁志 兵參 游 新除 駱 行 克, 素 擊 驛 驤 除使持節 參 垣 輔 縣開 駕 機邁。 崇祖 將 甲 持節督廣交越寧湘 將 軍 軍 、国三輔 以 國 軍主 日 軍 軍 生 此 事 國子 將 波, 并 亢 、四心寧朔 赴 軍 接 軍 召宰 從 督 州 叉遣 或 敵 主 樓煩白羽, 衝 周 軍主 湘 僕 將 刺 拔 盤龍、輔 郭文孝 史南 州 軍左 輔 何 射 距 陳 軍 國 將 任 諸 軍 能 將 主 候 軍 軍

賜 問。 布絹 或能 符 各五千匹,信如河海,皎然無貳。 到之日,幸加三省。 因 罪立績,終不爾欺,斬裾射玦,唯功是與。 其鋒陳營壁之主,驅逼寇手之人,若有投命軍門,一 飛火軍攝文書,千里驛行。 能斬送攸之首,封三千戶縣公,

齊王出頓新亭,馳檄數攸之罪惡,曰:

器,而懷問鼎之志,敢搆無君之逆哉 德 連兵之勢,隗囂恃跨河據隴之資,毌丘儉伐其踰海越島之功, 原 彼彼 也。 夫彎 四子者,皆當世雄傑,以犯順取 是以違乎天者,鬼神不能使其成;會乎人者,聖哲不能令其毁。 '弓射天,未見能至,揮戈擊地,多力安施。 禍 :) 覆窟傾巢 , 爲豎子笑。 何則?逆順之勢定殊,禍福之驗易 諸葛誕矜其待士 況乎行陳凡才,斗筲小 故劉濞 愛民之 賴 國

管、鮑。 呂布 嘘,得升官秩。 夷狄之所不爲也。 叉 攸之與譚金、童太壹等並受寵任, 販 逆賊沈攸之,出自萊畝,寂寥累世,故司空沈公以從父宗蔭,至是愛之若子,卵翼吹 (君) 酈寄賣友,方之斯人,未足爲酷。 仰遭革運、「長」凶黨懼戮,攸之狡猾 廢帝昏悖,猜畏柱臣,攸之貪競 泰始開闢,網漏吞舟,略其凶險,取其搏噬,故得階亂獲全,因禍保 朝爲牙爪,同 用數, 此其不信不義,言詐翻覆,諸夏之所未有, 乘機,凶忍趨利,躬行 晑 功 全賣禍, 共體,世號三侯, **旣殺從父,又害良朋** 反噬,請 當時 親昵, 銜 談計 情過 雖

鼓 石。 得推遷幸會,頓升崇顯,內端戎禁,外臨方牧。 福。 而 而攸之始奉國諱,至司喜見于容,普天同哀,己以爲慶。 遁,再鄙王師,又應肆 攸之空淺,躁而無謀,濃湖崩挫,本非己力,及北伐彭泗,望賊育奔,重討下邳,一 法。 先帝英聖,量深河海,宥其回谿之敗,冀收曲崤 聖靈鼎湖,遠頒顧命,託寄崇深,義感金 此其樂禍幸災,大逆之罪 之捷,故

罔顧國典。 斷割候迎,料擇士馬,簡算器甲,精器銳士,並取自隨,郢城所留,十不遺一,專擅略虜, 又攸之累登蕃岳、「長」自郢遷荆,晉熙殿下以皇弟代鎭,地尊望重,攸之肆情陵侮, 此其苞藏禍志,不恭不虔,大逆之罪二也。

也。

討伐,盡戶發上,蟻聚郭邑,伺國盛衰,從來積年,永不解甲。遂使四野百縣,路無男 人,耕田載租,皆驅女弱,自古酷虐,未聞有此。其侮蔑朝廷,大逆之罪三也。 又攸之踐荆以來,恒用姦數,既欲發兵,宜有因假,遂乃蹙迫羣蠻,騷擾山谷,揚聲

沛,實宜悉力,國家倒懸,方思身慮,裁遣弱卒三千,CKOD並皆羸老,使就郢州,禀受節 伏慝藏詐,持疑兩端,大逆之罪四也。 度,欲令判否之日,委罪晉熙。何其平日輈張,實輕周、邵,爾時恭謹,虛重皇戚。 去昔桂陽奇兵焱起,「是己京師內奰,宗廟阽危。攸之任居上流,兵强地廣,救援顛

此其大逆之罪五也。

困,不得歸其鄉,商人畢命,無由還其土,叛亡入境,輒加擁護,逋逃出界,必遣窮追。 又攸之累據方州,跋扈滋甚,招誘輕狡,往者咸納,羈絆行侶,過境必留,仕子窮

男不得耕,女不得織。奔馳道路,號哭動天。皇朝赦令,初不遵奉,欲殺欲擊,故曠蕩 之澤,長隔彼州。此其無君陵上,大逆之罪六也。 國士,全用虜法。一人逃亡,闔宗補代。毒徧嬰孩,虐加斑白。獄囚恒滿,市血常流。 又攸之自任專恣,恃行慘酷,視吏若讎,遇民如草,峻太半之賦,暴參夷之刑,鞭捶

惜,舉言哀桀,揚聲吠堯。 此其不辨是非,罔識善惡,違情背理,大逆之罪七也。 爾積年稔。賴社稷靈長,獨夫遄戮,攸之豫禀心靈,宜同歡幸。遂迷惑顚倒,深相嗟 蒼梧狂凶,釁深寒、紂,猜貳外蕃,鴞目西顧,留其長息元琰,以爲交質,父子分張,

止,晏若不聞,末遣章表,奄積旬朔。防風後至,夏典所誅,此其大逆之罪八也。 廢昏立明,先代盛典,愛、廣先到,梁秦蚤及,而攸之密邇內畿,川塗弗遠,驛書至

授,寵貴重疊。 昇明肇曆,恩深澤遠,申其父子之情,矜其骨肉之恩,馳遣元琰,銜使西歸,並加崇 元琰達西, 便應反命, 攸之得此集聚, 蒙誰之恩, 不荷盛德, 反生讎釁,

此其大逆之罪九也。

取,含識判其成禽,熊羆厲爪 斯實惡熟罪成之辰,決癰潰疽之日。 奮發則霜 無樂亂之心。 **今皇上聖明,將相仁厚,約法三章,輕刑緩賦,年登歲阜,家給** 攸之以谿壑之性,含梟鴆之腸,直置天壤,已稱醜穢。 野 奔雷 攸之不識天時,妄圖 以此定亂, ,蓄攫裂之心,虎豹摩牙,起吞噬之憤,鼓怒則冰原激電, 豈移晷刻。 姦逆, 幕府過荷朝寄, 舉無名之師,驅怨讎 雖復衆徒梗陸,舉郡阻川, 義百常憤, 況乃舉兵內侮, 逞肆姦回, 人足, 之黨。 董司元戎,龔行 上有惠和之澤,下 是以朝野審其易 何足以抗沸海之 天罰。

濤,當燒山之焰

郢都, 卒,裂骼卷鐵之將,煙騰飆 止,面 分陝,富兼金穴,子弟勝衣,爵命已及,親黨辨菽,抽序便加,耳倦絃歌,口厭粱肉,布衣若 (州,地居形勝,鎭撫之重,宜以上歸,本欲仰移節蓋,改臨開部,所以未具上 難分。 攸之盡銳攻郢州,行事柳世隆隨宜距應,屢摧破之。 自咨申。 則 無以 彼 土崩倒戈,宜爲蚤計,無使一人迷昧,而 土士民,罹毒日久,逃竄無路,常所憫然。今復相逼,起接鋒刃,交戰之日,蘭艾 (謝烈士之心,何用塞義夫之志,便不犯關陵漢,期一 不圖重關擊柝,艱接莫由。 迅,容或驚動左右,苟不獲已,敢不先布下情。」又曰:「下官位 若使匡朝之誠,終蔽於聖察, 九族就禍 攸之與武陵王贊牋曰:「江陵 也。 弘宥之典,有如 一接奉。 襲遠之舉,近擁 若夫斬蛟陷 一聞者, 皎 欲待 日 石之 總 至

列

傳

報之於皇室爾。 七百之期,宗社已成他人之有。家國之事,未審於聖心何如。」 必喪道,忠節不立,政復闔門碎滅,百死無恨。但高祖王業艱難,太祖劬勞日昃,卜世不盡 此,復欲何求。 豈不知俛眉苟安,保養餘齒,何爲不計百口,甘冒危難。 昧理之徒,謂下官懷無厭之願,旣貫誠於白日,不復明心於殿下。 誠感 歷朝之遇,欲 若使天

盆口,方平因據西陽。建寧太守張謨率二守千人攻之,方平破走。 攸之遣中兵參軍公孫方平馬步三千向武昌,太守臧煥棄郡投西陽太守王毓、「张」一奔于

界,爲封人所斬送。〔六〕 陵,未百餘里,聞城已爲雍州刺史張敬兒所據,無所歸,乃與第三子中書侍郎文和至華容 是離散,不可復制。將曉,攸之斬劉天賜,率大衆過江,至魯山。諸軍因此散走。還向江 <u>攸之攻郢城久不決,衆心離沮。昇明二年正月十九日夜,劉攘兵燒營入降郢城,衆於</u>

法先 興憲公主,公主早薨,有二女,至是齊王迎還第內。今皇帝卽位,聽攸之及諸子喪還葬墓。 攸之第二子懿,太子洗馬,先攸之卒。 、懿子□□、文和子法徵、幼和子法茂、氏意並爲敬兒所禽,伏誅。 攸之初下,留元琰守江陵,張敬兒剋城,元琰逃走。第五子幼和、幼和弟靈和、元琰子 攸之弟登之,新安太守,去職在家,爲吳興太守沈文 初,文和尚齊王女義

季所收斬。〔六四〕登之弟雍之,鄱陽太守,先攸之卒。

韶以雍之孫僧照爲義興公主後。

雍之與

取齋 <u>攸之異生,諸弟中最和謹,尤見親愛。 攸之性儉吝,子弟不得妄用财物,唯恣雍之所須,輒</u> 中服飾,分與親 舊,以此爲常。 雍之弟榮之,尚書庫部郎,亦先攸之卒。

遣二十人被甲追之,逐討甚急,泰眞殺數人,餘者不敢近。 曰:「君三人皆當至方伯。」攸之曰:「豈有三人俱有此相。」相者曰:「骨法如此,若有不驗,便 走入蠻,追者旣失之,錄其母而去。 至江陵賣買,有以告攸之者,攸之因留之,補隊副,厚加料理。 書。」及攻郢城,夜遇 今軍糧 女。」攸之歡然意解。 一萬,轉補隊主,其矯情任算皆如 初攸之賤時,與吳郡孫超之、全景文共乘小船出京都,三人共上引埭,有一人止而相之 攸 之晚好讀書, 要急,而卿不以在意,將由 風浪,米船沉沒,倉曹參軍崔 手不釋卷, 史、漢事多所諳憶,常 歎曰:「早知窮達有命, 初,攸之招集才力之士,隨郡人雙泰眞有幹力,召不肯來。 .與城內婚姻邪。]靈鳳答曰:「樂廣有言,下官豈以 泰眞旣失母,乃出自歸,攸之不罪,曰:「此孝子也。」賜 此。 靈 鳳女幼適柳世隆子,攸之正 欲過家將母去,事迫不獲,單身 泰眞無停志,少日叛走,攸之 恨不 色謂 後泰眞 五. 十年讀 一男易

是相書誤耳。」其後攸之爲野、荆二州,超之廣州,景文南豫州刺史。〔六章〕

旬日所拔,若不時舉,挫銳損威。 他之初至郢州,有順流之志。 府主簿宗儼之勸攻郢城,功曹臧寅以爲:「攻守勢異,非 今順流長驅,計日可捷,既傾根本,則郢城豈能自固。」 攸

朝廷也。」乃投水死。寅字士若,東莞莒人也。 之不從,旣敗,諸將帥皆奔散,惟寅曰:「我委質事人,豈可苟免。 我之不負公,猶公之不負

|臧洪及陳容。 榮,金城人也。 持榮日:「與邊公周旋,「KK」不忍見邊公前死,乞見殺。」兵不得行戮,以告敬見,敬見曰:「求 問。」敬兒曰:「死何難得。」命斬之,歡笑而去,容無異色。泰山程邕之者,素依隨榮,至是抱 死甚易,何爲不許。」先殺邕之,然後及際。三軍莫不垂泣,曰:「奈何一日殺二義士。」比之 曰:「邊公何不早來。」榮曰:「沈公見留守城,而委城求活,所不忍也。本不蘄生,何須見 曰:「受沈公厚恩,共如此大事,一朝緩急,便改易本心,不能行也。」城敗,見敬兒,敬兒問 鞭殺錄事。 攸之自江陵下,以榮爲留府司馬,守城。 張敬兒將至,人或說之使詣敬兒降,榮 「州官鞭府職,誠非體要,由小人凌侮士大夫。」倉曹參軍事邊樂爲府錄事所辱,攸之自爲樂 先是,攸之在郢州,州從事輒與府錄事鞭,攸之免從事官,而更鞭錄事五十。謂人曰:

舉兵,珂之又曰:「今歲星守南斗,其國不可伐。」攸之不從。 白伏時,「ᠺギ〕此與天合也。且太白尋出東方,東方利用兵,西方不利。」故攸之止不反。及後 則成,伏則敗。昔桂陽以太白伏時舉兵,一戰授首,此近世明驗。今蕭公廢昏立明,政值太 廢帝之殞也,攸之欲起兵,問其知星人葛珂之,珂之曰:「自古起兵,皆候太白。太白見

凡 同逆丁珍東、孫同、裴茂仲、武、宗儼之並伏誅。[於]攸之表檄文疏,皆儼之詞也。 臧

換詣盆城自歸,今皇帝命斬之。 餘同惡或爲亂軍所殺,或遇赦得原。

功高位 威,無君已積。 亦屠厥身,夫以釁亂自終,固異代如一 期之於世祖 史臣曰:臧質雖貪虐夙樹,問望多闕,奉義治流,本無吞噬之志也。 重,終非自安之地,至於陵天犯順,其出於此乎。 ,據有中流,嗣桓、庾之業。 及天厭宋道、鼎運將離、不識代德之紀、獨迷樂推之數、公休旣覆其族、攸之 也。 旣主異穆、哀,臣皆代黨,雖禮秩外厚,而疑防內深, 攸之伺隙西郢, 年逾十載, 擅命專 徒欲以幼君弱政,

校勘記

- 一〕 熹族子穆斬桓脩 「穆」武帝紀作「穆生」。
- 以建 義 功封: 始興 縣 五等侯 各本 並脫「建」字,據南史補
- = 爲 江 夏 王 義 恭撫 軍 参軍 各本 並脱「參軍 」二字,據南史補
- 23 以輕 薄 無 檢 爲 太 祖 所 知 知」南史作「嫌」。 按古人言「知」,猶言賞識,疑作「嫌」, 文義較長。

- *[*¬\ 五. 遷南譙王義宣司空司馬寧朔將軍南平內史 各本並脫「司空」二字,據南史補
- . ∹ ∵ 崇之副太子積弩 字,按文帝紀時臧澄之爲太子積弩將軍,毛熙祚爲建威將軍。 將軍臧澄之建威將軍毛熙祚亦受統於質 各本並 今據補。 無 「將軍臧澄之建威」七
- U U 故三營一時覆沒 祚一營,是三營,下云「三營旣敗」可證。 「三營」各本並作「二營」,據元龜四四二改。 按胡崇之、臧澄之二營,加毛熙
- 「八」鎭百頃 「鎭」各本並作「宋」,據劉懷肅傳改。
- へたし 單士百人投盱眙 據底本本作「單士百人」,涵芬樓影印時,改從各本。 故下言「單士」)單士猶言持輕兵器軍士。 「單士百人」,明弘治本、北監本、毛本、殿本、局本作「單七百人」。 按「單士百人」實不誤,上言質棄輜重器甲, 百衲本所
- [10] 梁坦散於西 「梁坦」,通鑑宋元嘉二十八年作「申坦」。
- 影印 但爾 百衲本時,此葉本據宋本殘 住攻此城 宋本、元龜三九九作「住」。 棄,而 又從誤本改「住」作「往」。 弘治本、北監本、毛本、殿本、局本作「往」。 今改回 涵券樓
- 〔三〕故質答引之 各本並脫「之」字,據元鑑三九九補
- 示語 虜 中 諸士庶 「語」各本並作「詔」,據元龜三九九、通鑑改。
- [18] 爾等正朔之民 各本並脫「爾」字,據通鑑補。

- 二吾 截其鉤獲之 各本並作「截鉤能獲之」、據通鑑改。
- 又射殺高梁王 孫彪宋書考論云:「魏書,高梁王那是年有罪賜死,不云死戰陣。」
- 二出 自陽 口進江陵見義宣 各本並脫「見」字,據南史補
- 質女爲義宣子採妻 按義宣子無名採者,必有誤。 通志作「悰」,疑是。
- 義宣腹 心將佐蔡超竺超民之徒 各本並脱「竺超」二字,按時無「蔡超民」者,今據南史、通鑑宋

予樂」。

孝武帝孝建

元年

訂正。

請樂窮 大予之英 「大予」各本並作「太子」,今改正。 按後漢書明帝紀永平三年,一改大樂爲大

- 夫薛竟陵控率突騎 孫彪宋書考論云:「夫當爲今。」
- 質遣將尹 周之攻胡子反柳 叔政於 西壘 「胡子反」本書義宣傳作「胡子友」。
- 豫章 望蔡子 相 孫 沖之起義拒質 「拒」各本並作「招」,今改正。
- 後 事 在 鄧 琬 傳 鄧 琬」各本並作「劉 琬 ___ 按孫沖之事在本書鄧琬傳中。 劉二蓋 「鄧」之譌,今

改

正

- 呈 僞高 梁王 阿 叔泥爲芮芮所圍甚急 「阿叔泥」索媽傳作「阿斗泥」,疑阿斗泥是。 叔斗形近而譌。
- 三 與 秀 相 見 各本 作「與 秀□寬」,據元龜七六一訂正。

- 會世 祖遣將劉泰之輕軍襲虜於汝陽 「將」各本並作「府」,據元龜七六一改。
- 吕 戰敗被創 「創」各本並作「罰」、據远龜七六一改。
- 或與同輿 「同」字,百衲本所據宋本殘葉空白,三朝本、北監本、毛本、殿本、局本作「共」字,元

龜七六一作「同」字。今從元龜。

- 燾北還蕃
- 太宗初與四方同反 孫彪宋書考論云:「當云燾北還至蕃。蕃,徐州彭城屬縣。」 「與」各本作「興」,孫彪宋書考論 云:「興當作與。」按孫說是,今改正。
- 爽秀得罪晉朝 晉」。今從元龜。 「晉」百衲本空白,三朝本、北監本、 按魯宗之、魯軌奔羌事、在義熙中、故稱晉朝 毛本、殿本、局本作「本」,元龜七六一作
- 字,據 爽可督司 孫彪宋書考論說補。 `州豫州之陳留東郡濟陰濮陽五郡諸軍事 五郡止四郡、脫 去一 郡。 征 虜將軍司州刺史 各本並脫 「豫州之」
- 陽」,今從南史、元龜七六一改正 秀可輔國將軍滎陽潁川二 一郡太守 「滎陽」三朝本、北監本、毛本譌「管陽」,殿本、局本譌「營
- 呈 會稽孔璪掌南岸 「孔璪」各本並作「孔璨」、據南史、建康實錄改。
- 会合 尋告宗越譚金等謀反 各本並脱「尋告」二字,據南史補。
- 呈出 時南賊前鋒孫沖之薛常寶等屯據赭圻 「孫沖之」各本並作「鍾沖之」,據元龜三五一改。 孫彪

宋書考論云:「鍾當作孫。」按鄧琬傳有巴東、 建平二郡太守孫沖之爲劉子勛諮議參軍,領中兵,

加輔國將軍,統前軍。當卽其人。

- 彼必不能下我 各本 並脫「我」字,據通鑑宋泰始二年補
- () 是 () 遣千人往南陵迎米 「往」各本並作「在」,據元龜三六三改正。
- 行至遲墟 「遲墟」通鑑宋明帝泰始三年作焦墟、云去下邳五十餘里。
- 時攘兵兄子天賜爲荆州西曹 「兄子」各本並作「元子」、據通鑑宋順帝昇明二年改。
- 閏十二月四日至夏口 十二月,此當是閏十二月,今訂正。 「閏十二月」各本並作「閏十月」。按是年閏十二月,上文已有十一月、
- 使沙門釋僧粲筮之 「僧粲」各本並作「僧桀」,據南史改。

今遣新除使持節督郢州司州之義陽諸軍事平西將軍郢州刺史聞喜縣開國侯 黃 回

各

本並

脱

「司州」二字,據南齊書柳世隆傳及本書黃四傳補。 錢大昕廿二史考異云: 「按黄回傳) 督郢州

司州之義陽諸軍事,此脫司州二字。」

- 輔國將軍南高平太守軍主陳承叔 南齊書柳世隆傳作「屯騎校尉陳承叔」。
- 輔國將 軍左軍將軍南濮陽太守葛陽縣開國男軍主彭文之 「左軍將軍」」南齊書柳世隆傳作「右

軍將軍」。

- 四七 龍驤 武 將 軍 將 軍 驃 騎 行 參軍軍主召宰 「召宰」南齊書柳世隆傳作 「邰宰」。 電 驤將軍」 南齊書作 振振
- 輔國 將 軍 軍 主任 候伯 「輔國將 軍」南齊書柳世隆傳作「寧朔 將 軍
- 【四九】 輔國 將 軍 游擊將 軍軍主 垣 一崇祖 輔國 將 軍 南齊 書柳 世隆傳作 「新除寧朔將軍」。 按南齊書
- 垣崇祖 {傳 但 云 爲 輔 國 將軍 不言進號寧朔 將 軍
- 金合 寧朔 將軍 虎 賁 中 郎將軍 主主尹 略 寧朔將軍」南齊書柳世 隆傳作「龍驤將軍」。
- 呈 叉遣 元賓 輔 國 將軍後軍將軍右軍中兵參軍事 軍 主苟元賓 南齊書柳世隆傳作 「又遣屯騎校尉苟
- 呈 冠軍將軍游擊將軍幷州刺史南淸河太守太原公軍主王敕勤 南齊書柳世隆傅作 輔國將軍王

勑勤

- 물 ·····傳、芮芮傳舊本並作「王洪軌」,新校本已改作「王洪範」。 龍驤將 軍射聲校尉王洪範 「王洪範」各本並作「王洪軌」,據南齊書柳世隆傳改。 通鑑從齊紀作「王洪範」。 按南齊書張
- 龍驤將軍冗從僕射軍主成買等 後將軍成買」。 按成買見南齊書周盤龍傳。 「成買」各本並作「成置」,據南齊書柳世隆傳改。 柳世隆傳作
- 金吾 故司空沈公以從父宗蔭 各本並脫「以」字,據南齊書柳世隆傳補。

- 金公 仰遭革運 「仰遭」各本並作「遭仰」、據南齊書柳世隆傳乙正。
- 是出 而攸 之始奉 國諱 「始」各本並作「知」,據南齊書柳世隆傳
- 会公 叉攸之累登蕃岳 「蕃岳」各本並作「蕃兵」,據永樂大典二〇八五一、南齊書柳世隆傳改。
- **呈**凸 去昔桂 陽奇兵焱起 「焱」字各本空白、據永樂大典二〇八五一補
- 会合 裁遣弱卒三千 「裁」各本並作「威」,據永樂大典二〇八五一、南齊書柳世隆傳
- 25 太守臧煥棄郡投西陽太守王毓 「臧煥」各本並作「臧渙」,據本書臧燾傳改
- 至 爲封 餘 人反 人所 叛 斬送 。」封爲荆、豫蠻族之村落組織,「封人」不誤,不當改「村 「封人」南史作「村人」。按本書沈慶之傳:「南新郡蠻帥 人。 田 彦生率部曲十封六千
- 第五子幼和 幼和弟靈和元琰子法先懿子□□文和子法徵幼和子法茂 「懿子」下各本無空白。

按懲子名佚去,今空兩格。

- 為吳興太守沈文季所收斬 「沈文季」各本並作「沈文秀」,據南齊書沈文季傳改。 按沈文秀明
- 帝泰始初,已入北魏,沈文季爲吳興太守,收殺攸之弟登之,事見南齊書沈文季傳。
- 與邊公周旋 「周旋」各本並作「周遊」,據远龜七六四改。 各本並脱「南」字,據南史、元龜八六〇及南齊書呂安國傳全景文附傳補。

会

景文南

豫州刺史

列 政値 傅 太白伏時 第 \equiv + 四 各本並脫「伏」字,據南史補 校 勘 記

「CKC」凡同逆丁珍東孫同裴茂仲武宗嚴之並伏誅

之。此『武』字下脫『茂宗』二字。」

孫彪朱書考論云:「上文攸之僚佐有武茂宗、宗儼一九五〇

天警卷七十五

列傳第三十五

王僧達 顏竣

殿,問其書學及家事,應對閑敏,上甚知之,妻以臨川王義慶女。 王僧達,琅邪臨沂人,太保弘少子。兄錫,質訥乏風采。太祖聞僧達蚤慧,召見於德陽

民。」乃止。 訴家貧,求郡,太祖欲以爲秦郡,吏部郞庾炳之曰:「王弘子旣不宜作秦郡,僧達亦不堪莅 周旋沙門慧觀造而觀之。 鬭鴨,爲有司所糾,原不問。性好鷹犬,與閭里少年相馳逐,又躬自屠牛。義慶聞如此,令 令奴輦 少好學,善屬文。年未二十,以爲始興王濬後軍參軍,遷太子舍人。坐屬疾,於楊列橋觀 取,無復所餘。 尋遷太子洗馬,母憂去職。 服闋,爲宣城太守。 僧達陳書滿席,與論文義,慧觀酬答不暇,深相稱美。 兄錫罷臨海郡還,送故及奉祿百萬以上, 性好游獵,而山郡無事, 僧達肆意馳騁,或 與錫不協, 僧達

列傳第

三十五

王

僧達

春,索虜寇逼,都邑危懼,僧達求入衞京師,見許。賊退,又除宣城太守,頃之,徙任義興。 日不歸,受辭訟多在獵所,民或相逢不識,問府君所在,僧達曰:「近在後。」元嘉二十八年

陽,沈慶之謂人曰:「王僧達必來赴義。」人問其所以,慶之曰:「虜馬飮江,王出赴難,見在先 帝前,議論開張,執意明決,以此言之,其至必也。」 亦其次也。」僧達乃自候道南奔,逢世祖於鵲頭,卽命爲長史,加征虜將軍。初,世祖發尋 在有心,[1]誰不響應,此策上也。如其不能,可躬率向義之徒,詳擇水陸之便,致身南歸, 「方今釁逆滔天,古今未有,爲君計,莫若承義師之檄,移告傍郡,使工言之士,明示禍福,苟 三十年,元凶弑立,世祖入討,普檄諸州郡,又符郡發兵,僧達未知所從。客說之曰:

右,一二年間,便望宰相。及爲護軍,不得志,乃啓求徐州,曰: 江陵,南蠻不解,不成行。仍補護軍將軍。僧達自負才地,謂當時莫及。上初踐阼,卽居端 上卽位,以爲尚書右僕射,尋出爲使持節、南蠻校尉,加征虜將軍。時南郡王義宣求留

褐,十有一載。早憑慶泰,晚親盛明, [l] 而有志於學,無獨見之敏,有務在身,無偏鑒 之識,固不足建言世治,備辨時宜。竊以天恩不可終報,尸素難可久處,故猖狂蕪謬, 臣衰索餘生,逢辰藉業,先帝追念功臣,眷及遺賤,飾短捐陋,布策稠采,從官委

每陳所懷。

陛 一下孝誠發衷,義順動物,自龍飛以來,實應九服同歡,三光再朗,而臣假視巷里,

借 通,亦當鑒之聖慮。 未遑周。臣又聞前達有言,天下,重器也,一安不可卒危,一危亦不可卒安,陛下神思淵 也。 食,憂勤治道,而賈誼披露迺誠,猶有歎哭之諫。 聽民謠, 臣取之前載,譬之於今。當漢文之時,可謂藉已成之業,據旣安之運,重以布衣菲 黎氓□□,未締其處,遠近風議,不獲稍進,臣所用夙宵疾首,寤寐疚 況今承顚沛,萬機惟始,恩未及普,信 心者

擊, 革,事在適宜,無或定其出處。 賞,寧失不刑。 君表納隍之志。下有愆弊之苦,上無侈豫之情。 竊謂當今之務,〔三惟在萬有爲己,家國同憂,允彼庶心,從民之欲。 至若樞任重司,藩扞要鎭,治亂攸寄,動靜所歸,百度惟新,或可因 天下多才,在所用 之。 又應官酌其才,爵疇其望,與 民有咨瘼之 一而弗 失不

期。 南 於學伍,行 闕 聲實 夫見 竟 臣 非惟寄觀世路,謬識其難,卽之於身,詳 何 相 危 任,豈 無愆 功効,可 致 命 戾,自無近於才能,直以廕託門世, 死而 可聞 以書賞。 而 後已,皆殷勤前誥,重其忘生。 弗驚,履而 而頻 出內寵,陛 無懼。 固宜退省身 下綢繆數旬 見其弊。 夙列 分 臣感先聖格言, 樂齒。 ,識恩之厚,不知 何者? 之中,累發 且 臣雖得免牆面,書 近 明韶。 雖奔进江 思在必効之地, 報答,當 自 非才 路 了, 歸 略有 在何 示入 命

列

使

內,重窺

邊壘。

且

秋 立。 誠 安,受效 心,恐戎 在節 亦 非 且 臣 胡胡 願 偏 狄貪惏,猶懷 本 方, 馬興威,宜圖 在 唑 驅 下 得司 馳,非希崇顯,輕智小號,足以自安。 **矜諒已厚**, 者則 匪遜。 慮之所辨,情有不疑。 其易,蚤爲之所。 願復曲體此心。 脱以神 州暫擾,中夏兵飢,容或遊魂塞 臣每一日三省,志在報效,遠近小 護軍之任,臣不敢處, 若首統軍 願 垂鑑恕,特賜申獎,則內外榮 政,董勒天兵,旣 彭城 軍 才所 府, 大,顧 不周,實 卽 時 其 所 過

僧達三啓固 陳,上甚 一不說。 以爲 征虜將軍 、吳郡太守。 朞歲五遷,僧達 彌 不 得

荷,

存沒銘

分。

令, 云:「不能因依左右,傾意權貴。」上愈怒。 寶已長,僧達詐 於吳,多役公力。 數 百 叉以補 吳 郭 荆、江反叛,加僧達置佐領兵,臺符聽置 西臺寺多富 竟陵國典書令, 列死亡,寄宣城 坐発官。 沙門,僧達求須不 建平 初,僧達 左永之籍,注以爲 國 中軍將軍。回 爲 太子洗馬,在東宮,愛念軍人朱靈寶,及出 稱 僧達族子確年少,美姿容, 意, 乃遣主簿顧 二十人, 孝建元 己子,改名元序, 而輒 年春, 曠 率門 立三十隊, 事發, 義 啓太祖 劫 又加 僧達與之私款。 寺內 隊八十人。 以爲 禁 沙門竺法瑶,得 錮 武 爲宣城、靈 陵國 上 叉立宅 表 確叔 典 陳

父休為 屋後作大坑 永嘉太守,當將確之郡,僧達欲逼留之,確知其意,避不復往。 ,欲誘確來別 因殺 而埋之,從弟僧虔知其謀,禁呵乃止。 御史中丞劉瑀 僧達 大怒, 潛於所住 奏請 收

孝建三年,除太常,意尤不悦。頃之,上表解職,曰:

治,上不許。

務未 觳 0 闕 極其 直。 恩, 海泳,豈假鱗翼,徒思橫施,與日 神翰,慈誘殷勤,令裝成卽 臣釁積 用,又擢 見 早見榮齒。曩者以 詩。 、窮躓 期,亡兄臣錫奄見棄背,啓解奔赴,賜帶郡還都, 至止 實無緣坐閱宸 臣自審 禍 爲 一之日,戎旗已搴。 "拜,仍丁 爾時敕亡從兄僧綽宣見留之旨。闇疾寡任,野心素積,仍附啓苦乞且 洗馬、意旨優隆、其令且拜、許有郡 仲春移任,方冬便值 庸短,少闕宦情,兼宿抱 ,艱罰,聊及 寵,尸爵家庭,情計二三,屢經聞啓, 親貧 自隨。 須養,僶俛從 在郡雖淺,而貪得 視息,卽蒙逮問,具啓以奉營情事,負舉猥多。 而深。 虜南侵。 靈寶往年淪覆長溪,因彼散失,仰感沉恩 重疾,年月稍 自處官以來,未嘗有涓豪之積,羸疾闇疚,又無 禄,解褐後府, 臣 [添同] 分了,方拂農衣,還事耕牧,宣城 缺,當務 甚,生 肺腑, 曾未 處置。 平素念,願閑衡廬。先朝 十有 終獲允亮, 情爲 淹積, 餘 義動, 會琅邪遷改,即蒙 旬。 復除 賜反初服。 苦求還都, 俄遷舍 義興。) 俯銘 **八**, 賜莅宣城, 臣 旋任 民庶,詣 自 侍衞輦 殆 敕往反 還 追遠之 浮龍 不朝 私 天 飛 未

待難供,上裝未立,東郡奉輕,西陝祿重。 年中,庶反耕之日,糧藥有寄。 人 而性狎林水,偏愛禽魚,議其所託,動乖治要,故收崖斂分,無忘俄頃,實由有 具陳蘄懇,備執初願,乞置江、湘遠郡,

即蒙亮許,當賜矜擢。

等幽 子。 願 危盡,生微朝露,不察如絲,信順所扶,得獲全濟,再見天地,重觀三光。 于時兄子僧亮 ,<a>(三分心挂腹,實亦私苦。 . 窘醜逆,盡室獄戶,山川嶮岨,吉凶路塞,悠遠之思,誰能勿勞。 嘗膽濡足,是其分 臣誠庸藏,心過草木,奉諱之日,不覺捐身。單驅弱嗣,千里共氣,繼罹凶塗,動臨 遭逢 厄運,天地崩離,世蒙聖朝門情之顧,及在臣身,復荷殊識,義雖君臣,恩獪父

見。 旣 骨之本,欲以死明心,誤有餘辰,情願已展,避逆向順,終古常節,智力無効,有 固陋,當觸明科。 而 殄, 頻煩恩榮,動踰 故披 非 幸 人神獲 屬 分,必致孤 誠 [聖武,剋復大業,宇宙廓淸,四表靖晏。 臣父子叔姪,同獲泰辰,造情追尋,歸 啓訴 义,端右之授,即具陳請。 ,表疏相屬,或乞輕高就卑,或願以閑易要,言誓致苦,播於辭 分次。 去歲往年,累犯刑禁,理無申可,罪有恒典,虛穢朝序,慚累家業,臣 負,居常輕任,尙懼網墨,況參要內職,承寵 但忽病之日,不敢固辭,故吞訴於鵲渚,飲愧於新亭。 天慈優渥,每越常倫 ,南蠻、護軍,旬月 外畿,其取 覆折, 不假識 牘,誠知 私授。臣 何勳庸, 及元凶

露,上處聖澤,下更生辰,合芳離蛻,遐邇改觀。 己,外訪於親,以爲天地之仁,施不期報,再造之恩,不可妄屬。故洗拂灰壤,登沐膏 甘其終,物議其盡。 口 此 何忘。 利伊恩升,加以今位,當時震驚,收足失所,本忘閑情,不敢聞命。 陛下棄其身瑕,矜其膝貴,至三氏略法憲,曲相全養。臣一至之感, 但偷樂託幸,忽移此歲,自見妨長,轉 内慮於

不可寧,宜其沈放,志事俱盡。

惠,孤臣保不泯之澤。夫讓 **瞀更甚** 私 亦 可愍。 誠 伏願陛下承太始之德,加成物之恩,及臣狂蔽未至,得於榮次自引,聖朝厚終始之 願,宜蒙諒許,乞徇餘辰,以終瑣運。 風 又妻子爲居,更無餘累,婢僕十餘,粗有田 虚 漸劇,湊理合閉,榮衞惛底,心氣忡弱,神志衰散,念此根疵,不支歲月。公 功爲高, 臣無 功而讓,專素爲美,臣榮采已積。 白水皎日,不足爲譬,願垂矜鑑,哀申此請。 入,歲時是課,足繼朝昏。 以是求退,誠 兼 比日 眩

僧達文旨抑揚,詔付門下。 侍中何偃以其詞不 ·遜,啓付南臺,又坐発官。

頃 之,除江 夏王 一義恭太傅長史,臨淮太守,又徙太宰長史,太守如故。 大明元年,遷左

衞將軍,領太子 中庶子。 以歸順功,封寧陵縣五等侯。 二年,遷中書令。

簫鼓音,與秣陵民藍宏期等謀爲亂。 先是,南彭城 蕃縣民高閣 、沙門釋曇標、道方等共 又要結殿中將軍苗允、員外散騎侍郎嚴欣之、司空參 相誑惑, 自言有鬼神龍 鳳 之瑞, 常聞

文昭 時 之仁。極山誅 紜,人扇方甚,矯構風塵,志希非覬,固已達諸公卿,彰于朝野。 覘察象緯。 無犬馬感恩之志,而炎火成燎原之勢,涓流兆江河之形,遂脣齒高閣,契規蘇寶,搜詳妖圖, 協 國 終無悛心,因高闍 恭,分兵襲殺諸大臣,以闍爲天子。 軍 規 道 闞千纂 年三十六。 公 **洒楚,志擾東區,公行剽掠,顯奪凶黨,倚結羣惡,誣亂視聽。** 中 艱 弘 契闊 ,盡室願效,甄其薄誠,貰其鴻慝,爵遍外內,身窮榮寵。 太宰府將程農、王恬等,謀剋二年八月一日夜起兵攻宮門,晨掩太宰江夏王 逮賊 邪,聖典所同,戮諷翦律,漢法攸 歷朝,綢繆眷遇,豈容忘茲勳德,忽其世祀,門爵國姻,一不貶絕。」於獄賜死。 長臨梟,餘黨就鞫,咸 事陷之,下詔曰:「王僧達餘慶所鍾,早登榮觀,輕險無行,暴於世談。 事發覺,凡黨與死者數十人。僧達屢經狂逆,「も」上以 布辭獄牒,宣言虛市,猶欲隱忍, 尚。 便可收付廷尉,肅正刑書。 **股焉得輕宗社** 曾無在泮,食椹懷音,乃 **股每容隱,思加蕩雪,曾** 法爲情屈。 之重,行 故太保華容 小醜 远夫 其 紛 値

子 道琰, 徙新安郡, 前廢帝即位, 得還京邑。 後廢帝元徽中, 爲廬陵國 内史,

郡

至南臺侍御史,江寧令。 蘇 寶 者,名寶生,本寒門,有文義之美。 坐知高闊反不即啓聞、與闊共伏誅。 元嘉中立國 子學,爲毛詩助教,爲太祖所知,官

遂隨府轉安北、鎭軍、北中郎府主簿。 二十八年,虜自彭城北歸,復求互市,竣議曰:「愚以 不欲諸王各立朋黨,將召嫁補尚書郎,吏部尚書江湛以爲竣在府有稱,不宜回改,上乃止。 戏隔判,若言互市,則復開曩敝之萌。議者不過言互市之利在得馬,今棄此所重,得彼下 依違不絕,旣積歲月,漸不可誣,獸心無厭,重以忿怒,故至於深入。幸今因兵交之後,華、 信義,用輟其謀。昔年江上之役,乃是和親之所招。歷稔交聘,遂求國婚,朝廷羈縻之義, 爲與虜和親無益,已然之明效。何以言其然?夷狄之欲侵暴,正苦力之不足耳。未嘗拘制 曰:「竣得臣筆,測得臣文,奧得臣義,躍得臣酒。」 漸,杜其觖望,內修德化,外經邊事,保境以觀其釁,於事爲長。」 已甚,雖云互市,實覘國情,多贍其求,則桀傲罔已,通而爲節,則必生邊虞。不如塞其端 駟,千匹以上,尙不足言,況所得之數,裁不十百邪。一相交關,卒難閉絕。寇負力玩勝,驕黠 |竣初爲太學博士,太子舍人,出爲世祖撫軍主簿,甚被愛遇,竣亦盡心補益。元嘉中,上 顏竣字土遜, 琅邪臨沂人, 光祿大夫延之子也。 太祖問延之:「卿諸子誰有卿風。」對

初,沙門釋僧含粗有學義,謂竣曰:「貧道粗見讖記,當有眞人應符,名稱次第,屬在殿

侍,見許。封建城縣侯,食邑二千戶。 任咨禀,凡厥衆事,竣皆專斷施行。世祖踐阼,以爲侍中,俄遷左衞將軍,加散騎常侍,辭常 有 太祖崩問至,世祖舉兵入討。轉諮議參軍,領錄事,任總外內,幷造檄書。 旭 下。」竣在彭城嘗向親人敍之,言遂宣布,聞於太祖。時元凶巫蠱事已發,故上不加推治。世 鎭 疾,領錄事自沈慶之以下,並不堪相見,唯竣出入臥內,斷決軍機。時世祖屢經危篤,不 |尋陽,遷南中郎記室參軍。三十年春,以父延之致仕,固求解職,不許。賜假未發,而 世祖發尋陽, 便

後 謝莊代竣領選,意多不行。 曰:「顏竣嗔而與人官,謝莊笑而不與人官。」 孝建 元年,轉東部尙書,領驍騎將軍。留心選舉,自强不息,任遇旣隆,奏無不可。其 竣容貌嚴毅,莊風姿甚美,賓客喧訴,常歡笑答之。.時人爲之

公伯禽,周公旦之子 旭 大司馬江夏王義恭諸子爲元凶所殺,至是並各產男,上自爲制 大怒,発丹陽 南 郡 王義宣、臧質等反,以竣棄領軍。義宣、質諸子藏匿建康、秣陵、湖熟、江寧縣界,世 尹褚湛之官,收四縣官長,以竣爲丹陽尹,加散騎常侍。 也,名竣子爲辟强,以比 漢侍中張良之子。 名,名義恭子爲伯禽,以比魯 先是,竣未 有子,而

位,又鑄達四銖。三年,尚書右丞徐爰議曰:「貴貨利民,載自五政,開鑄流圜,法成九府, 先是元嘉中,鑄四銖錢,輪郭形 制,與五銖 同,用費損,無利,故百姓不盜鑄。 及世 祖卽

豐用 民富 私 俱 困 足 國實,敎立化光。 ,不有革造,將至大乏。 因 循 前 貫,公 可。 無 及時移俗易,則通變適用,是以周、漢俶遷,隨世輕重。 所鑄錢形式薄小, 四輪郭不 復 改 創。 謂應式遵古典,收銅繕鑄,納贖刊刑,著在往策,今宜以銅贖 年歷旣遠,喪亂屢經,堙焚剪毁,日月銷減,貨薄民貧,公 成就。[10]於是民間盜鑄者雲起, 降及後代,財 雜 以鉛

刑,隨罰

爲

딞

詔

錫,並不

- 牢固。

又剪鑿古錢,以取其銅,錢轉薄小,稍違官式。雖

重制嚴刑,民吏官長

坐死

署,樂鑄之家,皆居署內,平其准式,自己去其雜僞,官斂 事息,姦僞自止。 品,一時施用,今鑄悉依此格。萬稅三千,嚴檢盜鑄,幷禁剪鑿。 化惟新,雖復偃甲銷戈,而倉庫未實,公私所乏,唯錢而 鎔冶所資,多因成器,功艱利薄,絕吳、鄧之資,農民不習, 又復 **免者相係,而盜鑄彌甚,百物踊貴,民人患苦之。** 爲害或多。 乖 始 時。太宗放鑄,賈誼致譏,誠以采山術存,銅多利重,耕戰之器,曩時所用,四民競造, 興郡公沈慶之立議曰:「昔秦幣過重,高祖是患,普令民鑄, 而孝文弗納,民鑄遂行,故能朽貫盈府,天下殷富。 且禁鑄則銅轉成器,開鑄則器化爲財,翦華利用,於事 乃立品格,薄 **%輪郭**, 已。 無釋耒之患。 愚謂 小無輪郭者,悉 藏之以 況今耕戰不 數 年· 宜 改造榆炭, 一聽民鑄錢, 之間 爲 水寶。 爲 方今中 · 公 益 用, 而貨輕物 加禁斷 私豐贍,銅 去 郡 興 采鑄 春所 縣 開 開 運, 廢人, 禁 置 新 錢 聖

上下其事 公卿,太宰江夏王義恭議曰:「伏見沈慶之議,『聽民私鑄,樂鑄之室,皆入署

列

傳

禁。。 爲財 『嚴 犯。 必從之, 凡 『去春 盗 檢盜鑄,不得更造」。愚謂禁制之設,非惟一旦,昧利犯憲,羣庶常情,不患制輕, 鑄 愚謂 平其準式,去其雜僞』。愚謂百姓不樂與官相關,由來甚久,又多是人士, 今入署 「所禁新品,一時施用」。愚謂此條在 然 爲利 百姓 頃 赤 ',利在 所 縣 必萬輸三千,私鑄無十三之稅,逐利犯禁, 間官斂輪郭,輪郭之價百倍,大小對易,誰肯爲之。 、患,患於形式不均,加以剪鑿,又鉛錫衆雜 內銅,非可卒盡,比及銅盡,姦僞已積。 [偽雜,偽雜旣禁,樂入必寡。 云『斂取輪郭,藏爲永寶』。愚謂上之所貴,下 可開許。 又云『今鑄宜依此格,萬稅三千』。又云 居然不斷。 又云『禁鑄則銅轉成器, 止於盜鑄 强制使換,則狀似逼奪。又 銅者,自己亦無須苦禁。」 又云『銅盡事 蓋不願 開鑄 息, 姦 患在冒 則器化 入署。 僞 自

竭,數 但慮 旣均 民,未有嗟怨,此新禁初行,品式未一,須臾自止,不足以垂聖慮。 情 不行。又云『去春所禁,一時施用』。是欲使天下豐 偽 無 採 ,改之僞 |竣議 滅 極,私 Щ 之 事絕,器用 曰:「泉貨利用,近古所同,輕重之議,定於漢世,魏、晉以降,未 間 悉爲 ·鑄剪鑿,盡不可禁,Clao五錄半 生故也。世代漸 塵土,豈可 日 耗,銅 旣轉少 **人,弊**運 令取 ′,器亦| 弊之道,基於皇代。 頓至,因革之道,宜有其 瀰貴。 兩之屬,不盈 設器直 財。 若細物 一千,則鑄之減半,爲之無利 今百姓之貨, 一年,必至於 必行,而 術。今云 唯府藏空匱, 不 盡。財貨未贈,大錢已 開署放鑄,誠所 雖 ·從公鑄,利已旣深, 之能改。 爲轉少, 實爲重憂。 而 誠以物貨 त्त 。雖令 欣 同。

爲貴 今縱行細錢,官無益賦之理,百姓雖贍,無解官乏。 唯簡費去華,設在節儉,求贍之道,莫此 然錢有定限,而消失無方,剪鑄雖息,終致窮盡者,亡應官開取銅之署,絕器用之塗,

定其品

式,日月漸鑄,歲久之後,不爲世益耳。」

富商 救。 民姦 叉甚 稅登,財幣暫革,日用之費,不贍數月,雖權徵助,何解乏邪,徒使姦民意騁,而貽厥 少,宜減錢式,以救交弊,賬國紓民。 、此,失算當時,取誚百代乎。」 其甚不可一也。今鎔鑄獲利,不見有頓得一二億之理,自己縱復得此,必待彌年。 時議 不可二也。 巧大興,天下之貨,將靡碎至盡。 得志,貧民困窘。 者又以銅 民懲大錢之改,兼畏近日新禁,市井之間,必生喧擾,遠利未聞,切患猥及, 轉難得,欲鑄二銖錢。竣又議曰:「議者將爲官藏空虛,宜更改鑄,天下銅 此又甚不可三也。 愚以爲不然。 室立嚴禁,而利深難絕,不過一二年間,其鄭不可 若使交益深重,尚不可行,況又未見其利,而衆弊 今鑄二銖,恣行新細,於官無解於乏,而 愆謀。此 歲暮 復

千錢 市井不復料數,十萬錢不盈一掬,斗米一萬,商貨不行。 無輪郭,不磨鑢,如今之剪鑿者,謂之耒子。 長 前 廢帝卽位,鑄二銖錢,形式轉細。 不盈三寸,大小稱此,謂之鵝眼錢。 官錢每出,民間即模劾之,而大小厚薄,皆不 劣於此者,謂之綖環錢。 景和元年,沈慶之啓通 太宗初,唯禁鵝眼、綖環,其餘皆通 私鑄,由是錢貨 入水不沉, 隨 手 亂 ,破碎, 及也。 敗,

列

用。 復禁民鑄,官署亦廢工,尋復並斷,唯用古錢

不說,多不見從。 居約 盛序,微已國言,少徹身謗,而制書猥下,爵樹彌隆。 末。 米近萬斛。 願,絕會收恩,以全愚分,則造化之施,方茲爲薄。」見許。 辱將及,十手 三春,殊命八萃。 畢願守宰之秩。 志 要,二三聞 絕華伍。 陛下盛德居蕃,總攬英異,越以不才,超塵淸軌,奉躬歷稔,勞效莫書,仰恃曲成之仁, 徒 竣自散騎常侍、丹陽尹,加中書令,丹陽尹如故。 竣藉蕃 以上瀆天明,下汨彝議,災謫之興,懼必在邇。今之過授,以先微身,苟曰非據,危 !命慚惶,形魂震越。 臣東州凡鄙,生於微族,CIKD長自閭閻,不窺官轍,門無富貴, 朝之舊,極陳得失。 復代謝莊爲吏部尚書,領太子左衞率,未拜,丁憂。起爲右將軍,丹陽 直以委身壟畝,飢寒交切,先朝陶均庶品,不遺愚賤,得免耕稅之勤,厠仕進之 所指,諭等膏肓,所以寤寐兢遽,維縈苦疾者也。 豈期天地中闋,殷憂啓聖,倚附興運,擢景神塗,雲飛海泳,冠絕倫等,曾未 詳料賞典,則臣不應科,瞻言勤良,則臣與侔貴。[l+]方欲訴款皇朝,降階 上自卽吉之後,多所興造,竣諫爭懇切,無所回避, 臣小人也,不及遠謀,寵利之來,何能 表讓中書令曰:「虛竊國靈,坐玷禁 時歲旱民饑,竣上言禁餳 伏願陛下察其丹誠 尹 如 一月,息 上意甚 矜其疾 故

上

欲疏之,乃求外出,以占時旨。

竣自謂才足幹時,恩舊莫比,當贊務居中,永執朝政,而所陳多

大明元年,以爲東揚州刺史,將軍如故。

所求旣許,便憂

不

被納,疑

怨憤,又言朝事違謬,人主得失。及王僧達被誅,謂爲峻所讒構,臨死陳峻前後忿懟,每恨 懼無計。 至州,又丁母艱,不許去職,聽送喪還都,恩待猶厚,峻彌不自安。 毎對親故,頗懷

言不見從。僧達所言,頗有相符據。 上乃使御史中丞庾徽之奏之曰

奉兼萬金,榮以夸親,祿不充養。 遂以己被斥外,國道將顚,釁積懷抱,惡窮辭色。兼行闕於家,早負世議,逮身居崇寵, 去,盤桓經時,方構間勳貴,造立同異。又表示危懼,深營身觀,曲訪大臣,慮不全立, 方之已輕。且時有啓奏,必協姦私,宣示親朋,動作羣小。前冬母亡,詔賜還葬,事畢不 閭 己,荷遇之門,卽加謗辱,受譴之室,曲相哀撫。翻戾朝紀,狡惑視聽,脅懼上宰,激動 權 舊須啓聞,而竣以通訴忤己,輒加鞭辱,罔顧威靈,莫此爲甚。嚴詔屢發,當官責效,竣 刺史建城縣開國侯顏竣,因附風雲,謬蒙翼長,天地更造,拔以非次。 子晳爲戮。未有背本塞原,好利忘義,而得自容盛世,溷亂清流者也。 一歸,而窺覘國柄,潛圖秉執。受任選曹,驅扇滋甚,出尹京輦,形勢彌放。 閣。末慮上聞、江江內懷猜懼,僞請東牧,以卜天旨。旣獲出蕃,怨詈方肆,反脣腹誹, :恣不行,怨懟彌起,懷挾姦數,苞藏陰慝。 預聞中旨, 罔不宣露,罰則委上, 恩必歸 臣聞人臣之奉主,毁家光國,竭情無私,若乃無禮陵人,怙富卑上,是以王叔作戒, 宿憾母弟,恃貴輒戮,天倫怨毒,親交震駭。 聖朝親攬, 萬務 右將軍、東揚州 傳詔犯憲, 凡所莅

列

風聲。 驕放自下,妨公害私,取監解見錢,以供帳下。 任,皆闕政刑,輒開丹陽庫物,貸借吏下。 多假資禮,解爲門生,充朝滿野, 賓旅酣歌, 不異平月, 街談道說, 非復 殆將千計。

常削爵土,須事御收付廷尉法獄罪。 耀,品物咸亨,傷俗點化,實唯害焉,宜加顯戮,以彰盛化。 請以見事免遂所居官,下太 越倫伍。山川之性,日月彌滋,溪壑之心,在盈彌奓,虎冠狼貪,未足爲譬。今皇明開 竣代都文吏,特荷天私,棄瑕錄用,豫參要重,勞無汗馬,賞班河、山,出內寵靈,踰

宿昔所以相期。卿受榮遇,故當極此,訕訐怨憤,已孤本望,乃復過煩思慮,懼不自全,豈爲 文集行於世。 曰:「竣孤負恩養,乃可至此。於獄賜死,妻息宥之以遠。」子辟强徙送交州,又於道殺之。竣 下事上誠節之至邪!及竟陵王誕為逆,因此陷之,召御史中丞庾徽之於前爲奏,奏成,詔 上未欲便加大戮,且止觅官。|竣頻啓謝罪,幷乞性命。上愈怒,詔答曰:「憲司所奏,非

史臣曰:世祖弱歲臨蕃,涵道未廣,披胸解帶,義止賓僚。 及運鍾傾陂,身危慮切,擢膽

起。 苦變心,主挾今情,臣追昔款,宋昌之報,上賞已行,同舟之慮,下望愈結,嫌怨旣萌,誅責自 抽肝,猶患言未盡也。至於馮玉負扆,威行萬物,欲有必從,事無暫失。 竣之取釁於世,蓋由此乎。 爲人臣者,若能事主而捐其私,立功而忘其報,雖求顚陷, 旣而憂歡異日,甘

校勘記

不可得也。

- [一] 苟在有心 「有」各本並作「其」,據通鑑改。
- 晚親: 盛 明 「晚」各本並作「脫」,據永樂大典六八三一
- 三 竊謂當今之務 各本並脫「當」字、據建康實錄補。
- 껄 建平國 中 軍 將 軍 「中軍將軍」各本並作「中將軍」,據南史改。 按百官志,大國又置上軍、中軍、

下軍三將軍。

- 五. 是其分願 「分」各本並作「公」,據永樂大典六八三一改。
- ベ 矜其膝貴 「膝貴」百衲本作「貴膝」、弘治本、北監本、毛本、殿本、局本作「貴戚」。 今據永樂大

典六八三一改。

七〕僧達屢經狂逆 「狂逆」南史作「犯忤」。

列傳第三十五 校勘記

- [八] 因循前貫 各本並作「因條前寶」,據远龜五〇〇改。
- 八九山 所鑄錢形式薄小 各本並脱「所」字,據通典食貨典、元龜五〇〇補。
- 輪郭不成就 各本並脱「就」字、據通典食貨典、元龜五〇〇補。
- 平其准式 「准式」各本並作「雜式」,據远龜五〇〇、通鑑宋孝武帝孝建三年改。
- 又鉛錫衆雜止於盜鑄銅者 其餘並同。 殿本考證 云:「字書無玩字,今定作訴。 各本作「□鉛錫衆昕越耳若止於盜鑄銅者」、殿本改「昕」作「訴」、 言錢法弊壞,衆人交訴之聲越耳也。」今據

元龜五〇〇訂正。

- 盡不 ·可禁 「盡」各本並作「書」,據元龜五〇〇、通鑑宋孝建三年改。
- 今鎔鑄獲利不見有頓得一二億之理 各本並脱「獲利不見」及「之」五字、據通典食貨典、元龜

五〇〇補。「億」通典、元龜作「倍」。

- (1三) 坐玷禁要 「玷」各本並作「招」,據远龜四六三改。
- [1六] 生於微族 各本並作「生微於時」,據元義四六三改。
- [14] 則臣與侔貴 元龜四六三作「則臣當與責」。
- [14] 末與上聞 各本並作「未上慮聞」,義不可通,據南史改。

宋書卷七十六日

列傳第三十六

朱脩之 宗慤 王玄謨

朱脩之字恭祖,義陽平氏人也。 曾祖燾,晉平西將軍。 祖序,豫州刺史。 **父諶,益州**

刺史。

此日陷沒。回 母號泣告家人曰:「吾今已老,忽復有乳汁,斯不祥矣。 月糧盡,將士熏鼠食之,遂陷於虜。〔三初,脩之母聞其被圍旣久,常憂之,忽一旦乳汁驚出, 中郎,可謂不忝爾祖矣。」後隨到彦之北伐。〔三〕彦之自河南回,留脩之戍滑臺,爲虜所圍,數 脩之自州主簿遷司徒從事中郎,文帝謂曰:「卿曾祖昔爲王導丞相中郎,卿今又爲王弘 吾兒其不利乎。」後問至,脩之果以

託跋 **燾嘉其守節,以爲侍中,[三] 妻以宗室女。** 脩之潛謀南歸,妻疑之,每流涕問其意,

列

傳

第三十六

年, 明 於脩之, 並 會宋 從。 使傳詔至,脩之名位 乃始 又有: 加禮 徐卓者,復欲率南 時魏屢伐弘, 一素顯 人竊發, ,傳詔見 或說弘遣脩之歸 事泄被誅。 即拜之,彼國敬傳詔,謂 求救, 脩之、 逐遣 懷明懼奔馮弘, 之。 爲「天子邊人」, 泛海至東萊, 弘 遇猛 見其 禮 /致敬 風 留 柁

折,垂以長索,船乃

復

正。

海師望見飛鳥,知其近岸,須

臾至東

萊

以爲 悅附。 之爲 馬鞍 義宣 一,脩之至,乃殺之,以功封南 荆 Щ 征 元 四 嘉 道 州 及 荆 刺 司 九 秀不 年, 史, 馬 州 討蠻,失利。 刺 ·得前 至京邑, 加 史 都督。 南郡王 ,乃退。 以爲黃門侍郎,累遷江夏內史。 義宣聞脩之不 義宣反,檄脩之舉兵,脩之僞 孝武 及義宣敗於梁山、單舟南走、脩之率衆南定遺寇。 昌縣侯 初,爲寧蠻校尉、 與己同, 乃以魯秀 雍州 刺史, 與之同,而遣 雍州 為雍州 加 刺 都 史劉 督。 刺 史, 使 道產卒,羣蠻大動,脩 脩之在 陳 擊 誠 襄陽 於 帝 政 時竺超民執 寬 脩之命 帝 簡,士衆 嘉之, 斷

撫納 激之,爲設菜羹粗飯,脩之曰:「此乃貧家好食。」致飽而去。 私 錢 羣 十六萬 脩 蠻 之治身清約,凡所 爲 務。 償 之。 徴 然 爲 左民 性 儉 贈 剋 尚書,轉領 貺, 少恩情,姊 無所受, 軍 將 在 軍。 有餉,或受之,而旋與佐 鄕 里,飢· 去鎭, 寒 不 秋毫 立,脩之未 不犯,計 先是,新野 嘗 在 吏賭之, 州 供 庾彦達爲益州刺史, 贍。 然油 終不入己, 嘗 及 半 往 馬穀 視 姊,姊欲 唯 以 以

攜 一方方。
一方方
一方
<p

特給扶侍。 脩之後墜車折脚,辭尚書,領崇憲太僕,仍加特進、金紫光祿大夫。 卒,贈侍中,特進如故。 諡貞侯。〔六〕 以脚疾不堪獨行,

宗慤字元幹,南陽人也。 叔父炳,高尚不仕。 一般年少時,炳問其志,懲曰:「願乘長風破

財, 賊 好學,而 萬里浪。」炳 十餘人皆披散,不得入室。 整獨 曰:「汝不富貴,卽破 任氣好武,故不為鄉曲 我家矣。」「当兄泌娶妻,始入門,夜被劫,愍年十四,挺身拒 時天下無事,士人並以文義爲業,炳素高節,諸子羣從皆 所 稱。

直,而給吏牛泰與綺妾私通,慇殺泰,綺壯其意,不責也。〔六〕 江 |夏王義恭爲征北將軍、南兗州 刺史,慤隨鎭廣陵。 時從兄綺爲征北府主簿,綺嘗入

景憲軍副, 傾 爲 賊 一來拒, 所 元嘉二十二年,伐林邑,愍自奮請行。 敗。 以具裝被象,前後無際,士卒不能當。 隨交州刺史檀和之圍 又遣慤,慤乃分軍爲數道,偃旗潛進,討破之,拔 區粟城。 林邑遣將范毗沙達來救 義恭 舉慤有膽勇,乃除振武將軍,爲安西參軍蕭 窓曰:「吾聞師子威服百獸。」乃製其形,與 區粟,入象浦。 心區粟, 和之遺偏軍拒之, 林邑王范陽邁

國

象 相 .禦,象果驚奔,衆因潰散,遂克<u>林邑。[亞] 收其異寶雜物,不可勝計</u>。 慤一無所取,衣櫛

蕭然。文帝甚嘉之。

大潰。 後 叉南新 爲隨郡太守,雍州蠻屢爲寇,建威將軍沈慶之率慤及柳元景等諸將,分道攻之,羣蠻 郡蠻帥田彦生率部曲反叛,焚燒郡城,屯據白楊山,元景攻之未能下,慇率其

所領先登,衆軍隨之,羣蠻由是畏服。

方丈之膳,以待賓客,而慰至,設以菜葅栗飯,謂客曰:「宗軍人,慣噉粗食。」慰致飽 洮陽侯, 功次柳元景。 至是業爲慇長 三十年,孝武伐元凶,以慤爲南中郎諮議參軍,領中兵。 (史,帶梁郡,|愍待之甚厚,不以前 孝建中,累遷豫州刺史,監五州諸軍事。 事爲嫌 孝武卽位,以爲左衞將軍,封 先是,鄉 人庾業,家甚富豪, 而去。

寧蠻 爲 數 至,躍馬繞 光 十,左右 校 禄 大明三年,竟陵王誕據廣陵反,慇表求赴討,乘驛詣 尉 大 雍州 夫,加金紫。 城 顧盻,上壯之。 呼曰:「我宗愍也。」事平,入爲左衞 刺 史, 加都督。 慤 有 佳 及行,隸車騎大將軍沈慶之。 .牛堪進御,官買不肯賣, 卒,贈征西將軍,諡曰肅侯。 將 軍。 坐発官。 五年, 都,面受節度,上停輿慰勉,慤聳躍 初,誕誑 泰始二年,韶以慇配食孝武廟 從獵 明年, 其衆云。「宗慤助 墮馬, 復 脚折 職 不堪朝 廢帝 我。」及 卽 位 直 门 以 慤

子羅雲,卒,子元寶嗣

北居 新興, 王玄謨字彥德,太原祁人也。六世祖宏,河東太守,綿竹侯,以從叔司徒尤之難,棄官 仍爲新興、鴈門太守,其自敍云爾。[10]祖牢,仕慕容氏爲上谷太守,陷慕容德,

居靑州。 父秀,早卒。

徐州

,辟爲從事史,與語異之。

玄謨幼而不羣,世父蕤有知人鑒,常笑曰:「此兒氣概高亮,有太尉彥雲之風。」武帝臨 少帝末,謝晦爲荆州,請爲南蠻行參軍、武寧太守。[1]晦敗,

以非大帥見原。元嘉中,補長沙王義欣鎭軍中兵參軍,自己領汝陰太守。

虎牢、滑臺,豈惟將之不良,抑亦本之不固。本之不固,皆由民憚遠役。臣請以西陽之 時虜攻陷滑臺,執朱脩之以歸。玄謨上疏曰:「王途始開,隨復淪塞,非惟天時,抑亦人

欲以東國之衆,經營牢、洛,道途旣遠,獨克實難。」玄謨每陳北侵之策,上謂殷景仁曰:「聞 魯陽,襄陽之南鄉, 事。 發甲卒,分爲兩道,直趣淆、澠,征士無遠徭之思,吏士有屢休之歌。若

上表,以彭城要兼水陸,請以皇子撫臨州事,乃以孝武出鎭 玄謨陳說,使人有封狼居胥意。」自己後爲興安侯義賓輔國司馬、彭城太守。 義賓薨,玄謨

及大舉北征,以玄謨爲寧朔將軍,前鋒入河,受輔國將軍蕭斌節度。 玄謨向碻磝,戍主 義恭 覺, 誦 以 將 亡略盡。 盛 奔 損亡軍 多 走, 爲 以 ,器械甚精,而 與玄 碻 自 離 之得千遍,明日 遂 磝 弱, 怨。 實、不從。 圍 4護書 蕭 不可守,召令還,爲魏軍所追, [滑臺,積旬不克。 非良計 斌 又營貨利,一匹布責人八百梨,以此倍失人心。及託跋燾軍至,乃奔退,麾下散 將斬之,沈慶之固諫曰:「佛狸威震天下,控弦百萬,豈玄謨所能當。 曰:「聞因敗爲成,臂上金瘡,得非金印之徵也。」 玄謨專依所見,多行殺戮。 城中卽撤壞之,空地以爲窟室。及魏救將至,衆請發車爲營,又不從,將 也。」斌乃止。 將刑,誦之不輟,忽傳呼停刑。 廣主託跋燾率大衆號百萬, 轉鼓之聲, 震動天地。 初,玄謨始將見殺,夢人告曰:「誦觀音經千遍,則免。」旣 大破之,流矢中臂。 初圍城,城內多茅屋,衆求以火箭燒之,玄謨恐 遣代守碻磝,江夏王義恭爲征討都督, 二十八年正月,還至歷城,口巴 玄謨軍衆亦 且殺 戦

與柳 孝武,言:「玄謨在 謨 徐 徐州刺史垣護之並発官。 留 州 元景 刺 老弱守城,悉精 元 凶 史,加都 南討, 弑立,玄謨為冀州 督。 軍屯梁山 l梁山,與義宣通謀。」上意不能明,使有司奏<u>玄</u>謨多取寶貨,虛張戰簿, 及南 兵接戰,賊遂大 郡 ,夾岸築偃 王義宣與江 刺史。口思孝武伐逆,玄謨遣濟南太守垣護之將兵赴義。事平,除 潰。 月壘,水陸待之。 州 加都督、前 刺 史臧質反,朝庭假玄謨輔國 將軍,封曲江縣侯。 義宣遣劉諶之就 臧質,陳 中軍 將軍,拜豫州刺 司 馬 軍 劉 城 南,玄 沖之白 與

討斬之。 尋復爲豫州刺史。淮上亡命司馬黑石推立夏侯方進爲主,改姓李名弘,以惑衆,玄謨 遷寧蠻校尉、雍州刺史,加都督。 雍土多僑寓,玄謨請土斷流民,當時百姓不願屬

時柳元景當權,元景弟僧景爲新城太守,以元景之勢,制令南陽、順陽、上庸、新城諸郡並發 明堂,以本官領起部尚書,又領北 嚴,未嘗妄笑,時人言玄謨眉頭未會伸,故帝以此戲之。 籍,罷之。 撫慰之,又答曰:「梁山 玄謨。 其年,玄謨又令九品以上租,使貧富相通,境內莫不嗟怨。 玄謨令內外晏然,以解衆惑,馳啓孝武,具陳本末。 風塵,初不介意,君臣之際,過足相保,聊復爲笑,伸卿眉頭。」玄謨性 選。 後爲金紫光祿大夫,領太常。 帝知其虚,馳遣主書吳喜公 民間訛言玄謨欲反, 及建

夏飡。 儉客 受「老館」之目。 爲歡笑。 孝武 一,呼爲老慳。 飑醬 狎侮羣臣,隨其狀貌,各有比類,多鬚者謂之羊。顏師伯缺齒,號之曰齴。 又刻木作靈秀父光祿 調秋菜,白醝 凡所稱謂,四方書疏 黃門侍郎宗靈秀體肥,拜起不便,每至集會,多所賜與,欲其瞻謝傾踣,以 解冬寒。」又寵一崐崘奴子,名白主。 勳叔獻像、送其家 亦如 之。 嘗爲 廳 事。 玄謨作四 柳元景、垣護之並北人,而 . 時詩曰:「堇荼供 常在左右,令以杖擊羣臣,自 春膳,粟漿充 玄謨獨 劉秀之

玄謨尋 列 傳 遷平 第 Ξ + 北 將 六 軍、徐州刺史,加都督。 王 玄 謨 時北土飢饉,乃散私穀十萬斛、牛千頭以振 九七五

柳元

景以下

·,皆罹

其

毒

之。轉領軍將軍。

殺,以安元元。少帝大怒。 勸稱疾,玄謨曰:「吾受先帝厚恩,豈可畏禍苟免。」遂行。及至,屢表諫諍,又流涕請緩刑去 **青、冀二州刺史,加都督。** 孝武 前,與柳元景等俱受顧命,以外監事委玄謨。 少帝旣誅顏師伯、柳元景等,狂悖益甚,以領軍徵玄謨。子姪咸 時朝政多門,玄謨以嚴直不容,徙

御下更苛酷,軍士謂之語曰:「寧作五年徒,不逢王玄謨。 大夫、開府儀同三司、江池領護軍。遷南豫州刺史,加都督。 尋除車騎將軍、江州刺史,自己副司徒建安王於赭圻,賜以諸葛亮筩袖鎧。頃之,爲左光祿 一薨,日公諡曰莊公。子深早卒,深子饋嗣。日む 明帝卽位、禮遇甚優。 時四方反叛,以玄謨爲大統,領水軍南討,以脚疾,聽乘輿出入。 玄謨猶自可,宗越更殺我。」年八 玄謨性嚴剋少恩,而將軍宗越

其 大節,亦足爲美。 史臣曰:脩之、宗慤,皆以將帥之材,懷廉潔之操,有足稱焉。 當少帝失道,多所殺戮,而能冒履不測,傾心輔弼,斯可謂忘身徇國 玄謨雖苛剋少恩,然觀

者歟。

校勘記

- 宋書卷七十六 此卷各傳記事多闕略,又於宋帝不稱廟號而稱諡法,蓋沈約原書此卷散佚,後
- 人據他書輯補。
- 後隨 到彦之北伐 按御覽五一一引宋書,稱脩之時加建武將軍留戍滑臺。 水經河水注又作建

威將軍朱脩之,傳並不載。

- 彦之自 河南回 至 逐陷於虜 御覽三二〇引宋書:「朱脩之留戍滑臺,乃爲索虜所攻圍,脩之糧
- 盡 ,救兵不至,將 士燋 鼠食之,城陷,爲虜所執,上嘉其節。」或爲沈約宋書原文。
- 껃 後數 初脩之母聞其被 攻,母悲憂,一 日 ,凶問至,脩之果其 旦乳汁驚出,因號慟告家人曰:『我老,非有乳汁之時,今忽如此,我兒必沒矣。』 圍旣久至 果以此日陷沒 日陷沒。」或是沈約宋書原文而 御覽五一一引朱書云:「朱脩之留戍滑臺,爲索廣所 叉 有 所 删 節。
- 35. 以爲侍· 中 「侍中」魏書毛脩之傳朱脩之附傳、南史作「雲中鎭將
- ベリ 諡 貞侯 建康實錄 云:「大明 八年 二月辛丑,領軍朱脩之卒,子 雍嗣。」: 此亦略之。
- -汝 不 富 貴 即破我家矣 御覽九、 五一二引宋書云:「汝若不富貴、必破我門戶。」或爲沈約宋書

原文。

列傳第三十六 校勘記

- 不責 。 覽四三一引朱書:「爲江夏王國上將軍,十五年不徙官。」 蓋後人輯補時,闕錄其事。 也 南史此下云:「後以補國上軍將軍。」建康實錄:「爲江夏國上將軍,十五年不改職。」御
- 或是沈約宋書原文。
- ハたし 阻渠置 步 分軍 遂克林邑 有師子,威服百獸,乃製其形,與象 日:『不然。 退走,怒乘 品 栗城。 軍 因 爲 陣。 數道,偃旗臥鼓,慤潛進,令曰:『聽我鼓噪,乃出。』山路榛深,賊了不備,卒見軍至,驚懼 之共奮擊,陽邁迸走,大衆 林邑王范陽邁遣將范毗沙達率萬餘人來救。 勝追討、敗歸林邑。 吾已屠其堅城,破其銳 通典兵典因機設權篇、初學記二九引宋書、御覽二八七引宋書云:「宗愨征林邑,圍 林邑王 |傾國 來逆,限渠不得渡。 仍攻區粟,拔之。 一時奔散,遂克林邑。」或爲沈約宋書原文。 衆。 相 禦。 我氣 象 果驚 方厲 以具裝被象,諸將憚之,請待前 奔,衆因此潰亂,慤乃與馬軍主馬通 汎海陵山,徑入象浦。 **)彼已破膽。** 戰可定, 有大渠南來注浦 何疑焉。』 後軍集然後擊。 | | | | | | | | | | 厲 渠直渡, 宗軍 外國 慤
- 六世 言允 牒 敍 用 祖 ,有不足徵 同 宏 郡 至 王宏 其 自 爲 敍 者。」 右扶風。 云 爾 張 又二書皆言王宏爲右扶風,李傕矯詔殺之,不言宏北居新興 森楷校勘記 云「王宏」謝承後漢書以爲允兄。 范曄後漢書允傳但 蓋譜

請爲南蠻行參軍武寧太守 「武寧」各本並作「武昌」,據南史改。 洪頤煊諸史考異云:「武昌太

自

守、南史作武寧太守。」按州郡志武寧郡屬荆州、武昌郡屬郢州、孝建以前屬 江州。

補長沙王義欣鎭軍中兵參軍 「義欣進號鎭軍,在元嘉十年。 景平初,義眞爲車騎將軍、 「中兵參軍」各本並作「中兵將軍」,據南史改。孫彪宋書考論 據索虜傳,玄謨時爲車

騎參軍。 又建康實錄稱,元嘉七年,到彥之遣揚武將軍王玄謨進逼虎牢。 又符瑞志,元嘉十一

南豫州刺史。

年八月,北汝陰太守王玄謨獻嘉禾。又案沈慶之傳,征驛道蠻,王玄謨引荆州軍並會。 時義宣

爲荆州刺史,觀玄謨答義宣書有『昔因幸會,蒙國士顧』之言,則玄謨嘗爲義宣荆州府職 也。

使人有封狼居胥意 各本並脫「胥」字,據南史、元龜三八九、通鑑宋元嘉二十六年補

二十八年正月還至歷城 孫彪宋書考論云:「元嘉二十九年又北伐索虜,張永、徐爰傳並言玄謨

玄謨爲冀州刺史 攻碻磝,不克,退還。 「冀州」各本並作「益州」,據南史改。 此傳又略。」

尋除車騎將軍江州刺史 「車騎將軍」各本並作「大將軍」,南史作「車騎大將軍」。 孫膨宋書考

}論 云:「大將 軍號太崇,明帝紀及鄧琬傳並云車騎,蓋是也。」按通鑑宋泰始二年亦作「車騎將

軍」,孫說是,今訂正。

爲左 光祿大夫開府儀同三司 「左光祿」明帝紀作「右光祿」。

年八十一 薨 「八十一」頭架作「八十二」。

列

傅

第 \equiv

+

六

校

勘

宋書卷七十七

列傳第三十七

柳元景 顏師伯 沈慶之

柳元景字孝仁,河東解人也。 曾祖卓,自本郡遷於襄陽,官至汝南太守。 祖恬,西河太

守。 父憑,馮翊太守。

往而 召之,道產謂曰:「久欲見屈。〔1〕今貴王有召,難輒相留,乖意以爲惘惘。」服闋,補江夏王國 中軍將軍,遷殿中將軍。復爲義恭司空行參軍,隨府轉司徒太尉城局參軍,太祖見又嘉之。 晦敗。 元景少便弓馬、數隨父伐蠻,以勇稱。寡言有器質。 先是,劉道產在雍州有惠化,遠蠻悉歸懷,皆出緣沔爲村落,戶口殷盛。及道產死,羣 雍州刺史劉道產深愛其能,元景時居父憂,未得加命。 荆州刺史謝晦聞其名,要之,未及 會荆州刺史江夏王義恭

旣至,而蠻

蠻大為寇暴。

世祖西鎮襄陽,義恭以元景爲將帥,卽以爲廣威將軍、隨郡太守。

列

傅

第

三 十

七

柳 元 景

斷

驛

長。」 日 :「蠻將逼城,不宜分衆。」元景曰:「蠻聞郡遣 一會蠻 垂至,乃使驛道爲備,潛出其後,戒曰:「火舉馳進。」前後俱發,蠻衆驚擾,投鄖水 重戍,豈悟城內兵少。 且表裏合攻, 於計為

死者千餘人,斬獲數百,郡境肅然,無復寇抄。 朱脩之討蠻,元景又與之俱,後又副沈慶之

征鄖山,進克太陽。除世祖安北府中兵參軍。

門先有內附意,故委季明投之。十月,魯方平、薛安都、 誕遣 軍。 率軍繼進。 法起率方平、安都諸軍前入,自脩陽亭出熊耳山。季明進達高門木城,值永昌王入弘農,乃 秦之冠族,羌人多附之,求入長安,招懷關、陝。乃自貲谷入盧氏,盧氏人趙難納之,弘農强 廣 回,還盧氏,據險自固。頃之,招盧氏少年進入宜陽苟公谷,自以扇動義心。元景以其月 一成將軍田義仁入魯陽,加元景建威將軍,總統羣帥。後軍外兵參軍龐季明年已七十三, 難 振威將軍尹顯祖出貲谷,奮武將軍魯方平、建武將軍薛安都、略陽太守龐法起入盧氏, 元景大軍次臼口,以前鋒深入,懸軍無繼,馳遣尹顯祖入盧氏,以爲軍援。元景以軍食 隨 驅 王誕鎭襄陽,爲後軍中兵參軍。 率 ·義徒,以爲衆軍鄕導。 閏月,法起、安都、方平諸軍入盧氏,斬縣令李封,以趙難爲盧氏令,加奮武 法起等度鐵嶺山,次開方口,季明出自木城,與 及朝廷大舉北討,使諸鎭各出軍。二十七年八月, 龐法起進次白亭,時元景猶未發。 法 起相

不足,難可曠日相持,乃東馬懸車,引軍上百丈崖,出溫谷,以入盧氏

時初古拔父子據南門,督其處距戰,弘農人之在城內者三千餘人,於北樓豎白幡,或射無金 以陵城,季明、趙難並率義徒相繼而進,衝車四臨,數道俱攻,士皆殊死戰,莫不奮勇爭先。 退走。諸軍造攻具,進兵城下,僞弘農太守李初古拔嬰城自固,法起、安都、方平諸軍鼓譟 丞,百姓皆安堵。 安都軍副譚金、薛係孝率衆先登,生禽李初古拔父子二人,魯方平入南門,生禽僞郡 法起諸軍進次方伯堆,去弘農城五里。賊遣兵二千餘人覘候,法起縱兵夾射之,賊騎

左右 金門隝,屠之。 殿中將軍鄧盛、幢主劉驂亂使人入荒田、招宜陽人劉寬虯率合義徒二千餘人,「三」共攻 元景引軍度熊耳山,安都頓軍弘農,法起進據潼關,季明率方平、趙難軍向陝西七里 殺戍主李買得,古拔子也,爲廣永昌王長史,勇冠戎類。 永昌聞其死,若失

於開方口。 誕 又遣長流行參軍姚範領三千人向弘農,受元景節度。十一月,元景率衆至弘農,營 仍以元景爲弘農太守,置吏佐。

深入,此 初,安都留住弘農,四而諸軍已進陝,元景旣到,謂安都曰:「無爲坐守空城,而令龐公 非計 也。 宜急進軍,可與顯祖幷兵就之。 吾須督租畢,尋後引也。」衆並造陝下,即

多 咆嗷 衆至,日且暮,賊於是奔退,騎多得 患之,安都怒甚,乃脫兜鍪,解所帶鎧,唯著絳納兩當衫,馬亦去具裝,馳奔以入賊陣,猛氣 左 各列陣城南以待之,顯祖勒精卒以爲後柱。季明率高明、宜陽義兵當南門而陣,趙難領盧 祖 戊 無不披靡。 氏 列 右皆辟易不能當,殺傷不可勝數,於是衆軍並鼓噪俱前,士皆殊死戰。虜初縱突騎,衆軍 樂從少年,與季明爲掎角。賊兵大合,輕騎挑戰。安都瞋目橫矛,單騎突陣,四向奮擊, 、郭城,列營於城內以逼之,並大造攻具。賊城臨河爲固,恃險自守,季明、安都、方平、顯 、趙難諸軍,頻三攻未拔。 旗 ", 所向 (職) .無前,當其鋒者,無不應刃而倒。 賊忿之,夾射不能中,如是者數四,每一入,衆 緣險而還,正會安都諸軍與賊交戰,虜三郎將見元保軍從山下,公以爲元景大 初,元景令將魯元保守函谷關,賊衆旣盛,元保不能自固,乃率所領作函箱陣, 房洛州刺史地河公張是連提衆二萬,[H] 度崤來救,安都、方平 入城

取 卒,左右掎 驢 死之日。 宿 馬, 而 賊 以爲 之將 至。 角之,餘諸義 運糧之計,而方平信至,元景遣軍副柳元怙簡步騎二千,以赴陝急。 卿若不進,我當斬卿,我若不進,卿當斬我也。」安都曰:「善,卿言是也。 至 詰朝,賊衆又出,列陳於城外。 一也,方平遣驛騎告元景,時諸軍糧盡,「も」各餘數日食。元景方督義租,幷上 軍 並於城西南列陳。 方平諸軍並成列, 方平 謂安都曰:「今勍敵在前,堅城在後,是吾 安都幷領馬軍,方平悉勒步 卷甲兼行, 我豈惜

又斬三千餘級,投河赴塹死者甚衆,面縛軍門者二千餘人。 折 時 虜 等方與虜交鋒,而元怙勒衆從城南門函道直出,北向結陳,旌旗甚盛,鼓譟而 身命乎。」遂合戰。時元怙方至,悉偃旗鼓,士馬皆銜枚,潛師伏甲而進,賊未之覺也。 齊奮,士卒無不用命。安都不堪其憤,橫矛直前,出入賊陳,殺傷者甚多,流 衆 ,易之復入。 大 元怙與幢主宗越,率手下猛騎,以衝賊陳,一軍皆馳之。 軍副譚金率騎從而奔之。 自詰旦而戰,至于日昃,廣衆大潰,斬張是連提, 安都、方平等督諸軍一 前、出賊 血 疑肘,矛 不意,

出,皆稱萬 以 並 見驅,後出 爲 爲 不可, ·虜盡力,便是本無善心。 順附者存拯,從惡者誅滅,欲知王師正如此爾。」皆曰:「虐虜 元景 輕騎晨至,虜兵之面縛者多河內人,元景詰之曰:「汝等怨王澤不浹,請命無所,今 歲而去。 赤族,以騎蹙步,未戰先死,此親將軍所見,非敢背中國也。」諸將欲盡殺之,元景 曰:「今王旗北掃,當令仁聲先路。」乃悉釋而遣之,家在關裏者,符守關諸軍聽 誕以崤、陝旣定,其地宜撫,以弘農劉寬虯行東弘農太守。 給元景鼓吹

衆。 頃之,又集衆 法起與槐 法起率衆次于潼關。 以應王師,法起次潼關 卽 據潼關 先是,建義將軍華山太守劉槐糾合義兵攻關城,拔之,力少不固。 **虜蒲城鎮主遣偽帥何難於封陵堆列三營以擬法起。** 槐亦至。 賊關城戍主婁須望旗奔潰、虜衆溺於河者甚 法起長驅入

部。

列傳

第

Ξ

湖關 退散。 定未至,更下山進弘農,入湖關口,虜蒲阪戍主泰州刺史杜道生率衆二萬至閿鄉 上洛,受元景節度,援方平於函谷。 一百二十里。元景募精勇一千人,夜斫賊營,迷失道,天曉而反。 元景去,賊衆向關。 時軍中食盡, 元景回據白楊嶺, 道生率手下驍銳縱 水,公去 賊

兵射之,鋒刃旣交,虜又奔散。

京兆 亦從 將 自湖關 胡谷 廣 時 平 北討諸軍王玄謨等敗退,虜遂深入。太祖以元景不宜獨進,且令班師。 度白楊嶺,出于長洲,安都斷後,宗越副之。法起自潼關向商城,與元景會,季明 二郡太守,於樊城立府舍,率所領居之,統行北蠻事。龐季明爲定蠻長,薛安都爲 南 歸,並有 功而 入,士馬旌旗甚盛。 誕登城望之,以鞍下馬迎元景。除寧朔將軍、 元景乃率諸

後軍行參軍,魯方平爲寧蠻參軍。

退,復還。 等北 出 臧 質 至 關 爲 再出北討,威信著於境外。〔五〕又使率所領進西陽,會伐五水蠻 雍州, 城,關城棄戍走,卽據之。 除元景 爲冠軍司馬、襄陽太守,將軍如故。 元景 至洪關,欲進與安都濟河攻杜道生於蒲阪,會爽 魯爽向虎牢,復使元景率安都

世祖入討元凶,以爲諮議參軍,領中兵,加冠軍將軍,太守如故。配萬人爲前鋒,宗慤、

南 薛安都等十三軍皆隸焉。 朝 忝 任行 中郎 ,,荷榮日久,而拘逼寇廷,莫由申効,想聞今問,悲慶兼常。 親 間 ,總勒精勇,先鋒道路,勢乘上流,衆兼百倍。 率義師,剪討元惡,司徒、臧冠軍並同大舉,舳艫千里,購賞之利備之。 元景與朝士書曰:「國禍寃深,凶人肆逆, 諸賢弈世忠義,身爲國良,皆受遇先 大行屆道, 廓淸惟始, 民神崩 憤, 若 元景不武, 無天地。 企遲 面

對,展

略渡 賊 不 當 步 凡 東 逐薄 · 許。 歸順 上,於板橋立栅以自固。進據陰山,遣薛安都率馬軍至南岸,元景潛至新亭,依 倚 西據險。 元景宿令軍中曰:「鼓繁氣易衰,叫數 我 時 雪哀情。」 壘。 之不 來奔者 義軍船率小陋,慮水戰不敵,至蕪湖,元景大喜,倍道兼行,聞石頭出戰艦,乃於江寧 經日,乃水陸出軍,劭自登朱雀門督戰。軍至瓦官寺,與義軍游邏相逢,游邏退走, 羅漢、劉 程天 可勝,豈幸寇之不攻哉。」元景營壘未立,爲龍驤將軍詹叔兒覘知之,勸劭出戰, 劭 世祖復遣龍驤將軍、行參軍程天祚率衆赴之。天祚又於東南據高丘,屯砦栅 祚柴未立, 以元景壘塹未立,可得平地决戰,旣至,柴栅已堅,倉卒無攻具,便使肉薄攻 ,皆勸元景速進,元景曰:「不然。 簡之、騎將常伯 亦爲所摧 與等及其士卒,皆殊死戰。 王羅漢等攻壘北門,賊艦亦至。 力易竭。 理順難恃,同惡相濟,輕進無防,實啓寇心。 但各銜枚疾戰,一聽吾營鼓音。」賊步將 劉簡之先攻西南,頻得燒草舫, 元景水陸受敵,意氣 山 建量,

收兵而止,陳猶未散。元景復出薄之,乃走,競投死馬澗,澗爲之滿,斬簡之及軍主姚叔藝、 復大破之,其所殺傷,過於前戰。 彌 王江寶、朱明智、諸葛邈之等,水軍主褚湛之、副劉道存並來歸順 元景察賊衰竭,乃命開壘,鼓譟以奔之, 强, 麾下勇士悉遣出戰,左右唯留數 劭手斬退者不能禁,奔還宮,僅以 、賊衆大潰, 人宣傳。 分軍助程天祚,天祚還得固柴,因此破賊。 透淮 死者甚 多。 (身免) 劭更率餘衆 蕭斌 被創。 自來 攻壘, 簡之

遠出。 曲江縣公,食邑三千戶。 應伐逆,不容西還。」質以此恨之。及元景爲雍州刺史,質慮其爲荆、江後患,建議爪牙不宜 随二郡諸軍事、前將軍、寧蠻校尉、雍州刺史。上在巴口,問元景:「事平,何所欲。」對曰: 元景,使率所領西還。元景卽以質書呈世祖,語其使曰:「臧冠軍當是未知殿下義舉爾。 「若有過恩,願還鄕里。」故有此授。初,臧質起義,以南譙王義宣誾弱易制,欲相推奉,潛報 上至新亭即位,以元景爲侍中,領左衞將軍,轉使持節、監雍梁南北秦四州荆州之意陵 上重違其言,更以元景爲護軍將軍,領石頭戍事,不拜。徙領軍將軍,加散騎常侍, 方

持節 復 以 如故。 爲 建元年正月,魯爽反,遣左衞將軍王玄謨討之,加元景撫軍,假節置佐,係玄謨。[10] 都督雍梁南北秦四州荆州之竟陵隨二郡諸軍事、撫軍將軍、領寧蠻校尉、雍州刺史, 臧質、義宣並反,玄謨南據梁山,夾江爲壘,垣護之、薛安都渡據歷陽,元景出屯

常刑 將龐 人,二三而 今餘 法 不可 起襲 玄謨聞賊盛,遣司馬管法濟求益兵,上使元景進屯姑孰。 麾下 東岸萬 先退。 姑孰,值念至, 裁十分之一,若往造賊,虛實立見,則賊氣成矣。」元景納其言,悉遣精兵助玄 人, 賊軍數倍, 强弱 賊衆雖多, 猜而不整, 擊破之,法起單船走。 不敵,謂宜還就節下協力當之。」元景謂護之曰 今當卷甲赴之。」 護之曰: 「逆徒皆云南州 質攻陷: 玄謨西壘,玄謨使垣護之告元景 元景使將武念前進, 一一師有 有三萬 質遣

謨,

以

羸

弱居

守。

所遣

軍

多張旗幟,

梁山望之如數萬人,皆曰:「京師兵悉至。」於是衆心乃

由是克捷。二三

空,侍 如故, 在嶺 大明 故,給班劍二十人,固 讓 與太宰江 開 府 南,秋輸 二年,復 中、令、中 叉讓 儀 遣 丹陽 同, 夏王義恭 開 加 艱遠,改封巴東郡 復爲領軍 府, 尹顏竣宣旨慰勞,與沈慶之俱以本號開府儀同三司,封晉安郡公,邑如故。固 庄 開 府儀 如 乃與沈慶之俱依晉密陵 、尚書僕射顏師伯並受遺詔輔幼主。 故,又固 解 、太子詹事,加侍 同三司, 班 劍。 護,乃授侍 公。 叉固讓。 五年,又命 中。 中、 明 侯鄭袤 年,遷尙書令,太子詹事、侍中、中正 驃騎 尋轉驃騎將軍、本州大 左光 將 不受司空故 軍、 禄大夫、開府 南兗州 遷尚書令,領丹陽尹,侍中、將軍如 事, 刺 史,留衞京師。 事 儀 中正,領軍、 在 同三司,侍 慶之傳。 六年, 如 中、令、中正 侍 世 故。 祖 中 如 進 以封

列

傳

景獨無所營。 元景起自將帥,及當朝理務,雖非所長,而有弘雅之美。時在朝勳要,多事產業,唯元 南岸有數十畝菜園,守園 人賣得錢二萬送還宅, 元景曰:「我立此園種菜,以

供家中啖爾。 乃復賣菜以取錢,奪百姓之利邪。」以錢乞守園人。

未嘗敢私往來。 世祖嚴暴異常,元景雖荷寵遇,恒慮及禍。 世祖崩,義恭、元景等並相謂曰:「今日始免橫死。」義恭與義陽等諸王,元 太宰江夏王義恭及諸大臣,莫不重足屛氣,

景與顏師伯等,常相馳逐,聲樂酣酒,以夜繼畫。

等謀廢帝立義恭,日夜聚謀,而持疑不能速決。永光年夏,自己元景遷使持節、督南豫之宣 容色恬然,時年六十。 騎司馬叔仁,戎服率左右壯士數十人欲拒命,元景苦禁之。旣出巷,軍士大至,下車受戮, 出討之。先稱詔召元景,左右奔告兵刃非常,元景知禍至,整朝服,乘車應召。 城諸軍事、卽本號開府儀同三司、南豫州刺史,侍中、令如故。未拜,發覺,帝親率宿衞 前廢帝少有凶德,內不能平,殺戴法興後,悖情轉露,義恭、元景等憂懼無計,乃與師伯 出門逢弟車 兵自

議參軍僧珍等諸弟姪在京邑及襄陽從死者數十人。元景少子承宗,自己及嗣宗子纂,並在 王子尚車騎從 長子慶宗,有幹力,而情性不倫,世祖使元景送還襄陽,於道中賜死。次子嗣宗,豫章 事 中郎。 嗣宗弟紹宗、共宗、孝宗、文宗、仲宗、成宗、季宗、日司叔仁弟衞 軍諮

南豫江二州諸軍事、太尉,侍中、刺史、國公如故。 承七廟之靈,纂臨寶業,情典旣申,痛悼彌軫,宜崇賁徽册,以旌 豫 曆,則毗燮皇化。 州刺史元景,風度弘簡,體局深沈,正義亮時,恭素 太宗 即位,令曰「故侍中、尚書令、驃騎大將軍、巴東郡開 方任字漢輔,業懋殷衡,而蜂豺肆濫,顯 給班劍三十人,羽葆、鼓吹一 範物。 加 幽 禍 毒,寃動 國公、新除開府儀 明 忠懿。 道盡,則首贊孝圖 可追 勳烈,悲深朝貫。 贈 使持 部,諡曰忠 同三司 一、盛運 節、 都督 朕 開

烈公。」叔仁爲梁州刺史,黃門郎。以破臧質功,封宜陽侯,食邑八百戶

徒崔 一浩,虜之相也。
一元嘉二十七年,虜主拓跋燾南寇汝、潁,浩密有異 元景從祖弟光世,先留鄕里,索虜以爲折衝將軍、河北太守,封西陵男。 元景從父弟先宗、江江大明初,爲竟陵王誕司空參軍,誕作亂,殺之,追贈黃門侍 元景從兄元怙,大明末,代叔仁爲梁州,與晉安王子勛同逆,事敗歸降 圖,光世 光世 要 河北 姊 夫 郎。 偽 司

引索 前 浩應。 廢帝景和 虜 旣 而 浩謀泄被誅, 河東大姓坐連謀夷滅者甚衆, 光世南奔得免。 匹 世 中,左將軍,直閣。太宗定亂,光世參謀,以爲右衞將軍, 方反叛,同閤宗越、譚金又誅,光世乃北奔薛安都,安都使守下邳城。及安都招 率衆歸降,太宗宥之,以爲順陽太守。子欣慰謀反,光世賜 封開國 太祖 以爲 縣侯,食邑千 振 武將

列

傅

第

晦爲領 委焉。 顏師伯字長淵,琅邪臨沂人,東揚州刺史竣族兄也。父邵,剛正有局力,爲謝晦所知 軍,以爲司馬,廢立之際,與之參謀。 邵慮晦將有禍,求爲竟陵太守,未及之郡,值晦見討,晦與邵謀起兵距朝廷,邵飲 晦鎭江陵,請爲諮議參軍,領錄事,軍府之務悉

議參軍,愛其諧敏,進之世祖。 爲 質 不宜署長流。」世祖乃板爲參軍事,署刑獄。 去鎭,師伯以主簿送故。 中郎府主簿那得用顏師伯。」世祖啓爲長流正佐,太祖 公女也。 征西行 師伯 參軍。興安侯義賓代義季,世祖代義賓,仍爲輔國、安北行參軍。 質爲徐州,辟師伯爲主簿。 少孤貧,涉獵書傳,頗解聲樂。 世祖鎭尋陽,啓太祖請爲南中郎府主簿。 師伯因求杖節,乃以爲徐州主簿。 衡陽王義季代質爲徐州,質薦 劉道產爲雍州,以爲輔國行參軍。 及入討元凶,轉主簿。 又曰:「朝廷不能除之,郎可自板,亦 善於附會,大被知遇。 師伯於義季, 太祖不許, 謂典簽曰: 弟師仲,妻,臧 王景文時爲諮 義季卽 及 命

太守,御史中丞。臧質反,出爲寧遠將軍、東陽太守,領兵置佐,以備東道。 世 祖踐阼,以爲黃門侍郎,隨王誕驃騎長史、南郡太守。 改爲 驃騎大將軍長史、南濮陽 事寧,復爲黃門

年,下 謀 侍 侍 用 中領 学製闊 使狡 郎,領步兵校尉,改領前軍將軍,徙御史中丞,遷侍中。 詔 狀先聞,軍備 射 大難,宜蒙殊報。 日 ,聲校 昔歲 以尉袁愍孫、豫章太守王謙之、太子前中庶子領右衞率張淹,爰始 國 難 夙固, 醜逆時殄, 方結,疑懦 秀之可封樂安縣伯,食邑六百戶,師伯 者衆,故散騎常侍、太子右率龐秀之履嶮能貞,首暢義節 頗有力焉。 追念厥誠, 上以伐逆寧亂,事資羣謀,大明元 無忘于懷。 平都縣子, 愍孫興平縣子, 侍中祭酒顏 入計, 、独参義 師伯

謙之石

陽

縣子,淹廣晉縣子,食邑各五百

戶。」

水公 靑州 五. 虯· 世 公拾賁敕 北 祖 軍公,虜於是大奔。 虜別 刺 力。 遣 郡 又率二萬人 師 史張懷之等屯據濟岸, 虎 諸 伯 資主 文 遷右 帥它門又遣萬餘人攻淸 行達沙溝,虜窟瓌公、五軍公等馬步數萬, 軍 率 事 衆寇清口,二七 龐 輔 衞將軍,母憂去職。 復來逼城,乾愛等出戰,又破之,追奔至赤龍門,殺賊甚 孟 國將軍 虯、積射將 孝祖 、青冀二州 又斬 清口 軍殷孝祖等赴討 師伯 窟壤公,赴水 口 二年, 戊戌主 刺史。 又遣 戍城、乾愛、方興 振 中兵參 起爲持節、 威將軍 其年,索虜拓跋 死者千 ,受師伯節度。 軍江 一傅乾愛 迎軍 方興就 計。 出 督青冀二州徐州之東安東莞兗州之濟 城 《率前》 ·拒戰, 拒 虜又遣 濬遣偽散騎常侍、鎭 戰 傅 員 卽 乾愛擊破之, 師伯遣中 孟虯等奮擊盡 外將軍 河南公、 斬 它門,餘 周 兵參軍苟思達 一衆。 盤 黑水公、 龍等擊大破之。 斬 衆奔走。 上嘉其功, 日 河 西將軍天水 孟虯 南 濟州公、 公樹蘭 手斬 與孟 虜

曰:「虜驅率犬羊,規暴邊塞,輔國將軍、青冀二州刺史師伯宣略命師,合變應機,濟戍奮怒, 一月四捷,支軍異部,騁勇齊效,頻梟名王,大殲羣醜。 朕用嘉嘆,良深于懷。 可遣使慰勞,

幷符輔國府詳考功最,以時言上。」

破之。 騎 平原樂安二郡太守分武都與卜天生等拒擊,大破之,虜乃奔退,追戰克捷,直至淸口。 逆戰,天生率軍主劉懷珍、白衣客朱士義、殿中將軍孟繼祖等擊之。 攻之,朱士義等貫甲先登,賊赴河死者無算,卽日陷城。 圍傅乾愛,乾愛隨方拒對,孝祖等旣至,虜徹圍遁走。 出盪,應手披靡。 繼祖於陳遇害,追贈郡守。 苟思達、龐孟虯等又追虜至杜梁,虜衆多,四面俱合,平南參軍童太壹及苟思達等並單 世祖又遣司空參軍卜天生助師伯。 孟虯等繼至,虜乃散走,透河死者甚多。 又虜隴西王等屯據申城,背濟向河,三面險固,天生又率衆 張懷之據縻溝城,師伯遣天生等破之,懷之出 師伯進號征虜將軍 虜天水公又攻樂安城,建威將軍、 既而虜更合衆大至,孟虯等又 懷之敗走入城,僅 以身

置二選,陳郡謝莊、琅邪王曇生並爲吏部尚書。 唯奉行文書,師伯專情獨斷,奏無不可。 遷侍中,領右衞將軍。 親幸隆密,羣臣莫二。遷吏部尚書,右軍如故。上不欲威柄在人,親監庶務,前 三年,竟陵王誕反,師伯遣長史嵇玄敬率五千人赴難。 師伯子舉周旋寒人張奇爲公車令,上以奇 四年,徵爲侍中,領右軍 七年,補尚書右僕射。 後領 將軍, 選者,

莊、曇生発官 道 資品不當,使 見、 黄難 、周公選等抑道惠敕,使奇先 一道栖 兼市買丞,以蔡道惠代之。 道惠棄市、禕之等六人鞭杖 令史潘道栖、褚道惠、顏禕之、 到 公車 不施 白。 行奇兼 師伯 尋領太子中 市買 丞事。 元從夫、任澹之、石 庶子,雖被黜挫,受 師伯 坐 以 子 領 職

任

如初

見殺。 師伯 分臺任 欲 下 親朝 之選,園 居權 世 政, 祖 師伯至是始懼。 日久,天下輻輳,游其門者,爵位莫不踰分。 臨崩,師伯受遺詔輔幼主,尚書中事,專以委之。 池第宅,冠絕當時,驕奢淫恣,爲衣冠所嫉。 發詔轉師伯 爲 左 尋與太宰江夏王義恭 一僕射, 加散騎常侍,以東部 柳元景同誅, 尚書 多納貨賄,家 又遷尙書僕射,日己領 王景文爲右 廢帝卽位,復還卽 時年四十七。 產 一豐積,伎妾聲樂,盡 僕射。 丹陽 六子並幼, 奪其京 真, 尹 領衞 尹,又 廢帝

弟師仲,中書郎,晉陵太守。師叔,司徒主簿,南康相

遭 諡 罹 日荒子。」師仲子幹繼封。 厄會,隕命淫刑,宗嗣殄絕,良用 即位,詔 曰:「故散騎常侍、 齊受禪, 僕 國除 矜 射、 悼。 領丹陽 但其心瀆貨,宜貶贈典, 尹 、平都 縣子 師伯 可紹封社, 代運 以慰冤魂 豫 班 樂 賞

沈慶之字弘先,吳興武康人也。兄敞之,爲趙倫之征虜參軍、監南陽郡,擊蠻有功,遂

卽眞。

喚隊主,不容緩服。」遣收吳郡太守劉斌,殺之。遷始興王濬後軍行參軍,員外散騎侍郎。 夕,上開門召慶之,慶之戎服履靺縛絝入,上見而驚曰:「卿何意乃爾急裝。」慶之曰:「夜半 論。」慶之正色曰:「下官在省十年,自應得轉,不復以此仰累。」尋轉正員將軍。 及湛被收之 城,及還,領淮陵太守。領軍將軍劉湛知之,江立欲相引接,謂之曰:「卿在省年月久,比當相 道濟還白太祖,稱慶之忠謹曉兵,上使領隊防東掖門,稍得引接,出入禁省。出戍錢唐新 略、每擊破之,伯符由此致將帥之稱。伯符去郡,又別討西陵蠻,不與慶之相隨,無功而反。 倫之子伯符時爲竟陵太守,倫之命伯符版爲寧遠中兵參軍。竟陵蠻屢爲寇,慶之爲設規 之後,鄉邑流散,慶之躬耕壟畝,勤苦自立。年三十,未知名,往襄陽省兄,倫之見而賞之。 永初二年,慶之除殿中員外將軍,又隨伯符隸到彦之北伐。 慶之少有志力。孫恩之亂也,遣人寇武康,慶之未冠,隨鄉族擊之,由是以勇聞。 伯符病歸,仍隸檀道濟。 荒擾

將軍,率衆助脩之。脩之失律下獄,慶之專軍進討,大破緣沔諸蠻,禽生口七千人。進征湖 元嘉十九年,雍州刺史劉道產卒,羣蠻大動,征西司馬朱脩之討蠻失利,以慶之爲建威

州,王 掩討,大破之,降者二萬 祖 叉獲萬 以 方回 本 號 領臺軍 餘 爲雍 口。 州 一並會, 遷廣陵王 隨府 Ц 平定諸 西 上。 誕 世 北中郎中 祖 Щ 時蠻寇大甚,水陸 ۇ ، 至 鎭 獲 七萬 ,而驛道蠻反殺深式,遣慶之又討之。[10]王玄謨 ·兵參軍,領南東平太守,又爲世祖撫軍中兵參軍 餘 口。 鄖山蠻 梗礙, 世 最强盛,魯宗之屢討不 祖停大隄不 ·得進。 分軍遣慶之 能克,慶之 領荆

剪定之,禽三萬餘口。

還京師。

,復爲廣

陵王

誕北

中郎

中兵

參

軍,加

建威將軍

、南濟陰

太

諸軍 向 剪。今令諸軍各率所領以營于山上,出其不意,諸蠻必恐,恐而乘之,可 衆曰:「今若緣山列斾以攻之,則士馬必損。 蠻,宗慤自新安道 軍蕭景嗣 景、隨郡太守宗慤、振威將軍劉 下安營以迫之,故蠻得據山爲阻,於矢石有用,以是 赤圻阪,目連、 雍州 並斬山 ""、前 蠻 自冬至春,因 :開道,不與蠻戰,鼓譟上山,衝其腹心,先據險要,諸蠻震擾,因其懼而圍之,莫 又爲寇,慶之以 青州 尚期 諸 入太洪山,元景從均水據 別駕崔 糧蠻穀 軍八道俱進,慶之取 目連、安蠻參軍劉 將軍、太守復 顋 司 空參軍魯尚期、安北參軍顧彬、 與隨王誕 五 了雍之、奮威將軍王景式等二萬餘人伐 去歲蠻田大稔,積穀 五渠,頓破隖以爲 水嶺,文恭出蔡陽 入沔。 屢無功。 旣至襄陽, 慶之乃會諸軍 / 衆軍節 口 重巖,未有饑弊, 取赤係陽 率後軍 馬文恭、 度。 不戰而獲也。」於是 ·於茹 、景式 前後伐蠻,皆山 中 左軍 兵 丘山 曲 參 沔 卒難 軍柳 中 北 延 下,謂 兵參 Щ 諸 元 Щ

列

赴之。 千餘 至山 羣蠻皆稽顙。 曰:「蒼頭公已復來矣。」慶之引軍自茹丘山出檢城,大破諸山,斬首三千級,虜生蠻二萬八 .下,衆軍悉集,圍山數重。<a>宗慇率其所領先登,衆軍齊力急攻,大破之,<<a>只回回威震諸山, 口,降蠻二萬五千口,牛馬七百餘頭,米粟九萬餘斛。隨王誕築納降、受俘二城於白 頃 軍未至,郡已被破,焚燒城內倉儲及廨舍蕩盡,幷驅略降戶,屯據白楊山。 之,南新 慶之患頭風,好著狐皮帽,羣蠻惡之,號曰「蒼頭公」。每見慶之軍,輒畏懼 郡蠻帥田彥生率部曲十封六千餘人反叛,攻圍郡城,慶之遣元景率五千人 元景追之

路險, 部曲 內,朝 乏,自後稍 菴,火至輒 建旌 慶之復率衆軍討幸諸山犬羊蠻,緣險築重城,施門櫓,甚峻。山多木石,積以爲礧。 暑雨 分不 以池 出歸降。 外汲,兼以防蠻之火。 旗,樹長帥,鐵馬成羣。 方盛,乃置東岡、蜀山、宜民、西柴、黄徼、上麦六戍而還。 水灌滅,諸軍多出弓弩夾射之,蠻散走。 慶之前後所獲蠻,並移京邑,以爲營戶 頃之風甚,蠻夜下山,人提一炬以燒營。 慶之連營山下,營中開門相通,自己又命諸軍各穿 慶之令諸軍斬山開道攻之,而 蠻被圍守日久,並饑 營內多幔屋 7池於營 · 及草 Щ 立

請舍遠事,且以檀、到言之。道濟再行無功,彥之失利而返。 一十七年,遷太子步兵校尉。 其年, 太祖將北討,慶之諫曰:「馬步不敵,爲日已久矣。 今料王玄謨等未踰兩將,六軍

碻破 有以 面書生輩謀之,事何 上使湛之等難慶之,慶之曰:「治國譬如治家,耕當問奴,織當訪婢。 城守相接 之盛,不過往時。 必走 ; 亦 由 一。虜馬 ,滑臺小戍,易可覆拔。 道濟養寇自資,彥之中塗疾 過河,便成禽也。」慶之又固陳不 將恐重辱王師,難以得志。」上曰:「小醜竊據,河南修復,王師再屈,自別 由濟。」上大笑。 克此二戌,館穀弔民, 動。 虜所: 可。 恃唯馬,夏水浩汗 丹陽尹徐湛之、吏部尚 虎牢、洛陽,自然不 ,河水流通,泛舟 陛下今欲伐國,而 書 固。 江湛 比 並 及冬間 北指,則 在坐, 與自

莫不懼罪,自歸而死,將至逃散。 去,會玄謨退,斌將斬之,慶之固諫乃止。 之曰:「玄謨 國 司 及 北討,慶之副玄謨 玄謨攻滑臺,積旬不拔。 兵疲衆老,虜寇已逼,各軍營萬人,乃可進耳,少軍輕往,必無益也。」斌固遣令 向 福碳, 且大兵至,未宜自弱,故以攻爲便耳。」 戍主棄城走,玄謨圍滑臺,慶之與蕭斌留碻磝,仍領 虜主拓跋燾率大衆南向,

斌遣慶之率五千人救 太祖後問:「何故諫斌殺玄謨。」對曰:「諸將奔退, 玄謨 斌 慶

從遠來,事勢已異。 耳。」會詔使至,不許退,諸將並謂宜留,斌復問計於慶之,慶之曰:「閫外之事,將所得專,詔 今靑、冀虚弱,而坐守窮城,若虜衆東過,淸東非國家有 蕭斌以前驅敗績,欲死固碻磝,慶之曰:「夫深入寇境,規求所欲,退敗如此,何可久住 節下有一范增而不能用,空議何施。」斌及坐者並笑曰:「沈公乃更學 也。 **碻磝孤絕,復作朱脩之滑臺**

|破耳。 城, 慶之以爲虜衆强,往必見禽,不肯行。 問。」慶之厲聲曰:「衆人雖見古今,不如下官耳學也。」」玄謨自以退敗,求戍碻磝,斌乃還歷 城,不得向北,太尉江夏王義恭留領府中兵參軍。 申坦、垣護之共據清口。慶之乘驛馳歸,未至,上驛詔止之,使還救玄謨。 卿在左右久,偏解我意,正復違詔濟事,亦無嫌也。」 太祖後謂之曰:「河上處分,皆合事宜,惟恨不棄碻 拓跋燾至卯山,義恭遣慶之率三千拒之, 會虜已至彭

二十八年,自己使慶之自彭城徙流民數千家於瓜步,征北參軍程天祚徙江西流民於南

州,亦如之。

昌 將討 江叛吏夏侯方進在西陽五水,誑動羣蠻,自淮、汝至于江沔,咸罹其患。 十人,此外屈逼, 巴水出至五洲,諮受軍略。 賊劭遣慶之門生錢無忌齎書說慶之解甲,慶之執無忌白世祖 諸 軍 內史,領府司馬。 ,慶之謂腹心曰:「 一之、詔豫、荆、雍並遣軍、受慶之節度。三十年正月、世祖出次五洲、 二十九年,復更北伐,慶之固諫不從,以立議不同,不使北出。是時亡命司馬黑石、廬 必不 世祖還至尋陽, ·爲用 蕭斌婦人不足數,其餘將帥,並是所悉,皆易與耳。 力。 會世祖典籤董元嗣自京師還,陳元凶弑逆, 今輔順討逆,不憂不濟也。」衆軍旣集,假慶之征虜將軍、武 慶之及柳元景等並以天下無主, 勸世祖卽大位,不許 世祖遣慶之還山 總統羣帥, 十月,遣慶之督諸 東宮同惡不過三 慶之從 . 引

守沈法系,驃騎諮議參軍顧彬之,或盡誠謀初,宣綜戎略,或受命元帥, 事 勳,茲焉攸在,宜列土開邑,永蕃皇家。慶之可封南昌縣公,元景曲江縣公,並食邑三千戶 統,協規効捷,偏師奉律,勢振東南。 除散騎常侍 克豫徐克 旬,宗社載穆,遂以眇身,猥纂大統。 天,有生罔二,泣 鎭 軍將軍 四 踐作,以慶之爲領軍將軍,加散騎常侍,尋出爲使持節、督南兗豫徐兗四州諸軍 .州諸軍事、鎮軍將軍、南兗州刺史沈慶之,新除散騎常侍、領軍將軍柳 、右衞將軍宗整,督兗州 一、南兗 血 州刺史,常侍 一千里,志復深逆,鞠旅伐罪,義氣雲踴, 如故,鎮盱眙。 諸軍事、輔國將軍 皆忠國忘身,義高前烈,功載民聽,誠簡股心。 永念茂庸,思崇徽錫。 上伐逆定亂,思將 、
兗州刺史徐遺寶,
寧朔將軍 奉帥 新除使持節、散騎常侍、都督南 仗節, 法系平固縣侯,彬之陽新縣 前之功,下詔曰:「朕 指難如歸。 戦寧亂 或禀奇 故曾未積 一、始興 元景,新 定賞策 以不 太 軍

侯,並食邑千戶。」又特臨軒召拜。 又使慶之自盱眙還鎭廣 陵

稍退,自留斷後。 龍,歷陽太守張幼緒率軍討瑜,值爽至,衆散而反。 荆、江二州並反,徵慶之入朝,率所領屯武帳崗,甲仗五十人入六門。 孝建元年正月,魯爽反,上遣左衞將軍王玄謨討之,軍泝淮向壽陽,總統 慶之與薛安都等進與爽戰,安都臨陣斬爽。 乃遣慶之濟江討爽。 進慶之號鎭北大將軍,進督 魯爽先遣弟瑜進據蒙 爽聞慶之至,連營 諸將。 尋聞

列

傳

第

=

+

七

沈慶

青、冀、幽 三州、給鼓吹一部。 前軍破賊,轉位等後至追躡一階。四哥與柳元景俱開府儀同

三司,辭。改封始興郡公,戶邑如故。

五十人。大明元年,又申前命,復固辭。 所須。」 又固讓,上不許。 慶之以年滿七十,固請辭事,上嘉其意,許之。以爲侍中、左光祿大夫、開府儀同三司, 乃至稽顙自陳,言輒泣涕。 表疏數十上,又面陳曰:「張良名賢,漢高猶許其退,臣有何用,必爲聖朝 上不能奪,聽以郡公罷就第,月給錢十萬,米百斛,衞史

路。 之不問,悉焚之。誕於城上授函表,倩慶之爲送,慶之曰:「我奉詔討賊,不得爲汝送表。 御史中 百騎詣受慶之節度。慶之塞壍,造攻道,立行樓土山,幷諸攻具。 進營洛橋西,焚其東門,值雨不克。慶之兄子僧榮,時爲兗州刺史,鎭瑕丘,遣子懷明 何爲來。」慶之曰:「朝廷以君狂愚,不足勞少壯,故使僕來耳。」上慮誕北奔,使慶之斷其走 之,餉以玉鐶刀,慶之遣道愍反,數以罪惡。 將軍、開府儀同三司、南兗州刺史,率衆討之。 慶之移營白土,去城十八里。又進新亭、三三誕果出走,不得去,還城,事在誕傳。 三年,司空竟陵王誕據廣陵反,復以慶之爲使持節、都督南兗徐兗三州諸軍事、車騎大 丞庾徽之奏免慶之官以激之,詔無所問。 慶之至城下,誕登樓謂之曰:「沈君白首之年, 至歐陽,誕遣客慶之宗人沈道愍齎書說慶 誕餉慶之食,提挈者百餘人,出自北門,慶 時夏雨,不得攻城, 上使 汝

任,當令處分有方,何蒙楯城下,身受矢石邪。 必欲歸死朝廷,自應開門遣使,吾爲汝送護之。」每攻城,輒身先士卒。上戒之曰:「卿爲統 室,元景在從公之上,給卹吏五十人,門施行馬。 屠城斬誕。 進慶之司空,又固讓。於是與柳元景並依晉密陵侯鄭袤故事,朝會慶之位次司 脫有傷挫,爲損不少。」自四月至于七月,乃

四年,西陽五水蠻復爲寇,慶之以郡公統諸軍討之,攻戰經年,皆悉平定,獲生口數萬

官。 海郡,不許。 甚悅,衆坐稱其辭意之美。 眼不識字,上逼令作詩,慶之曰:「臣不知書,請口授師伯。」上卽令顏師伯執筆,慶之口授之 匪殊,歡宴宜等,且觴酌之賜,宜以大夫爲先也。」上嘗歡飲,普令羣臣賦詩,慶之手不知書, 幸及梭獵,據鞍陵厲,不異少壯。太子妃上世祖金鏤匕箸及杅杓,上以賜慶之,曰:「卿辛勤 享大國,家素富厚,產業累萬金,奴僮千計。 曰:「微命值 悉移親戚中表於婁湖,列門同閈焉。 居淸明門外,有宅四所,室宇甚麗。 多幸,得逢時運昌。 妓妾數十人,並美容工藝。 朽老筋力盡,徒步還南崗。 慶之優游無事,盡意歡愉,非朝賀不出門。 又有園舍在婁湖,慶之一夜攜子孫徙居之,以宅還 廣開田園之業,每指地示人曰:「錢盡在此中。」身 再獻錢千萬,穀萬斛。 辭榮此聖世,何媿張子房。」上 以始興優近,求改封南 每從遊

列

卽位 賜 車 騎馬履行園田,政一人視馬而已。 几杖,並固讓 ,謂人曰:「我每遊履田園,有人時與馬成三,無人則與馬成二。 一,加慶之几杖,給三望車一乘。 世 加 晏駕、慶之與柳元景等並受顧命、遺詔若有大軍旅及征討、悉使委慶之。 每農桑劇月,或時無人,遇之者不知三公也。 慶之每朝賀,常乘猪鼻無幰車,左右從者不過三五人。 今乘此車,安所之乎。」及 及加三望 前廢帝

永陽 千戶。 鸞輅輼 子今年不 賜 不 同 襄公。 慶之死,時年八十。 厚,發其事,帝誅義恭、元景等,以慶之爲侍中、太尉,封次子中書郎文季建安縣侯,食邑 量其必至,乃閉淸谿諸橋以絕之。 縣侯,食邑千戶。 廢帝狂悖無道,衆並勸慶之廢立,及柳元景等連謀,以告慶之。 輬 義陽王昶反,慶之從帝度江,總統衆軍。 車, 免。 前後羽葆、鼓吹,諡曰忠武公。 兩匹,八十尺也。 是年初,慶之夢有人以兩 帝凶暴日甚,慶之猶盡言諫爭,帝意稍不說。 足度,無盈餘矣。」及死,賜與甚厚,追贈侍中,太尉 慶之果往,不得度而還。 未及葬,帝敗。 少子文耀,年十餘歲,善騎射,帝愛之,又封 匹絹與之,謂曰:「此絹足度。」謂 太宗即位,追贈侍中、司空,諡 帝乃遣慶之從子攸之齎藥 慶之與江夏王義恭素 及誅何邁, 慮慶之不 人曰:「老 如故,給

長子文叔,歷中書黃門郎,景和末,爲侍中。 慶之之死也,不肯飲藥,攸之以被揜殺之。

義恭 文叔密取藥藏錄。或勸文叔逃避,文叔見帝斷截江夏王義恭支體,慮奔亡之日,帝怒,容致 之變,乃飲藥自殺。 子秘書郎昭明, 亦自縊 死。 泰始七年,改封蒼梧郡公。 元徽

年,行恐還復先封。 時改始興爲廣興,昭明子曇亮,襲廣興郡公。 齊受禪,國除

慶之弟劭之,元嘉中,爲 廬陵王紹南中郎行參軍,討建安揭陽諸賊,病卒。

宗泰始 固 郎,再爲南兗州刺史。 臧眇之討僧榮,擊破之。 兄子僧榮,敞之之子也。 ,朱雀失守,懷明委軍奔走,頃之憂卒。 初,居父憂,起爲建威將軍 元徽 大明中,為兗州刺史。 初 少丁 孝建初,爲安成相。 母艱,去職 ,東征南討有功,封吳興縣子,食邑四百戶。 桂 景和中,徵爲黃門郎,未還,卒。 **|陽王||朱範爲逆,起爲冠軍將軍,統水軍防** 荆、江反叛,發兵拒臧質,質遣其安成 歷位黃門 子懷明,太 侍 相

以爲 軍、始興太守, 賊劭來攻,緣樹以進,彭棑多開隙, 營,法系居東營。 、南中郎参軍,加寧朔將軍,領三千人前發,與柳元景旦至新亭。 慶之從弟法系字體先,亦有將用。 討蕭簡於廣州 東營據岡,賊攻元景, 聞臺軍將至,簡誑其衆曰:「臺軍是賊別所遣。」並信之。 選善射手, 法系臨射之, 所殺甚衆。 初爲趙伯符將佐,後隨慶之征五 的發無不中,死者交橫。 法系塹外樹悉伐之令倒, 元景居中營,宗慤居西 事平, 水蠻。 以爲寧朔將 世祖伐逆, 前

列傳

Ξ

+

七

沈

慶

之

從。 碗圍簡, 唯治一攻道, 法系至, 曰:「宜四面並攻, 若守一道, 何時可拔。」碗慮功不在己, 不 征北参軍顧邁被賊徙在城內,善天文,云「荆、江有大兵」。 法系曰:「更相申五十日。」日盡又不克,乃從之。八道俱攻,一日即拔,斬蕭簡,廣州 封庫藏付鄧琬而還。 官至驍騎將軍、尋陽太守,新安王子鸞北中郎司馬。 城內由此固守。初,世祖先遣鄧

劭之子文秀,別有傳。

慶之羣從姻戚,由之在列位者數十人。

是舉也,豈徒失政刑而已哉! 風 民無所措手足。師伯藉寵代臣,勢震朝野,傾意廝臺,情以塡結,自選部至于局曹,莫不從 īm 靡。曲徇私請,因停詔敕,天震實怒,仆者相望,師伯任用無改,而王、謝免職。 史臣曰:張釋之云,用法一偏,天下獄皆隨輕重。縣衡於上,四海共稟其平,法亂於朝, 君子謂

校勘記

久欲見屈 三朝本、北監本、毛本作「久見屈」。殿本、局本作「久規相屈」。 元龜六八七作「久欲

見屈」。今從远龜改。

招盧氏 少年進入宜陽苟公谷 「苟公谷」水經絡水注作「荀公谷」。

招宜陽人劉寬虯率合義徒二千餘人 「劉寬虯」各本並作「劉寬糾」,下文又作「劉寬虬」,今悉

改作「劉寬虯」。

껃 初安都留住弘農 「住」三朝本、毛本、局本作「任」。北監本、殿本作「屯」、南史作「住」。 今從

瀬ツ史。

五 **廣洛州刺史地河公張是連提衆二萬** 一張是連提」各本並作「張是提」,通鑑宋元嘉二十七年作

通鑑考異曰:「宋略作張是連踶,今從宋書。」按據是宋書原本作張是連提。

傳本

脫「連」字,今據補。下並改。

「張是連提」。

Š 虜三郎將見元保軍從山下 「虜三郎」各本並作「三虜郎」,孫彪宋書考論云:「當乙爲虜三郎。」

按孫說是,今訂正。

C+J時諸軍糧盡 各本並脫「諸」字,據南史補。

ハスン **虜蒲阪** 及注表 州 刺 史杜 道生率 衆二萬至閿鄉水 「泰州」各本並作「沃州」。 按北魏無沃 州,魏

*書 夷劉 裕傳 作秦州刺史杜道生。 然蒲坂之秦州, 據錢大昕廿二史考異 謂係泰州之譌,

據改。

列傳第三十七 校勘記

- [元] 威信著於境外 各本並脫「信」字,據南史補。
- 係玄謨 「係」各本並作「後」、據南史、元龜四二一改。按「係」猶言「繼」。
- 逆徒皆云南州有三萬人 各本並脫「有」字,據元龜四二一、通鑑宋孝武帝孝建元年改。
- 於是衆心乃安由是克捷 各本並脫「衆心乃安由是」六字,據元龜四二一補。
- (二) 永光年夏 「永光」下疑脫「元」字。
- 嗣宗弟紹宗共宗孝宗文宗仲宗成宗季宗 「共宗」殿本、南史作「茂宗」,「季宗」殿本、南史作
- [1五] 元景少子承宗 各本並脫「宗」字,據南史補。

「秀宗」。

- (1六) 元景從父弟先宗 「先宗」竟陵王誕傳作「光宗」。
- 二古 索虜拓跋濬遣偽散騎常侍鎭西將軍天水公拾賁敕文率衆寇清口 氏志,拾賁氏後改封氏,此即封敕文也。 敕文封天水公,此云『清水公』, 張森楷校勘記云: 誤。」按張校是,下亦作 「魏書官
- 天水公、今改正。
- 九條。 又遷尙書僕射 各本並作「尚書右僕射」,據南史删「右」字,說見本書卷七前廢帝紀校勘記第
- 領軍將軍劉湛知之 「劉湛」各本並作「劉湛之」,下「及湛被收之夕」,各本亦作「及湛之被收之

錢大昕廿二史考異云:「之字衍。」按劉湛本書有傳、「之」字衍文、錢說是,今删去。

遣慶之叉討之 「遺」各本並作「還」,孫彪宋書考論云:「還當作遺。」按孫說是,今改正。

 \equiv 大破之 各本並脫「之」字,據远龜三五一、御覽二七九引補。

慶之連營山下營中開門相通 各本並脫「下營」二字、據南史補。

二十八年 各本並作二十七年。按上已有二十七年,下有二十九年,此當作二十八年,今改正。

(三五) 叉進新亭 「又」北監本、毛本、殿本、局士(三四) 轉位等後至追躡一階 句費解,疑有譌。

「又」北監本、毛本、殿本、局本作「夕」,三朝本作「夂」,據元龜三五一、通鑑宋孝武

帝大明三年改。

云 元徽元年 各本並脫「元徽」二字,據南史補。

宋書卷七十八

列傳第三十八

蕭思話 劉延孫

蕭思話,南蘭陵人,孝懿皇后弟子也。父源之字君流,歷中書黃門郎,徐、兗二州刺史,

冠軍將軍、南琅邪太守。永初元年卒,追贈前將軍。

思話年十許歲,未知書,以博誕遊邀爲事,好騎屋棟,打細腰鼓,侵暴隣曲,莫不患毒

自此折節,數年中,遂有令譽。好書史,善彈琴,能騎射。 高祖一見,便以國器許之。

襲爵封陽縣侯,轉宣威將軍、彭城沛二郡太守。 年十八,除琅邪王大司馬行參軍,轉相國參軍。父憂去職。服闋,拜羽林監,領石頭戍事, 涉獵書傳,頗能隸書,解音律,便弓馬。元

嘉元年,[1]謝晦爲荆州,欲請爲司馬,思話拒之。

五年, 遷中書侍郎, 仍督青州徐州之東莞諸軍事、振武將軍、 青州刺史,時年二十

列傳第三十八 蕭思話

初 聞 祥 寇,檀道濟北伐,旣而迴師,思話懼虜大至,乃棄鎭奔平昌。思話先使參軍劉振之戍下邳, 蕭 七。〔三亡命司馬朗之、元之、可之兄弟,聚黨於東莞發干縣,〔三謀爲寇亂,思話遣北海太守 在青州 思話奔,亦委城走。 汪之討斬之,餘黨悉平。八年,除竟陵王義宣左軍司馬、南沛郡太守。 旣 ,常所用銅斗,覆在藥厨下,忽於斗下得二死雀,[四]思話曰:「斗覆而雙雀殞,其不 而 被繫。 虜定不至,而<u>東陽積聚,已爲百姓所焚,由是徵下廷尉,仍繫尚方</u>。 未及就徵,索虜南

創,賊退保西水。 坦赴黄金, 義慶遣龍驤將軍裴方明三千人赴,承之等進黃金,早子、健等退保下桃。 二月, 或 承之緣路收合士衆,得精兵千人。十年正月,進據磝頭。 北 乃自徒 將 奔西城,遣司馬、建威將軍、南漢中太守蕭承之五百人前進,又遣西戎長史蕭汪之係之。 軍 九 趙溫 中起思話督梁南秦二州諸軍事、橫野將軍、梁南秦二州刺史。旣行,聞法護已委鎮 年, 、梁秦二州刺史趙溫守梁州, 薛健 叉 仇池大饑,益、梁州豐稔,梁州刺史甄法護在任失和,氐帥楊難當因此寇漢中。 **~**率薛健 副姜寶據鐵城,鐵城與黃金相對,去一里,斫樹塞道。 承之司馬錫文祖 及 《其寧朔將軍、馮翊太守蕭早子來攻坦營,日 進據黃金,蕭汪 魏興太守薛健據黃金。 之步騎五 難當焚掠漢中,引衆西還,留其輔 一百相 承之進屯磁頭,遣陰平太守蕭 繼 而 坦奮擊,大破之。 圣。 坦進攻二戍,拔之。 思話先遣行參軍 平西將 軍臨 坦被 JII

一靈濟率偏軍出洋川,因向南城。 偽陵江將軍趙英堅守險、靈濟擊破之,生禽英。 南城空

虚,因資無所,復引軍還與承之合。

賊。 將 萌 幢 弓 矢 主 軍 司馬飛龍,步騎萬餘,跨漢津結柴,其間立浮橋,悉力攻承之,合圍數十重,短兵接戰, 賊 無 三月,承之率衆軍進據峨公固。 殿 復用。 中 不 能 ·將軍梁坦直入角弩追之,賊又敗走,殺傷虜獲甚多。漢中平,悉收沒地,置戍葭 當,因大敗,燒柴奔走,退據大桃。 賊悉衣犀革,戈矛所不能加,承之乃截稍長數尺,以大斧椎之,一稍輒貫十餘 難當遣其子和率趙溫、蕭早子及左衞將軍呂平、 閏月,承之及方明臺軍至,龍驤將軍楊平興、 寧朔

旭 居 話遷 魏 南 以法崇受任一 興,唯得 郡 鎭 先是,桓玄篡晉,以桓希爲梁州。希敗走,公民楊盛據有漢中,刺史范元之、傅歆悉治 南 鄭,公 弟法崇,元嘉 魏興、 方,令獄官言法 加節 上庸、新城三郡。 十年,自少府爲益 進號寧朔將軍,徵承之爲太子屯騎校尉。 護病卒。 其後 州刺史。 索邈爲 太祖使 刺史,乃治南城。〔七〕爲賊所焚燒不可固,思 思話 法護委鎭之罪,統府 上平定漢中本末,下之史官 法護,中山 所收,於獄 無極 人,過江寓 賜死。

何 所作? + 四 事 年,遷使持節 務 之暇 故 二、臨川 以琴書爲娛耳,所得不曰義邪。 王義慶平 西 長史、南蠻校 尉。 眷想常不忘情,想亦 太祖 賜 以 弓琴,手敕曰:「丈人頃 同 之。 前得此

1011

琴,云是舊物,亦有名京邑,今以相借。因是戴顒意於彈撫,響韻殊勝,直 弓一張,材理乃快,先所常用,旣久廢射,又多病,略不能制之,便成老公,令人歎息。 爾嘉也。 幷往桑 良材

美器,宜在盡用之地,丈人眞無所與讓也。」

郡諸軍事、寧蠻校尉、雍州刺史,襄陽太守。二十二年,除侍中,領太子右率。二十四年,改 未就徵,復先職。明年,遷持節、監雍州梁南北秦四州荆州之南陽竟陵順陽襄陽新野隨六 郡諸軍事、右將軍、寧蠻校尉、雍州刺史如故。「引 曰:「相賞有松石間意。」又領南徐州大中正。明年,復監雍梁南北秦四州荆州之竟陵隨二 領左衞將軍。嘗從太祖登鍾山北嶺,中道有磐石淸泉,上使於石上彈琴,因賜以銀鍾酒,謂 十六年,衡陽王義季代義慶,又除安西長史,餘如故。十九年,徵爲侍中,領前軍將軍,

話 尙 以去州無復事力,倩府軍身九人,太祖戲之曰:「丈人終不爲田父於里閭,何應無人使 可,方相委任,奄忽不永,痛惋特深。銓管要機,通塞所寄,丈人才用體國,二三惟允。」思 二十六年,徵爲吏部尚書。詔思話曰:「沈尙書暴病不救,其體業貞審,立朝盡公,年時

甲三千,助鎭彭城。廣退,卽代世祖爲持節、監徐克靑冀四州豫州之梁郡諸軍事、撫軍將 是年春,虜攻懸瓠,太祖將大舉北討,朝士僉同,莫或異議。思話固諫,不從。 乃領精 邪

『、未拜,二十七年,遷護軍將軍。

旨督 河朔 樓及 景世 得 歷城 況下官蒙荷榮渥,義兼常志。 果出慮 故 武,復量 八日 人,不知闊 撫 思話 模車 形形 戰 一个任 解 率 元凶 軍 青州 表, 列 一分配 勝之 將 圍 卽 張永 弑 ,又燒胡景 一种仁 還 軍 重增哀惋,不能自 狹,旣還在路,漸 率部曲還彭城,起義以應 立,以爲使持節、 軍來會。 一即鎭 思話 歷下 要,擅名自古, 胡景 又爲坦副,並前鋒入河。 路事 o 歷 崔訓 世 世 城。」 七月,思話 樓及 當東 ,碻磝不拔,士卒疲勞,且班 以樓 尋爲江 (攻具, 攻道, 有 宜除其授, 勝。 見燒, 此月五 監徐青克冀四州豫州 所聞,猶謂 及衆軍 夏王 此 尋又毁崔訓攻道,城不 申坦、任仲仁西攻道,崔訓 實天 世祖。 又不能固 日,被驛使追命騎還朝,切齒拊 義恭所奏発官。 以允望實。 並至碻 五月, 地 人 所 倫無容 遺使奉牋曰:「下官近在 不 攻道,被誅於碻傲、[10]永、坦並 破,治三攻道。 發沿口 覆載,人 師淸濟,更圖 有此,私 思話 之梁郡諸軍事、 , ·可拔。 永司 神所不容忍,率土民氓,莫不憤咽 可 解徐州為冀州 懷 馬崔訓 南

進討。

此

鎭

山

Щ

嚴

阻

一,控臨

,餘如故。

彭城

申坦

與王

玄謨圍滑臺,不克,発官。

青州

刺

史蕭斌

板

坦

行建威將軍、濟南平原二郡太守,

守

初,鎭軍諮議參軍

建武

將軍

齊郡

太守胡

太祖遣

員外散騎侍郎

徐爱宣

攻道。

賊

夜

地

道

出,燒崔訓

思話

馳來,退

師。

攻城:

凡十

繋

獄

詔

日

軍

二十九年,統揚武將軍、冀州刺史張永衆軍圍碻磝。

心,輒已鍾疾,雖百口

感慨,

未敢

在言。

奉被

今教,

歷下,始奉

國諱,所承使

徐克二

州

刺

史,

將軍

如

遣 悉率文武,駱驛繼發。 斷,臧質忠義並到,不謀同時,仗順沿流,席卷江 在都,一非所 國將軍申坦、龍驤將軍梁坦二軍,分配精甲五千,申坦 顧。 正欲遣啓受規略,會奉今旨,悲懼無情。 憑威策懦,勢同振朽,開泰有期,悲欣交集。」世祖至新亭,坦亦進克 一甸, 前驅 風 伏承司徒英圖電發,殿下神武霜 爲統,便以卽日 邁,已應在近。 水陸齊下。下官 下官復練始集,

郢州,復都督郢湘二州諸軍事、鎭西將軍、郢州刺史,持節、常侍如故,鎭夏口。 使持節、都督江州豫州之西陽晉熙新蔡三郡諸軍事、江州刺史。事平,分荆、江、豫三州置 州豫州之梁郡諸軍事、安北將軍、徐州刺史,加鼓吹一部。未行而江州刺史臧質反,復以爲 時京邑多有劫掠,二旬中十七發,引咎陳遜,不許。 上 即位,徵爲散騎常侍、尚書左僕射,固辭,不受拜。 明年,出爲使持節、都督徐兗靑冀幽五 改爲中書令、丹陽尹,常侍如故。

故,諡曰穆侯。思話宗戚令望,蚤見任待,凡歷州十二,杖節監都督九焉。所至雖無皦皦清 |孝建二年卒,時年五十。[1]追贈征西將軍、開府儀同三司,持節、常侍、都督、 刺史如

後廢帝元徽末,卒官。 長子惠開嗣,別有傳。 第四子惠基,順帝昇明末,爲侍中。 次子惠明,亦有世譽,歷黃門郎,御史中丞,司徒左長史,吳興太

節,亦無穢黷之累。愛才好士,人多歸之。

源 之從父弟墓之,丹陽尹,追贈征虜將軍。 子斌,亦爲太祖所遇。 彭城王義康鎭豫章,

以爲 大將軍諮議參軍、豫章太守。 歷南蠻校尉,侍中,輔國 [將軍、靑冀二州刺史。

之棄城走。 元嘉二十七年,統王玄謨等衆軍北伐。 先是,猛與斌參軍傅融分取樂安及碻傲,樂安水道不通,先幷定碻傲,至是又克 斌遣將軍崔猛攻虜青州刺史張淮之於樂安、淮

旣而 攻圍滑臺不拔,斌追還歷下,事在王玄謨傳。

武將軍 安渤海二郡太守崔勳之出州,故順則因虛竊據。 精兵千人,討司馬百年,斬之。順則旣失據,衆稍離阻。 勳之率行建威將軍濟南平原二郡太守申坦〈長流參軍羅文昌等諸軍討順則,攻之不克。 馬百年,號安定王,亡命秦凱之、祖元明等各據村屯以應順則。 以官賞格示衆,城內賊黨李繼叔等並有歸順 之等始謂城內出於逼附,軍至卽應奔逃,而並爲賊堅守,殺傷官軍甚多。 於是大離。 二十八年,亡命司馬順則詐稱晉室近屬,自號齊王,聚衆據梁鄒城。 、齊郡太守廳秀之總諸軍。 乃四面進攻,衝車所衝,輒三五丈崩落。 祖元明又據安丘城,斌更遣振武將軍劉武之及軍主劉 'n 道連謀泄,爲賊所殺,繼叔踰城 勳之司馬曹敬會拒戰不敵,出走。 時南門樓上擲下一級,并垂繩釣取外 文昌遣道連偽投賊,賊信納之, 初,梁鄒戍主、宣威將軍、樂 斌又遣府司馬、建 又有沙門自稱司 出降、賊黨 斌即遣 勳 回

二〇一八

人,外人上,賊並放仗,云向已斬順則,所投首是也。 秦凱之走河北。 斌坐滑臺退敗,免官。

久之,復起爲南平王鑅右軍長史。其後事迹在二凶傳。

行府州事。 太守鄧琬討簡,自己固守經時,城陷伏誅。 斌弟簡,歷位長沙內史。廣陵王誕爲廣州,未之鎭,以簡爲安南諮議參軍、南海太守, 東海王韓代誕,簡仍爲前軍諮議,太守如故。 斌、簡諸子並誅 滅。 世祖入討元凶,遣輔國將軍、南海

廢,坐免官。後又爲徐州刺史,太子右衞率。 諸將未有降者,唯秀之先至,事平,以爲梁州刺史。秀之子弟爲劭所殺者將十人,而酣讌不 之,順帝昇明末,廣興公相。秀之弟況之,太宗世,亦爲始興相。 龐秀之,河南人也。 以斌故吏,賊劭甚加信委,以爲遊擊將軍。 孝建元年,卒,追贈本官,加散騎常侍。 奔世祖於新亭。 時間 子開

劉延孫,彭城呂人,雍州刺史道產子也。

陵王 送所掠民口在汝陽,太祖詔世祖遣軍襲之,議者舉延孫爲元帥,固辭無將用,舉劉泰之自 一誕北中郎中兵參軍、南淸河太守。世祖爲徐州,補治中從事史。時索虜圍縣瓠,分軍 初爲徐州主簿,舉秀才,彭城王義康司徒行參軍,尚書都官郎,爲錢唐令,世祖撫軍、廣

代。 泰之旣行,太祖大怒,免延孫官。 爲世祖鎭軍北中郎中兵參軍,南中郎諮議參軍,領錄

世 祖 伐逆,府缺 上佐, 轉補長史、尋陽太守,行留府 事

戶。」其年,侍中改領衞尉 局沈正,協贊義初,誠力俱盡。 身,託于王公之上,思所以策勳樹良, 基更造,咸有勤焉。 世 祖 即位, 以爲侍 宜顯授龜社,大啓邦家。 中, 領前軍 左衞將 將軍。 軍竣立 永寧世 下詔曰:「朕藉羣能之力,雪莫大之恥,以眇眇之 烈。 志 延孫可封東昌縣侯,竣建城縣侯,食邑各二千 開亮,理思清要,茂策忠謨,經綸惟 新除侍中、領前軍將軍延孫率懷忠敏,器 始, 俾積

兗州 年增篤,詔遣黃門侍郎宣旨問疾 軍將軍、寧蠻校尉、雍州刺史,以疾不行。 事平,徵爲尙書右僕射,領徐州大中正。 刺史,加散騎常侍。 孝建元年,遷丹陽尹。 仍徙爲使持節、 臧質反叛,上深以東土爲憂,出爲冠軍將軍、吳興太守,置佐史。 遣至江陵,分判枉直,行其誅賞。三年,又出爲南 留爲侍中、護軍,又領徐州大中正。 監雍梁南北秦四州郢州之竟陵隨二郡諸 素有勞患,其 軍事

是彭城人,別屬呂縣。 刺史。先是高祖遺詔,京口要地,去都邑密邇,自非宗室近戚,不得居之。 大 即元年,除金紫光祿大夫,領太子詹事, 劉氏居彭城縣者,又分爲三里,帝室居綏輿里,左將軍劉懷肅居安上 中正 山如故。 其年,又出爲鎭軍將軍 延孫與帝室 、南徐州 雖 同

列

陵。 室本 里,豫州刺史劉懷武居叢亭里,及呂縣凡四劉。雖同出楚元王,由來不序昭穆。 廣陵 ·非同宗,不應有此授。 與京口對岸,欲使腹心爲徐州,據京口以防誕,故以南徐授延孫,而與之合族,使 時司空竟陵王誕爲徐州,上深相畏忌,不欲使居京口,遷之於廣 延孫於帝

諸王序親

誕已閉城自守,乃還。誕遣使劉公泰齎書要之,延孫斬公泰,送首京邑。復遣幼文率軍渡 三年,南兗州刺史竟陵王誕有罪,不受徵,延孫馳遣中兵參軍杜幼文率兵起討,旣至,

哀敬。 聽,忠謨令節,簡乎朕心。方燮和台階,永毗國道,奄至薨殞,震慟兼深。考終定典,宜盡 旣 乘船 兒。」徵延孫爲侍中、尚書左僕射,領護軍將軍。 正,體識沈明,綢繆心膂,自蕃升朝,契闊唯舊,幾將二紀。 江,受沈慶之節度。 舉,則任均蕭、寇。器允棟幹,勳實佐時。 自青谿至平昌門,仍入尚書下舍。又欲以代朱脩之爲荆州,事未行,明年,卒,時年五 五年、詔延孫曰:「舊京樹親,由來常準。 可贈司徒,給班劍二十人,侍中、僕射、侯如故。」有司奏諡忠穆,韶爲文穆。又詔曰: 上甚惜之,下詔曰:「故侍中、尚書左僕射、領護軍將軍東昌縣開國侯延孫,風局簡 其年,進號車騎將軍,加散騎常侍,給鼓吹一部。 歷事兩宮,[15]出內尹牧,惠政茂績,[15]著自民 卿前出所有別議,今此防久弭,當以還授小 延孫疾病,不任拜起,上使於五城受封版, 靈業中圮,則首贊宏圖,口三義令

「故司徒文穆公延孫,居身寡約,家素貧虛,每念清美,良深悽歎。 葬送資調,固當闕乏,可

賜錢三十萬,米千斛。」

子質嗣,太宗泰始中,有罪,國除。

延孫弟延熙,義興太守,在孔號傳。

疏矣。」然乎!然乎! 疎必相思,狎必相厭,厭思一殊,榮禮自隔,遂得爲一世宗臣,蓋由此也。 後授,何哉。良以休運甫開,沈疾方被,雖宿恩內積,而安私外簡。 史臣曰:延孫接欵蕃日,固出顏、袁矣。 風飈局力,又無等級可言,而隆名盛寵,必擇而 夫侮因事狎,敬由近疎, 子曰:「事君數、斯

校勘記

元嘉元年 「元年」各本並作「三年」。 孫彪宋書考論云:「謝晦爲荆州乃元嘉元年。」按孫說是,

今改正。

五年遷中書侍郎仍督靑州徐州之東莞諸軍事振武將軍靑州刺史時年二十七 「五年」 _ 文帝紀

列

繫三年十二月癸丑,是。

聚黨於東莞發干縣 錢大昕廿二史考異云:「按州郡志、發干屬東安、不屬東莞。」

忽於斗下得二死雀 各本並脫「忽於斗下」四字,據南史、建康實錄、御覽九二二引補。

五 趙溫又率薛健及其寧朔將軍馮翊太守蒲早子來攻坦營 「馮翊」各本並作「馮冀」,今改正。 按

州郡志、秦州有馮翊郡、「三輔流民出漢中、文帝元嘉二年僑立」。 卽此郡。

/\ ***** 以桓希爲梁州希敗走 「希」各本並作「布」,據晉書毛璩傳、通鑑宋文帝元嘉十一年改。

一七] 其後索邈爲刺史乃治南城 各本「乃」上有「氐」字。 按氐傳及州郡志,索邈爲梁州刺史,治南

城,非氐治南城。 今删「氐」字。

爲賊所焚燒不可固思話遷鎭南鄭 各本並作「南城」,據州郡志改。 州郡志:刺史蕭思話還治南鄭。 「思話」上各本有「卽」字,按「卽」字費解,今删去。 「南鄭」

. 九 凵 復監雍梁南北秦四州荆州之竟陵隨二郡諸軍事右將軍寧蠻校尉雍州刺史如故 各本並脱「四」

字,據張元濟校勘記說補。

(10) 被誅於碻敬 各本並脱「於」字,據远龜四五〇補

孝建二年卒時年五十 至元嘉五年,任青州刺史,稱年二十七是也。自元嘉六年己巳,至孝建二年 殿本考證云:「按思話年十八,除琅邪王大司馬行參軍, 踰年, 父源之

卒,是爲永初元年。

列傳第三十八 校勘記

青州 乙未,又歷二十七年。思話卒時,年五十四,今云五十,蓋脫四字。」孫彪朱書考論云:「按思話任 ,依本紀實元嘉三年,年二十七。若五年年二十七,則其年十八時,當晉恭帝元熙元年,琅

話任靑州於元嘉三年,是,傳云元嘉五年爲靑州刺史,實誤。元嘉三年,思話年二十七,則其卒 邪王己爲帝,何自除琅邪王大司馬參軍邪?以此推之,思話卒年蓋五十六也。」按文帝紀繫思

年亦當是五十六,而非五十或五十四。

遣輔國將軍南海太守鄧琬討簡 「鄧琬」各本並作「劉玩」,據本書鄧琬傳、孝武帝紀、沈慶之傳

通鑑考異曰:「蕭簡傳作劉玩,今從本紀。」

(二三) 則首贊宏圖「宏」各本並作「出」、據元龜四六一改。

從弟法系附傳改正。

歷事 兩宮 各本並作「及累司馬兩官」,句費解,今據远龜四六一改。

CI五 惠政茂績 「績」各本並作「課」,據元龜四六一改。

宋書卷七十九

列傳第三十九

交五王

竟陵王誕 廬江王禕 武昌王渾 海陵王休茂

桂陽王休範

竟陵王誕字休文,文帝第六子也。

元嘉二十年,年十一,封廣陵王,食邑二千戶。二十一年,監南兗州諸軍事、北中郎將、

南兗州刺史,出鎭廣陵。尋以本號徙南徐州刺史。

以廣陵彫弊,改封隨郡王。上欲大舉北討,以襄陽外接關、河,欲廣其資力,乃罷江州 文武悉配雍州,湘州入臺稅租雜物,悉給襄陽。及大舉北伐,命諸蕃並出師,莫不奔敗,唯 二十六年,出爲都督雍梁南北秦四州荆州之竟陵隨二郡諸軍事、後將軍、雍州刺史。 軍府,

列

行,改授都督會稽東陽新安臨海永嘉五郡諸軍事、安東將軍、會稽太守,給鼓吹一部。 退,故元景引還。 誕中兵參軍柳元景先克弘農、關、陝三城,多獲首級,關、洛震動,事在元景傳。 徵誕還京師,遷都督廣交二州諸軍事、安南將軍、廣州刺史,當鎭始興,未 。會諸方並敗

徵誕爲持節、都督荆湘雍益寧梁南北秦八州諸軍事、衞將軍、開府儀同三司、荆州刺史。誕 彬之以齊牛之功,封陽新縣侯,食邑千戶,季之零陽縣侯,食邑五百戶。 不肯就徵,以誕爲侍中、驃騎大將軍、揚州刺史,開府如故。改封竟陵王,食邑五千戶。顧 以位號正與濬同,惡之,請求回改。乃進號驃騎將軍,加班劍二十人,餘如故。南譙王義宣 塘, [三]路甚狹, 左右皆悉入菰葑, 彬之軍人多齎籃屐, 於菰葑中夾射之, 欽等大敗。事平, 與彬之幷勢,自頓西陵,以爲後繼。劭遣將華欽、庾導東討,三與彬之等相逢於曲阿之奔牛 沈慶之兄子僧榮間報誕,又遺寧朔將軍顧彬之自魯顯東入,受誕節度。[1] 誕遣參軍劉季之 元凶弑立,以揚州浙江西屬司隸校尉,浙江東五郡立會州,以誕爲刺史。世祖入討,遣

流平定,誕之力也。初討元凶,與上同舉兵,有齊牛之捷,至是又有殊勳,上性多猜,頗相疑 奉乘輿法物,以迎養宣,誕固執不可,然後處分。帝加誕節,回仗士五十人,出入六門。上 而誕造立第舍,窮極工巧,園池之美,冠於一時。多聚才力之士,實之第內,精甲利器, 明年,義宣舉兵反,有荆、江、克、豫四州之力,勢震天下。上卽位日淺,朝野大懼,上欲

莫非上品,上意愈不平。

州 上 刺 以 京口 史,餘如故。 孝建二年,乃出爲使持節、都督南徐院二州諸軍事、太子太傅、南徐州刺史,侍中 去都密邇,猶疑之,大明元年秋,又出爲都督南兗南徐兗靑冀幽六州諸 誕旣見猜,亦潛爲之備,至廣陵,因索廣寇邊,修治城隍,聚糧治仗。 軍事 ·如故 南竞 嫌隙

既著

道路常云誕

反。

强 若是 叉 畫 符至,大怒,喚饒入交問:『汝欲死邪?訴臺求 不 贈 痛 大吏令監 見 將 師 敢 美 懷 ~姊爲 誕 冤 數 人,又聽大姑二女出入問訊。 王 有辭,不復聽歸,消息斷絕。 三年,建康民陳文紹上書曰:「私門有幸,亡大姑元嘉中蒙入臺六宮,薄命早亡,先朝賜 强 在 人逐,突 冒 內 語饒 石 死歸 執 頭 城 道 "『汝今年敗,汝姊誤汝。 訴。」吳郡 入家內縛錄, 龍,道龍 內 修乘 輿 民劉 逸走,誕怒鞭殺監, 法 將還廣陵。 物,習倡警蹕。 成 叉詣闕 姑二女去年冒啓歸訴,蒙陛下聖恩,賜敕解饒 **父饒**,司空誕取爲府史,恒使入山圖畫道路,勤劇 上書, 官云小人輩敢持臺家逼 至京 又捕殺道龍。」又豫章民陳談之上 道龍 口 告誕 解。 客舍,乃哆死 私 謀 饒卽答:『官比不 獨 反, 憂 懼, 稱「息道 向伴 井中,託 我。』饒因叛 侶言之, 龍 聽 昔伏 云『饒懼 通家信, 事誕,親 語 走 歸,誕 頗 一書訴枉,稱: 罪 吏名。 主衣 消息 漏 自 見姦 泄 殺 卽 莊 備至, 斷絕。 誕使 心。抱 造造王 誕 狀 慶、 見

列

傳

第

 \equiv

+

九

文

五

王

憐家祝 逆,言詞醜悖,每云:『天下方是我家有,汝等不憂不富貴。』又常疏陛下年紀姓諱,往巫鄭師 **并有啓聞,希以自免。** 恩澤周普,回改小人,使命微勤,賜署臺位。 左右飲詠之酒,逼使大醉,因言詠之乘酒駡詈,遂被害。 「弟詠之昔蒙誕采錄,隨從歷鎭,大駕南下,爲誕奉送牋書,經涉危險,時得上聞。聖明登阼, 詛。 詠之旣聞此語,又不見其事,恐一旦事發,橫罹其罪,密以告建康右尉黃宣達, 元祀弟知詠之與宣達來往,自嫌言語漏泄,卽具以告誕。 詠之恒見誕與左右小人莊慶、傅元祀潛圖姦 自顧冤枉,事有可哀。」 誕大怒,令

其年四月,上乃使有司奏曰:

首。 恒訓 庶道被八紘,不遺疏賤之賞, 威格天區, 豈漏親貴之罰。 臣 . 聞 神極尊明,大儀所以貞觀;皇天峻邈,玄化所以幽宣。 此不刊之鴻則, 故能經緯 甿俗,大庇黔 古今之

維。 能拒折簡之使,巖險千里,不能庇匹夫之身。 寵,沈淪姦逆,肆于昏放。以妻故司空臣湛之女,誅亡餘類,單舟遄遣,披猖 行路,賊忍無親,莫此爲甚。 進不能泣血提戈,忘身徇節,退不能閉關拒險,焚符斬使。 謹 一按元嘉之末,天綱崩褫,人神哀憤,含生喪氣。 故山陰令傅僧祐,至誠亮國朝,義均休戚。 乃更助虐憑凶, 抽兵勒刃, 遂使頓仆牢 司空竟陵王誕義兼臣子,任居藩 遂至拜受偽爵, 欣承榮 重門峻衞,不 千里,事哀

稱

代

已

向

乃

回

廷,占求官爵,侮蔑宗室,詆毁公卿,不義不 細 宸 徴 府 之 勞 駭 充 躍 晑 所 死 風 暴 引 慶, 末 而 馬,務 巧, 珍。 私 解 隸 御、妄生規 不 卷 觀 膳。 巫 悉匿 旋踵,妻子播流, 稱 論 遲 乃 四 聽,彰 一史,潛考圖 加 誕 功伐。 是畋游,致齊牛有崩碎之陳,新亭無獨克之術。 奉 嶽 天 回 以營字制館,公 密加購賞,頓 於號諱之辰 軍,實 順。 私 顧 電 第。 布 幸,多樹 望,淹踰 埽三江。 旣菸 朝 分遣弱旅、永塞符文,宴安所莅,身不越境,悖禮忘情,不 入私室。 野。 叉引 緯,自謂體 **耐扇清,大** 淫 ,遽甘滋之品,當惟新之始,絕苞苴之貢,忠孝 旬 藏 昔內 義宣故 庭筵莫立,見之者流涕,聞之者含嘆。 朔。 祀、顯肆获 誕 私 **僭擬天居,引石徵材,專擅興發,驅迫** 猶持疑 叉太官 室 難 應符 逆黨 將裘興爲己腹 甫 明 賊 寧,珍瑋散佚,有 陳叔 升 相 東傳、舊有獻御 兩端,陰規進退。 義宣 詛 曜 ,富貴可期, 一、遂在 幽 見等,泉寶 初平,餘黨 ·昵,人道將盡。 顯宅 石頭 心,事 心,遠邇雲集。 湾潛 悖意醜言, 御 ,喪亂旣平, 鉅億,資貨不貲,誕收籍 旣 逃 修法 陛下頻遣 刀 命 彰 利 誕 露,猶執 假威 荷任 刃 物 含縱 擅價 傳警稱 不可 神州 書檄,告譬 義銳,乞命 猶 及神鋒首路,機槍 誕忽星行之悲, 一士族, 罔忌, 欺 加 諸夏 勝 罔 斷遏, 蹕 載 兩忘,敬 方懷· 了, 天 操 役同興阜, 私 公 遂復 一般勤, 一義慝, 皇旅, 顧 竊 文 府 珍羞 所得 則 物 招 面 禁器 愛 天 遙 議 啓 納 行 俱 庶品 竟有 方 違 諷 毎 ", 歷 ",皆 彎 殫 矯 朝 開 改 東 名 闚

穽

指

弧

何

泰

天

姦

宗戚含傷,行路掩涕。又緣谿兩道,積代通衢,誕拓宇開垣,擅斷其一。致使徑塗擁 隔,川陸阻礙,神怒民怨,毒偏幽顯。故丞相臨川烈武王臣道規,名德茂親,勳光常策, 恩冠終古,事絕常班。。誕又以廟居宅前,固請毀換,詔旨不許,怨懟彌極。 異禮殊榮,受自先旨者。嗣王臣義慶受任西夏,靈寢暫移,先帝親枉鑾輿,拜辭路左, 誕以廣拓宅宇,[4] 地妨蓺植,輒逼遺孤,頓相驅徙。 遂令神主宵遷,改卜委巷,

募,事發辭寢,委罪自下。及錄事徐靈壽以常署受坐,將就囚執,舀韓近恭,中護軍遣 之、建康民陳文紹等並如訴狀,則姦情猜志,歲月增積。 遙相要契,醜聲穢問,宣著遐邇,含識能言,孰不憤歎。又獲吳郡民劉成、豫章民陳談 宜爲中台,貪冒無厭,人莫與比。雖聖慈全救,每垂容納,而虐戾不悛,姦詖彌甚。受 東夏嗣伯密相屬請,求寬桎梏。

且王僧達臨刑之啓事,高闍卽戮之辭,皆稱潛驛往來, 命還鎭,猜怨愈深,忠規正諫,必加鴆毒,諂瀆膚躁,是與比周。又矯稱符勑,設牓開 有靦面目,豺狼爲性,規牧江都,希廣兵力,天德尙弘,甫申所請,仍謂應住東府,

義康襲軌於後,變發柴奇,禍成范、謝,亦皆以義奪親,情爲憲屈。況乃上悖天經,下誣 昔周德初升,公旦有流言之釁,魯道方泰,季子斷逵泉之誅。近則淮厲覆車於前,

俯順羣 廷尉 子 政道,結釁於無妄之辰,希幸於文明之日,皇穹所不覆,厚土所不容。 所宜服膺,干紀之刑,有國所應愼守。 法獄治罪。 議,則ト 世靈根,於茲克固,鴻勳盛烈,永永無窮。 諸所連坐,別下考論。 伏願遠尋宗周之重,近監興亡之由,割恩 臣等參議,宜 下有司, 陛下如 絕誕 復 隱忍,未垂三思,則 屬籍,削爵 夫無禮之誠,臣 土,收付 棄私,

上不許,有司又固請,乃貶爵爲侯,遣令之國。

覆皇基於七百,擠生民於塗炭。

此臣等所以夙夜危懼,不敢避鈇鉞之誅者也

兵籍,赦作部徒繫囚,開門遣腹心率壯士擊明寶等,破之。 ||閬 旦將曉,明寶與閬率精兵數百人卒至,天明而門不開,誕已列兵登陴, 府舍人許宗之,宗之奔入告誕。 以之鎭爲名。 上將誅誕,以義興太守垣體爲兗州刺史,配以羽林禁兵,遣給事 閬至廣陵,誕未悟也。 誕驚起,呼左右及素所畜養數百人,執蔣成,勒兵自衞 明寶夜報誕典籤蔣成,使明晨開門爲內 閬卽遇害, 中戴明寶隨閬襲誕,使 自在門上斬蔣成,焚 明寶奔逃,自海陵界 成以告 明

檄,要結近遠。 乃遣車騎大將軍沈慶之率大衆討誕。 誕奉表投之城外,曰:「往年元凶禍逆,陛下入討,臣背凶赴順,可謂常節 時山陽內史梁曠家在廣陵,誕執其妻子,遣使要曠,曠斬使拒之。 誕焚燒郭邑,驅居民百姓,悉使入城,分遣 及丞相構 誕怒,滅

列

傳

曲,鎭扞徐、竞。 難 者 陛 期,日冀在旦夕。 賜徐、兗,仰屈皇儲,遠相餞送。 用 允 、讒言,途令無名小人來相掩襲,不任枉酷,即加誅剪。 以千數。 下宮帷之醜,豈可三緘。 滅 魯協 或有家人已死,方自城內叛出者。 從,朝野怳惚,感懷憂懼,陛下欲建百官羽儀,云 先經何福,同生皇家,今有何愆,便成胡、越。陵鋒奮戈,萬沒豈顧,盪定之 右軍、宣簡、[10]爰及武昌, 臨紙悲塞,不知所言。」世祖忿誕,左右腹心同籍春親並誅之,死 臣一 遇之感,感此何忘,庶希偕老,永相娛慰。 皆以無罪,並遇枉酷, 雀鼠貪生, 星馳推奉, 臣有 仰違韶勑。 臣前 何過,復致 後固執, 豈謂陛下信 今親勒部 於此。 方賜 復

殺 刺 歸 史劉 順 車 未期而 道 駕 光宗,柳元景從弟也。 隆 出 率 頓宣武堂,內外纂嚴。 康之所鎭 衆 來會。 隊主石貝子先衆出奔,康之懼 誕中兵參軍柳光宗、參軍 康之母在 慶之進廣陵,誕幢主韓道元來降。 城 內,亦爲 何康之、劉元邁、幢主索智朗謀開城 誕 所 事泄,夜 與智朗斬關而 豫州刺史宗整、 出 誕 禽光宗 徐州 北門

並 云 不 出 欲去,請誕還城。 戦 誕 邪 見 衆 趨 軍 海 大集,欲棄城 陵道。 誕曰:「我還,卿能爲我盡力不。」衆皆曰:「願盡力。」左右楊承伯牽誕 誕將周豐生馳告慶之, 北 走,留中兵參軍 申 慶之遣 靈 賜 居守, 龍 驤將軍武念追躡。 自將騎步數百人,親信 誕 行 + 餘 並 里,衆 遊,聲

沈公 至,刺 馬 日 邪 誕 「死生且還保城,欲持此安之? 『左右 殆 獲 日:「申中兵。」誕乃入。 誕懼,乃 馳還。 武念去誕遠,未及至,故誕得向城。 以靈賜 速還尚得入,不然敗矣。」 爲驃騎府錄事參軍,王璵之爲中軍長史,世子 慶之所遣將戴寶之單騎前 既至,日:「城上白鬚,非

景粹為 中 軍將軍 ,州別駕范義爲中軍長史,其餘府州 文武、皆加秩

不能 騎 齒,垣護之亦缺,誕謂衆曰:「此垣 索虜還,至廣 阃 因 乃委官 年時,宗慤共 叉有 一邀道 中兵參軍。 所錄,後見原。 得。 戦 先是,右 殺之,送首詣道隆。 間 功,增邑五 强族。 道 及壽陽城降,瑗 欲 蒲戲,曾手 陵,上並使受慶之節 衛將軍垣 豫州 歸 暖即使 朝 百戶 僧愍 刺史殷琰與晉安王子勛 廷。 0 |琰鎭軍。[1]子勛責琰舉兵遲晚,琰欲 護之、左軍 尋擊虜於淮西戰死。 侮 會誕反, 隨 在州貪殘,司 加慤,慤深 時誕 輩 同出,龍符兄僧愍時 亦遣問 季之至 一護之頭,非劉季之也。」太宗初即位 度。 將軍崔道固 銜 馬翟 司州 所胎 信要季之, 恨。 同逆、休祐 弘業諫爭甚苦, 刺 此四人者,並由横殺,旋受身禍 ,盱眙太守鄭瑗以季之素爲誕所遇, 至是慇爲豫州 史劉季之,誕故佐 屯 騎校尉 在城 及季之首至, 遣瑗及左右邢 外,謂瑗 龎 孟 刺史,都督司 季之積忍,置毒藥食中殺之。 自 虯、太子 解釋,乃殺 構殺 也,驍果 沈慶之送以示 龍符 一,鄭瑗 龍 旅費中郎將殷孝祖破 符說琰,琰不 州,季之慮愍為禍, 有膂力, 朝殺暖 龍符送首 爲 ,論者以爲 Щ 陽王 誕。 疑 梁山之役, 其 受。 季之缺 休 瑗 刨 同逆, 祐 有 爲 固 少 奠[驃 爭

列

傅

第

Ξ

+

九

文

五

王

道焉。

於城內建列立壇誓,誕將歃血,其所署輔國將軍孟玉秀曰:「陛下親歃。」羣臣皆稱萬歲。 天祚擊破之,卽走還城。誕又加申靈賜南徐州刺史。軍主馬元子踰城歸順,追及殺之。乃 太守、自己長史如故。幢主王璵之賞募數百人,從東門出攻龍驤將軍程天祚營,斷其弩弦, 死明心耳。」乃服藥自殺。 弼字仲輔,會稽山陰人也。 有文才。 贈車騎參軍、山陽海陵二郡 之,乃止。或勸弼出降,弼曰:「公舉兵向朝廷,此事旣不可從,荷公厚恩,又義無違背,唯當 誕幢主公孫安期率兵隊出降。 誕初閉城拒使,記室參軍賀弼固諫再三, 誕怒, 抽刃向

日,乃爲沈慶之所捕得,斬之。 脫,如其不免,可深埋之。」分以金寶,齊送出門,並各散走。唯曇濟不去,攜負景粹,十餘 初,誕使黃門呂曇濟與左右素所信者,將世子景粹藏於民間,謂曰:「事若濟,斯命全

邪。」義字明休,濟陽考城人也。 散騎侍郎沈攸之所破。誕又加申靈賜左長史,王璵之右長史,范義左司馬、左將軍,孟玉秀 門攻强弩將軍苟思達營,龍驤將軍宗越擊破之。開東門掩攻劉道隆營,復爲殷孝祖及員外 右司 馬、右將軍。 誕 所署平南將軍虞季充又出降書。上使慶之於桑里置烽火三所。誕又遣千餘人自北 范義母妻子並在城內,有勸義出降,義曰:「我人吏也,且豈能作何康活 早有世譽。

狗 所 墜 五 下 月十九日夜,有流星大如斗杆,尾長十餘丈,從西北來墜城內,是謂天狗。占曰 有伏尸流血。」誕又遣二百人出東門攻劉道產營,別遣疑兵二百人出 北門。 沈 攸

宗在城 之於 劉勔 營 東 門奮短兵接戰,大破之。門者又爲苟思達所破。曰罰誕又遣數百人出 內,陰結死士,欲襲誕。 ,攸之又破之。 廣陵城舊不開南門,云開南門者,不利其主,至誕乃開焉。 先欲布誠於慶之,乃說誕求爲間諜,見許。傾宗旣出, .東門攻寧朔司馬 彭城 致誠 邵 領

畢,復還城內,事泄,誕鞭二百,考問不服,遂支解之。

金、前虎賁中郎將鄭景玄 三百戶 L ,募賞先登。 一遣送章二紐 ,其一曰竟陵縣開國侯,食邑一千戶,募賞禽誕,其二曰建興縣開國男, 若克外城、舉一烽、克內城、舉兩烽、禽誕、舉三烽。 率羽林兵隸慶之。 上每璽書催督之,前後相 誕復遣三百人自南門攻劉勔土山,爲動所 繼。 上叉遣屯騎校尉譚 及晴, 再怒,使太 破。

離 小 未 史擇發 散。 有 醜,遂延晷漏,致皇赫斯怒,將動乘輿。 旬 成 可 慶之塡壍治攻道,值夏雨,不得攻城。 日 功。 殄,而假息流遷,七十餘日。 城 內乏糧,器械不足,徒賴冤兵倉頭三四百人,造次相附, ,將自濟江。 臣 雖 凡怯,猶懷憤踊。 太宰江夏王義恭上表 陛下入翦封 上將受律、羣蕃岳峙、銳卒精旅, 此實臣下素食駑鈍之責,行留百司 諫曰:「誕素無才 豕,出討長蛇,兵不 略,畜養又寡,自拒 恩怨夙結。 血刃,再興七 動 以 萬 計, 臣 莫不仰慚俯 百。 .始短慮,謂 大 王命,士庶 威 而 (所震) 蕞 爾

不懼。 文濟江,遂有遺州之名,今雖先天不違,動干休慶,龍舟所幸,理必利涉,然居安慮危,不可 省生命,以安遐邇之情。又以長江險闊,風波難期,王者尙不乘危,況乃汎不測之水。昔魏 衆,忽見雲旗移次,京都旣當祗悚,四方之志,必有未達。臣愚伏重思計,今寧不當計小醜, 必應旦夕夷殄。愚又以廣陵塗近,人信易達,雖爲江水,約示不難。且覩理者寡,闇塞者 方能制寇。今誕糇糧垂竭,背逆者多,慶之等轉悟遲重之非,漸見乘機之利。 今盛暑被甲,日費千金,天威一麾,孰不幸甚。臣伏尋晉文王征淮南,淹師出二百日, 私誠款款,冒啓赤心,追用悚汗,不自宣盡。」 且成旨頻降,

殺。 陵 誕伏誅。[18] 胤之耒 誕 趨 ,貶姓留氏。 於橋上,誕舉刀自衞,胤之傷誕面,因墜水,引出殺之,傳首京邑。時年二十七。因葬廣 後園。除主沈胤之、義征客周滿、胡思祖馳至,誕執玉鐶刀與左右數人散走,胤之等追及 追贈殷長寧園淑妃。 七月二日,慶之率衆軍進攻,剋其外城,乘勝而進,又剋小城。誕聞軍入,與申靈賜走 陽子,食邑三百五十戶。 同黨悉誅,殺城內男爲京觀,死者數千,女口爲軍賞。誕母殷、妻徐,並自 嘉梁曠誠節,擢爲後將軍。 胡思祖高平縣男,食邑二百戶。臨川內史羊璿之以先協附 封周滿山陽縣侯, 食邑四百五十戶,

誕爲南徐州刺史,在京夜,大風飛落屋瓦,城門鹿牀倒覆,誕心惡之。及遷鎭廣陵,入

「姓夷 城,衝 之。又五音士忽狂易見鬼,驚怖啼哭曰:「外軍圍城,城上張白布帆。」誕執錄二十餘日,乃 陵城,誕循行,有人干輿揚聲大駡曰:「大兵尋至,何以辛苦百姓!」誕 何不立六愼門。」誕問:「六愼門云何。」答曰:「古時 之曰:「官須髮爲矟 名孫,家在海陵。 風暴起揚塵,晝晦。又中夜閑坐,有赤光照室,見者莫不怪愕。左右侍直,眠中夢人告 毦。」 旣覺,已失髻矣,如此者數十人,誕甚怪懼。 天公去年與道佛共議, 欲除此間民 有言,禍不入六愼門。」誕 人, 道佛苦諫得止。 大明 執之,問其本末,答曰: 二年,發民 以其言狂 大禍 2築治廣 一悖,殺 將至,

赦之。城陷之日,雲霧晦暝,白虹臨北門,亘屬城

內

霧,眷求遺緒;楚英流殛,愛存丘墓。 感事傷目。 魂骸莫赦。 賊劉誕,稱戈犯節,自貽逆命,膏斧嬰戮,在憲已彰。 女,並可以庶 則朽骨知榮,窮泉識荷。 ,志於夷戮。 八年,前廢帝卽位,義陽王昶爲征北將軍、徐州刺史,道經廣陵,上表曰:「竊聞 陛下繼明升運,咸與惟新,大德方臨,哀矜未及。 生均宗籍,死同匹豎,旅窆委雜,封樹不修。 人禮葬,幷置守衞。」太宗泰始四年,又更改葬,祭以少牢。 況在天倫,何獨無感。 伏願稽若前准,降申丹志,乞薄改楄柎,微 臨紙 哽慟,辭不自宣。」 詔曰:「征 並難結兩臣,義開二主,法雖事斷,禮或 但尋屬忝皇枝,位叨列辟,一 今歲月愈邁,愆流釁往,踐 北 夫欒布哭市,義犯 表 如 此。 省以慨然。 情 申。 雷 境興懷, 以罪終, 霆,田叔 表窀穸。 誕及妻 淮南 伏見故 中

列

廬江王韓字休秀,文帝第八子也。

如

將軍。 故。 頭戍 中郎將、廣州刺史。日司元凶弑立,進號安南將軍,未之鎭。世祖踐阼,復爲會稽太守,加撫 異姓,宗周之明憲,三封殊級,往晉之令典。 思所以憲章前式,崇建懿親,永垂畫一,著于甲令。 大明二年,徵爲散騎常侍、中書令,領驍騎將軍,給鼓吹一 空,常侍、祭酒如故。 史,常侍、將軍如故。 事。 二十九年,遷使持節、都督廣交二州荆州之始興臨賀始安三郡諸軍事、車騎將軍、平越 元嘉二十二年,年十歲,封東海王,食邑二千戶。 二十六年,以爲侍中、後軍將軍,領石 明年,徵爲祕書監,加散騎常侍。 改封廬江王。 遷冠軍將軍、南彭城下邳二郡太守、散騎常侍,領戍如故。 以本號開府儀同三司,領國子祭酒,常侍如故。 前廢帝卽位,加中書監。 尋出爲撫軍將軍、江州刺史,進號平南將軍,置吏。 唯皇家創典、盡弘斯義。 太宗踐阼,進太尉,加侍中、中書監, 諸弟國封, 部,常侍如故。 並可增益千戶。」七年, 出爲會稽太守,將軍 **朕應天命,光宅四海,** 五年,韶曰:「昔韓、衞 又出為南豫州刺 給班劍 進司

太祖諸子,韓尤凡劣,諸兄弟蚩鄙之。 南平王鑠蚤薨,鑠子敬淵婚,禕往視之,白世祖

欣慰謀 王隆伯 「人旣 借伎, 不比 世祖答曰:「婚禮不舉樂,且敬淵等孤苦,倍非宜也。」至是太宗與建安王休仁詔曰: 反,欲立 數西方公,汝便爲諸王之長。」時韓住 |韓使左右徐虎兒以金合一 |韓,韓與 相 酬 和。 欣慰要結 枚餉幼文,銅鉢二枚餉祖珍、隆伯。 征 北 諮議參軍杜幼文、左軍參軍宋 西州,故謂之西方公也。 泰始 幼文具奏其事 祖 五. 珍 年,河東 (前 都令 柳 Ó

爵 結 御 不 敢當壁,自 · 虞志 超超 行 極 路 一,宇內舒患。 昔周 居 狎 欲 上台。 室 難滿 l然推 , 昵羣細 旣盛,二叔流言,漢祚方隆,七蕃迷叛,斯實事彰往代,難興自古。 妄 符 而 太尉 ,疏澀 奉璽,天祚 生 公常懷不平,表於 窺 怨,積慝在衿 廬江王藉慶皇枝,蚤升寵樹,幼無立德,長缺 人士。 有 自股 歸 Ö ',遂謀 事 撥亂定宇,受命應天,實尙敦睦,克敷 且 迹。 **脫雖居**尊 社 公若德深望重, 稷 極,不敢 自恃, 宜膺 大統, 宗室之事 修聲,淡薄 朕 友于 初 , 無 平暴 不 親情,厚 ,故崇殊 雖聖賢 · 諮公。 亂,豈

分。 鋒 從 履 禽 公未 遊 險,各伐 뢡 肆 者 ·, 夜 曾 匹 有 方 則 遘禍 縦酒 方,蒙霜 函 之使, ,兵斥畿 弦 歌 踐 遺半紙之書, 志棄五弟, 棘 側 (旬) 搢 耳 辛 視 勤已甚。 陰,企賊 紳 憂惶 親 休問 況 賢 身被矢石 同 憤。 司 以餌讎賊。 徒休 唯公獨幸厥災,深 否泰 仁等 難 並 自 虞, 各 謂 一令弟, 身非 悠悠 動烈, **抃時難**, 之 事 人, 兼 家 尚有 義不參 或 晝則 信

列

僔

第

三

+

九

文

五

王

寶,以爲信誓。又使府史徐虎兒招引邊將,要結禁旅,規害台輔,圖犯宮掖。 近又有道士張寶,爲公見信,事旣彰露,肆之于法。公不知慚懼,猶加營理,遣左右二 皇室危弱,統天稱己,巫稱神旨,必得如願,後事發覺,委罪所生,徼幸檢區,僅得自免。 凶,能行厭呪,大設供養,朝夕拜伏,衣裝嚴整,敬事如神,令其祝詛孝武,幷及崇憲,祈 極,遂圖畫朕躬,勒以名字,或加之矢刃,或烹之鼎鑊。公在江州,得一漢女,云知吉 謀,必期凶逆道申,以圖輔相。及皇威旣震,羣凶肅蕩,九有同慶,萬國含欣。 人,主掌殯含。顯行邪志,罔顧吏司。又挾閹豎陳道明交關不逞,傳驛音意,投金散 氣更沮,下帷晦迹,每覘天察宿,懷協左道,呪詛禱請,謹事邪巫,常被髮跣足,稽首北 而公容

嚴 職,非唯一朝,有自來矣。 而 :無理,言不暢寒暑,惠不及帷房,朝野所輕,搢紳同侮,豈堪輔相之地,寧任莅民之 公受性不仁,才非治用,昔忝江州,無稱被徵,前莅會稽,以罪左黜。公稽古寡聞,

賴崇憲太后譬解百端,少蒙申亮,得免殃責。景和狂主,醜毒橫流,初誅宰輔,豺志方 筵置酒,心誠不著,于時義陽念遇本薄,遭公此譖,益被猜嫌。 戚,侍拜長寧,從祀宗廟,顏無戚狀,淚不垂臉,兄弟長幼,靡有愛心。昔因孝武御 大明之世,迄于永光,公常留中,未嘗外撫,何以在今,方起嫌怨。公少卽長人,情 股當時狼狽,不暇自理,

第,兄弟共集,忽中坐忿怒,厲色見指,以朕行止出入,每不能同,若得稱心,規肆忿憾。 扇。 惟公此旨,蚤欲見滅,而天道愛善,朕獲南面,不長惡逆,挫公毒 必清閑,贈貺豐厚。朕當時惶駭,五內崩墜,于其語次,劣得小止。往又經在尋陽長公主 於建章宮召朕兄弟,逼酒使醉,公因酒勢,遂肆苦言,云朕及休仁,與太宰親數,往 ij

類斯 靜,而坐作凶咎,自□深釁。由殷誠感無素,爰至於此,永尋多難,惋慨實深 於民、勳高於物、勢不自安、於事爲可。公旣才均櫟木、牽以曲全、 太宰東傳餘錢,見入數百萬,內不充養,外不助國,散賜諂諛,偏惠趨隸。 阻蜂起,日耗萬金,公卿庶民,傾產歸獻。 比 自大明積費,國弊民凋,加景和奢虐,府藏罄盡。 羣小交構,遂生異圖,籍籍之義,轉盈民口。 積受台奉, 貲畜優廣。 公若地居衡寄,任專八柄,德育 **朕在位甫爾,卹義具瞻,仍值終 朕**踐阼之初, 因高無民,得守虛 推 心考行,事 公請故

惻怛,宜少申國憲,以弔不臧。今以淮南、宣城、歷陽三郡還立南豫州,降公爲車騎將 狡扇之徒,宜時誅剪。 已詔司戮,肅正典刑。公身居戚長,情禮兼至,準之常科,顧有 軍、開府儀同三司、南豫州刺史,削邑千戶,侍中、王如故。 公,不相隱忍。 凡人所行,各有本志,朕博愛尙仁,爲日已久,尙能含讎恕罪,著于觸事,豈容於 但禍萌易漸,去惡宜疾,負荷之重,寧得坐觀。 且蔓草難除,燎火須撲,

列

宛陵縣獄,依法窮治。」不許。乃遣大鴻臚持節,兼宗正爲副奉詔責禕,逼令自殺,時年三 樊平祖、孟敬祖並伏誅。 出鎭宣城,上遣腹心楊運長領兵防衛。「云同黨柳欣慰、徐虎兒、陳道明、甯敬之、閭丘邈之、 明年六月、江北上又令有司奏:「韓忿懟有怨言、請觅官、削爵土、付

十五,即葬宣城。

順帝昇明二年卒,時年二十八,無子。 子充明,輔國將軍、南彭城東莞二郡太守。 廢徙新安歙縣。 後廢帝卽位,聽還京邑。

武昌王渾字休淵,文帝第十子也。

寇,破汝陰郡,徙渾爲武昌王。少而凶戾,嘗出石頭,怨左右人,拔防身刀斫之。[[5]元凶弑 立,以爲中書令。山陵夕,贏身露頭,往散騎省戲,因彎弓射通直郎周朗,中其枕,以爲笑 元嘉二十四年,年九歲,封汝陰王,食邑二千戶。爲後軍將軍,加散騎常侍。 索虜南

世祖卽位,授征虜將軍、南彭城東海二郡太守,出鎭京口

史,將軍如故。渾至鎭,與左右人作文檄,自號楚王,號年爲永光元年,日之備置百官,以爲 孝建元年,遷使持節、監雍梁南北秦四州荆州之竟陵隨二郡諸軍事、寧蠻校尉、雍州

戲笑。 安郡。 難充,如其凶圖 相與厲精,以固七百。 石,云何一旦反欲見圖? 文檄處分,事迹炳然,不忠不義,乃可至此。 豈唯天道助順,逆志 喬之壽。一 上遣員外散騎侍郎戴明寶詰渾曰:「我與汝親則同氣,義則君臣,遣任西蕃,以 長史王翼之得其手迹,封呈世祖。 逼令自 [獲逞,天下誰當相容,前事不遠,足爲鑑戒。 2段, 汝忽復構此,良可悲惋。 即葬襄陽,時年十七。 上使有司奏冤爲庶人,下太常,絕其屬籍,徙付始 大明四 國 雖有典, 年, 我亦何忍極法,好自將養,以保 聽還葬母江太妃墓次。 加以頻歲釁難,非起外人,唯 太宗卽 同 應

王翼之字季酮, 琅邪臨沂人,晉黃門侍郎徽之孫也。 官至御史中丞,會稽太守,廣州刺

史。

諡曰肅子。

位,追封爲武昌縣侯。〔三0〕

海陵王休茂,文帝第十四子也。

時司 四 州 野州之竟陵隨二郡諸軍事 馬庾深之行府事,休茂性急疾,欲自專,深之及主帥每禁之,「三」常懷忿怒。 孝建二年,年十一,封海陵王,食邑二千戶。 、北中郎將、寧蠻校尉、 大明二年,以爲使持節、都督雍梁南 雍州 刺史。 進號左 將軍,增邑千戶。 左右張伯 北秦

列

還,不得入。義成太守薛繼考爲休茂盡力攻城,殺傷甚衆,暢之不能自固,遂得入城,斬暢 期 楊慶,出金城,殺司馬庾深之、典籤戴雙。 縦 之及同謀數十人。 龍、來承道、彭叔兒、魏公子、陳伯兒、張駟奴、楊興、劉保、余雙等,率夾轂隊,於城內殺典籤 儀同三司,加黃鉞。侍讀博士荀詵諫爭,見殺。 此 超 一大事不成,不失入虜中爲王。」休茂從之。夜挾伯超及左右黃靈期、蔡捷世、滕穆之、王寶 至所 挺身斫休茂,被創走,見殺。休茂出城行營,諮議參軍沈暢之等率衆閉門拒之,休茂 |恐無好。」|休茂日:「爲何計。]|伯超日:「唯當殺行 親 愛,多罪過,主帥常加呵責,伯超懼罪,謂休茂曰:「主帥密疏官罪 集徵兵衆,建牙馳檄,使佐吏上車騎大將軍、開府 伯超專任軍政,殺害自己。休茂左右曹萬 事及主帥,且舉兵自衞。 過,欲以啓聞,如 此去都 數千里, 馳

河南 悉伏 事。 有司 奏絕 談。城中撓亂,無相統領。時尚書右僕射劉秀之弟恭之爲休茂中兵參軍,衆共推行府州 繼考以兵脅恭之,使作啓事云立義,自乘驛還都,上以爲 其 太守,封冠軍縣侯,食邑四百戶。 日,參軍尹玄慶起義,攻休茂,生禽之,將出中門斬首,時年十七。母妻皆自殺,同黨 休茂屬籍,貶姓爲留,上不 許。 尋事泄、伏誅。 即葬 寒陽。 恭之坐繫尚方。 永嘉王子仁北中郎諮議參軍、 以 玄慶爲射聲校尉。

庾深之字彥靜,新野人也。 以事先朝見知。元嘉二十九年,自輔國長史爲長沙內史。

南 郡 轉休茂 王 一義宣 司馬。 **|爲荆、湘二州,加深之寧朔將** 見害之旦,子孫亦死。 軍, 追贈深之冠軍將軍、雍州刺史,荀詵員外散騎侍 督湘州 七 那 明 年, 義宣 「為逆、 深之據巴陵拒

郎,曹萬期始平太守。

桂陽王休範,文帝第十八子也。

散 持節 克 青 糞 始 州 城 城 年,遷左 騎 刺 反 興 叛,遣 常侍、還京口、解兗州、增邑二千戶、受五百戶。 、都督南徐徐南兗兗四州諸軍事、鎭北將軍 兀 史,常侍 邳太守。 孝 六州 達三年,年九歲,封順陽王,食邑二千戶。大明元年,改封桂陽王。 郡 衛將軍,加給事中。前廢帝永光元年,轉中護軍,領崇憲衞尉。 諸 從子索兒南侵,休範進據廣陵,督北討諸軍事,加南兗州刺史,進征北大將軍 諸 軍 如 事 三年,出爲江州刺史,尋加征虜將軍,邑千戶。入爲祕書監,領前軍將軍。 軍 故。 て、征 事 、驃 南 明年,出爲使持節、都督江 騎 大將軍 大將 江州 軍 、南 刺史。 徐州刺史,持節、常侍、開府如故。 尋加 開府儀 郢司廣交五 、南徐州刺史、給鼓吹一部。 泰始 同三司、未拜, 五 州豫州之西陽新蔡晉熙湘州 年,徵爲中書監、中軍將軍 改授都督南徐 未拜,以 太宗定亂,以爲 爲冠軍將軍 時薛安都據 驃 騎大將軍 徐南 一、南彭 力 兗 之 彭 使 +

列

傳

第

Ξ

+

九

文

五王

還爲江 州 進督越州諸軍事,給三望車一乘。太宗遺詔,進位司空,改常侍爲侍中,加班劍三

此, 以我弟故,生便富貴。 体範素凡訥,少知解,不爲諸兄所齒遇。太宗常指左右人謂王景文曰:「休範人才不及 釋氏願生王家,良有以也。」及太宗晚年,晉平王休祐以狠戾致

爲物情所向,自己故得自保,而常懷憂懼,恒慮禍及。 禍,建安王休仁以權逼不見容,巴陵王休若素得人情,又以此見害。唯休範謹澀無才能,不 及太宗晏駕,主幼時艱,素族當權,近

習秉 渦 尋陽 政 、休範 者,莫不降意折節,重加問遺,□□□ .自謂宗戚莫二,應居宰輔,事旣不至,怨憤彌結。 冒則傾 (身接引,厚相資給,於是遠近同應,至者 招引勇士,繕治器械,行人經 如

不還之志。 解侍 中。

歸。[三朝廷

知

其有異志,密相防禦,雖未表形迹,而釁難已成。

母荀太妃薨,葬廬山,以示

熙王燮爲郢州刺史,長史王奐行府州事,配 隊稱力請受,付以榜解板,合手裝治,二三日間,便悉整辦。 樓堞,多解 時 夏 尋陽。 口 榜 闕鎭,朝議 板 频擬 体範大怒,欲舉兵襲朝廷,密與典籤新蔡 以備用。 以居尋陽上流,欲樹置腹心,重其兵力。 其年,進位太尉。 以資力,出鎭 明年 ·五月, 夏口。 人許公輿謀之。〔三〕表治城 逐舉兵反。 率衆二萬,鐵騎數百匹,發自尋 慮爲 元徽元年,乃以第五皇弟晉 休範 **虜發百姓** 所撥留 船乘,使 ,自太子洑 池、修 軍 起

戰國之餘,傷周室衰殄,立磐石之宗,而致七國之亂。 絕朝聘之禮,是以根疎葉枯,政移異族。今宗室衰微,自昔未有,泰寧之世,足以爲譬。 夫治政任賢,宜親 《疎相輔,得其經緯,則結繩可及,失其規矩,則危亡可期。 魏革漢典,創於 前失,遂使諸王 漢承

孤子忝枝皇族,預關興毀,雖欲忘言,其可得乎。

誨,禮則君臣,樂則兄弟,升級賜賞,動不移年,撫慰孜孜,恒如不足,豈容一旦閱牆,致 潔,德厭民望,並無寸罪,受斃讒邪。先帝穆於友于,留心親戚,去昔事平之後,面受詔 父,非唯令友,信爲國器。唐叔之忠,而受管、蔡之罪,親戚哀憤,行路嗟歎。 王地籍光 嗣不腆,遂貽禍難。于時建安王以家難頻遘,宜立長主,明皇帝恢朗淵懿,仁潤含遠, **鑾東京,搜賢選能,納奇賞異。孝武皇帝歧嶷天縱,先機雷發,陵波靜亂,宏業中興,儲** 之釁,實自由己。但司徒巴陵王勞謙爲國,中流事難,有不世之勳,奉時如天,事兄猶 奉戴南面,允合天人。而太尉以年長居卑,怨心形色,柳欣慰等規行不軌,事迹披猖。 此 驃騎以忤顏失旨,應對不順,在蕃刻削,怨結人鬼。先帝明於號令,豈枉法爲親,二王 , 禍害 高祖武皇帝升叡三光,滌紛四表。太祖文皇帝欽明冠古,資乾承曆,秉鉞西服,鳴 ,良有由也。 先帝寢疾彌年,體疲膳少,雖神照無虧,而慮有失德,補闕拾遺,責

列傳

第

Ξ

十

文

五

王

交間蒼 諂諛 必抑。 羣 邪 地屬 順擇命,春秋美之;秦穆殉良,詩有明刺。臣子之節,得失必書,不及匡諫,猶以爲罪。 類千端,升進姦回,屠斥賢哲,外矯天則,內誣人鬼。是以星紀違常,羲望失度。 陷讒細,孤子已下,復觸姦機。是以望陵墳而摧裂,想鑾旂而抽慟。 父,格以古義,豈得爲忠。 慮晏駕之日,長王作輔,奪其寵柄,不得自專。是以內假帝旨,外託朝議,諛辭詭 在 今者乎。 未 左 有 ", 則 玉 右。 親 斯 ·負荷,顧命之辰,曾不見及。 分崩之際,詔出兩豎,天誘其衷,得居乎外。 若受制 海內遠近,人誰不知,未解執事,不加斧鉞,遂致先帝有殺弟之名,醜聲遺於君 ·狎者,飛榮玉除,靜立貞粹者,柴門生草。 事先關己,雖非必行,若不諮詢,雖是 蠅,驅扇禍戮,爵以貨重,才由貧輕,先帝舊人,無罪黜落,薦致鄉親,徧布朝省。 于時出入臥內,唯有運長、道隆,羣細無狀,因疾遘禍,見上不和,知無瘳拯, 石同碎矣。 昔石顯、曹節,方今爲優,而望之、仲舉,由以致弊。至於遭逢醜慝,豈有古 以宇宙之基,一旦受制卑瑣,劉氏家國,使小人處分,終古以來, 先帝崩殂,若無天地,理痛常情,便應赴泣。但兄弟枉酷,已 雖復才違寄寵,而 貌,萬 昔魏

凶,坐觀傾覆。 諸賢冑籍 冠冕,世歷忠貞,位非恩樹,勳豈寵結,憂國勤王,社稷之鎭,豈可含縱讒 自惟宋室未殞,得以推移者,正內賴諸賢,防勒姦軌,外有孤子,跨據中

代,齊猶致禍,況長淮戍卒,歷年怨思,不務拓遠强邊,而先事國君親戚,以此求心,何 不開,則周公無以自保。 力强兵、作鎭姑熟、俱防寇害、豈得獨嫌於此。昔成王之明,而爲流言致惑,若使金縢 主上年稚,宗室衰微,邪僭用命,親賢結舌,疆埸嬰塗炭之苦,征夫有勤役之勞,瓜時不 客三千。況孤子位居鼎司、捍衞畿甸、且今與昔異、咸所知也。狡虜陵掠、江、淮侵逼、 說,以孤子納士爲尤,此輩懼其身罪,豈爲國計。 流。 里,自己且修城池,整郭邑,爲治常理,復何足致嫌邪。若以中流淸蕩,則任農夫不應實 事非亂。又以繕治盆壘,復致囂聲。自晉、宋之災,積貯百萬,孤子到鎭,曾不數千 雖不肖,天子之季父,卑小主者,敢不如是乎。孤子承奉今上,如事先朝,夙宵恭謹,散 應鳴鼓見伐;如其不爾,宜令各有所歸。 之鎭,不見慰省,逆旅往來,尚有顧眄,骨肉何讎,逼使離隔。 心雲日,晦望表驛,相從江衢,有何虧違,頓至於此。旣已甘心,其可再乎。 過見防禦。 此者,每加約截,同惡相求,有若市賈。 而人非金石,何能支久,使一虧落,則本根莫庇。當今主上沖幼,宜明典章,征虜 近遣西南二使,統內宣傳,不容恐懼,卽遣啓並有別書。若以孤子有過,便 樂毅歸趙,不忍謀滅,況孤子禮則君臣,恩猶父子者乎。所以 與殺不辜,憲有常辟,三公之使,無罪而 以孤子知其情狀,恒恐以此乘之,鉗勒州郡, 在昔四豪,列國公子,猶博引廣納,門 禽獸之心,橫生疑貳,經 如往來所 斬、鄙

由

枕 戈 江 脣亡齒寒,理不難見。 血,祇以兄弟之讎爾。 桂蠹必除,人邪必翦,枉突徙薪,何勞多力。 觀其不逞之意,豈可限量。 設使遂其虐志, 諸君欲安坐 望便執錄二

豎,以謝冤魂,則先帝不失順悌之名,宋世無枉筆之史。

誅,張、溫趁趄,文臺扼腕。事之樞機,得失俄頃,往車今轍,庶無惑焉。近持此意,申 任,非君而誰,周、邵之職,頗以自許。 總戈成林,劋此纖隸,何患不克。但千鈞之弩,不爲鼷鼠發機,欲使薰蕕內辨,晉陽外 者信使,每申勤款。王奐佐郢,兵權在握,厥督屠枉,至司朝野嗟痛,猶父之怨,寧可與 都日,受制凶黨,揚颿直逝,遂不見遇,孤子近遣信申述姦禍,方大惆惋,追恨前迷,比 之沈攸,其憤難不解諸王致此,旣知禍原,銳然奮發,蓄兵厲卒,以俟同舉。 息 倚一隅,遲及委問。 爾,功有所歸,不亦可乎。 便當投命有司,謝罪天闕,同奉溫凊,齊心庶事。 伊、霍之 此州地居形要,路枕九江,控弦跨馬,越關而至。 孤子此舉,增其慷慨,義之所勸,其應猶響。諸君或未得此意,故先告懷。徙 孤子哀疾尩毁,窮盡無日,庶規史鰌,死不忘本。 左提右挈,無愧古人。 重氣輕死,排藪競出,練甲照水, **昔**四、勃剛斷,產、祿蚤 臨紙荒哽,言不 張興世發

大雷戍主杜道欣馳下告變。道欣至一宿,休範已至新林,朝廷震動。平南將軍齊王出

中軍褚 次新亭壘,領軍將軍劉勔、前兗州刺史沈懷明據石頭,征北將軍張永屯白下,衞將軍 淵 、尚書左僕射劉秉等入衞殿省。 時事起倉卒,不暇得更處分,開南北二武庫 袁粲、

士意

取

回見 其可乘,乃偽往請降,幷宣齊王意旨,休範大悅,以二子德宣、德嗣付回與爲質,至卽 回與越騎校尉張敬兒直前斬休範首,持還,左右並奔散 休 範 於新林步上,及新亭壘,自臨城南,於臨滄觀上,回即以數十人自衞。 屯騎校尉黃 斬

不相知聞。 至宣陽御道、諸賊一時奔散、斬墨蠡、文豪及同黨姜伯玉、柳仲虔、任天助等。 皇太后、太妃剔取宮內金銀器物以充用。羽林監陳顯達率所領於杜姥宅與墨蠡戰,破之。 逕至杜姥宅,中書舍人孫千齡開承明門出降,如己宮省恇擾,無復固志。 據,衆愈疑惑。 也,齊王遣隊主陳靈寶齎首詣臺,道逢賊,棄首於水,挺身得達,雖唱云「已平」, 敗,死之。 新蔡,自己村民斬送之。 初 休範自新林分遣同黨杜耳、丁文豪、杜墨蠡等了一一直向朱雀門。 墨蠡等乘勝直入朱雀門,王道隆爲亂兵所殺。 王道隆率羽林兵在朱雀門內,聞賊至,急召劉勔。 張永棄衆於白下,沈懷明於石頭奔散,撫軍典籤茅恬開東府納賊。曰己墨蠡 晉熙王燮自夏口遣軍平尋陽,德嗣弟青牛、 墨蠡等唱:「太尉至。」 **勔自石頭來赴**,仍進桁 智藏並伏誅。 休範 時庫藏賞賜已盡, 雖死,墨蠡等 許公輿走還 休範之死 而無以爲 南、戦

列

傳

秣陵二縣收斂諸軍死者,幷殺賊屍,並加藏埋。

咸思戮以馬劍。 史臣曰:語有之,投鼠而忌器,信矣。阮佃夫、王道隆專用主命,臣行君道,識義之徒, 休範馳兵象魏,矢及君屋,忠臣義士,莫不銜膽爭先。夫以邪附君,猶或自

校勘記

免,況於仗正順以爭主哉。

又遣寧朔將軍顧彬之自魯顯東入受誕節度 魯山,其下爲魯顯水。」按孫說是,今改正。又宋本、弘治本、北監本、毛本無「誕節度」三字,殿 作魯。鄧琬傳曰,太宗恐劉胡步向京邑,使廣德令王蘊防魯顯。按方輿紀要,寧國宣城縣南有 「魯顯」各本並作「曾顯」。孫彪宋書考論云:「曾當

つ こ し **砂遣將華欽庾導東討** 「華欽」二凶傳、通鑑宋元嘉三十年作「燕欽」。「庾導」南史作「庾遵」。

本、局本有「節度」二字,無「誕」字,今據南史補。

與彬之等相逢於曲阿之奔牛塘「等」各本並作「弟」。 張森楷校勘記云:「上下皆不及彬之弟, 此弟字疑係等字之誤。」按張校是,今改正。

- 帝加誕節 三朝本、北監本、毛本無「帝加」二字、殿本有「加」字、無「帝」字。 今據元龜二九
- 五 故山陰令傅僧祐 各本並脫「令」字,今補。 張森楷校勘記云:「脫令字,據臧燾傳,僧祐是山

陰令。」

- ハベン 今改正 加以營字製館 「宇」各本作「于」,殿本作「干」。 張元濟校勘記云:「于疑宇之譌。」按張校是,
- フャン 誕以廣拓宅宇 「拓」各本並作「託」,今改正。
- 陛下欲建 百官羽儀 各本並脫「建」字,據魏書島夷劉裕傳補。
- 八九山 盪定之期 「之」各本並作「以」,據魏書島夷劉裕傳改
- 右軍宣簡 「宣簡」各本並作「宣蘭」,據魏書島夷劉裕傳改。 按右軍謂南平王鑠, 宣簡
- 瑗卽使琰鎭 軍 句疑 有 誤。

宏之諡。

贈車騎參軍 山陽 海陵二郡太守 「參軍」各本並作「將軍」。 孫彪宋書考論云: 「當作參軍。」 按

孫說是,今改正

列 門者又爲苟思達所破 傅 第 三 十 九 校 勘 孫彪宋書考論云:「門者有脫文、蓋爲出北門者。」 記

- 臨川內史羊璿之以先協附誕伏誅 「羊璿之」各本並作「羊濬之」,據通鑑宋孝武帝大明三年
- 遷使持節都督廣交二州荆州之始興臨賀始安三郡諸軍事車騎將軍平越中郎將 州 之始興臨賀始安三郡諸軍事」各本並作「荆州之始興臨安二郡諸軍事」、據錢氏考異 廣州 刺 八說改。 史 「 |荆 錢

始興、臨賀、始安郡、並云晉成帝度荆州、宋元嘉二十九年度廣州。 大昕廿二史考異云:「按臨安非郡名,當云荆州之始興、臨賀、始安三郡,傳寫脫誤耳。 據此傳,知元嘉二十九年,特 州郡志於

以廣州刺史兼督此三郡,其地猶屬荆州也。」

二

上遣腹

心楊運長領兵防衞

「領」各本並作「鎭」,據南史、通鑑宋明帝泰始五年改。

- 二世 明年六月 張森楷校勘記云:「據本紀卽在是年,不得云明年。」
- 拔防身刀斫之 「拔」各本並作「援」,據南史、元龜二九九改。
- 二九 號年 爲 永光元年 「永光」通鑑同宋書。 南史、建康實錄作「元光」,元龜二九九作「允光」。
- 追封 爲 武昌縣侯 「武昌」無史作「義昌」。
- 深之及 主 帥毎禁之 「禁」各本並作「案」,據南史、通鑑宋孝武帝大明五年改。
- 不爲 物 情 所 向 各本 並脫 情 字, 據通鑑補。 按通鑑宋後廢帝元徽元年原文作「物情亦不

向 之。

於是遠近同應至者如歸 三朝本「應至者」三字空白;北監本、毛本、殿本、局本作「應從者」,南

迚作「應至者」。 今據兩史訂補

密與典籤新蔡人許公輿謀之「許公輿」南齊書高帝紀作「許公與」。

呈 曾不數千里 李慈銘宋書札記云:「里字衍文。」孫彪宋書考論云:「此謂積貯,里字當衍。」

会 厥督屠枉 孫彪宋書考論云:「奐、景文兄子。厥督屠枉疑是厥叔、謂景文也。」

至 於臨滄觀上 各本「觀」字空白、據通鑑宋元徽二年補。胡三省注:「臨滄觀在勞山上,江寧縣南

十五 里。 亦曰勞勞亭。」

合合

初休範自新林分遣同黨杜耳丁文豪杜墨蠡等

「杜墨鑫」南齊書高帝紀作「杜黑鑫」,魏書島夷

劉裕 ····傳作「杜墨騾」,通鑑從宋略作「杜黑騾」。

三之 撫軍典籤茅恬開東府納賊 澄」,通鑑從宋略亦作「無軍長史褚澄」。 「撫軍典籤 茅恬」南齊書作「車騎典籤茅恬」,南史作「撫軍長史褚 考異云:「宋書、南齊書蓋皆爲褚澄諱耳。」

中書舍人孫千齡 開承明門出降 各本「承」字空白、據通鑑塡補。

許公輿走還新蔡 作 新蔡。 上文有新蔡人許公輿,是其證。」按龔說是,今改正。 「新櫒」各本作「新茶」,局本作「新茶」。 襲道耕蛛隱廬日箋稿本云:「新茶當

宋書卷八十

列傳第四十

孝武十四王

豫章王子尚 晉安王子勛 松滋侯子房 臨海王子頊

始平孝敬王子鸞 永嘉王子仁 始安王子眞 邵陵王子元

齊敬王子羽 淮南王子孟 晉陵孝王子雲 南海哀王子師

淮陽思王子霄 東平王子嗣 武陵王贊

安陸王子綏,徐昭容生皇子子深,何淑儀生松滋侯子房,史昭華生臨海王子頊,殷貴妃生始 平孝敬王子鸞,次永嘉王子仁,與皇子子深同生,何婕妤生皇子子鳳,謝昭容生始安王子 孝武帝二十八男:文穆皇后生廢帝子業、豫章王子尚,陳淑媛生晉安王子勛,阮容華生

列

傳

早天。子趨、子期、子悅未封,爲明帝所殺。 級、南平王子產、<u>廬陵王子輿並出繼。皇子子深、子鳳、子玄、子衡、子況、子文、子雍未封</u>, 期,與皇子子衡同生,次東平王子嗣,與始安王子眞同生,杜容華生皇子子悅。〔〕安陸王子 皇子子玄同生,次皇子子雍,與始安王子眞同生,次皇子子趨,與皇子子鳳同生,次皇子子 輿,與淮南王子孟同生,次南海哀王子師,與始平孝敬王子鸞同生,次淮陽思王子霄,口與 美人生皇子子衡,楊婕妤生淮南王子孟,次皇子子况,與皇子子玄同生,次南平王子產,與 真,江婕妤生皇子子玄,史昭儀生邵陵王子元,次齊敬王子羽,與始平孝敬王子鸞同生, 永嘉王子仁同生,次晉陵孝王子雲,次皇子子文,並與始平孝敬王子鸞同生,次廬陵王子

豫章王子尚字孝師,孝武帝第二子也。

鼓吹一部。五年,改封豫章王,戶邑如先,領會稽太守。七年,加使持節,進號車騎將軍。其 **兗州刺史。〔三 其年,遷揚州刺史。** 湯州,命子尙都督揚州江州之鄱陽晉安建安三郡諸軍事、揚州刺史,⑤將軍如故,給 孝建三年,年六歲,封西陽王,食邑二千戶。仍都督南徐兗二州諸軍事、北中郎將、南 大明二年,加撫軍將軍。三年,分浙江西立王畿,以浙江

曹,勸學從事二人,比祭酒從事。 縣勸農。又立左學,召生徒,置儒林祭酒一人,學生師敬,位比州治中,文學祭酒一人,比西 年,又加散騎常侍,以本號開府儀同三司。 前廢帝即位,罷王畿復舊,徵子尚都督揚、南徐二州諸軍 時東土大旱,鄞縣多疁田,世祖使子尚上表至鄞

楚玉淫亂縱慝,義絕人經。並可於第賜盡。」子尚時年十六。 旣長,人才凡劣,凶慝有廢帝風。太宗殞廢帝,稱太皇后令曰:「子尙頑凶極悖,行乖天 初孝建中,世祖以子尚太子母弟,上甚留心。後新安王子鸞以母幸見愛,子尚之寵稍

事,領尚書令,解督東揚州,餘如故。

許之。淵雖承旨而行,以死自固,楚玉不能制也。 二十人。未及拜受而廢帝敗。 楚玉,山陰公主也。廢帝改封爲會稽郡長公主,食湯沐邑二千戶,給鼓吹一部,加班劍 楚玉肆情淫縱,以尚書吏部郎褚淵貌美,請自侍十日,廢帝

晉安王子勛字孝德,孝武帝第三子也。

軍、南兗州刺史。 大明四年,年五歲,封晉安王,食邑二千戶。仍都督南兗州徐州之東海諸軍事、征虜將 七年,改督江州南豫州之晉熙新蔡郢州之西陽三郡諸軍事、前將軍、江州

第

景

和元年,加使持

節

尉、雍州刺史。 刺 八年,遷使持節、都督雍梁南北秦四州郢州之竟陵隨二郡諸軍事 未拜 而 世祖崩,以鎮 軍將軍還爲江州,本官如故。 眼患 風,爲 、鎭軍將軍、寧蠻校 世 祖所不愛。

日二 帝出行 女新蔡 雲至盆 何邁殺我立汝, 時 廢帝 爲 口,停不進,遣信使報長史鄧琬。 公主,帝詐云主薨,殺宮人代之,顯 變,迎立子勛。 狂 凶、多所誅害。 汝自計孰若孝武邪? 事泄,帝自率宿 前撫軍諮議參軍何邁少好武,頗招集才力之士。 腕等因奉子勛起兵,以廢立爲名。 衞兵誅邁,使八 加 可自爲其所。」遣左右朱景雲送藥賜 殯 〈葬,而 納主於後宮。 座奏子勛 與邁 深忌邁,邁 通 謀。 慮禍及,謀因 子勛 叉手 邁先尚太祖 詔子 死。 勛

勛 焚營遁走。 尾,又遣安北將軍 七日,奉子勛 歲四方貢計,並詣 死時年十一,即葬尋陽 太宗定亂,進子勛號 顗 爲帝,卽僞位於尋陽城,年號 聞 胡 袁顗 尋陽。 去,亦 總統 遣左衞 廬山 棄 車騎將軍、開府儀同 衆 衆 南 軍 將軍 o 奔。 臺軍 孫 沈攸之諸軍至尋陽,誅子勛及其母,同逆皆夷滅。 屯據錢谿 沖之等下據赭圻,又遣豫州刺史劉胡 義嘉 三司。琬等不受命,傳檄京邑。 元年,備置百官,四方並響應,威 急斷顕等糧 援,胡遣 將攻之,大敗,於是 泰始 率 大 震 衆 一年 天 來 下 屯 庄 是 月

鵲

松滋侯子房字孝良,孝武帝第六子也。

如故。 年,遷豫州 大 明 前廢帝永光元年,遷東揚州 四 刺史,將軍、淮南太守如故。六年,改領宣城太守。 年, 年五歲, 封尋陽 王,食邑二千戶。 刺史,將軍如故。 仍爲冠軍將軍、 景和元年,罷東揚州 七年,進號右 淮南宣城二郡太守。 ,子房以本號督會 將軍,解宣城,餘 五.

稽東陽

新安臨

海永嘉

五.

郡諸軍

事、會稽太守。

命於覬。 受命,舉兵反,應晉安王。 起兵殺覬,囚子房,送還京都,上宥之,貶爲松滋縣侯,食邑千戶。 太宗卽位,改督爲都督,進號安東將軍,太守如故。 太宗遣衞將軍巴陵王休若督諸將吳喜等東討,戰無不捷,以 子勛 即偽位,進子房號 車騎將軍、開府儀 又徵爲撫軍,領太常。 同 三司。 次平定。 三吳晉 上虞令王晏 長史孔覬 陵 並受

謀主 情爲 而 妖豎遘扇,妄造異圖 法 司 規相 規 屈 徒建安王休仁以子房兄弟終爲禍難, 興 ,聖達是遵。 禍亂,令舍人嚴龍覘覦宮省,以羽林出討,宿 應援,通言北 朕埽穢定傾,再全寶業,遠惟鴻基, **漫**當 寇,引令過淮。 自西南阻兵,東夏侵斥, 頃休範濟江,潛欲拒捍,賴卜祚靈長,姦 勸上除之。 都邸羣凶, 衞 乃下詔曰:「不虞之釁, 單罄,候 密相唇 「 負荷。 隙伺 齒。 思弘治道,務盡 間,將謀竊 路休之兄弟,專作 回弗逞。 著 發。 自終古, 敦睦, 劉 祗 陰

列

釁,連結祗等,還圖股躬。雖咎戾已彰,在法無宥,猶子之情,良所未忍。 慝已露,宜盡憲辟,實以方難未夷,曲加遵養。 今王化帖泰,宜辨忠邪,涓流不壅,燎火難 滅。便可委之有司,肅正刑典。 松滋侯子房等淪陷逆徒,協同醜悖,遂與籤帥羣小,潛 可廢爲庶人,徙付 通

太祖 騎校尉,右軍將軍。 元嘉中,已爲中書舍人、南臺御史,世祖又以爲舍人,甚見委信。 路休之等以崇憲太后旣崩,自慮將來不立,不自安。 至是懷異端,故及於誅。 劉祗在南兗州,有志爲逆。 景和、泰始之際,至越 嚴龍,

遠郡。」於是並殺之。子房時年十一。

臨海王子項字孝列,「公孝武帝第七子也。

軍、平越中郎將、廣州刺史。 海王,戶邑如先。 大明四年,年五歲,封歷陽王,食邑二千戶。仍爲冠軍將軍、吳興太守。 其年,遷使持節、都督廣夾二州湘州 未之鎮,徙荆州刺史,將軍如故。八年,進號前 之始興始安臨賀三郡諸 :將軍。 五年, 軍 事 、征虜將 改封臨

即位,解督雍州,以爲鎭軍將軍、丹陽尹。尋留本任,進督雍州,又進號平西將軍。長史孔 前廢帝卽位,以本號都督荆、湘、羅、益、梁、寧、南北秦 八州諸軍事,刺 史 如 故。 明帝

敗,吳喜、張興世等軍至,子頊賜死,時年十一。 道存不受命,舉兵反,以應晉安王子勛。 子勛即僞位,進號衞將軍、開府儀同三司。 葬巴陵。 鵲尾奔

始平孝敬王子鸞字孝羽、孝武帝第八子也。

王,戶邑如先。 大明四年,年五歲,封襄陽王,食邑二千戶。 五年,遷北中郎將、南徐州刺史,領南琅邪太守。 仍爲東中郎將、吳郡太守。其年,改封新安 母殷淑儀,寵傾後宮,子鸞

愛冠諸子,凡爲上所盼遇者,莫不入子鸞之府、國。及爲南徐州,又割吳郡以屬之。〔中〕

旒,黃屋左纛,前後部羽葆、鼓吹。 六年,丁母憂。 追進淑儀爲貴妃,班亞皇后,諡曰宣。 上自臨南掖門,臨過喪車,悲不自勝,左右莫不感動。 葬給輼輬車,虎賁、班劍,鑾輅九

痛愛不已,擬漢武李夫人賦,其詞曰:

朕以亡事棄日,閱覽前王詞苑,見李夫人賦,悽其有懷,亦以嗟詠久之, 因感而

會焉。

河濟以崇典。 巡 靈周之殘册,略鴻漢之遺篆。 雖媛德之有載,竟滯悲其何遣。訪物運之榮落,訊雲霞之舒卷。念桂枝 弔新宮之奄映, 喭壁臺之蕪踐。賦流波以謠思, 詔

將何 明。 飛傷 寓坎泉之曾岑。屈封嬴之自古, 申反周乎在今。 之秋實,惜瑤華之春翦。 抑 伊 夕 儷於徵準,禮無替於粹圖。 律 兮紫苔生。 鞠報 七萃 臨 有終,深 .慰於爾靈。存飛榮於景路,沒申藻於服車。 了, 損 面縞館之酸素,造松帳之葱青。 之箴 升雲鼛以引思、鏘鴻鐘以節音。文七星於霜野、旗二燿於寒林。中雲枝之天秀、 之必至,諒顯晦之同深。 圜淵而流咽。端蚤朝之晨罷,泛輦路之晚淸。 心無歇。徙倚雲日,裴回風月。思玉步於鳳墀,想金聲於鸞闕。竭方池 寶羅暍兮春幌垂,珍簟空兮夏幬扃。秋臺惻兮碧煙凝,冬宮冽兮朱火淸。流 桂枝折兮沿歲頃,瑤華碎兮思聯情。形殿閉兮素塵積,翠戺蕪 閟瑶光之密陛,宫虚梁之餘陰。 予棄西楚之齊化,略東門之遙檢。 **俛衆胤而慟興,撫藐女而悲生。雖哀終其已切,** 垂葆旒於昭術,竦鸞劍於淸都。 遺雙靈兮達孝思, 附孤魂兮展慈心。 轥南陸, 蹕閶闔, 轢北津, 警承 俟玉羊之晨照, 正金雞之 淪漣兩拍之傷,奄 朝有

公八命 之元嫡,尚得考彼別宮,今貴妃蓋天秩之崇班,理應創立新廟。」尚書左丞徐爰之又議「宣 立六宫, 叉 諷 有 ,諸侯七命。三公旣尊於列國諸侯,三妃亦貴於庶邦夫人。 司 有三夫人。 曰:〔六〕「典禮云,天子有后,有夫人。 然則三妃則三夫人也。后之有三妃, 檀弓云,舜葬蒼梧,三妃不從。「亞香義云,后 猶天子之有 據春秋傳,仲子非魯惠公 三公也。 按周禮,三

貴妃旣加殊命,禮絕五宮,考之古典,顯有成據。 廟堂克構,宜選將作大匠卿。」

都督南徐州諸軍事。八年,加中書令,領司徒。 葬畢,詔子鸞攝職,以本官兼司徒,進號撫軍、司徒,給鼓吹一部,禮儀並依 前廢帝卽位,解中書令,領司徒, 正公。 加持節 叉加

千戶,改葬秣陵縣龍山。 冤祀莫寄,尋念痛悼,夙軫于懷。可以<u>建平王景素息延年爲嗣。」追改子鸞封爲始平王,</u>食邑 安王子鸞,年雖沖弱,性識早茂,鍾慈世祖,冠寵列蕃。值景和凶虐,橫羅酷禍,國胤無主, 異族猶敦,況在近戚。故新除使持節、侍中、都督南徐克二州諸軍事、司徒、南徐州刺史新 以雪沈魂。可贈使持節、侍中、都督南徐克二州諸軍事、司徒、南徐州刺史,王如故。第十 蚤延,殊寵,方樹美業,克光蕃維。 而凶心肆忌,奄羅橫禍,興言永傷,有兼常懷,宜旍夭秀, 威事彌遠。 |王,並加徽諡。」又曰:「哀枉追遠,仁道所弘,興滅繼絕,盛典斯貴。 朕務古思治,恩禮必敷, 生王家。」同生弟妹並死,仍葬京口。太宗卽位,詔曰:「夫紓寃申痛,雖往必追,緣情惻愛, 二皇女、第二十二皇子子師,[10]俱嬰謬酷,有增酸悼,皇女可贈縣公主,子師復先封爲南海 帝素疾子鸞有寵,旣誅羣公,乃遣使賜死,時年十歲。 故使持節、都督南徐州諸軍事、撫軍將軍、南徐州刺史新安王子鸞,夙表成器, 子鸞臨死,謂左右曰:「願身不復

王,紹子鸞後。順帝昇明三年薨,國除。

二〇六六

延年字德沖,泰始四年薨,時年四歲,諡曰沖王。 明年,復以長沙王纂子延之爲始平

永嘉王子仁字孝和,孝武帝第九子也。

軍。 景和元年,遷南徐州刺史,將軍 年,兼衞尉。 尉、雍州刺史,封永嘉王,食邑二千戶。 大明 四方平定,以爲使持節、都督湘廣交三州諸軍事、平南將軍、湘州刺史。 五 年,年五歲,監確梁南北秦四州郢州之竟陵隨二郡諸軍事、北中郎將、寧蠻校 前廢帝即位,加征虜將軍,領衞尉,丹陽尹如故。 一如故。 泰始元年,又遷中軍將軍,領太常。 仍遷東中郎將、吳郡太守。六年,又遷丹陽尹。七 尋出爲左將軍、南兗州刺史。 未拜,徙護軍將

世子,年又幼弱,桂陽、巴陵並未有繼體,正賴汝輩兄弟,相倚爲强,庶使天下不敢闚覘王 我。 族之手。 憑,唯我 上流 太宗遣 與司徒二人而已,尚未能厭 我昔兄弟近二十人,零落相繼,存者無幾。 迷 愚相 主書趙扶公宣旨於子仁曰「汝一 :扇,四海同惡,若非我修德御天下,三祖基業, 百姓姦心,餘諸 家門戶不建,幾覆社稷。 王亦未堪贊治。 唯司 徒年長, 一朝墜地,汝輩便應淪 令德作輔, 我惟有太子一人,司 天未亡宗,景命集 皇家門戶 於異 徒 所

俱 進 。 旣還白上,以將來非社稷計,宜並爲之所。未拜,賜死,時年十歲。 恩化方始,方今處汝湘州。汝年漸長,足知善惡,當每思刻厲,奉朝廷爲心,爵秩自然與年 汝諸兄弟沖眇,爲羣凶所逼誤,遂與百姓還圖骨肉,於汝在心,不得無愧。 汝輩始十餘歲、裁知俛仰、當今諸舍細弱、殆不免人輕陵。若非我爲主、劉氏不辦今日。 我垂猶子之情,著於萬物,汝亦當知好,憶我敕旨。」時司徒建安王休仁南討猶未還, 卽日四海就寧,

始安王子眞字孝貞、孝武帝第十一子。

之鎮。遷征虜將軍、南彭城太守,領石頭戍事。景和元年,爲丹陽尹,將軍如故。 節、監廣交二州湘州之始興始安臨賀三郡諸軍事、平越中郎將、廣州刺史、三沿將軍如故,不 · 克州刺史,將軍如故。 泰始二年,遷左將軍、丹陽尹。 大明五年,年五歲,封始安王,食邑二千戶。仍爲輔國將軍、吳興太守。七年,遷使持 未拜,賜死,時年十歲。 尋復爲南

邵陵王子元字孝善,孝武帝第十三子也。

二〇六八

大明六年,年五歲,封邵陵王,食邑二千戶。八年,以爲度支校尉、秦南沛二郡太守。仍

冠軍將軍、南琅邪泰山二郡太守。

景和元年,出爲湘州刺史,將軍如故,未之鎮。 至尋陽,值晉安王子勛爲逆,留不之鎭。

進號撫軍將軍。 事平,賜死,時年九歲。

齊敬王子羽字孝英,孝武帝第十四子也。 大明二年生,三年卒,追加封諡。

淮南王子孟字孝光,孝武帝第十六子也。

大明七年,年五歲,封淮南王,食邑二千戶。 時世祖改豫州之南梁郡爲淮南國,罷南豫

景和元年,爲冠

州之淮南郡幷宣城。 軍將軍、南琅邪彭城二郡太守。 前廢帝卽位,二郡並復舊, 泰始二年,改封安成王,戶邑如先。 子孟仍國名度食淮南郡。 未拜,賜死,時年八歲。

晉陵孝王子雲字孝舉,孝武帝第十九子也。 大明六年,年四歲,封晉陵王,食邑二千

戶。未拜,其年薨。

南海哀王子師字孝友,孝武帝第二十二子也。

大明七年,年四歲,封南海王,食邑二千戶。未拜,景和元年,爲前廢帝所害,時年六

歲。太宗卽位,追諡。

淮陽思王子霄,字孝雲,孝武帝第二十三子也。 大明五年生,八年薨,追加封諡。

東平王子嗣字孝叔、孝武帝第二十七子也。

二年,子嗣所生母景寧園昭容謝上表曰:「故東平沖王休倩託荄璿極,岐嶷夙表,降年弗永, 大明七年生,仍封東平王,食邑二千戶。繼東平沖王休倩。 休倩母顏性理嚴酷,泰始

列傳第四十 孝武十四王

辰, 猶生之年。」許之。 其年賜死, 時年四歲。 行路。妾天屬冥至,感切實深,伏願乾渥廣臨,曲垂照賜,復改命還依本屬,則妾母子雖隕之 便發,猶逼畏崇憲,少欲藏掩。自茲以後,專縱嚴酷,實顯布宗戚,宣灼宮闈,用傷 遺胤莫傳。 而 妾顏訓養非恩,撫導乖理,情闕引進,義違負螟。昔世祖平日,詭申慈愛,崩背未幾,眞性 孝武皇帝敕妾子臣子嗣出繼爲後、旣承國祀、方奉烝薦、庶覃遐慶、式延于遠。 人倫,爱惻

景和肇釁,義嘉成禍,世祖繼體,陷憲無遺。昔皇家中圮,含生懼滅,賴英孝感奮, 得失是任,閨 少 旭 勳纘墜歷,拯茲窮氓。 \`,旣無釐總,義須防閑,諸侯雖不得祖稱天子,而事有一家之切。 爲子, · ,勳狹政弛,樂飮無饜,事因於寧泰,任威縱費,義緣於務寡。 武 陵王贊字仲敷,明帝第九子也。 武陵郡大明之世,事均代邦,可封智隨武 房 育稟。 股應天在位,

恩深九族,

庶此足申追睦之懷,

敷愛之旨。」 繼絕追遠,禮訓攸尙,況旣帝且兄,而缺斯典。 泰始六年生。其年,詔曰:「世祖孝武皇帝雖恃尊墯 陵王,食邑五 故以積怨動天, 千戶。 且歸 今以第 尋世祖 寧有所,疹疾相營, 九子智隨奉世 流殃胤嗣, ,掃雪寃恥, 門女累不

後廢帝元徽四年,出為使持節、督南徐克青冀五州諸軍事、北中郎將、南徐州刺史。日日

圍 順帝昇明元年,遷持節、督郢州司州之義陽諸軍事、前將軍、郢州刺史。 一,徙都督荆 湘 雍 益 梁寧南: 北秦 八州諸軍 事 、安西將軍 **一、荆州刺史**, 持節 如故。 二年,爲沈攸之所 攸之平,乃

之鎭。其年薨,時年九歲,國除。

史臣 日

焉。强不如弱,義在於此也。

校勘記

[一] 次淮陽思王子霄 各本並脫「次」字,據南史補。

にい」杜容華生皇子子悦 「杜容華」南史作「張容華」。

= 仍都督南徐兗二州諸軍事北中郎將南兗州刺 史 張森楷校勘記 云 「子尚爲南兗州 刺 史, 則當

云都督南虎徐二州諸軍事。」

命子尚都督揚州江州之鄱陽晉安建安三郡諸軍 総鉛 宋書札記、 張森楷校勘記、孫虨宋書考論並云「王」字衍。今删 事 揚州 刺 史 子子 去。 尙」上, 各本並有「王」字,李

列傳第四十 校勘記

- 五五 臺軍屯據錢谿 「錢谿」各本並作「前谿」,據本書張興世傳、鄧琬傳、袁顗傳改。
- ナリ 臨海王子頊字孝列 「孝列」南史、元龜二六四作「孝烈」。
- - 又割吳郡以屬之 「吳郡」各本並作「吳都」,據南史、藝文類聚四○引、元龜二七六改。
- [八] 又諷有司曰 「有司」下疑脫「奏」字。
- [元] 三妃不從 「三妃」各本並作「二妃」,據檀民原文改。
- 第二十二皇子子師 「第二十二皇子」各本並作「第二皇子」,按本傳云孝武帝第二十二子。今

訂正。

- 興、始安、臨賀』,此脫去三字,以臨海王子頊傳證之可知也。」 遷使持節監廣交二州湘州之始興始安臨賀三郡諸軍事平越中郎將廣州刺史 之」三字,據錢氏考異說補。 錢大町廿二史考異云:「按是時始興三郡屬湘州, 各本並脱「湘州 當云『湘州之始
- 後廢帝元徽四年出 有四州 `疑「南徐」下脱「徐」字。 爲使持節督南徐兗青冀五州諸軍事北中郎將 南徐 州刺史 按五州數之祇

宋書卷八十一

列傳第四十一

劉秀之 顧琛 顧覬之

令。 父仲道,高祖克京城,以補建武參軍,與孟昶留守,事定,以爲餘姚令,卒官。 劉秀之字道寶,東莞莒人,司徒劉穆之從兄子也。 世居京口。祖爽,尚書都官郎,山陰

隨齡石敗沒,秀之哀戚,不歡宴者十年。景平二年,除駙馬都尉、奉朝請。家貧,求爲廣陵 呼,秀之獨不動,衆並異焉。東海何承天雅相知器,以女妻之。兄欽之爲朱齡石右軍參軍, 秀之少孤貧,有志操。十許歲時,與諸兒戲於前渚,忽有大蛇來,勢甚猛,莫不顚沛驚 仍除撫軍江夏王義恭、平北彭城王義康行參軍,出爲無錫、陽羨、烏程令,並著能名。

吏部尚書沈演之每稱之於太祖。 元嘉十六年,遷建康令,除尚書中兵郎,重除建康。 世祖鎮襄陽,以爲撫軍錄事參軍 性纖密, 善糾擿微隱, 襄陽令。 襄陽有六門 政甚有聲。

傳第四十一 劉秀之

列

儉, 堰, 二十五年, 良 境內 田 騒 數 千頃 然, 除督梁南 秀之善於爲政,躬自儉約。 ,堰久決壞,公私廢業。 北秦三州諸軍事、寧遠將軍、西戎校尉、梁南秦二州刺史。 世祖遣秀之修復,雍部由是大豐。 先是漢川悉以絹爲貨,秀之限令用錢,百姓至今 改領 廣平太守。 時漢川饑

受其利

震蕩汧、隴。 ,威遠將軍梁尋千人向斜谷南口。 二十七年,大舉北伐,遣輔國將軍楊文德、巴西梓潼二郡太守劉弘宗受秀之節度,「一 秀之遣建武將軍錫千秋二千人向子午谷南口,府司馬竺宗之三千人向駱谷南 丘賊楊高爲寇,秀之討之,斬高兄弟。

節 士,出爲郡縣,皆以苟得自資。 、督益寧二州諸軍事、寧朔將軍、益州刺史。 梁、益二州土境豊富,前後刺 元凶弑逆,秀之聞問,卽日起兵,求率衆赴襄陽,司空南譙王 秀之爲治整肅,以身率下,遠近安悅焉 史,莫不營聚蓄,三多者致萬金。 折留俸祿二百八十萬,付梁州 一義宣不許。 所攜賓僚,並京邑貧 鎭庫, 事寧,遷使持 此 外蕭

縣侯,食邑六百戶。 所敗,[三] |Щ 松萬 南 人襲江陵,出峽。 譙 山松見殺。 王義宣據荆州為逆,遣參軍王曜徵兵於秀之,秀之卽日斬曜戒嚴。 明年,遷監郢州諸軍事、郢州刺史,將軍如故。 其年,進號征虜將軍, 竺超民遣將席天生逆之,山松一戰, 改督爲監,持節 、刺史 卽 梟其首。 如故。 未就。 以起義功,封康樂 進至江陵 遣中兵 為魯秀 參軍韋

怨,秀之以爲 能 事 入穿, Ŀ 一飲宴, 大 明 後 完 必 秀之亦 年,徵 非 得 宜,陳之甚切,雖 此郡。」穆之諸子 爲 與焉。 右衞將 廳 事 軍。 柱 納其言,竟不 並 有 明年,遷丹陽 不 穿,穆之謂 能 中,唯 從 尹。 秀之獨 用。 子弟及秀之曰:「汝等試以栗遙擲此 先是,秀之從叔穆之爲 入焉。 廣陵王誕爲逆,秀之入守東城。 赦宜 時賒市百姓物,不還錢,市道 加徙送,秀之以爲:「律文雖 丹陽,與子弟於 柱 其年, 嗟 廳

不顯

民殺官長之旨

了若値

一赦但止

徙送,便與悠悠殺

人曾無一異。

民敬官長,比之父母,行

之身,雖遇赦,謂宜長付

尙方,窮其天

命,家

П

令補

兵。」從之。

明年,領太子右

衞

率

遷尙

書右

僕射。

四

年,改定制令

,疑民

殺

長

吏科、議

者謂值

心膂,外 首義 謙守約, 皇猷,入 都,出爲 漢萬 尉 上甚痛惜之,詔曰:「秀之識局 Ħ. 年,雍 . 里,及 衞 弘 雍 使 封 持節 社 根 風 州 刺史。 職司 規 本,奄至 弗 州 ,出未踰 廣,與言悼往,益增痛恨。 、散騎常侍、都督雍梁 刺 端 史海陵王 尹 上車駕 一売逝 **,贊戎兩宮,嘉謀徽譽,實彰** 春,德庇 震 幸新亭視秀之發引 休茂反, **人働于股** 西 服。 明遠,才 爲 ì 南 北秦四 土人 詳考古烈,旅 生榮 可贈侍中、司空,持節、都督、刺史、校尉 應 八所誅, 通 · 將徵為 州郢州之竟陵隨 之典,未 暢, 朝 遣秀之以本官慰勞, 誠著 觀終始,淳 野。 窮 左僕射, 蕃朝, 寵 漢 南 數,哀終之禮,宜 法繁民 績宣 事 心忠概, 一郡諸 未 一累嶽 行, 嗛 軍 分別 無以 ",屬佇· 八 事 、年卒, 往 善惡。 尙 盡 安 歲 良牧,故 二崇飾 茲。 北 逆臣交構 時年六十 如故, 將軍 方式 事 暫輟 畢還 兼 幷 亮 履 寧

卷 八 + -

增封邑爲千戶。 諡爲忠成公。」 秀之野率無風采,而心力堅正。 上以其莅官清潔,家無餘

財,賜錢二十萬,布三百匹。

子景遠嗣,官至前軍將軍。 景遠卒,子儁,齊受禪,國除。

秀之弟粹之,晉陵太守。

罪則 祖遣 上問琛:「庫中仗猶有幾許。」琛詭答:「有十萬人仗。」舊武庫仗秘不言多少,上旣發問,追悔 丞。 以宗人顧 失言,及踩詭對,上甚喜。 趸, 到彦之經略 彭城 深謹 顧琛字弘瑋,吳郡吳人也。 小罪 確 碩頭寄尚書張茂度門名,而與碩頭 王義康 不尙浮華,起家州從事,駙馬都尉,奉朝請。少帝景平中,太皇太后崩,除大匠 則遣出。 河南大敗,悉委棄兵甲,武庫爲之空虛。後太祖宴會,有荒外歸化 右軍驃騎參軍,晉陵令,司徒參軍,尚書庫部郎,本邑中正。 遣出者百日無代人,聽還本職。 。尚書寺門有制,八座以下門生隨入者各有差,不得雜以人士。 曾祖和,晉司空。祖履之,父惔,並爲司徒左西掾。 同席 坐。 明年,坐遣出,免中正。 琛仍爲彭城王義康 所請,補司 元嘉 凡尚書官,大 人在坐, 七年,太 徒

事參軍,山陰令,復爲司徒錄事,遷少府。十五年,出爲義興太守。

初,義康請琛入府,欲委

以 腹 心,琛不能承 事劉湛,故尋見斥外。 十九年,徙東陽太守,欲使琛防守大將軍彭城王義

康,固辭忤旨,廢黜還家積年。

之始,屢相申明。」又云:「當啓文秀留縣。」世祖聞之大怒,謂琛賣惡歸上,免官。 令張闓 五. 隨 一兵尙 王 一誕代韓,復爲誕安東司 二十七年, 坐居 書。 加五 母喪無禮,下廷尉。 未拜,復爲寧朔將軍、吳郡太守。 딞 索虜南至 將軍、置將佐。 瓜步 馬。 ٠, 元凶 錢唐令沈文秀判劾違謬,應坐被彈。 權假琛建威將軍。 誕起義,加冠 弑立,分會稽五郡置 軍 以起義功,封永新 一將軍。 尋除東海王韓冠軍司馬, 事平,遷 會州, 吳興 以誕 縣五等侯。 、太守。 爲刺 琛宣言於 史,即以琛爲會稽 孝建 大明元年,吳 行會稽郡事 衆「闓被 踩母老,仍 元年,徵

停家。

恩,特百常憤。 斬之,遣二子送延稔首啓世祖 世 空參軍寶先爲從事中郎,牧兄前吳郡丞濟爲冠軍將軍,從弟前司空主簿晏爲諮議 陸 延稔 祖 以琛素結事誕,或有異志,遣使就吳郡太守王曇生誅踩父子。 齎書板踩爲征南將軍, 牧爲安東將軍, 琛子前尚書郎寶素爲諮議參軍, 寶素弟前 及前西陽太守張牧,並司空竟陵王誕故佐,誕待琛等素厚。 忽以今月二十四日中獲賊誕疏,欲見邀誘。 日 劉誕猖狂,遂構釁逆,凡在含齒,莫不駭惋,臣等預荷 臣卽共執錄偽使,幷得誕與撫 會延稔先至,琛等即 三年,誕據廣陵反,遣客 參 軍 執 時 國

寶先 爲亂,以女爲貞烈將軍,悉以女人爲官屬,以孔氏爲司馬。 書,具列本郡太守王曇生。臣卽日便應星馳歸骨輦轂,臣母年老,身在侍養,輒遣息寶素、 孔氏散家糧以賑邑里,得活者甚衆,生子皆以孔爲名焉。 撫軍司馬,收爲撫軍中兵參軍。 軍長史沈懷文、揚州別駕孔道存、撫軍中兵參軍孔璪、前司兵參軍孔桓之、前司空主簿張晏 東骸詣闕。」世祖所遣誅琛使其日亦至,僅而獲免。上嘉之,召琛出,以爲西陽王子尙 琛母孔氏,時年百餘歲。 晉安帝隆安初,琅邪王廞於吳中 及孫恩亂後,東土飢荒,人相食,

琛 位,復爲吳郡太守。 新安王子鸞北 相失, 琛 仍爲吳興太守。明年,坐郡民多翦錢及盜鑄,免官。六年,起爲大司農,都官尙書, 自殺。 中郎司馬、東海太守、行南徐州事,隨府轉撫軍司馬,太守如故。前廢帝即 踩尋丁母憂,服闋,起爲員外常侍、中散大夫。後廢帝元徽三年,卒,時年八 太宗泰始初,與四方同反,兵敗,奉母奔會稽,臺軍旣至,歸降。 寶素與

輒 陳 致私 不 拜。 寶 絕。 先 世 大明中爲尚書水部郎。 此 祖 風 詔 (難長,主者嚴爲其科。 曰:「敕違糾慢,憲司之職,若理有不公,自當更有釐正。 先是,琛爲左丞荀萬秋所劾,及寶先爲郎,萬秋猶在職,自 寶先蓋依附世准,不足問。 而自頃劾無輕重,

先是,宋世江東貴達者,會稽孔季恭,季恭子靈符,吳興丘淵之及琛,吳音不變。 淵之

字 旭 思玄 卽 位 吳興烏程 以 舊恩歷顯官,侍 人也。 太祖 中,都官尚書,吳郡太守。 從高祖北伐,留彭城,爲冠軍將軍、徐州 卒於太常,追贈光祿大夫。 刺史,淵之爲長史。太

顧 覬之字偉仁, 吳郡吳人也。 高祖謙字公讓, 晉平原內史陸機姊夫。 祖崇,

父黃老,司徒左西掾。

疾自発 覬之正色曰:「 書 異 護 知 軍司 吏 。覬之理繁以約,縣用無事,晝日垂簾,門階閑寂, 同受禍。) 部則。 還爲 覬 之初 王弘 揚州治中從事 辟爲 嘗於太祖坐論江左 復爲 在家 爲 時大將軍 卿乃復 郡 揚州 主簿。 東遷、山陰令。 每夜常於牀 彭城 以忠義笑人」 主簿,仍爲弘衞 史, 謝晦 王義康 廣陵 爲荆州, 上行脚, 人 山陰民戶三萬,海內劇邑, 王誕、 物, 秉權,殷、劉之隙已著, 覬之不欲與殷景仁久接事, 乃辭 淑有愧色。 軍參軍, 家人竊異之, 言及顧榮, 以爲南蠻功曹, 廬陵王紹 鹽官 元凶弑立,朝士無不 北 袁淑謂號之曰:「卿南 令, 而莫曉其意。至後義康 自宋 中郎 仍爲晦衞軍參軍。 衡陽王義季右軍主簿,尚書 左 世 軍 爲 前後官長, 司馬,公 山陰,務簡而績修,莫能 移任, 晝夜 揚州別駕從 人怯 晦愛其雅素,深相 唯覬之不徙官 不得休,事 徙廢,朝 懦,豈辨作賊。 事史,尚 都官郎, 廷 尙 · 猶不 多 也。 以 脚

列

度支尚

書,領本州

中正。

二年,轉吏部尚

書。

四年致仕,不許。

徵 世 爲 祖 即位, 右 衞 將軍,領 遷御 史中丞。 本邑中正。 孝建元年,出爲義陽王昶東中郎長史、寧朔將軍、行會稽郡事。 明年,出 爲湘州 刺史,善於莅民, 治甚有績。 大明元年,徵守

移 劉 前, 後 不孝,張同 !路尸,猶爲不道,況在妻子,而忍行凡人所不行。 一概議:「賜妻痛遵往言,「t'」 刳 法不 腹 時 出 沛 能決。 病。 郡 不道。」詔 相 縣唐賜往 後張手自破 律傷死人,四歲刑,妻傷夫,五歲刑 如 比邮朱起母彭家飲酒還,因 視, 五藏悉糜碎。 郡縣以張忍行 ,子不孝父母, 不宜曲通小情,當以大理爲斷,謂 得病,吐蠱蟲十餘枚。 **刳**剖, 棄市, 賜子副 並非科例。 又不禁駐,事起赦 臨死語妻張,死 三公郎 副爲

善,嫌其 以 覬之爲光祿 還爲吳郡 加 左 風 軍將軍,出 節 過峻。 太守。 大夫,加金章紫綬 爲 號之日:「辛**毗** 幸臣戴法興權傾 吳郡太守。 八年,復爲吏部尚書,加給事中,未拜,欲以爲會稽,不 有云:孫、劉不過使吾不爲三公耳。」及世祖晏駕,法 人主, 而覬之未嘗降意。 左光 祿大夫蔡興宗與凱之 興

遂

十不服戎,以其筋力衰謝,非復軍旅之日,況年將八十,殘生無幾,守盡家門,不敢聞命。」凡 太宗 泰始 初,四方同反,覬之家尋陽,尋陽 王子房加以位號,覬之不受,云司三一禮年六

凱等不能奪。 平,以爲左將軍、吳郡太守,加散騎常侍。 時普天叛逆,莫或自免,唯凱之心迹清全,獨無所與。 泰始二年,復爲湘州刺史,常侍、將軍如故。 太宗甚嘉之,東土旣

卒,時年七十六。 追贈鎭軍將軍,常侍、刺史如故。 諡曰簡子。

矣。」綽懊歎彌日。 悉出諸文劵一大廚與覬之,覬之悉焚燒,宣語遠近:「負三郎責,皆不須還,凡劵書悉燒之 間與汝交關有幾許不盡,及我在郡,爲汝督之。 賣, 覬之每禁之不能止。 覬之家門雍睦,爲州鄕所重。五子約、緝、綽、縝、緝。綽私財甚豐,鄕里士庶多負其 及後爲吳郡,誘綽曰:「我常不許汝出責,定思貧薄亦不可居。民 將來豈可得。 凡諸劵書皆何在。」綽大喜,

徒虧雅道,無關得喪。乃以其意命弟子愿著定命論,其辭曰: 覬之常謂秉命有定分,非智力所移,唯應恭己守道,信天任運,而闍者不達,妄求僥倖,

仲尼云:「道之將行,命也;道之將廢,命也。」丘明又稱:「天之所支不 可壞,天之所

偶, 生數離合, 有自來矣。 馬遷、劉向、揚雄、班固之徒,著書立言,咸以爲首,世之論 壤 不可支。」卜商亦曰:「死生有命,富貴在天。」孟軻則以不遇魯侯爲辭。 斯則 運 命奇

者,多有不同。嘗試申之曰:

,生之資氣,淸濁異源;命之稟數,盈虛乖致。是以心貌詭貿, 性運舛殊, 故有邪

列傳

第

四

額

覬 之

爲哉。 之魂。 域,而欲役慮以揣利害,策情以算窮通,其爲重傷,豈不惑甚。 神,沖緩其度,不矯俗以延聲,不依世以期榮。 禍於促算。何則?理運苟其必至, 天地,猶罹沈牖之災;明照日月,必嬰深匡之難 凶素著,威衞不能防。 明之差,修天榮枯之序,皆理定於萬古之前,事徵於千代之外,冲神寂鑒,一以貫 至乃卜相末技,巫史賤術,猶能豫題興亡,逆表 且又善惡之理雖詳,而禍福之驗常昧,逆順之體誠分, 若夏氓宅生於帝宮,豈蠲殘傷之祟;漢臣衍貨於天府,寧兒餧斃 聖明其猶病諸。 審乎無假,自求多福,榮辱修天,夫何 增信積德,離患於長飢,席義枕仁,徼 成敗。 况乃蕞迹流惑之徒, 禍福指期, 而吉凶之効常隱。 是以通人 識照不能 君子,閑泰其 投心顓蒙之 没",吉 智絡

研 有方,天閼無命。善游銷魂於深梁,工騎燼生於曠野,明珠招駭於闇至,蟠木取悅於先 正 是以罕、樂以陽施長世,景、惠以陰德遐紀。彭、竇以繕衞延命,盈、忌以荒湎促 陳、張稱台鼎之崇,嚴、辛衍宰司之盛。 若乃遊惡蹈凶,處逆踐禍,宣昭史策,易以 問 | 曰:夫書稱惠迪貽吉,易載履信逢祐,前哲餘議,亦以將迎有會,淪塞無兆,宣攝 至如 神仙所序,天竺所書,事雖難徵,理未易詰,留滯傾光,思聞通裁

曰:子可謂扶繩而辨,循刻而議。若乃宣攝有方,豈非吉運所屬,將迎有會,實

對

非命。 拱,振功高世。 亦凶 侣,雲飛天居,夷、列之徒,風行水息,良由理數懸挺,實乃鍾茲景命。 榮揮價,彼獨擯景淪聲,通否之運,斷可知矣。 嚴、辛不安時任命,而委罪亮直,亦地 貴寵之間,雲動權豪之術,鈞貿貽談,豈唯陳、張而已。 津,空谷絕探榮之轍,運之所集,物稊其枯,而俯仰竿牘,終然離沮 之徒歟。 梁野之言,豈不或妄。 曾、原窘步。 已該,漢主、魏相,奚獨傷天。同異若斯,是非孰正。 歸」者也。 起予惟商,未識所異。 咀劍豈衞性之經。 一數自 因造前定,果報指期,貧豪莫差,修夭無爽,有允瑣辭,無愆鄙說,統而言之,孰往 冥期前定,各從所歸,善惡無所矯其趨,愚智焉能殊其理。 若神仙所序,顯明修習,齊强燕平,厥驗未著,李覃董芬,其効安在。 挻。 殊塗均致,實繁有徵。 湯、周延世,詡、邑絕緒。 若夫陽施陰德、長世遐年、揆厥所原、孰往非命。 樊生沖矯,鑴旌善之文,華子高抗,銘懲非之策,皆士衡所云「同 穀南、魯北,甘此促生,彭翁、竇叟,將以何術。 資生稟運,參差萬殊,逆順吉凶,理數不 命之所延,人肉其骨,而含嚼膏粱,時或嬰患。深澗 即理易推,在言可略。 吉凶徵應,糾纆若茲。 至如雷濱凝分,挫志遠圖,棘津 觀夫二子,才未越衆,而此 昔兩都全盛, 六合殷昌 畢萬保軀,宓賤琖領,云 <u>'</u> 研復來旨, 讎校往說, 若乃得議其工,失蚩 原夫飡椒非養生之 晉平、趙敬、淫放 爾乃蹻 天竺遺文,星華 乖徼龍之 、跖横行, 喬、松之 $|\tilde{I}|$ 一,霧 以藉 m 集 脈 異 陰

拙 ,操之則慄,舍之則悲,斯固染情於近累,豈不貽誚於通識

期, 靡非誾至。 問 曰:清論光心,英辯溢目,求諸鄙懷,良有未盡。 玉門犁丘,叡識弗免。豈非聖愚齊致,仁虐同功。 若動止皆運,險易自天,理定前 昏明之用,將 何施

而可?

踐機 體備 水竭。 紀,患累無方。 故北宮意逆而 尼之道,不在奔車之上;資伯夷之運,不處覆舟之下。若乃越難趨險,逡巡弗獲,履危 神彌暢。 而 心,依德爲 不 燭。 ,**僶俛從事,愚之所司,聖亦何爲。及中下之流,馳心妄動,是非舛斡,倚伏移貿,** 形器,慮盡藏假,靜默以居否,深拱以違礥,皆數在清全,故鍾茲妙識。 對 目:夫聖人懷虛以涵育,凝明以洞照。惟虛也,故無往而不通,惟明也, 凡厥條流,曲 若玉門犁丘,蓋同迹於人,故同人有患,然而均心於天,亦均天無害。 涸海流金,弗染溫涼之岨,嚴兵猛兕,無累爪刃之災。 忘生而生愈全,遺神而 慮,使迹窮則義斯暢,身泰則理 功順,東門心晦而迹明;宣應遺筮而逢吉,張松協數而遘禍。 爾乃猘狗逐而華子奔,腐鼠遺而虞氏滅;匣猨逸而林木殘,櫝珠亡而 難 詳備,傜形役思,其効安徵。 豈若澡雪靈府,洗練神宅,據道爲 「兼通,豈不美哉!何必遺此而 取彼。 且智防有 是以稟仲 大賢則 故無來 池

問曰:夫建極開化,樹聲貽則,典防之興,由來尚矣。

必乃幽符懸兆,冥數指期,善

惡前徵,是非素定,名敎之道,不亦幾乎息哉。

情。 眞保性。故信食相資,代爲脣齒;富敎相假,遞成輔車。 才,辨綜五德,弘鋪七體之端,宣昭八經之緒。 **顓蒙之倫,豈無因而立。** 物,非所以爲難也。 徼生委命,豈不已曉其迷。至乎湮斥廉義,屛黜信禮,責以祈 連 日星之紀,正霜雨之度,張雲霞之明,衍風露之渥,浮舟翼滯,騰駕 類若斯,乖妄滋甚。 聖人聰明深懿,履道測化,通體天地,同情日月,仰觀俯察,撫運裁風。 對 曰:天生蒸民,樹之物則,敎義所稟,豈非冥數。 然則敎義之道,生運所資,寵辱榮枯,常由 必假纖紈以安生,藉粱豢以延祀,資信禮以繕性,秉 是以時雍在運,羣方自通,抱德煬 何則?形氣之具,必有待而存, 今弛棄纖紈, 存推數, 此作。 振幽。 損絕粱豢,必云 遂乃未辨其惑, 斯固命中之一 叉乃甄理三 廉義 於是乎昭 和,全 以幼

藉數任 問 曰:循復前旨,旣以理命縣兆,生數冥期。 三天,則放情蕩思,拘訓馴範,則防慮檢喪。 研覆後文,又云依仗名教,即 函矢殊用,矛戈異適,雙美之談,豈 循 訓範

能兩遂。

而 順 對 日 为 因 ```夫性運乖舛,心貌詭殊,請布末懷,略言其要。 心則 靈。 凶數所挺,率由踐逆,聞言不信,長惡無悛。 若乃吉命所鍾,縱情蹈道,訓 此愚智不移、聲訓所

列

鑽仰, 遺者 用 無主,唯運所集而異。膏粱方丈,沈疾弗顧;瑤碧盈尺,阽危弗存。 宜永,須扁鵲而後全,齊后之數必延,待文擊而後濟。 膏肓之疾,長桑不治,體府之病,陽慶弗理,此則率由踐逆, 者所存,至如澄神淸魂,平心實氣,無妄之痾,勿藥有喜,所謂縱情蹈道,無假隱括。 桎弊、奡,思服巢、許之情,捶勒會、史,言膺蹻、跖之慮。 不然之事,斷可知也。 必於是; 孫函矢,雙美奚躓;談異矛戈,兩濟何傷。 也。 冥數修習,雖存陵惰,其可得乎。故運屬波流,勢無防慮,命徼山立,理無放情。 曲直之性, 顚沛不可移。是以夷、惠均聖而異方;遵、竦齊通而殊事。 其有見善如不及,從諫如順流,是則命待敎全,運須化立。 亦猶運鍾循獎,彝範 自絕調御。 **夫靜躁** 譬以良醫之室,病 至乃趙儲 之容,造次 所興, 必幽符 雖復鉗 之命 善

節 '火妻灰子',埋名以償義。 若幽期天兆,則明敭可遺;冥數自賓,則感効宜絕。 豈其 問 曰: 夫君臣恩深, 師資義固, 所以霑榮塗施, 提飾荷聲。 故刳心流腸, 捐生以亢

然乎?

子,師友夫妻,皆天數冥合,神運玄至。 調 長絕。 對 日 故知妄言賞理,古人所難。 論之所明,原本以爲理,難之所疑,卽末以爲用。蓋陰閉之巧不傳,萌漸之 吾所謂命,固以綿絡古今,彌貫終始,爰及君臣父 逮乎睽愛離會,旣命之所甄,昏爽順戾,亦運之

所漸。 昭。 可磨,赤不可滅。 至於刻志酬生,題誠復施,殉節投命,馴義忘己。 爾乃松柳異質,薺荼殊性,故疾風知勁草,嚴霜識貞木,何異忠孝之質, 因斯而言,君臣師資,旣幽期自賓, 心力感効,亦冥數天兆。 亦由 石雖可毁, 堅不 可銷, 資行夙 夫獨 丹雖 何

怪哉。

愿字子恭,父淵之,散騎侍郎。 愿好學,有文辭於世。 大明中舉秀才,對策稱旨,擢爲

著作佐郎,太子舍人。早卒。

計功則異也。 里,並誠載艱一,忠惟帝念。 史臣曰:孝建啓基,西楚放命,難連淮、濟,勢盛江服。 及定終之命,等數相懸,蓋由義結蕃朝,故恩有厚薄。 而踰峴之鋒,戰有獨克,出硤之師,舟無隻反, 朱脩之著節漢南,劉秀之推鋒萬 雖故舊不遺,聞之前 雖霜霰並時, 而

校勘記

列

傅

第

四

+

訓,隆名爽實,亦無取焉。

造輔 國 將 軍楊 文德巴西梓潼二郡太守劉弘宗受秀之節度 校 勘 記 各本並脱「西」字,據南史補。

- 莫不營聚蓄 「營」字上沅龜六七四有「經」字。
- = 為魯秀所敗 「魯秀」各本並作「魯爽」,據本書魯爽傳改。 孫彪宋書考論云:「案是魯秀。」
- 即以琛 爲會稽太守 各本並脫「以」字,據南史補。
- 五 而莫曉其意 各本並脱「意」字,據元龜七九〇補。
- 廣陵王誕廬陵王紹北中郎左軍司馬 各本並脫「軍」字,據孫虨說補。 孫膨宋書考論云:北中

北中郎、竟陵王誕也。

左軍,廬陵王紹也。」

叉按時

郎不得置司馬,蓋『左』下脫『軍』字。

- 賜妻痛遵往言 「遵往」各本並作「往遵」,據通典刑典乙正。
- 覬之家尋陽尋陽王子房加以位號覬之不受 尋陽王子房爲會稽太守、鎭山陰,亦去尋陽遠也。 孫彬宋書考論云:「覬之吳人,不家尋陽。 疑是家富陽。」
- ナ し_/ 宓賤琖領 「琖」殿本作「喪」,局本作「傷」。

宋書卷八十二

列傳第四十二

周朗 沈懷文

太守。 뼤, 尚高祖第四女宣城德公主。 周朗字義利,汝南安成人也。 賊劭弑立,隨王誕舉義於會稽,劭加嶠冠軍將軍,誕檄又至。嶠素懼怯,回惑不知所 二女適建平王宏、廬江王禕。以貴戚顯官,元嘉末,爲吳興 祖文、黃門侍郎。父淳、宋初貴達,官至侍中,太常。兄

從,爲府司馬丘珍孫所殺。

朝庭明其本心,國婚如故。

勸令獻奇進策。 遣義恭出鎭彭城,爲北討大統。 人,司徒主簿,坐請急不待對,除名。又爲江夏王義恭太尉參軍。元嘉二十七年春,朝議當 朗少而愛奇,雅有風氣,與嶠志趨不同,嶠甚疾之。初爲南平王饑冠軍行參軍,太子舍 朗報書曰: 朗聞之解職。 及義恭出鎮,府主簿羊希從行,與朗書戲之,

列傳第四十二 周朝

恩明,豈不爲足下欣邪,然更憂不知卿死所處耳。 何更工邪。視已反覆,慰亦無已。 ·生足下:豈當適使人進哉,何卿才之更茂也。宅生結意,可復佳耳,屬華比綵, 觀諸紙上,方審卿復逢知己。 動以何術,而能每降

術,何足下不知言也。若以賢未登,則今之登賢如此,以才應進,則吾之非才若是。豈 向士,則榮已多,料於今識,則笑亦廣。而足下方復廣吾以馳志之時,求予以安邊之 若吾身無他伎,而出値明君,變官望主,歲增恩價,竟不能柔心飾帶,取重左右。 校於 水,並負青天,可無待於明見。若乃闕奇謀深智之術,無悅主狎俗之能,亦不可復稍爲 可欲以殞海之鬐,望鼓鰓於豎鱗之肆,墜風之羽,覬振翮於軒毳之間。其不能俱陪淥 不絓王臣之籙,名不厠通人之班,顚倒國門,凐銷丘里者,自數十年以往,豈一人哉。 非但有建國之謀不及,安民之論不與,至反以孝潔生議於鄉曲,忠烈起謗於君寀。身 惠。及取士之令朝發,宰士暮登英豪;調兵之詔夕行,主公旦升雄俊。 以炎、軒之德,冢輔以姬、呂之賢,故赫然發怒,將以匈奴釁旗,惻然動仁,欲使餘氓被 婾食,以望國家之師。 自智士鉗口,雄人蓄氣,不得議圖邊之事者,良淹歲紀。 今天子 一日,況復加此焉。夫天下之士,砥行磨名,欲不辱其志氣,選奇蓄異,將進善於所天。 **夫匈奴之不誅有日,皇居之亡辱舊矣。天下孰不憤心悲腸,以忿胡人之患,靡衣** 延賢人者,固非

之所能 壓紿 危桂 奠爵星晚,驩然不覺是藏、軒後也。 豪之顧。 遺憂,夷毀銷譽,呼喻以補其氣 目 迹,弔他賢之憂天。當其少涉,未休此欲,但理實詭固,物好交加,或徵勢而笑其言,或 振飲之罷,俟封勒之畢,當敬觀邪、酆,肅尋伊 軒左,幸有陳書十篋,席隅奧右,頗得宿酒數壺。 主德而 風 扼 天后,睨目羽 1榮,秣芝浮霜,翦松沈雪,憐肌蓄髓,寶氣愛魂,非但土石侯卿,腐鴆梁錦,實迺竚 腕,陳從橫於四海,理有泰則止而進,調覺迕則反而還,閑居違官,交造頓罷,捐慕 illi ,甸道共德,令功日濟而已無跡,道日富而 吾雖疲冗,亦嘗聽君子之餘論,豈敢忘之。 凡士之置身有三耳:一則雲戶岫寢,欒 也。 批民患, 出,望旃 塵生牀帷,苔積堦月,又檐中山木,時華月深, 若吾幸病不及死,役不至身,蓬藜既滿,方杜長者之轍,穀稼是諮,自絕 而 人。 \Box 入,結冕兩宮之下,至鼓袖六王之間,俛眉脅肩, 進貞白而耽姦猾,三 次則刳心掃智, ,繕嚼以輔 近春田三頃,秋園 剖命驅生,橫議於雲臺之下,切辭於宣室之上,衍 委玉 其生。 、鄗,傍眺燕、隴,邪履遼、衞,覷我周 一入而 君難名,致諸侯斂手,天子改觀。其末 凡此三者,皆志士仁人之所行, 按絃拭徽,讎方校石,時復陳局露 齊聲禮,揭金出而烹勍寇,使車軌 五. 池上海草, 畦, 若此 無災, 歲榮日 言天下之道德, Щ 裝 蔓。 可 具。 且室間 非吾 之軫 初, 世 瞋 則 候

列

觀謀 事也。 若如漢宗之言李廣,此固許天下之有才,又知天下之時非也。 露,事直而變爲枉,豈不痛哉!豈不痛哉! 見貞士之遭遇,便謂是臧獲庸人之徒耳。士固願呈心於其主,露奇於所歸。 而害其意。夫楊朱以此,猶見嗤於梁人,況才減楊子之器,物甚魏君之意者哉。 若廣者,何用侯爲。 至迺復有致謁於爲亂之日,被訕於害正之徒,心奇而無由 豈若黨巷閭里之間,忌 卿相,末

簡,整笏振豪,已議於帷筵之上,提鞭鳴劍,復呵於軍場之間,身超**每**深恩之所集,心動 也。 身,當馬首之鏑,關必固之壘,交死進之戰,使身分而主豫,寇滅而兵全,此亦報之次 將,四 薦俊正之士,此迺足下之所以報也。不爾,便擐甲修戈,徘徊左右,衞君王之 必明主之所亮。可不直議正身,輔人君之過誤,明目張膽,謀軍家之得失,拔志勇之 如是,則繫匈奴於北闕無日矣。亡但默默,窺寵而坐。謂子有心,敢書薄意。 若足下可謂冠負日月,籍踐淵海,心支身首,無不通照。今復出入燕、河,交關姬、

朗之辭意倜儻,類皆如此。

復 起爲通直郎。 昔仲尼有言:「治天下若寘諸掌。」豈徒言哉。 方策之政,息舉在人,蓋當世之君不 世祖卽位,除建平王宏中軍錄事參軍。時普責百官讜言,朗上書曰:

爲之耳。況乃運鍾澆暮,世膺亂餘,重以宮廟遭不更之酷,江服被未有之痛,千里連

於古,卻行及前之言,積薪待然之譬,臣不知所以方。 死 萬 井共泣。 而秦、漢餘敝,尚行於今,魏、晉遺謬,猶布於民,是而望國安於今,化崇 然陛下旣基之以孝,又申之以

仁,民所疾苦,敢不略薦。

占 迹其 騎 +, 用 欲 數 武 之容,挽强擊刺 爲教者,宜二十五家選一長,百家置一師。男子十三至十七,皆令學經,十八至二 盡使修武。 , 部定子史, 令書不煩行, 習無糜力。 心術 者三年善蓺,亦升之司馬。 凡 治者何 行履,復不足取者,雖公卿子孫,長歸農畝,終身不得爲吏。 訓以書記圖律,忠孝仁義之禮,廉讓勤恭之則,授以兵經戰略,軍部舟 之法。 爲教 而已。 官長皆月至學所,以課其能。 今教衰已久,民不知則,又隨以刑逐之,豈爲政之道歟 若七年而經不明,五年而勇不達,則更求其言政置謀, 凡學,雖凶荒 習經者五年有立,則言之司徒; 不宜 廢 也 其國 學則宜 一詳考

貨。 之。 地 爲賞罰。 一滋養,悉蓺紵麻,蔭巷緣藩,必樹桑柘,列庭接宇,唯植竹栗。 亦不 如 **農桑者,實民之命,爲國之本,有一不足,則禮節不興。** 此, ·患其 然愚民不達其權,議者好增其異。 則 墾 難 田 也。 自 廣,民資必繁,盜鑄者罷,人死必息。 今且聽市至千錢以還者用錢, 凡自淮 以北,萬匹爲市,從江 餘皆用絹 叉田 若重之,宜罷 布及米, 非疁水,至皆播 若此令旣行,而善其 其不中度者坐 以南 金錢,以穀帛 ,千斛爲 麥菽

列

事者,庶民則叙之以爵,有司亦從而加賞。 若田在草間,木物不植,則撻之而伐其餘

樹,在所以次坐之。

尺,圍以爲價,田進一畝,度以爲錢,屋不得瓦,皆責貲實。民以此,樹不敢種,土畏妄 務削茲法。 墾,棟焚榱露,不敢加泥。豈有剝善害民,禁衣惡食,若此苦者。 方今若重斯農,則宜 又取稅之法,宜計人爲輸,不應以貲。云何使富者不盡,貧者不蠲。 乃令桑長一

戎 凡宮中女隸,必擇不復字者。庶家內役,皆令各有所配。要使天下不得有終獨之生, 不嫁,家人坐之。 令,然觸刑罪,忍悼痛而爲之,豈不有酷甚處邪。今宜家寬其役,戶減其稅。女子十五 間,將盡 老嗣絕,及淫奔所孕,皆復不收。是殺人之日有數途,生人之歲無一理,不知復百年 天災歲疫,貧者但供吏,死者弗望埋,鰥居有不願娶, 生子每不敢舉。 、夏競威,破國則積屍竟邑,屠將則覆軍滿野,海內遺生,蓋不餘半。 凡爲國,不患威之不立,患恩之不下,不患土之不廣,患民之不育。 以草木爲世邪,此最是驚心悲魂慟哭太息者。法雖有禁殺子之科,設蚤娶之 特雉可以娉妻妾,大布可以事舅姑,若待禮足而行,〔六〕則有司加糾。 又戍淹徭久,妻 重以急政嚴刑, 自華、夷爭殺,

無子之老。所謂十年存育,十年敎訓,如此,則二十年間,長戶勝兵,必數倍矣。

列傳第四十二 周朗

草樹旣死,皮葉皆枯,是其粱肉盡矣。 閭,檢其出入,督其游惰。 帥,給其糧種。 年者,賞爵一 春,生其餘幾。今自江以南,在所皆穰,有食之處,須官興役, 其子,欲其不爲寇盜,豈可得邪。 又亡者亂郊,饉人盈甸,皆是不爲其存計,而任之遷流,故饑寒一至,慈母不能保 級。 凡公私遊手,歲發佐農,令堤湖盡修,原陸並起。 不過千家,故近食十萬口矣。 須待大熟, 可移之復舊。 既御之使然,復止之以殺,彼於有司 冰霜已厚, 使其受食者,悉令就佃 苫蓋難資, 淮以北悉使南過江, 東旅 是其衣裘敗矣。 宜募遠近能食五 仍量家立社 う何 淮南 酷 至是。 多其長 十口口 計 客盡令 比至陽 地設 且.

敷 ? 役,亦行見淮北必非境服有矣,不亦重辱喪哉。使虜但發輕騎三千,更互出入,春來犯 民之旣徙,欲必就之,若其來從,我之願也。 足 麥,秋至侵禾,水陸漕輸,居然復絕。 國家由來所欲覆育。旣華得坐實,戎空自遠,其爲來,利固善也。今空守孤城,徒費財 而待也。 歷下 故毒之在體,必割其緩處,函、渭靈區,闃爲荒窟,伊、洛神基,蔚成茂草,豈可不懷 ·</>
·

、

泗間,何足獨戀。議者必以爲胡衰不足避,而不知我之病甚於胡矣。 設使胡滅, 則中州必有興者, 決不能有奉土地、率民人以歸國家矣。 於賊不勞,而邊已困,不至二年,卒散民盡, 胡若能來,必非其種,不過山東雜漢,則是 可蹻 誠如

此,則徐、齊終逼,亦不可守。

深矣。 羣。 輦,長不 濃,然似頗謬虛實,怨怒實衆。 共竭、府栗與之同罄,去者應遣,濃加寵爵,發所在祿之,將秩未充,餘費宜闕, 以馬多也,胡之後服漢者,亦以馬少也。 狼,蟹捕鼠,而令重車弱卒,與肥馬悍|胡相逐,其不能濟,固宜矣。 匹者,蠲一人役,三匹者,除一人爲吏,自此以進,階賞有差,邊亭徼驛,一無發動。 凡武人意氣,特易崩沮,公設一 又將者,將求其死也。 且夫戰守之法,當恃人之不敢攻。頃年兵之所以敗,皆反此也。今人知不以羊追 重有澄風掃霧之懃,驅波滌塵之力,此所自矜,尤復爲甚。 ·應與,唯可敎以蒐狩之禮,習以鉦鼓之節。 自能執干戈、幸而不亡、筋力盡於戎役、其於望上者,固已 垂臂而反脣者,往往爲部,耦語而 旦有變,則向之怨者皆爲敵也。「己一今宜國財 ' 旣兵不可去,車騎應蓄。 今宜募天下使養馬 若假勇以進,務黜其身。 漢之中年能事胡者, 觖望者,[3]處處成 近所功賞,人知其 他事 老至而 、與之 負

四十萬,而國中不擾,取穀支二十歲,而遠邑不驚,然後越淮窮河,跨隴出漠,亦何適而 **貢至,止於報答,語以國家之未暇,示以何事** 又緣淮城壘,皆宜興復,使烽鼓相達,兵食相連。 而 非君。 若邊民請師,皆宜莫許。[10]遠夷 須內教旣立,徐料寇形,辦騎卒

罷,賞延於嗣

不可。

父子殊產,亦八家而五矣。凡甚者,乃危亡不相知,飢寒不相卹,又嫉謗讒害,其間不 可稱數。宜明其禁,以革其風,先有善於家者,卽務其賞,自今不改,則沒其財。 又教之不敦,一至於是。今士大夫以下,父母在而兄弟異計,十家而七矣。庶人

深情弗忍,冕珠視朝,不亦甚乎。凡法有變於古而刻於情,則莫能順焉。至乎敗於禮 而安於身,必遽而奉之,何乃厚於惡,薄於善歟。今陛下以大孝始基,宜反斯謬。 漢氏節其臣則可矣,薄其子則亂也。云何使衰苴之容盡,鳴號之音息。夫佩玉啓旒, 又三年之喪,天下之達喪,以其哀並衷出,故制同外興,日久均痛,故愈遲齊典。

致此。 給。 衣,不過數襲,而必收寶連櫝,集服累笥,目豈常視,身未時親,是爲櫝帶寶,笥著衣,空 藿肉者,故不可稱紀。至有列輧以遊遨,飾兵以驅叱,不亦重甚哉。若禁行賜薄,不容 逮至婢豎,皆無定科,一婢之身,重婢以使,一豎之家,列豎以役。塗金披繡,江三漿酒 散國家之財,徒奔天下之貨,而主以此惰禮,妃以此傲家,是何糜蠹之劇,惑鄙之甚。 或帝有集阜之陋,后有帛布之鄙,亦無取焉。且一體炫金,不及百兩,曰己一歲美 且朝享臨御,當近自身始,妃主典制,宜漸加矯正。凡舉天下以奉一君,何患不 且細 作始幷,以爲儉節,而市造華怪,卽傳於民。如此,則遷也,非罷也。

若工人復造奇伎淫器,則皆焚之,而重其罪。 今以去,宜爲節目。

金魄翠玉,錦繡穀羅,奇色異章,小民旣不得服,在上亦不得賜。 睨。宮中朝制一衣,庶家晚已裁學。 侈麗之原,實先宮閫。 又妃主所賜,不限高卑,自 庶民,制度日侈,商販之室,飾等王侯,傭賣之身,製均妃后。 凡一袖之大,足斷爲兩, 下得治者以實,而治天下者常虛,民之耳目,旣不可誑,治之盈耗,立亦隨之。 裾之長,可分爲二,見車馬不辨貴賤,視冠服不知尊卑。 尚方今造一物,小民明已聯 故凡厥

以 者位尊 省事,從而幷官,置位以周典爲式,變名以適時爲用,秦、漢末制,何足取也。 公之制,俗傳凑人之法,惡明君之典,好闇主之事,其憎聖愛愚,何其甚矣。 置,無空樹散位,繁進冗人。今高卑貿實,大小反稱,名之不定,是謂官邪。一而世廢姬 又置官者,將以變天平氣,贊地成功,防姦御難,治煩理劇,使官稱事立,人稱官 ?,位尊者祿重;能薄者官賤,官賤者秩輕。 纓冕紱佩,稱官以服;車騎容衞,當職 今則宜先 當使德厚

上淆 :辰紀,下亂畿甸。 其地如朱方者,不宜置州,土如<u>江都</u>者,應更建邑。 又寄土州郡,宜通廢罷,舊地民戶,應更置立。豈吳邦而有徐邑,楊境而宅院民,

又民少者易理,君近者易歸,凡吏皆宜每詳其能,每厚其秩,爲縣不得復用恩家之

貧,爲郡不得復選勢族之老。

先後,業有難易,明帝能令其兒不匹光武之子,馬貴人能使其家不比陰后之族,盛矣 哉,此於後世不可忘也。 但宜詳置賓友,選擇正人,亦何必列長史、參軍 叉王侯識未堪務,不應强仕,須合冠而啓封,能政而議爵。 至當輿抑碎首之忿,陛殿延辟戟之威,此亦復不可忘也。 、別駕、從事,然後爲貴哉。 且帝子未官,人誰謂 叉世有

身不得赦罪。 內外之政,實不可雜。若妃主爲人請官者,其人宜終身不得爲官,若請罪者,亦終

惇柔之倫,難以檢格立,不可須臾定,宜使鄉部求其行,守宰察其能,竟皆見之於選貴, 神,發意氣,語之所至,意之所執,不過數四間,不亦盡可知哉。若忠孝廉清之比,强正 類,令各以所能而造其室,降情以誘之,卑身以安之,然後察其擢脣吻,樹頰胲,動精 精數、東能將謀、偏術小道者,使獵纓危膝,博求其用。制內外官與官之遠近及仕之 下而辯治亂,焉可得哉。漫言舉賢,則斯人固未得矣。宜使世之所稱通經達史、辨詞 隔,則懷奇而無由進。或復見忌於親故,或亦遭讒於貴黨,其欲致車右而動御席,語天 呈之於相主,然後處其職宜,定其位用。如此,故應愚鄙盡捐,賢明悉舉矣。又俗好以 凡天下所須者才,而才誠難知也。 有深居而言寡, 則蘊學而無由知; 有卑處而事

階級限,不應以年齒齊。凡貴者好疑人少,不知其少於人矣。 者,譽黨悉庸,則宜退其譽者。 不知察其所以致毁;以譽進人,不知測其所以致譽。 如此,則毀譽不妄,善惡分矣。 老者亦輕人少,不知其 又旣謂之才,則不宜以 毁徒皆鄙,則宜擢其毁

不及少矣。

滿室,日四置酒浹堂,寄夫託妻者不無,殺子乞兒者繼有。而猶倚靈假像,背親傲君,欺 先習義行,本其神心,必能草腐人天,竦精以往者,雖侯王家子,亦不宜拘 費疾老,震損宮邑,是乃外刑之所不容戮,內敎之所不悔罪,而橫天地之間,莫之糾察。 替其修,束誡者月繁其過,遂至糜散錦帛,侈飾車從。復假精醫術,自己託雜卜數,延姝 蓺行,CIEL各爲之條,使禪義經誦,人能其一,食不過蔬,衣不出布。 若應更度者,則令 人不得然,豈其鬼歟。今宜申嚴佛律,裨重國令,其疵惡顯著者,悉皆罷遣,餘則隨其 自釋氏流敎,其來有源,淵檢精測,固非深矣。舒引容潤,旣亦廣矣。然習慧者日

亂男女,合飲食,因之而以祈祝,從之而以報請,是亂不誅,爲害未息。 可稱限。 初 ·興,淫風輒以之而甚,今修隄以北,置園百里,峻山以右,居靈十房, 糜財敗俗, 其 凡 鬼道惑衆,妖巫破俗,觸木而言怪者不可數,寓采而稱神者非可算。 又針藥之術,世寡復修,診脈之伎,人鮮能達,民因是益徵於鬼,遂棄於醫,重 **苑始立**,一 其原本是

令耗惑不反,死天復半。

今太醫宜男女習教,在所應遣吏受業,如此故當愈於媚神之。

愚,懲艾腠理之敝矣。

こ

こ

こ

こ

こ

こ

こ

こ

さ

章,興王道,則微臣存矣。敢昧死以陳,唯陛下察之。 本非實也。 有方調之誅,東都有黨錮之戮。日己陛下若欲申常令,循末典, 凡無世不有言事,無時不有令下,江巴然而升平不至,昏危是繼,何哉。蓋設令之 又病言不出於謀臣,事不便於貴黨,輕者抵訾呵駭,重者死壓窮擯,故西京 則羣臣在焉, 若欲改舊

書奏忤旨,自解去職。

禮利口,宜令翦戮,微物不足亂典刑,特鏁付邊郡。」於是傳送寧州,於道殺之,時年三十六。 必働,其餘頗不依居喪常節。 都謝|世祖曰:「州司舉臣愆失,多有不允。 火,令母觀之。火逸燒郡廨,朗悉以秩米起屋,償所燒之限,稱疾去官,遂爲州司 下。」上變色曰:「州司不允,或可有之。蟲虎之災,寧關卿小物。」朗尋丁母艱,有孝性,每哭 又除太子中舍人,出爲廬陵內史。 子仁昭,順帝昇明末爲南海太守。 大明四年,上使有司奏其居喪無禮,請 郡後荒蕪,頻有野獸,母薛氏欲見獵,朗乃合圍縱 臣在郡,虎三食人,蟲鼠犯稼,以此二事上負陛 加收治。 詔曰:「朗悖 所糾。 還

沈懷文字思明,吳興武康人也。 祖寂,晉光祿勳。 父宣,新安太守。

宗被徵 謝莊 除 餘 座。 悉班 義 通直郎,懷文固辭南行,上不悅。 共掌辭令,領義成太守。 恭 懷 之親: 司 文 居 以 空行 少好 公事例発,同輩皆 鍾山,後南還廬岳 成,一無所留。 玄理 .參軍,隨府轉司徒參軍事,東閣祭酒。 ,善爲文章,嘗爲楚昭王二妃詩,見稱於世。 ,何尙之設祖道,文義之士畢集,爲連句詩,懷文所作尤美,辭高 太祖聞而嘉之,賜奴婢六人。服闋,除尚書殿中郎。 失官,懷文乃獨留。 元嘉二十八年,誕當爲廣州,欲以懷文爲安南府記室,日立先 隨王誕鎭襄陽,出爲後軍主簿,與諮議 丁父憂,新安郡送故豐厚,奉終禮畢, 初州辟從事,轉西曹, 隱士雷次

投筆 行 治 或 哀 奔新亭。 書侍御史。 於 未釋,誕欲起內齋,懷文以爲不 弟 地 懷遠納東陽 曰:「當今 以爲竟陵王 元凶 艱難 弑立,以爲中書侍郎。 公主養女王鸚鵡爲妾,元凶行巫蠱,鸚鵡預之,事泄,懷文因此失調,爲 一誕衞軍 ,卿欲避 記室參軍 事邪 ·可,乃 」旨色甚 、新興太守。 世祖 止。 切。 入討,伽呼之使作符檄, 尋轉揚州治中從事 值殷沖在坐, 申救 叉為 誕驃騎錄事 史。 得発。 ·參軍 懷文固 、淮南太守。 託疾 辭, 落馬,間 劭 大怒, 時

時議省錄尚書,懷文以爲非宜,上議曰:「昔天官正紀,六典序職,載師掌均,七府成務,

僚,無所不總也。』考于茲義,備於典文,詳古準今,不宜虛廢。」不從。遷別駕從事史,江夏 貳。及乎爵以事變,級以時改,皆興替之道,無害國章,八統元任,靡或省革。 冢司 述章之範,崇明魏室。 所以翼平辰衡,經贊邦極。 三曰禮典,以和邦國,以統百官。四曰政典,以平邦國,以正百官。 之則 · 周承殷法,無損掌邦之儀。 雖條錄之名,立稱於中代,總釐之實,不愆於自古,比代相沿,歷朝問 故總屬之原,著夫官典,和統之要,昭于國言。夏因虞禮,有深 用乃調佐王均, 緝亮帝度。 而式憲之軌, 弘正漢庭, 鄭康成云:『冢宰之於庶 按台輔之職,

王

一義恭遷,西陽王子尚爲揚州,居職如故。

鎭會稽,遷撫軍長史,行府州事。時囚繫甚多,動經年月,懷文到任,訊五郡九百三十六獄, 神州舊壤,歷代相承,異於邊州,或罷或置,旣物情不說,容虧化本。」又不從。三年,子尚移 時宜,非存相反,安民寧國,其揆一也。苟民心所安,天亦從之,未必改今追古,乃致平壹。 朝議欲依古制置王畿,揚州移治會稽,猶以星變故也。懷文曰:「周制封畿,漢置司隸,各因 之以德。今雖空西州、恐無益也。」不從,而西州竟廢矣。[110]大明二年,遷尙書吏部郎。 咸稱平。 時熒惑守南斗,上乃廢西州舊館,使子尚移居東城以厭之。懷文曰:「天道示變,宜應 時

入爲侍中,寵待隆密,將以爲會稽,其事不行。 竟陵王誕據廣陵反,及城陷,士庶皆贏

情,一州

兩

[格,尤失大體。 臣謂不宜有異。] 上又不從。

身鞭 會稽,上念浙江 面 然後 加刑,聚所殺人首於石頭南岸,謂之髑髏山。 東人情不和,欲貶其勞祿,唯西州舊人不改。 懷文陳其不可,上不納。 懷文曰:「揚州徙治,旣乖民 揚州移

匹,縣 崇唐、衞 若 乃改用軍 忤,至此上倍不說。上又壞諸郡士族,以充將吏,並不服役,至悉逃亡,加以嚴制不能禁。 之,亦當不 更峻 爲 自 因言次稱竣、朗人才之美,懷文與相酬和,師伯後因語次白上,敍景文等此言。 以 縊 患 其 福 死。 用 懷文與顏竣、周朗素善,竣以失旨見誅,朗亦以忤意得罪,上謂懷文曰:「竣若知我殺 亦 度不 天下。 科。 稱此。 之寄。」及海陵王休茂誅,欲遂前議,太宰江夏王義恭探得密旨,先發議端,懷文固 懷文 法,得便斬之,莫不奔竄山 ·敢如此。」懷文默然。嘗以歲夕與謝莊、王景文、顏師伯被敕入省,未及進,景文 充,頓止爲難者,故宜量 懷文曰:「漢明不 具陳民困,由是縣絹薄有所減,俄復舊。 懷文又言之曰:「列肆販賣,古 期限嚴峻,民間買絹 使其子 比光武 加 一匹,至二三千,縣一兩亦三四百,貧者賣妻兒,甚者或 湖,聚爲盜賊。 減省。」不聽。 之子,前 人所非,故 史以爲美談。 孝建 懷文又以爲言。 | | | | | | | | | 子尚 以 來,抑黜諸弟,廣 ·諸皇子皆置邸舍,逐什一之利, 明不雨之由,弘羊受致旱之責。 陛下旣明管、蔡之誅,願 **齊庫上絹,年調鉅萬** 陵 懷文屢經犯 平後,復欲

謂不可,由是得息。

列傳第四十二 沈懷文

於世。

故欲 所啓宜 下, 竣 亦謂 變。 小小子 、異己。 風 非欲 言之爲善。 時 酮 ,三恨不 一從。」智淵未及有言,上方注弩,作色曰:「卿欲效顏竣邪? 游 甚 異物,性所得耳。」 幸無度,太后及六宮常乘副車在後,懷文與王景文每陳不宜亟出。 驟。 謝莊嘗誠懷文 景文曰:「卿可以言矣。」懷文 得 俄而被召俱入雉場,懷文曰:「風雨如 鞭其面 日 !」上每宴集,在坐者咸令沈醉,懷文素不飲酒,又不好 「卿毎與 人異,亦何可久。」懷文日 曰:「獨言無係, 此,非聖躬所宜冒。」景文 宜相與 「吾少來 何 以 陳之。」江智淵 恒 知 如此 人事。」又曰 後同從坐松樹 一一量可 |又曰:[[戲 臥 調 ", 上 謂 草側 朝而

病 東。白三上大怒,收付廷尉,賜死,時年五 求 申。 五 年,乃出 臨辭,又乞停三日,訖猶不 . 爲晉安王子勛征虜長史、廣陵太守。 去。 十四。 爲有司 三子:淡、淵 所糾 ,発官,禁錮十年。 明年,坐朝 沖。 (正,事畢被遺還北,(三)以女 旣被免, 賣宅欲還

興,與始興 州 刺史宗慤於南殺之。 要,屢請終不 弟 懷遠,爲始興王濬征北長流參軍 相 沈 法系論起義事 前 廢帝世,流徙者並聽歸本,官至武康令。 會南郡王義宣反,懷遠頗閑 o 事平, 慤具為 ,深見親待。 陳請, 文筆, 坐納 由 此見原。 王鸚鵡爲妾, 慇起義,使造 撰南越志及懷文文集,並傳 終世祖世不得還。 世祖 機書,幷銜 徙之廣州,使 命 懷 至始 文 雖 廣

闕縣 及宋祖,思反前失,雖革薄捐華,抑揚名教,而闢聰之路未啓,采言之制不弘。至於賤隸卑 非有積譽取信之資,徒以一言合旨,仰感萬乘。自此山壑草萊之人,布衣韋帶之士,莫不踵 詞之爲累,一至此乎。 情,義非側席,文士因斯,各存炫藻。 臣,義合朝算,徒以事非己出,知允莫從。昔之開之若彼,今之塞之若此,非爲徐樂、嚴安, 偏富漢世,東方,主父,獨闕宋時,蓋由用與不用也。 書,煙霏霧集。 史臣曰: 昔婁敬戍卒,委輅而遷帝都,馮唐老賤,片詞以悟明主。 素無王公卿士之貴, 自漢至魏,此風未爽。暨于晉氏,浮僞成俗,人懷獨善,仕貴遺務。降 周朗辯博之言,多切治要,而意在摛詞,文實忤主。文 徒置乞言之旨,空下不諱之令,慕古飾

校勘記

- 衍主德 而批民患 「主」各本並作「王」,據远龜九〇五改。
- 進貞白 而 就姦猾 「猾」各本並作「猜」,據远龜九〇五改。
- 結冕兩宮之下 「冕」各本並作「寃」、據远龜九〇五改。

- 〔8〕 拔志勇之將 「拔」各本並作「操」,據远龜九○五改。
- ۲٦ 77. 叉田 段 玉裁注云:「篇、韻皆云田不耕火種也。 非疁水 「疁」各本並作「膠」,據元龜五二九改。 謂焚其草木而下種,蓋治山田之法謂然。 說文:「嘐,燒種也。 漢律曰:疁田祩艸。」 史記曰:楚、

越之地或火耕。」

- C式」若待禮足而行 各本並脫「禮」字、據元龜五二九補。
- [七] 耦語而觖望者 「觖」各本並作「呼」,據元龜五二九改。
- (人) 特易崩沮 「崩」元龜五二九作「摧」。
- ハガゴ 則向之怨者皆為敵也 各本並脫「皆」字,據远龜五二九補。
- [10] 皆宜莫許 远龜五二九作「皆莫允許」。
- 不及百兩 「百」各本並作「伯」,據远龜五二九、通鑑宋元嘉三十年改。
- 〔三〕塗金披繡 各本並作「瓦金皮繡」,據元龜五二九改。
- []] 復假精醫術 「精」各本並作「粗」,據元龜五二九改。
- [12] 延姝滿室 「姝」各本並作「妹」,據嚴可均輯全宋文改。
- 餘則隨其藏行 「餘」各本並作「除」,據廣弘明集、元龜五二九改。
- 列 懲艾腠理之敝矣 傳 第 四 + 「懲艾」各本並作「徵正」,據元龜五二九改。 校 勘 記

- 無時不有令下 「無」三朝本作「未」,各本作「末」,今據通鑑改。
- 東都有黨錮之戮 「東都」各本並作「東郡」,據元龜五二九改。 東都言後漢都洛陽。
- [15] 欲以懷文爲安南府記室,各本並脫「安」字,據南史補。
- 而西州竟廢矣 各本並脱「西」字、據南史、元龜七一七補。
- [il] 顏竣小子 「顏竣」各本並作「顏峻」,據<mark>竣</mark>本傳改正。

賣宅欲還東 事畢被遺還北 「賣」各本並作「買」,據南史改。 「還」各本並作「遷」,據南史、通鑑宋孝武帝大明六年改。

宋書卷八十三

列傳第四十三

宗越 吳喜 黃回

將軍趙倫之鎭襄陽,襄陽多雜姓, 宗越,南陽葉人也。 本河南人,晉亂,徙南陽宛縣,又土斷屬葉。 倫之使長史范覬之條次氏族,辨其高卑,覬之點越爲役 本爲南陽次門,安北

門。日

爲揚武將軍,領臺隊。元嘉二十四年,啓太祖 衆莫能當。 隨柳元景北伐,領馬幢,隸柳元怙,有戰功,事在元景傳。 爲隊主。 出身補郡吏。父爲蠻所殺,殺其父者嘗出郡,越於市中刺殺之,太守夏侯穆嘉其意,擢 蠻有爲寇盜者,常使越討伐,往輒有功。 每一捷,郡將輒賞錢五 千,因此得市馬。 求復次門,移戶屬冠 家貧無以市馬,常刀楯步出, 後被召,出州爲隊主。 還補後軍參軍督護, 軍縣,許之。 世祖鎭襄陽,以 隨王誕戲之 二十七年, 單身挺戰,

列傳

第

四

+=

宗

越

曰:「汝何人,遂得我府四字。」越答曰:「佛貍未死,不憂不得諮議參軍 。」誕大笑。

方。 追 將軍如故。 西十餘里拒戰,大破斬胡興、蜀等。 鄭德玄前據大峴,德玄分遣偏師楊胡興、劉蜀馬步三千,三進攻歷陽。越以步騎五百於城 王 奔至江陵。 義恭大司馬行參軍,濟陽太守,尋加龍驤將軍。臧質、魯爽反,越率軍據歷陽。 尋被宥,復本官,追論前功,封筑陽縣子,食邑四百戶。遷西陽王子尚撫軍中兵參軍, 隨元景伐西陽蠻,因值建義,轉南中郞長兼行參軍,新亭有戰功。 大明三年,轉長水校尉。 時荆州刺史朱脩之未至,越多所誅戮,又逼略南郡王義宣子女,坐免官繫尚 爽平,又率所領進梁山拒質,質敗走,越戰功居多。 世祖卽位,以爲江夏 爽遣將軍 因

行 州 封始安縣子,戶邑如先。八年,遷新安王子鸞撫軍中兵參軍,加輔國將軍。 之汝南新蔡汝陽潁川四郡諸軍事、寧朔將軍、司州刺史,尋領汝南、新蔡二郡太守 ,躬臨其事,莫不先加捶撻,或有鞭其面者,欣欣然若有所得,所殺凡數千人。 四年,改 竟陵王誕據廣陵反,越領馬軍隸沈慶之攻誕。及城陷,世祖使悉殺城內男丁,越受旨 其年,督司州豫

命 叉 (加冠 ,誅戮羣公及何邁等,莫不盡心竭力,故帝憑其爪牙,無所忌憚。 萷 軍 廢 將 帝 軍, 景和元年,召爲遊擊將軍,直閣。 改領南東海太守,游擊如故。 頃之,領南濟陰太守,進爵爲侯,增邑二百戶。 帝凶暴無道,而越及譚金、童太壹並爲之用 賜與越等美女金帛,充

容謂 本官 擇。」越等素已自疑,及聞此旨,皆相顧失色,因謀作難。 牣 質 御 沈 收越等下 其 常隨征討。 年徒,不逐王玄謨。 夕 其 衆 攸之代殷孝祖 每有戰功。 之日:「 嚴 如 悉 越 譚金,荒中傖人也。 越等旣爲廢帝盡力,慮太宗不能容之,上接待雖厚,內並懷懼。 善立營陣,每數萬人止頓,越自騎馬前行,使軍 酷,好行刑誅,睚眦之間 聽越等出 越等武 獄 死。 卿等遭罹暴朝,勤勞日久,四苦樂宜更,應得自養之地。 自北入崤陝,及巴口建義,恒副安都,排堅陷陣,氣力兼人,平元凶及梁山 稍至建平王宏中軍參軍事,加建武將軍、專轉龍驤將軍、南下邳太守, 外宿 八人,粗 爲南討前鋒,時孝祖 越時年五十八。 玄謨尚可,宗越殺我。」 ,太宗因此定亂 .强識不及遠,咸一往意氣,

[5] 皆無復二心。 在荒 中時,與薛安都有舊,後出新野,居牛門村。 ·;動 用 新 軍 法。 明晨,越等並 死,衆並懼,攸之歎曰:「宗公可惜,故有 時王玄謨御下亦少恩,將士爲之語曰:「寧作五 入, 上撫接甚 人隨其後,馬 以告沈攸之, 厚,越改領南濟陰太守, 帝將欲南巡,明旦 止營合,未嘗參差。 上亦不 兵馬 攸之具白太宗, 及安都歸國, 大郡, 欲使其居中,從 勝 《人處。 」 隨卿 便發, 等所 破 刨 臧 而 金 及 日

列

傳

第四

+

=

宗

越

略 之用 縣男,攸之東興縣男,食邑各三百戶。」金遷驍騎將軍 如 沈 故 果, 孝建 帝 忠幹勇鷙,消蕩氛翳,首制鯨凶,宜裂 下 詔 三年,遷屯騎校尉 日「屯騎校尉南淸河太守譚金、强弩將軍童太壹 、直閣,領南淸河太守。 河山、以酬 ,增邑百戶。 景和元年, 動義。 金 、車騎中兵參軍沈 前 太壹,東莞人也。 可 廢帝誅羣公,金 封平都縣男,太壹宜 攸之,誠 等並 自强

越 州 里劉胡、武念、佼長生、蔡那、曹欣之,並以將帥顯。 劉胡事在鄧琬傳。

遷左軍將軍,增邑百戶。金、太壹並與宗越俱死。

景和 走,旣 雍 陽 奮 沔 道 州 太守。 符 擊 中 中 ,綏慰西土,因以爲南陽太守。 蠻 隨 武 應 而 ·, 爲 反 身 念 復還 時 新野 隊主。 竟 世祖 摧 右 陵 退,即 念追 軍 王 人也。 將軍,直 之鎭,緣 後大 誕 之不 擢 反,念以江 (府以念有健名,且家富 爲 本三五門,出身郡 参軍 閤 皮, 道討伐 , 封 坐発 一督護。 夏王 開 ,部伍至大堤巖洲 官。 或 縣 義恭太宰參軍、 念既至,人情並向之,劉胡遣腹心數騎詐詣念降,於坐 其後 男, 復 以 將。 食邑三百戶 每軍旅,常有 爲 「有馬,召 冗從僕射, 蕭 思話 龍 蠻數千人 ٥ 出 爲 驤 戦 太宗 爲將。 雍 出 將 功。 州 爲 軍 忽至, 初即位 ٠, 龍 世 遣 世 隸 驤 祖 土人龐 祖 沈慶之攻 將 孝建 乘 臨 軍、 四 雍州 高 道符統 中, 方反 南 矢 念領 陽 廣 射雨 爲 叛 陵 太守。 建 遣 六門田、念爲 城 下。 威 隊 念乘 將 奉 念馳 前 誕 軍、桂 迎。時 出 廢 帝 城 朴

守,封 縛念, 至,秉 義不 綏安縣侯, 袁顗斬之,送首詣晉安王子勛。 移 後 得叛奔劉 食邑四 百戶。 勔 太宗嘉之,以爲奉朝請。 泰始 四年,綏安縣省,改封邵陵縣 念黨袁處珍逃亡至壽陽, 追贈 念冠 軍將軍 爲逆黨劉順所得, 南陽新野 考楚備 郡太

遷陵 州 長 刺 生 縣侯, 史。 有 佼長 戰 功 生,廣平 食邑八 稍 見 百戶 人也。 任 使。 後爲 太宗 出身爲縣將,大府以其有膂力,召爲府將。 初,爲 張悅寧遠 建安王休仁 司 馬 寧蠻 司 校 徒 尉。 中兵參軍, 泰始 五年, 加 寧 朔 朱脩之拒魯秀於峴南 卒, 將 追 軍 贈 征 南 虜將 討 有 軍 功 封 雍

州刺 陽縣侯 郡 兵 縣 史、 軍 所優 蔡那 了,南討 宋寧太守,未拜,卒,追 食邑 南 異 蠲 陽 五 百 冠 那 其 子 調 軍 戶 0 弟皆 役。 人 稍 也。 那 在 至 劉韞 襄 始 家素富,而那兄局善接待賓客,客至 陽 爲 贈 為 建福 撫軍 輔 劉 師 ·司馬、 成主, 胡所 將軍,餘如故 執, 寧蠻校尉 獑 至 胡 大 存戦 府 諡 將佐。 輒 加 日平侯。 寧 懸 朔 之城 太宗 將 無 外, 軍 初 少 那進戰 多, 泰豫元年, 爲 皆資 建安王 愈猛 給 休仁 以 之, 本號 以 以 功 司 爲 此 封 徒 爲 平 中

食邑五百戶。 曹欣之, 新野 人 爲左軍驍騎將軍 也。 **積勤勞,後廢帝元徽初,** • 加 輔 國將軍。 爲軍主。 元徽 四年, 以平桂陽王休範 以 本 ·號爲 徐州 刺史、 功,封新市 鍾離太

守,進號冠軍將軍。 順帝昇明二年,徵爲散騎常侍、驍騎將軍。 三年,卒。

吳喜,吳興臨安人也。本名喜公,太宗滅爲喜。

史、漢,頗見古今。 演之門生朱重民入爲主書,薦喜爲主書書史,「鬥進爲主圖令史。 口。演之嘗作讓表,未奏,失本,喜經一見,即便寫赴,無所漏脫,演之甚知之。 初出身為領軍府白衣吏。少知書,領軍將軍沈演之使寫起居注,所寫旣畢,闇誦略皆 因此 涉獵

嘗求圖書,喜開卷倒進之,太祖怒,遣出。

尙 口 !方令,河東太守,殿中御史。 |大明中,黟、|歙二縣有亡命數千人,攻破縣邑,殺害官長。 建義,喜遇病,不堪隨慶之下。事平,世祖以喜爲主書,稍見親遇,擢爲諸王學官令,左右 子尚 會太子步兵校尉沈慶之征蠻,啓太祖請喜自隨,使命去來,爲世祖所知賞。 爲揚州,在會稽,再遣主帥,「尽」領三千人水陸討伐,遂再往,失利,世祖遣喜將數 世祖於巴 豫

十人至二縣,誘說羣賊,賊卽日歸降。

列傳第四十三 吳喜

邪 ? 軍 所至 主 書,送尋陽王子房檄文。 耳。」喜乃率員 隨沈慶之,屢經 食椹 一,簡羽 以 想便 尉 如 神 人 太宗初卽位,四方反叛,東兵尤急。 並懷 今 武 南賊退走,喜追討平定荆州,遷前軍將軍,增邑三百戶。 林 將軍 練 撥 倒 勇士配 之,共受河、山之賞。」 喜報書日 之。 勒 亂 如 外散騎侍郎竺超之、殿中 所 ,德盛勳高,羣逆交扇,滅在 故。 軍旅 及 部,星言進邁,相見在近,不復多陳。」喜孝武 之。 東討,百 ~,性旣 封竟 議者 與喜書曰:「知統戎旅,已次近路,卿所 陵 勇決,又習戰陳, 縣侯,食邑千 姓聞吳河東來,便望 以喜刀筆主者, 將軍 户。 喜請得精兵三百 唇刻。 :「前驅之人,忽獲來 若能 不嘗爲將, 杜敬眞馬步 東 土 風降散,故喜 君等勳 任之,必有成績。 平 定,又率所 不 東討。 義 口 ,致死於東, 之烈 遣。 所 世 見驅 翰 領 世 在 泰始四 至克捷,事在孔號 旣至永世, 中書舍人巢尚 ",披尋 南 著名,今 一荷國 諸 討 使,常充 上大說, 人紛紛 年, 恩,事 狂 遷 惑,良深 日 輔 改封 得 使命 何爲立 庾業、 或 愧 皆是 之日 卽假建武 將 東 嗚 性 、興縣侯 軍 鴞 悵 [三喜昔 忠於彼 不 劉 寬厚 一不懷 駭 ·別才 延 聖 將 熙

其 年 將 ,虜寇豫 軍 仍 、淮陵 除 使持節、督交州 州,喜統 太守,假 諸軍 輔 師 廣州 一出計 將軍 之鬱林 ,大破虜於荆亭,偽長社公遁走,戍主帛乞奴歸降。 兼 太子 寧浦 左 衞 郡諸 率 五. 軍 年 事 輔 轉 驍 國 將 騎 將 軍 軍 、交州刺史。 、假 號、太守、兼 不 行 桽 軍還,復 叉除右 如 故

以

本

太守如故。明年,還京都。

召入內殿與共言謔,酬接甚款。 爲身後之慮,以喜素得人情,疑其將來不能事幼主,乃賜死,時年四十五。喜將死之日,上 功,不問也,而內密銜之。及平荆州,恣意剽虜,贓私萬計,又嘗對賓客言漢高、魏武本是何 上素多忌諱,不欲令食器停凶禍之室故也。 喜未死一日,上與劉勔、張興世、齊王詔曰: 後 人,上聞之,益不說。其後誅壽寂之,喜內懼,因啓乞中散大夫,上尤疑駭。至是會上有疾, 翻覆受禍,乃生送子房還都,凡諸大主帥顧琛、王曇生之徒,皆被全活。 初喜東征,白太宗得尋陽王子房及諸賊帥,即於東梟斬。 既出,賜以名饌,幷金銀御器,敕將命者勿使食器宿喜家 東土旣平,喜見南賊方熾,慮 上以喜新立大

罪委頓之,以示清直,而餘人恣意爲非,一不檢問,故甚得物情。 運其佞巧,甘言說色,曲以事人,不忠不平,彰於觸事。從來作諸署,主意所不協者,覔 弄威恩,苟取物情,處處交結,皆爲黨與,衆中常以正直爲詞,而內實阿媚。 每仗計數, 吳喜出自卑寒,少被驅使,利口任詐,輕狡萬端。自元嘉以來,便充刀筆小役,賣

帥,領三千精甲水陸討伐,再往失利。。孝武以喜將數十人至二縣說誘羣賊,賊卽歸降。 昔大明中,黟、徽二縣有亡命數千人,攻破縣邑,殺害官長,劉子尚在會稽,再遣主

致力。 苦相逼迫,保全子房及顧琛等,足表丹誠,進退二塗,可以無患。 收羅羣逆,皆作爪牙,撫接優密,過於義士。 詭數幻惑,乃能如此,故每豫驅馳,窮諸狡慝。 及泰始初東討,正有三百人,直造三吳, 捷,印於南賊則不殺其黨,頗著陰誠,當云東人恇怯,望風自散,皆是彼無處分,非其 情大惡,慮逆徒得志,規以自免。喜善爲姦變,每以計數自將,於朝廷則三吳首獻慶 帥,令各逃藏,受賂得物,不可稱紀。 卽當屛除,袁標等皆加斬戮,使略無生口。旣平之後,緩兵施恩,納罪人之貨,誘諸賊 積取三吳人情,何以得弭伏如此。 凡再經薄戰,而自破 觀其意趣,止在賊平之後,應力爲國計。喜初東征發都,指天畫地,云得劉子房 岡以東至海十郡,無不淸蕩。百姓聞吳河東來,便望風自退,若非 其統軍寬慢無章,放恣諸將,無所裁檢,故部曲爲之 聽諸賊帥假稱爲降,而擁衞子房遂得生歸朝庭。 推此意,正是聞南賊大盛,殷孝祖戰亡,人

官賣爵,以救災困,斗斛收斂,猶有不充。喜在諸圻,軍主者頓偸一百三十斛米,初不 問罪,諸軍主皆云宜治,喜不獲已,止與三十鞭,又不責備,凡所曲意,類皆如此。 南賊未平,唯以軍糧爲急,西南及北道斷不通,東土新平,商運稀簡,朝廷乃至鬻

定科,又嚴令驅蹙,皆使立辦。所使之人,莫非姦猾,因公行私,迫脅在所,入官之物, 唐至荆州,公私殷富,錢物無復孑遺。

喜乘兵威之盛,誅求推檢,凡所課責,旣無

因土地富人,往襄陽或燭、漢,屬託郡縣,侵官害民,興生求利,千端萬緒。從西還,大 貨易交關,事未回展。又遣人入蠻,矯詔慰勞,賧伐所得,一以入私。又遣部下將吏,兼 侵竊過半,納資請託,不知厭已。 西難旣殄,便應還朝,而解故槃停,託云扞蜀。 實由

輩所感唯喜,莫云恩由朝廷。 難相違拒,是以得官受賞,反多義人。 卒,喜爲軍中經爲賊者,就淵求官,倍於義士。淵以喜最前獻捷,名位已通,又爲統副, 被詰問,辭白百端,云:「此輩旣見原宥,擊賊有功,那得不依例加賞。」褚淵 等旣隨喜行,多無功効,或隱在衆後,或在幔屋中眠。 不愛性命,擊擒此賊,朝廷不肯殺去,反與我齊。今天下若更有賊,我不復能擊也。」此 艑小艒,爱及草舫,錢米布絹,無船不滿。 敵,自東還,失喜意,說超之多酒,不堪驅使,遂相委棄。 四方反叛,人情畏賊,無敢求爲朝廷行者,乃慨然攘步,隨喜出征,爲其軍副。 用。」雖復羸弱,亦言:「健兒可惜,天下未平,但令以功贖罪。」處遇料理,反勝勞人,此 天下,密懷姦惡,人莫之知。 **喜本小人,多被使役,經由水陸,州郡殆徧,所至之處,輒結物情,妄竊善稱,聲滿** 喜軍中諸將,非劫便賊,唯云:「賊何須殺,但取之,必得其 凶惡不革,恒出醜聲,勞人義士,相與歎息,並云:「我等 義人雖忿喜不平,又懷其寬弛。往歲竺超之聞 自喜以下,迨至小將,人人重載,莫不兼資。 賊旣破散,與勞人同受爵賞。 高敬祖年雖少宿,氣力實健, 往南選諸將 身經臨 旣

列傳第四十三 吳喜

離 餘 其 力,但是喜不敢生心耳。 拾。 `,緣己得活,非唯得活,又復 事,直云年老,託爲 有處分, ,乃多飲酒,計喜軍 喜聞天壌 爲軍中所稱,喜薄其衰老,云無所施。 間 有罪· 中主帥、豈無飲酒者,特是不利超之,故以酒致言耳。 乞郡,潛相遺斥。 人死或應繫者,必啓以入軍,皆得官爵,厚被處遇。 喜軍 中人皆是喜身爪牙 如意,人非木石,何能不感。 其餘主帥,並貪濁諂媚之流,皆提攜 一一豈關 正以二人忠清, 於 國 設令吾攻喜門,此輩誰不 與己異行。 東 應入 敬祖 西,不 超之爲 死之 旣 致 相 無

縣奴婢,入界便略。 護,臺州 東名縣,連城 此,初不 下取錢,盈村滿 **喜自得軍號以來,多置吏佐,是人加板** ·禁呵 符旨 l,殆不 四五 里。 ,皆灼然巧盜,侵官奪私。 ·復行。 諸吳姻親,就人間徵求,無復紀極,百姓嗷然, 百姓牛犢, 船車 輒牽 牛犢,應爲公家所假借者,託之於喜,吏司 一般噉。 了無復 州郡應及役者,並入喜家。 亡命罪 限 入,州 極。 爲兄弟子姪及其同堂羣從,乞 郡不得討,崎 人人悉苦。 嶇 喜兄茹公等悉 便不 蔽匿,必也黨 敢問。它 喜具知

逼迫 司,喜即便 歸降,沈攸之錄付喜,云:「殺活當由 索惠 子罪不 打鎖,解襦與著,對膝圍棊,仍造重義,私惠招物,觸事 ·甚江念,旣已被恩,得免憲辟, 朝廷。」 小小忤意,輒 將 帥 征伐, 旣 加 有 刑 如斯。 常體 斬。 , 張悅 張靈度凶愚小 自應執 賊 中 歸之有

性,遂與柳欣慰等謀立劉禕,吾使喜錄之,而喜密報令去,去未得遠,爲建康所錄。 人,背叛之首,喜在西輒恕其罪,私將下都,與之周旋,情若同體。狼子野心, 獨懷毒 唐

初從 ,西反,圖兼右丞,貪因事物,以行私詐,吾患其諂曲,抑而不許,從此怨懟,意 背國親惡,乃至於是。

用不平。

喜代之,西人聞其當來,皆欲叛走,云:「吳軍中人皆是生劫,若作刺史,吾等豈有活路。 見有惡於君, 旣無他計,正當叛投虜耳。」夫伐罪弔民,用清國道,豈有殘虐無辜,剝奪爲務,害政妨 國,罔上附下,罪釁若此,而可久容。 敢呵問。 人,皆親經反逆,攜養左右,豈有奉上之心。 **喜西救汝陰,縱肆兵將,掠暴居民,姦人婦女,逼奪鷄犬,虜略縱橫,緣路官長,莫** 脫誤有縛錄一人,喜輒大怒。 若鷹鸇之逐鳥雀。」耿弇不以賊遺君父,前史以爲美談。而喜軍中五千 臧文仲有云:「見有善於其君,如孝子之養父母" 百姓呼嗟,人人失望。近段佛榮求還,乃欲用

是何人,乃敢作此舉止。且當今邊疆未寧,正是喜輸蹄領之日,若以自處之宜,當節儉 廉慎,靜掃閉門,不與外物交關,專心奉上,何得以其雌螭,高自比擬。當是自顧愆釁, |喜意志張大,每稱||漢高、魏武,本是何人。近忽通啓,求解軍任,乞中散大夫。||喜

事宣遐邇,又見壽寂之流徙,施脩林被擊,物惡傷類,內懷憂恐,故興此計,圖欲自安。

嚴」。 喜心迹,不可奉守文之主,豈可遭國家間隙,有可乘之會邪。世人多云,「時可畏,國政 者,歷代無數。養之以福,十分有一耳。至若喜之深罪,其得免乎。 刑;宣尼作宰,肆少正之戮。自昔力安社稷,功濟蒼生,班劍引前,笳鼓陪後,不能保此 以剠墨。 吾壽百年,世間無喜,何所虧損。若使吾四月中疾患不得治力,天下豈可有喜一人。尋 朝 歷觀有天下,御億兆,杖威齊衆,何代不然。故上古象刑,民淳不犯,後聖懲僞,易 廷之士及大臣藩鎭,喜殆無所畏者,畏者唯吾一人耳。人生修短,不可豫量,若 唐堯至仁,不赦四凶之罪,漢高大度,而急三傑之誅。且太公爲治,先華士之

耳。 勢不 欲防 去堅積以止患。 初功,而 大臣,股肱所寄,賞罰事重,應與卿等論之,卿意並謂云何? 微杜 獲已耳。 凡置官養士,本在利國,當其爲利,愛之如赤子,及其爲害,畏之若仇讎,豈暇遠尋 夫富之與貴,雖以功績致之,必由道德守之,故善始者未足稱奇,令終者乃可重 應忍受終敞耳。 |漸,憂在未萌,不欲方幅露其罪惡,明當嚴詔切之,令自爲其所。 喜罪釁山積,志意難容,雖有功效,不足自補,交爲國患,焉得不除。且 豈憶始時之益,不計後日之損,存前者之賞,抑當今之罰。 將之爲用,譬如餌藥,當人贏冷,資散石以全身,及熱勢發動, 卿諸人將相 非忘其功,

列

及喜死,發詔賻賜。

子徽民襲爵。齊受禪,國除。

宣陽門與人相打,詐稱江夏王義恭馬客,鞭二百,付右尙方。 自隨。 隊,統知宅及江西墅事。 爲戶伯,性便辟勤緊,奉事明寶,竭盡心力。 黄回, 隨質於梁山敗走向豫章,爲臺軍主謝承祖所錄,付江州作部,遇赦得原。 質爲雍州,回復爲齋帥。 竟陵郡軍人也。 性有功藝,「八」觸類多能,明實甚寵任之。 出身充郡府雜役,稍至傳教。 質討元凶,回隨從有功,冤軍戶。 明寶尋得原赦,委任 臧質爲郡,轉齋帥,及去職, 會中書舍人戴明寶被繫,差回 如初,啓発回,以領隨身 質在江州, 回因下都,於 擢領白直 將回

杜叔寶軍 明寶啓太宗使回募江西楚人,得快射手八百,假回寧朔將軍、軍主,隸劉勔 回 、拳捷果勁,勇力兼人,在江西與諸楚子相結,屢爲劫盜。 ,除山陽王休祐驃騎行參軍 、龍驤將軍。 攻合肥,破之,累遷至將校,以功封萬陽 會太宗初即位,四方反叛, 西討。 於死虎破

縣男,食邑二百戶。

後廢帝元徽初,桂陽王休範爲逆,回以屯騎校尉領軍隸齊王,於新亭創詐降之計,事在

讓 琅 轉 · 範傳。 張 邪 濟陽 倪 回 奴。 驍騎 回 郡 見休範 回 將軍,加 太守。 增邑五 可乘,謂張敬兒曰:「卿 百戶, 輔 建 平王景素 師 將 進號征虜將軍,加散騎常侍, 軍,進爵 反,回又率軍 爲侯, 可取之, 改封 前 聞 討 喜縣,增 ,假節。 我誓不殺諸王。」 太守如故。 邑千戶。 城平之日 敬兒卽日 明年,遷右衞將軍,常 四 回軍先入,又以景素 年,遷冠 「斬休範 軍將軍

侍

如

故

平 平。 毎 少 宜 興 部 建 孫 以 年 興 率 平 素 小 時 回 沈 衆 曇 王 制 本 爲 攸 不 瓘 出 景 協, 期 之反,以回爲使持節、督郢州司州之義陽諸軍事、平西將軍、 多 劫 新亭 等謀 不 計 素 挺身深 慮或反告,因 須 功 旦率所領 應粲。 爲 (件)郡 分封 前 鋒。 長 入 討 粲事 無 壽縣男, 從御 逐圍 未 [其不 所畏 發, 發, 道 . 繞 數十 從處 憚 直 候伯 食邑三百戶 而 向 ,虜衆値 袁 等並 臺 分,斬之。 桑據石 重,終莫能擒。 門,攻齊王於 乘船 宜 0 頭 興 至 赴石頭 為 一,皆引 宜 一是爲 亂 興 **小朝堂**, 、吳興 回 避 屯 太宗 ,唯曇瓘先至得 騎 不 與新亭諸將帥 校 敢 泰 人 事 當。 尉 始 也。 旣 か中 不果, 加 ٠, 稍 形狀 輔 爲將 至 艺, 或 齊王撫 任 寧朔將 郢州 短 將 小,而 候伯 候伯、彭文之、王宜 在 軍 刺史, 壽 之如舊 等至, 軍 陽 果 ·, 羽 間 勁 給鼓 林 撃 有 而 監 索 膽 吹一 粲 口 虜, 力。 一。以 與 Ë

州 固 回 成南竞、遂 淮 軍 未 至 率 郢 部 州 曲 而 輒 沈攸 還。 之敗走, 改封安陸郡公,增邑二千戶,并前三千七百戶 回 至鎭 進 號 鎭 西 將軍 改督 爲 都 督。 改 回 都督南克 不 樂停郢

列

傳

第

徐克青冀 五. 州 諸 軍 事、鎭北將軍、南兗州刺史,加散騎常侍,持節如故

滋深 怨 徵索,主局咨疑,便加捶 器杖,氛沴克霽,狡謀方顯 夙 願 疑從輕,事炳前策 積 無 及 軍 風 扇,廟律幾殆,幸得張敬兒提戈直奮,元惡受戮。 至郢城 聖明, 、罪著? 厭 負疵釁,貰 至還都 雲,累叨 問 齊王 ,搆誘敬見,志相攻陷 李安民述任河、濟,星管未周、貪據襟要,苦耐回奪。 顧 特垂 非可含忍,應加劋除,以明 7,乘威 ,縱恣 以回 顯伍 天 極。 以憲綱、收其搏噬。 元鑒。 [終爲 「彌甚,先朝御服,猶有二輿,弓劍遺思,尙在 迫脅,陵掠 ,請在降減,特原餘 及沈攸之作逆,事 又廣納逋亡,多受劫盜,親信此等, 禍 臣思不出位,誠昧 亂,乃上表 一楚,專肆暴慢,問 所加,必先尊貴。 悖圖 每存容掩,冀能悛革,故裂茅升爵,均榮勳 未遂、很戾彌 曰:「黄回 雖勤效累著,而屢懷干紀。 國 切戎機,臣闇於知 嗣。 憲。 甄 .顧 一才,追言旣往,伏增慚恧。」 出自 臣過荷隆寄,言必罄誠,謹陳管穴,式遵 尋其釁狀,實宜極法,但嘗經將 彝 武陵王馬器服咸被虜奪,城內文武 甚。 則。 · 厮伍,本無信行,仰值 及景素結逆、履霜歲久,乃密 近 膺牧 軍 並爲爪牙。 人,冀其搏噬, 西 次郢鎭,劫逼 蕃,徽賁 黷謁弗已, 叨侈無度, 車府,回遂啓求,以擬 新亭背叛,投拜寇場, 觀其凶狡,憂在不測。 催 府主, 泰始, 詔 遣統前鋒, 厚,曾 龍。 曰:「黄回擢 帥, 兼挾 謬被驅馳, 不 凶 微有 知 設 通音譯,潛送 私 感, 剝剔 竟不 有 私用,僭侮 逐請求御 塵露 計, 弘典,伏 本, 自凡豎, 異規旣 猶 ·接刃。 靡遺。 懷 險慝 忿 惡

輿,僭擬私飾。 又招萃賊黨,初不啓聞,傷風靈化,莫此之甚。 宜明繩裁,肅正刑書,便收付

廷尉,依法窮治。」

回 死時,年五十二。子僧念,尚書左民郎,竟陵相,未發, 從誅

回旣貴,祗事戴明寶甚謹,言必自名。 每至明實許,屏人獨進,未嘗敢坐。 躬至帳下及

入內,料檢有無,隨乏供送,以此爲常。

宗。 與 刺 佩 史南陽王翽未之任,權以佩玉行府州事。先遣中兵參軍、臨湘令韓幼宗領軍成防湘州, 口 玉共事,不美。及沈攸之爲逆,佩玉、幼宗各不相信,幼宗密圖, 先是,王蘊爲湘州,潁川庾佩玉爲蘊寧朔府長史、長沙內史。 至郢州、遣輔 國 將軍任候伯行湘州事,候伯以佩玉兩端,輒殺之。 蘊去職,南中郎將、 佩玉知其謀,襲殺幼 湘州刺史呂安國 湘州

之鎮,齊王使安國誅候伯。

戶。 順帝初,為輔 彭文之,泰山 人也。 國將軍、左軍將軍、南濮陽太守、直閣,領右細仗盪主。沈攸之平後,齊王 以軍功稍至龍驤將軍。討建平王景素功,封葛陽縣男,食邑三百

收之下獄,賜死。

孫曇瓘 「 吳郡 富陽 人也。 驍果有氣力,以軍功稍進,至是爲寧朔將軍、越州刺史。 於石

頭 、叛走,逃竄經時,後於秣陵縣禽獲,伏誅。

常侍,驍騎如故。 淮南 來,多因軍功至大位,資輕加常侍者,往往通直員外焉。 年, 改 歷 弩將軍。 封 射 入爲驍騎將軍,加通直散騎常侍。前世加官,唯散騎常侍,無通直員外之文。 房陵 聲校 太守,戍姑孰 回 同 縣侯,增邑千戶,幷前千七百戶。出爲輔師將軍、豫州刺史,尋進號冠軍將軍。 時爲將者,臨淮任農夫,沛郡周寧民,南郡高道慶,並以武用顯。〔六〕農夫稍至强 尉,左軍將軍。時桂陽王休範在江州,有異志,朝廷慮其下,以農夫爲輔師將軍、 太宗初,以東討功,封廣晉縣子,食邑五百戶。東土平定,仍又南討,增邑二百戶。 以防之。 其年卒,追贈左將軍,常侍如故,諡曰貞肅。 休範尋率衆向京邑, 奄至近道, 農夫棄戍還都。 休範平, 以戰功 泰始初,封贛縣男, 五年,加征 候伯,卽農夫弟也。 | 虜將軍,改通直爲散騎 食邑三百戶。官 太宗以 明

至 |寧朔將軍 周 寧民 、徐州 【於鄉里起義討薛安都,亦以軍功至軍校。 刺史,鍾離太守。

道慶 凶 險暴橫 領軍 高道 慶 `,求欲無已,有失其意,輒加捶拉,往往有死者,朝廷畏之如虎狼。 北討,而 亦至軍校驍游,以平桂陽王休範功,封樂安縣男,食邑三百戶。 與景素通謀。 及事平,自啓求增邑五百戶、詔加二百、幷前五 齊王與袁粲等 一百戶。 道慶

建平王景素反,

議,收付廷尉,賜死。

爲幸矣。

校勘記

〔一〕 覬之點越爲役門 「點」建康實錄作「黜」。

德玄分遣偏師楊胡興劉蜀馬步三千 各本並脫「遣」字,據远龜三五一補。「楊胡興」薛安都傳

作「楊胡與」,通鑑從越傳。

[]] 咸一往意氣 「咸」南史作「 處」。

〔四〕勤勞日久 「久」各本並作「夕」,據南史改。

 $\overline{}$ 五. 薦喜爲主書書史 「主書書史」南史作「主書吏」。本書恩倖王道隆傳有「爲主書書吏」。

 \sim 再遣主帥 「劉子尚在會稽,再遣爲主帥」語,「爲」字並删。 「遺」下各本並衍「爲」字,據元龜二一五删。 下明帝與劉勔、張興世、齊王韶文亦有

つもし 列 於朝廷則三吳首獻慶捷 傳 第 四 + \equiv 校 勘 記 「則」各本並作「時」,孫彪宋書考論云:「時疑則譌。」按作「時」不可

通,作「則」則與下句相對成文。孫說是,今改正。

性有功藝 「功藝」南史作「巧藝」。

[元] 並以武用顯 「顯」各本並作「顧」,孫膨朱書考論云:「顧當爲顯。」按孫說是,今改正。

宋書卷八十四

列傳第四十四

鄧琬 袁顗 孔凱

勳、前征虜長史鄧胤之體局沈隱,累任著績。 朕昔當藩重,首先佐務,心力款盡,弗忘于懷 都水使者,丹陽丞,本州大中正。大明七年,車駕幸歷陽,追思在藩之舊,下詔曰:「故光祿 |琬弟環亦坐誅,琬在遠,又有功,冤死遠徙,仍停廣州。 **人之得還,除給事中,尚書庫部**郞, 簿,江州治中從事史。世祖起義,版琬爲輔國將軍、南海太守,率軍伐蕭簡於廣州,攻圍踰 年,乃克。以臧質反,爲廣州刺史宗慤所執,曰值赦原。琬弟璩,與臧質同逆,質敗從誅, 長史。父胤之,世祖征虜長史,吏部郎,彭城王義康大將軍長史、豫章太守,光祿 <u></u>
琬初爲州西曹主簿,南譙王義宣征北行參軍,轉參軍事,又隨府轉車騎參軍,仍轉府主 鄧琬字元琬,[]豫章南昌人也。 高祖混,曾祖玄,並爲晉尚書吏部郎。 祖潛之, 勳。

列

往 歲 息璩 凶 悖 自 取 誅翦,沿恩及腕,特免釁戮。 今可擢爲給事黃門侍郎 以以 旌 胤之宿誠。」

寶 積。 衆 張 衆 京 九 至, 祖 戾 日 並 沈 師 、岷 並 天子 並 日 蒙先 馬也 子 諸 第 奉 爲 伊 明 是諸 Щ 勛 檄 稱 自。 王,並 數 諮 年 霍 太守薛 事 帝 典籤 近 子 議 居三以 鼡 君 遠 猶 行之於古 殊 勛 文武 參 爲 見 所 獨 教 恩 謝 軍 常寶 見 夫。 以 囚 晉安王子勛 道 **登極** 一普進位 ٠, 以愛子 謀 逼 聞 卽 統 遇 之郡 王室。 今便 H 作 位 殿下 委厄虎 戒 齍 顧 舟 了, 子 見託 ,始至尋陽, 嚴。 指 命 帥 艦 階。 當 重 率 潘 勛次 鎭 於諸 之於 口, 文武,直造京邑,與羣公卿) 豈得 欣 臣 子 軍長史、尋陽內史, 參 轉亮 第旣 之、 勛戎服 君 思奮 軍 今。 悉皆誅 何 事 爲 惜門戶 侍 同,深構嫌隙 與新蔡太守章希直並爲諮議參軍,領中 如 莫因。 顧 鄙 諮 書褚靈嗣 _? 出 昭 議 州 戮。 四 聽 之、 百 參 士 座未 事, 身義 子 軍 口,其當 驅 沈伯 事 等馳 逼 集僚佐, 答 行江 世 兼 一, 因 , 王 習 玉 領 家 錄 公, 以告琬,泣涕請 「荀道 忠 何邁之謀,乃遣 州 中 或 以 事 節 兵 士,廢昏 死報効。 事 幽 使潘 參 분 0 辱 林 軍 況 可 加 前 太后。 欣 等參管書記 陶亮 屬 寧 坐 廢帝 ·立明。」 景和 之口宣旨日:「少主昏狂悖 朔 一視 千 幼主昏暴, 横流, 載 日 將 狂悖 不逞之徒, 計。 使齎藥賜 之會 :「少主 軍 無道, 今便 總 琬 南陽 請 日 統 兵 否 元 社 欲 年十 :「身南土 子勛死。 軍 効 稷 狂 、共成 以太祖 太守 及彭澤令 舉 事 死 危殆, 九江 前 醜 《其釁。 月十 沈 功曹 驅 毒 世 懷 之 雖 寒 已 使

陳

紹宗並爲將帥

列 傅 第 四 + 四 鄧 琬

千人,出頓大雷,於兩岸築壘。巴東、建平二郡太守孫沖之之郡,始至 諮 百人出斷大雷 所 「議參軍,領中兵,加輔國將軍,與陶亮並統前軍。 乘之車,以爲司馬,加征 初 使荆州錄送前 ·禁絕商旅,及公私使命。 房將軍。加碗冠軍將軍,二人共掌內外 軍長史、荆州行事張悅 遣使上諸郡民丁,收斂器械,十日之內, 下至盆口,碗稱子勛命,釋其桎 使記室參軍荀道林造檄文、馳告遠近。 衆 事。 孤石 遣將 · 琬以沖之爲 軍兪伯奇 得甲士五 梏, 子勛 迎以

萬克。 旣除, 器甲,徵兵四方。 刺史袁顗、梁州刺 、義興 文秀、冀州 會太宗定亂,進子勛號車騎將軍、開府儀同三司。令書至,諸佐吏並喜,造琬曰:「暴亂 殿下叉開黃閤,實爲公私大慶。」琬以子勛次第居三,叉以尋陽起事,有符世祖,理 乃取令書投地曰:「殿下當開端門,黃閤是吾徒事耳。」 太守劉 刺 郢州刺史安陸王子綏、荆州刺史臨海王子頊、會稽太守尋陽王子房、雍 史崔 史柳元怙、益州刺史蕭惠開、廣州刺史袁曇遠、徐州刺史薛安都、 延熙並 道固、湘州行事何慧文、吳郡太守顧琛、吳興太守王曇生、 同叛逆。 衆並駭 愕。 琬與陶亮等繕治 晉陵太守 青州

刺

州

必

欲先彰 頭 聞 先是, 尋陽 同異 兵起 廢帝 ,敕令進道。),停住 以 邵陵王 ,白太宗進止之宜。 信未報,碗聞子元停鵲頭不進,遺數百人劫迎之。 子元 爲冠軍將軍、湘州刺史,中兵參軍沈仲玉爲道路行事,至鵲 太宗以子勛起兵,本在幼主,雖疑其不卽解甲,不 乃建牙於桑尾,

傳檄京師曰.

檄京 害明茂,篡竊天寶,反道効尤,蔑我皇德,于我昭穆,寡我兄弟,恣鴟鴞之心,蹈倫、穎之 釋位泣血,糾義入討,投袂戎首,親戮鯨鯢,九服還輝,兩儀 志,覆移鼎 國 於中年。 皇運 甸,志遵前 陽 八數艱,雲雷相襲。 !重替,嗣主荒淫。 孤以不才,任居藩長,大懼宗稷,殲覆待日。 三凶 祚,誣罔天 一縦禍 典,黜幽陟 一三綱理 人。 藐 !明,庶七廟 滅,宗王俛首,姑息逆朝,枕戈無聞,偸 高皇受歷,時乘雲轡,頓於促路。 孤同氣,猶有十三,聖靈何辜,而當乏饗。 復安,海昏有紹。 **豈圖宋未悔禍** 更造。 文祖定祥,係昭睿化, 而穹旻不惠,棄離 榮有秩。 ,弑亂奄臻,遂 故招徒楚郢 孝武 皇帝 飛 矯

江介, 驤將 直造 領中 陵,北指閶闔。 臣子 朱雀。 昔隆周 ,情地兼切,號感 直兵孫沖之、龍驤將軍陳紹宗,率螭虎之士,組甲二萬,沿流電發,逕取 軍 雲臨 領 中直兵薛常寶、建威將軍領中直兵沈懷寶,長戟萬刃,羽騎千羣,徑出南州, 石頭。 · 弛御,晉、鄭是依;盛漢中陵,居、章抗節。 寧朔 龍驤將軍張係伯、龍驤將軍陳慶,勒輕銳五千,强弩一萬,飛鋒班瀆,齊 將軍諮議領中直兵陶亮、龍驤將軍焦度,總中黃之旅,梟雄三萬,風掩 建威將軍 一隅,心與事痛。 張洌、龍驤將軍何休明,提育、獲之徒, 是用飲血衽金,誓復宗祀。 支苗輕屬,猶或忘驅,況孤忝惟 今遣輔國 勁悍之卒,邪趨金 白下 將軍諮 酯 議

列傳第四十四 鄧琬

劉衍 **慨,**不遠三千。 計,果榦剛鷙,譎略多奇。 冠軍 閣湛之, **虜將軍領府司馬張悅,蒼兕千艘,水軍五萬,大董羣校,絡繹繼道。** 斯禦,推此義銳,滄海可垔。 有餘萬,白羽咽川,霜鋒照野,金聲振谷,鳴鼙聒天。 冠軍將軍、雍州刺史袁顗,不謀同契,雷發漢南。 練甲陝西,獻徒萬數。 會西明。 一將軍 、寧朔將軍武昌太守劉弼 皆掃境勝兵,薦誠請効。 、湘州刺史邵陵王子元席颿陵波,整衆遄至。前將軍、荆州刺史臨海王子頊 冠軍將軍、尋陽內史鄧琬、撮湘、確之兵,勇敢四萬,授律總威,飆集京邑。 梁、益、靑、徐、兗、豫、吳、會,皆密介歸誠,誓爲表裏。 輔國將軍、冠軍長史、長沙內史何慧文,見拔先皇,誠深投袂。 水陸長驅,數道並進,發舟踰險,背水爭先。 、寧朔將軍西陽太守謝雅、建威將軍領中直兵晉熙太守 後將軍 、郢州刺史安陸王子綏懷恩纏慕,鞠旅先辰。 建武將軍、順陽太守劉道憲,懷忠抱 凡諸將帥,皆忠 冠軍將軍 孤親總烝徒, 無置情, 以此衆戰,孰能 豫章 智無遺 內史 十 征

季入齊,陳平歸漢,身尊譽遠,明誓是裒,成範全規,殷監匪遠。 大軍密邇,形援已接,見幾而作,豈俟終日。 並 一時,金、霍與上官共主,邪正粈雜,何世無之。 諸君或荷寵前朝, 感恩舊日,或弈世貞淳,見危授命。 便宜轉禍 但績亮則名播,姦騁則道消耳。紀 趣福,因變立功。夫旦、奭與三 而逼迫寇手,効節莫由。今 若玩咎惟休,告舍罔

悟, 則 誅 及五族,有殄無遺。 軍科爵賞,信如皦日,巫山旣燎,芝艾共烟,幸遵良塗,無

購太宗萬戶侯,布絹二萬匹,金銀五百斤,其餘各有差。守毀轍。 檄到宣告,咸使聞知。

其黃 置 龍 部 司 綏 上 糧 行 卽 偽 爲 一偽號 見東淮 事 位 尚書, 征 閤 殿之西,其夕有鳩棲其中,鴞集其幰。 邵陵王子元撫軍將軍。 司 琬乃稱說 錄 太宗 '徒、驃騎將軍、揚州刺史,尋陽王子房車騎將軍,臨海 事參 於子勛。 郢州承子勛 柱,鴟尾 /遣荆州 ·,白鹿· 」

唐

將 軍荀卞之大懼,慮爲踠所咎責,卽遣 符瑞,造乘輿御服,云松滋縣生豹自來,柴桑縣送竹有「來奉天子」字,又云青 出西岡。 軍如 墮地,又有鴟棲其帳上。 、典籤邵宰乘驛還江陵,經過襄陽,袁顗馳書報琬,勸勿解甲,并奉表勸子勛 泰始二年正月七日,卽位於尋陽城,改景和二年爲義嘉元年。 初檄,及聞太宗定大事,即解甲下標。 放,進袁顗號安北將軍,加尚書左僕射。 令顧昭之撰爲瑞命記。 其日雲雨晦合,行禮忘稱萬歲。 以鄧琬爲左將軍、尙書右僕射,張悅領軍將軍、吏 又有禿鶩集城上。 一諮議 立宗廟 領中兵參軍鄭景玄 ,設壇場,矯作崇憲太后璽,令羣僚 繼聞尋陽 王子頊衞將軍,並開府儀同三 子綏拜司徒日 取子勛所乘車,除脚以爲輦, 臨川內史張淹爲侍中。 不息,而 一率軍馳 **顗又響應,郢府** ,雷電晦冥,震 以安陸王子 下,幷送軍 府主

簿

顧昭之、武昌太守劉弼並爲黃門侍郎,廬江太守王子仲委郡奔尋陽,亦爲黃門侍郎。

鄱

軍 蕭 軍 陽 寶欣 事 內史丘景先,廬陵 主 沈伯 爲 晉熙太守閻湛之加寧朔將軍。 通 玉、荀道林並爲中書侍 直郎。 琬大息粹、悅息洵 內史殷損、西陽太守謝稚、後軍府記室參軍孫詵、長沙內史孔靈產、參 郎。 並正 荀卞之爲尚書左丞,〔三府主簿江义 廬陵 員 內史王僧胤 (郎)粹領衞尉,洵弟洌司 爲祕書丞。 桂陽太守劉卷爲尚書 徒主簿。 爲 右 建武 丞。 將軍、領 府主簿 殿

羣 賣,酣歌博奕,日夜不休。 小橫恣,競爲威福,士庶忿怨,內外離 琬 性鄙闇 ,貪吝過甚,財貨酒食, 大自矜遇, 皆身自量校。 賓客到 Ė 之 矣。 2門者, 歷旬不得前。 至是父子並賣官鬻爵,使婢僕出市道販 內事悉委褚靈嗣等三人,

中郎。

褚

靈

嗣

、潘欣之、沈光

祖,中書通事舍人。

餘諸

州郡,並加

の舒號

軍 尋陽內史沈攸之、寧朔將軍江方興、龍驤將軍劉靈遺率衆屯虎 遣散騎常侍、領軍 將軍 王玄謨領水軍 南討 ,吳興太守張永爲其後繼。 檻。 時東賊甚急,張永、 又遣寧朔將 江

万興回軍東討。尚書下符曰:

躬,膺符 維 凶譙門,不俟 以紊,毒流 夫 晦 握 明遞運,崇替相沿,帝宋之基,懋業維永,聖祖 曜 一、眷懷 鳴條之旅,殲虐牧野,無勞孟津之鉞。 九縣,釁穢三靈,搢紳戮辱,黔庶塗炭,人神同憤,朝野 家國,夙夜劬勞,懼社 稷湮蕪, 彝倫 華、夷卽晏,晷緯還光,鏗鏘聞於管 左衽。 重光,氤氲 天威雷發, 上業。 江血。 氛沴冰消,殄 狂昏承祀 聖上明睿在 國

列

傅

第

兵薄伐

<u> 造鶩江潰,越棘吳鈎,交曜畿服,笳鼓動坤維,金甲震雲漢,掎角相望,水陸俱發。</u> 朔將軍劉懷珍,步騎五千,直指大雷。寧朔將軍柳倫、司州刺史龐孟虯,淮、潁案騎,邪 旅,連鋒繼造。假節、督南討前鋒諸軍事、冠軍將軍、兗州刺史殷孝祖,驅濟、河勁卒, 上當親馭六師,降臨江服,旌旆掩雲,舳艫咽海。 將軍武念,率確、司之銳,已據樊、沔。徐州刺史申令孫,提彭、宋剽勇,陵塗焱奮。 使持節、侍中、司徒、揚州刺史建安王休仁,擁神州之衆,總督羣帥。 龍驤將軍劉勔、寧 電擊雷動。 趣西陽。 **今遣寧朔將軍、尋陽內史沈攸之,輕銳七千,飛舟先邁。** 使持節、驃騎大將軍、豫州刺史山陽王休祐,總勒步師,連旗百萬,河舟代馬, 使持節、車騎將軍、江州刺史曲江縣開國侯王玄謨、烝徒五萬、董統前師。 龍驤將軍劉靈遺,羽林虎 冠軍

城,以待該天之網,迫此烏合,以抗絡宇之師。雲羅四掩,霜鋒交集,猶勁飆之拂細草, 烈火之掃寒原,燋卷之形,昭然已著。朝廷惻愍我僚吏,哀矜我士民,並亦何辜,拘誤
 世吳、楚連衡、燕、淮勁悍、塵擾區內、聲沸
 寒中、霧散埃滅、豈非先鑒。
 而嬰彼孤

四 迷 王幼弱 故加宣示,令得自新。 ,不幸陷難,兵交之日,不得妄加侵犯,若有逼損,誅 如 ,其淪惑不改,抵冒王威,同焚旣至,雖悔奚補。 翦無貸。 左右主 一帥,嚴 奉詔 以 相

衞

奉

·,詿誤之罪,一無所問

速遣 雍 衞 進,屯軍鵲洲 道 將軍 州 與 軍 子 陶亮衆軍 琬 遣 主宗庶等合二萬人,一時俱下。 勛 統諸州兵俱下。 書日 孫沖之率陳紹宗、胡靈秀、 . ``「舟檝已辦,器械亦整,三軍踊躍,人爭效命, ,兼行相接,分據新亭、南州, 郢州軍主 鄭景玄、 薛常寶、張繼伯、焦度等前鋒一萬,來據赭圻。 亮本無幹略,聞建安王休仁自上,殷孝祖又至,不敢 荆州軍 則一 麾定矣。」乃加 主劉亮、湘州 便欲沿流挂 沖之左衛 軍 主 何昌、 將軍 | 顯,直取 「梁州 以 軍主柳 白下。 陶亮為右 沖之於 願

謙 軍主范潛 回 三千人助 軍 之、張靈符並失利,輔之副 便死。 南討。 時琬遣閻湛之來寇廬江,臺軍 率五 赭圻,以方興領 天下事定矣,不須復戰,便當直取京都。」亮不從。 三月三日,水陸攻赭圻,亮等率衆來救, 百人投院。 孝祖 時東軍已捷,江方興復還虎檻,建安王休仁遣方興、劉 正員 軍, 、將軍 沈攸之代孝祖 主、龍驤將軍段佛榮受命討之。 ·皇甫 仲遠、 爲前鋒都督。 謙之副虎賁 殷孝祖為流矢所 太宗遣員外散騎侍郎王道隆 中 沖之謂陶亮曰:「孝祖梟將 郎將徐稚 中死, 更使佛榮領 賓並沒。 軍 主朱 鐵 靈遺各領 輔之、 騎一千, 孝祖 申

列

傳

第

四

十四四

쮄

琬

及輔國 [將軍步兵校尉杜幼文、寧朔將軍屯騎校尉垣恭祖、龍驤將軍朱輔之、員外散騎侍郎

高遵世、馬軍主龍驤將軍頓生、段佛榮等三萬人,詰旦進戰,奮擊,大破之,斬獲數千,追奔 至姥山而反。 沖之等於湖、白口築二城,為軍主張興世所拔。 陶亮聞湖、白二城陷沒,大

懼,急呼沖之還鵲尾,留薛常寶代沖之守赭圻。先於姥山及諸岡分立營砦,亦悉敗還,共保

濃湖。濃湖卽在鵲尾。

萬,雜穀二千斛,同賜荒郡除,若欲署諸王國三令在家,亦聽。 十二萬、雜穀一千三百斛、同賜四品令史、滿報、若欲署三品在家、亦聽。 百斛、錢八萬、雜穀千斛、同賜五品正令史、滿報、若欲署四品在家、亦聽。 五萬,雜穀一千五百斛,同賜三品令史,滿報,若欲署內監在家,亦聽。 時軍旅大起,國用不足,募民上米二百斛,錢五萬,雜穀五百斛,同賜荒縣除。 上米七百斛,錢二十 上米五百斛,錢十 上米四百斛,錢 上米三

断,胡以書招之,那等並拒絕。 胡因要那等共語,陳說平生,那等詰誚,說令歸順。 胡回軍 素多狡詐,爲衆推伏,攸之等甚憚之。時胡鄉人蔡那、佼長生、張敬兒各領軍隸攸之在赭 入鵲尾、無他權略。輔國將軍吳喜平定三吳、率所領五千人,幷運資實、至于赭圻、於戰鳥 琬又遣輔國將軍、豫州刺史劉胡率衆三萬, 鐵騎二千,來屯鵲尾。 胡宿將,屢有戰功,

山築壘,分遣千人,乘輕舸二百,與佼長生爲游軍。

飾赭. 主劉 摧陷 衆。 也。 後得発。 迎之,常寶等開 武保救之得免。 主韓欣宗 百,大艦五十,出鵲外挑戰,吳喜、張 斬偽寧朔 力擊之。 ,斬獲及投水死甚多,追至鵲裏而還。 沙 胡被創,僅 圻 薛常 攸之、喜等苦戰移日, 與其部 彌 輕騎深 正員 吳喜率衆 寶 將軍南陽太守沈懷寶、偽奉朝請領中舍人督戰謝道遇,納降數千。 平旦至城下, 等,回 糧盡,告胡 曲俱 將軍幢主卜伯宗、江夏國侍郎幢主張渙力戰 城突圍走。 得還營。 率衆三千,爲攸之勢援。 並殊死戰,多所傷殺。 入,至胡麾下,遂見殺。 來赴,爲胡別 還鵲尾。 求援。 猶隔 常寶惶懼無計,遺信告胡,欲突圍奔 常寶、張繼伯 攸之率輔國將軍沈懷明、軍主周普孫、江 小塹, 三月二十九 建安王休仁自虎檻進據赭圻。 軍所圍,甚急。 未能 興世、佼長生等擊之。 !得入。! 胡衆大敗,捨糧棄甲,緣山遁走,乘勝追之,斬獲甚 、胡靈秀、焦度等皆被重創,走還胡軍。 攸之策馬陷陳,回還,爲追騎所刺,馬軍主段佛榮、 月二 胡發所· 太宗慮胡等或於步路向京邑,使寧朔將軍、廣德 胡率步卒一 沈攸之率衆軍攻之,軍主 有人來捉喜馬,將蔡保以刀斫之,斷手,然 由橋道, 萬,夜斫 喜支軍主吳獻之飛舸衝突,所向 僧韶等接楯行 沒 劉胡遣陳紹宗、 出。 陳。 四 山開道, 伯宗,益州刺史天與子 月 方興、申謙之等諸軍悉 四 郭季之、荀僧韶 戰, H 以布 胡胡 復橋 陳慶率輕艓二 陳紹宗單舸奔 自率 囊 赭圻城陷 得渡。 運米, 數千人 幢 來 軍

蘊 千 人 防 魯顯

不許,曰:「忠臣殉國,不謀其報,臨難 下 申謙之、杜幼文因此 時 胡 等兵衆强 盛,遠近疑惑。 求黃門郎, 沈懷 太宗欲綏慰人情, 以于朝典,豈臣下之節 明 劉亮求 中 書郎 遣 吏部尚書褚淵至虎檻選用將帥 邪。 建安王 休仁 卽 使褚淵擬 選, 以

琰 自 率數千人,并發廬陵白丁攻襲。 始安內史王職之、建安內史趙道 琰 房掠 而退,襲復出 據郡。 襲 與 生、安成太守劉襲, 郡 丞檀 玢拒 戦, 大敗, 並 舉 郡奉順。至 玢臨陳見殺 ,襲棄郡走, 琬遣龍驤將 據嶮 軍

廖

之爲 琬 徵 等數十人,奉世子長子奔竄草澤,召募得百餘 中 相 又遣 護 始 沈 南 軍,殷孚代爲豫章太守,督 興 肅之、公前南海 時 齊王 廖琰 康 相 殷孚爲御史中丞,幷令率郡 相 與 , 率衆東北 世子 其中兵參軍胡昭等築壘於 率衆攻之,凱之戰 太守 征討,而齊王世子爲南康鱶令,碗遣使收世子,世子腹 何曇直 Ŀ 流 、晉康太守劉紹 五 敗遁. 人 郡,以防 俱 西昌 走。 下。 人,攻郡出世 襲 堅 世 | 字衆盛, 世子避之於揭陽山。 壁 祖 子遣幢主檀文起千人戍 北地 相 守。 傅浩、東莞童禽等,據郡 子。 院召豫章太守劉衍以為 世子 自號 寧 西 昌 朔 心蕭於祖 琬遣武昌 將 與 軍 起義 襲 ·, 與 右將軍、 相 桓 南 凱 琬 康 康

| 衡陽內史王應之率郡文武五百許人起義兵襲何慧文於長沙,徑 至城下。 慧文率左右

投桂 殺之。 出 城 陽 與 戰,應之勇氣 , 時 收募 湘 東國 得數百 侍 郎 奮發, 人,還欲攻躍 虞洽 為太宗督 擊殺數人,遂與慧文交手戰,斫慧文 羅懼 國 秩 ら在 求和 湘 ,許之。 東, 勸 太守顏躍 有衆二千。 發 八八創 兵應朝廷, 時碗徵慧文率衆下尋陽 慧文斫應之斷足, 躍 不從。 給乃 遂

為廣州 發長 衆討 之。 始 出 希眞等以義徒强盛,住廬陵不敢進。 奔,萬周追斬之於城內。 興 沙 嗣 太守韋希眞、 遂劫掠公私銀帛,藉略袁、檀珍寶,悉以自入。 殷孚旣去始興,以郡五官掾譚伯 祖 ,垂至。」萬周信之,便回還襲番禺,夜以長 已行數百里,聞給起兵,乃回還攻給,給尋戰敗奔走 嗣祖遣兵戍湞陽,萬周亦築壘 鷹揚將軍楊弘 交州刺史檀翼被代還至廣州,資貨鉅萬,萬周誣 之領衆 初留 廣州 二千討 知郡 一相守。 刺史袁曇遠聞始興 事。 嗣 梯 嗣 祖 文 祖 士 0 城,曇遠怯弱 遣 人劉嗣 嗣 人誑 祖 亦遣 萬周日「尋陽 祖 、起義, 等斬伯初、據郡 衆 出 無防、聞 遣將李 南 康, 萬周 萬周 已平,臺遣 與齊王世 以爲逆, 起義。 反, 陳伯紹 襲而 便 一子合。 徒 琬遣 劉 跣 率 뻬

道存 之,以道存爲侍中,行雍 題起 遣將王式民、康元隆等迎擊於萬山 袁顗悉雍州之衆,來赴尋陽。 兵,召世隆,不至。 州事。 **顗旣下,世隆乃合率蠻、宋二千餘人,** 時孔道 柳元景之誅也,元景弟子世隆 ,世隆大敗,還郡自守。 存爲衞軍長史,行荆州事。 爲 起義於上庸,來襲襄陽 上庸太守, 碗以黃門侍 民 吏 鄎 劉 共 藏 道 匿 憲

列

僔

胡軍 來泊攸之等營,於是材板大足。 景文、軍主劉伯符等領兵繼至。 用、俄 沈 攸之等與劉胡相持久不決,上又遣强弩將軍任農夫、振武將軍武會倉、 而 風潮奔迅,榜捍突栅出江,胡等力不能制,自撞船艦,殺沒數十人,赴流而下, 攸之繕治船舸,材板不周,計無所出。 會琬送五千片榜供 冗從僕射全

共遏其上,云之大軍在此,鵲頭諸將又斷其下流,已墮圍中,不足復慮。」顕怒胡不戰,謂曰: 馳 敢攻。日越錢溪,於梅根立砦。 慶領三百舸向錢溪,戒慶不須戰:「張興世、武會倉,吾之所悉,自當走耳。」陳慶至錢溪,不 相關,正在三十人中取,此非萬全之計,吾不爲也。」乃託瘧疾,住鵲頭不進。 叔曰:「吾少習步戰,未閑水關。 射之,墮馬,斬犀首。 下,胡遣 世 「賊入我肝臟 還 建議)謂顗 腕進<u>袁顕都督征討諸軍事,給鼓吹一部。六月十八日,</u>顗率樓船千艘,來入鵲尾,張興 越鵲尾上據錢溪,斷其糧道。 其副 曰:「興世營砦已立,不可卒攻,昨日 裏,何由得活。」劉胡率輕舸四百,由鵲頭 孫犀及張靈、焦度鐵騎五匹,越磵取亮,不能得,犀回馬去,亮使左 張繼伯副馬可率所領來降。 若步戰, 恒在數萬人中, 水戰在一舸之上, 舸舸各進, 不復 胡別遣將王起領百舸攻興世,興世擊大破之。 胡累攻之,不能剋,事在興世傳。 「小戰, 劉亮營砦,深入賊地, 未足 內路,欲攻錢溪。 為損。 陳慶已與南陵、大雷諸軍 旣 劉亮率所領至胡砦 袁顗 而謂其長史王念 遣龍驤將軍陳 胡率其餘舸 畏憚之,日: 右善射者夾

更使胡 糧 運 便塞, 率步卒二萬,鐵馬一千,往攻興世。 當如此何。」胡曰:「彼 尚 得泝流越我 休仁因此命沈攸之、吳喜、佼長生、劉靈遺、劉伯 而 上,此運何以不得沿流越彼而 下邪。」顗

召胡令還。

錢溪 四 |符等進攻濃湖,造皮艦十乘,拔其營棚,苦戰移日,大破之。 走,徑趣 日 ,胡誑鬩云:「更率步騎二萬,上取興世,兼下大雷餘餫。」令鬩悉度馬配之,其夜委顗奔 所破,資實覆沒都盡,燒米三十萬斛,胡衆駭懼。 張 興世旣據錢溪,江路岨斷,胡軍乏食,琬大送資糧,畏興世不敢下。 梅根。 先令薛常寶辦船舸,悉撥南陵諸軍,燒大雷諸城而走。 顗聞胡走,亦棄衆西 胡副張喜來降,說胡欲叛。 八月二十 **顗被攻旣急,馳信** 胡遣將迎之,爲

奔,至青林見殺

時,年六十。 求 乃 褚 活 靈 稱 分,爲一戰之資,當停據盆城,誓死不貳。」乃於江外夜取沔口。琬聞胡去,惶擾無復計,呼 邪 疾 嗣 胡 等謀之,並不知所出,唯云更集兵力,加賞五階,或云三階者。 呼 率數百舸二萬人向尋陽,報子勛詐云:「袁顗已降,軍皆散,唯己率所領獨反。宜速 因 琬 計將安出 (計事,令左右伏甲帳後,戒之:「若聞索酒,便出。」碗旣至,悅曰:「卿首唱此謀, 呼求酒,再呼,左右 時 中 護 軍 劉 所在座,[f] 驚起抱脫,左右人欲殺之,脫顧 震熠不 ·能應。 第二子洵 庫, 提 以謝罪耳。」悦曰:「今日寧可賣殿下 刀走出,餘人續 曰:「無關 張悅始發兄子浩喪, 至,卽斬琬。琬死 護軍。」乃止。

列

僔

及餘 部 並 下, 因 殺 之。 同 亂 逆 欣 脫鎖入城, 並 之聞 悅 因單 伏誅。 琬 舸 死,勒兵而至,悅使人語之曰:「鄧琬謀反,卽已梟戮。」欣之乃回還,取琬 齎 執子勛 吳喜、張興世進向荆州 琬首馳 囚之。 下,詣建安王休仁降。 沈攸之諸軍至江州,斬子勛於桑尾牙下,傳首京都。 沈懷明向 蔡那 郢州 子道淵,以父爲太宗効力, ,劉亮、張敬兒向雍州,孫超之向 被繋 劉 作 兒

刺,不死,斬首送京邑。 」真,竊有 州 人斷道 劉 胡走入沔,衆稍散,比至石城,裁餘數 其功。 邀之。 郢州 胡 人馬旣疲,自度不 行 事張沈 張興世 、偽竟陵太守丘景先聞敗,變形爲沙門逃走,追擒 弟僧產追胡 ·
発,因隨懷眞入城,告渴,與之酒 ,未至石城數 騎。 竟陵郡丞陳懷眞,憲子也,聞胡經過,率數 十里,逢送胡首信 ,胡飲酒 ,將還竟陵,殺 畢 伏誅。 一,引佩 刀 自 懷

湘

沈思仁、任農夫向豫章,所至皆平定。

叔兒已 江津 州 使 築 荆 蕭 壘, 州 斷白帝 惠 聞 荆州 開 任演戍沙橋, 濃 ,典籤阮道預 ,楊僧 湖 治 平,議欲 中宗景、 嗣 據梁州 諸門津 更遺 土人姚儉等勒兵入城, 、邵宰不 軍 雖復 與郢州 要,皆有 同 欲 曰:「近奉 西, 合勢, 屯兵。 岩 可 叉欲 别 得至。」道預 人 殺道憲、 詔 情 斷據 轉離,將 諸藩若改 巴陵, 道預、記室參軍鮑照、[10]劫掠府 邵 經日不決。 士 宰 迷 漸 歸 卽 逃散。 與 順者,悉復 劉 道憲解遣 乃遣 更 議 奉 將 本 子項 趙 爵 白丁 道始於 奔 且 任

庫,無復孑遺,執子頭以降。

阻守三陝。蕭惠開遣費欣壽等五千人攻叔兒,叔兒與戰,大破之,斬欣壽 初,鄧琬徵兵巴東,巴東太守羅寶稱辭以郡接凶蠻,兵力不足分。巴東人任叔兒聚 要 |寶稱,寶稱持疑未決,暴疾死。 叔兒乃自號輔國將軍,引兵據白帝,殺寶稱二子, 。子項又遣中兵參

軍

何康之領宜都太守、討叔兒。

軍至陝口,為夷帥向子通所破,挺身走還。叔兒遂固白帝

恢,何面目以見天下之士。」和藥將飲,門生覆之,乃不食而死。 施、雖害王應之、上特加原宥、吳喜宣旨赦之。慧文曰:「旣陷逆節,手害忠義,天網雖復恢 孔 何慧文始謀同逆,其母禁之不從,母乃携女歸江陵,遽嫁之。 道存知專陽已平,遣使歸順。 尋聞柳世隆、劉亮當至,衆悉奔逃,道存及三子同時自 慧文才兼將更,榦略有

顏躍慮虞洽還都,說其始時同逆,密使人殺之。

瞋目 曰:「前鎭 何 仁,休仁版爲司徒參軍督護,使還鄉里招集,爲胡所禽,以火炙之,問臺軍消息,一無所言, 凶,言念純 有 心脚乃 初,淮南定陵人賈襲宗本縣已爲劉胡所得,率二十人投沈攸之。攸之言之建安王休 湖日:「I 軍參軍 誠 斬之。前軍典籤范道興志不同逆,爲碗所誅,其餘奉順見害者,並爲上所愍。詔 ·君稱兵內侮,窺覦神器,未聞奇謀遠略,而爲炮烙之刑。 良 有 督護范道興,朕之舊隸,經從 , 憫愴。 可贈員外散騎侍郎。 北藩,徒役南畿,遭離 南城令鮑法度、後軍 命會,抱恩 典籤 僕本以身 馮次民、永新令應 固 節 奉義,死亦 ,受害羣

列

度

延

生 新 建 南臺御史,次民 令 庫 延 寶 E 饒 令黃難等,違逆識順 寶、難並員外將軍 ,同被誅滅,言念旣往 一,宜在追樂。 可贈生奉 朝

苦戰 六百 水軍 興縣 龍、 縣, 叉最 吳興 獨 軍 千戶 ·, 並 距 統治 司 並 盤 ,景文、超之仍又北討 ,屢戰剋捷, 有司 戶 處險劇,景文今封西陽郡孝寧縣, 全景文、尚書比部郎 賊 徒 經 開 衝 大 攻道, 龍封晉安郡晉安縣,安民封建安郡邵武縣,並開國子,食邑各四百戶 參 或 奏:「寧朔 假 寧朔將軍 要,功次 戰 軍 伯, 輔 南 國將軍 先登 並經苦戰 食邑各 彭 仍 興世 城李安民等三人,懷明 ·、參司 進斷 將軍 陷 驃騎司 陳,安民 五 , 賊 、督豫州 今封 徒中直 吳縣孫 百 靈遺 破釜 上流錢溪,貴口苦 戶 馬 武 0 一水軍 又隨 劉 今封新 陵郡 之梁郡 三兵軍 假 超之、假 靈遺、寧朔 輔 張 遷陵 事 或 斷賊糧 超之封 野郡 興 將軍 諸 廣平佼長生,同統 世 經晉陵破 輔 縣 軍 過斷 新 開 或 戰 運, 事、豫州刺 左軍吳興 將軍右軍 野縣 長 將 國侯, ,平定凶 錢溪, 沙 及經葛家 軍 贼, 郡 那封始 右 羅 食邑八百 衞 沈 蔡那、寧朔將軍屯 别 叉 [逆,今封南 史、領南梁郡太守竟陵張興世 縣,亮封順 將 統 懷明 水 水軍 、石梁二 軍 平郡平 軍 軍 南 貴 龍 南伐, 戶。 屢戰 彭城 口 驤將軍 陽縣, 平郡 破 陽縣,佛榮 一處破 门 及 寧朔將軍 劉亮等三人, 賊, 統治攻道 興世 作 贼, 騎 今封 積 並 唐 校尉 射 開 亮南伐經大戰 縣 上據錢溪 試守西陽 懷 將 封 國 盤 開 假 明 湘 段佛榮等三 軍 侯, 或 並經 輔 建 龍 東 東 侯 安 郡 食邑各 國將軍 雖 平 長 晉陵 食邑 郡 太守 都 不 周 臨 生 吳 蒸 統

陽 羽林監沛 游 湖 普孫 郡 擊 將 衡 軍 Щ 副沈 縣 彭城杜幼文、龍 郡周普孫、員外散騎侍郎朱重恩等五人,幼文經晉陵 攸之都統衆軍,穆之、生、重恩並南伐有功,今封幼文邵陵郡邵陽縣,穆之封衡 生封始平郡武功縣,普孫封順陽郡淸水縣,重恩封南海郡龍川縣 驤將軍羽林監太原王穆之、 龍驤將軍羽林監濟北頓生、龍 破 賊, 在軍統攻道 , 並 一,南伐濃 開國男, 驤 將軍

邑各三百戶。」

子,食邑 考城 校 軍楊覆,以貴 尉。 人,衣冠之舊也。 江 . 方興以戰功爲太子左衞率,賊未平,病卒,追封武當縣侯,食邑五百戶。 方興, 陳懷眞以斬劉胡功,追封永豐縣男,食邑三百戶 四 百戶。 口 有功,封綏城縣男,食邑二百戶。 軍主張靈符,東南征討 龍驤將軍、虎賁中郎將董凱之,隨張興世破胡、白城,先登,封河隆 有 功 ,封上饒縣男,食邑三百 追贈虞洽、檀玢給事中。 戶。 前 以李萬周 征 北長 爲步兵 兼 行參 濟陽 縣

呼爲 州 十八 以胡 胡 劉 年 胡 爲 出 平 南陽湟陽 爲 身郡 西 振 外 威 將 兵 將 捷 參 軍 人也,本名坳胡,以其顏 軍 ·, 率 口 善處 步 寧朔 騎 分 三千, 將 稍稍 軍 至隊 討 建昌太守。自己擊魯秀有功,除 上 主,討伐 如 面坳黑似湖,故以爲名。 南 Щ 諸蠻 就 溪蠻,大破之。 往 無不 捷,蠻 建武 孝 甚 及長,以 建 畏憚之。 將軍 元 年,朱 坳胡難道,單 東平 太祖 脩 陽 之 爲 平二 元 嘉 雍

列

郡 以胡爲休仁安西中兵參軍、馮娜太守,將軍如故,仍轉諮議參軍。 太守。 入爲江夏王義恭太宰參軍,加龍驤將軍。前廢帝景和中,建安王休仁嘗爲雍州, 太宗卽位,除越騎校尉。

蠻至今畏之,小兒啼,語之云「劉胡來」便止。

所安。 如故。 出為冠軍 段佛榮,京兆人也。 劉 後廢帝元徽二年、徵爲散騎常侍、領長水校尉。 靈遺 明年,徵爲散騎常侍,領步兵校尉、南蘭陵太守。 將軍 寒陽 、南豫州刺史、歷陽太守。 人也。 元徽元年,自輔 泰始五年,自游擊將軍爲輔師將軍、豫州刺史,莅任淸謹,爲西土 四年,卒,追贈前將軍,改封雲杜縣,諡 師將軍 、淮南太守,爲南豫州刺史、歷陽太守,將軍 明年,遷衞尉,領右軍將軍,未拜,復 病卒,諡 日壯侯。 曰烈侯。

袁顗字景章,自己陳郡陽夏人,太尉淑兄子也。 **父洵**,吳郡 太守。

學,太子洗馬。 郎主簿 顗初 一世祖 豫州主簿、舉秀才、不行。 征 時質父爲吳郡,顗隨父在官。 虜、撫軍主簿,廬江太守,尚書都官郎,江夏王義恭驃騎記室參軍,汝陰王 後補始興王濬後軍行參軍,著作佐郎,廬陵王紹南 值元凶弑立,安東將軍隨王誕舉兵入討,板顗 文 中

七年,遷侍中。 爲 子仁左軍長史、廣陵太守,將軍如故。未拜,復爲侍中,領前軍將軍 司馬,將軍 司 縣 諮 ,太守如故。 議參軍。 五等子。 如故,行淮南、宣城二郡事。 大明二年,除康海王韓平南司馬、尋陽太守,行江州事。 事寧,除正員郎,晉陵太守。 明年,除晉安王子勛鎭軍長史、襄陽太守, 五年,召爲太子中庶子,御史中丞,領本州大中正 遭父憂,服闋,爲中書侍郎,又除晉陵太守,襲南 加輔國將軍。 復爲尋陽王子房冠軍 復爲義陽王昶前 未行,復爲永嘉王

與沈 顗 作郎、兼尚書左丞徐爱,誠心內款,參聞嘉策,匡贊之効,實監股懷。 顗又陳慶之忠勤有幹略,堪當重任。 由是前廢帝深感顗,慶之亦懷其德。 景和元年,誅**羣** 從容頗言之。顗盛稱太子好學,有日新之美。世祖又以沈慶之才用不多,言論頗相蚩毁, 再义,自非忠謀密契,豈伊剋殄。 侍中祭酒、領前軍將軍、新除吏部尚書顗,游擊將軍、領著 公,欲引進贖,任以朝政,遷爲吏部尙書。 又下詔曰:「宗社多故,釁因冢司,景命未淪,神祚 可封 慶之、徐爰參知選事,尋復反以爲罪,使有司糾奏,坐白衣領職。 大明末,新安王子鸞以母嬖有盛寵,太子在東宮多過失,上微有廢太子,立子鸞之意, 新 淦 異,寵: 宜甄茅社,以 從幸湖熟 待頓衰。 ,往反數日, 獎義概 始令顗

款 其 領寧蠻校尉、雍州刺史,將軍 刃交前 加 八有徵 狎相過,常請閒,必盡日窮夜。 顗與腕人地本殊,衆知 冠 軍將軍。 顗 ·,當修德以禳之耳。」於是狼狽上路,恒慮見追,行至尋陽,喜曰:「今始発矣。」與鄧琬 ,不救流矢,事有緩急故也。 慮 及 洞 休仁 詭辭求出,沈慶之爲顗固陳,乃見許。 不行,卽以顗爲使持節、督雍梁南北秦四州郢州之竟陵隨二郡諸軍事、 - 如故。 今者之行,本願生出虎口。

且天道遼遠,何必皆驗,如 顗舅蔡興宗謂之曰:「襄陽星惡,豈可冒邪。」顗曰:「白 除建安王休仁安西長史、襄陽太守, 其 有異 、志矣。

軍,加尙 兵。 籤 日:「一奉表 邵 便建 宰乘驛還江陵,道由襄陽。 旣 至 書左僕射 牙馳檄,奉表勸晉安王子勛卽大位,與琬書,使勿解甲。 襄陽,便與劉胡繕修兵械,纂集士卒。會太宗定大事,進顗 **顗反意已定,而糧仗未足,且欲奉表於 顗**許云被太皇太后令,使其起 子勛即位,進顗號安北 號右將軍。 太宗。 顗 以荆州典 子 秘 將 丞

太宗使朝士與顕書曰:

於聞 自聖文,繼明作睿,而辱均牖里,屯踰夏臺。 見。 夫夷 陂 王室 相 不 因 興革 造、香凶肆 遞數,或多難而固其國,或殷憂而 虐,神鼎將淪, 宗稷 旣天地俱憤,義勇同奮,剋殄鯨鯢,三靈更 後幾泯, 幸天未亡宋,乾曆有 啓 聖明,此旣著 於前 歸。 史,亦彰 主 上 體

領,復身奉惟新,命承亨運,緩帶談笑,擊壤聖世 造,應天順民,爰集寶命,四海屬息肩之歡,華戎見來蘇之泰。 吾等獲発刀鋸,僅全首

此 日國言藉藉,頗塵吾子。道路之議,豈其或然,聞此之日,能無駭惋 汝 (雖劬勞于外,跡阻京師,然心期所寄,江、漢何遠。 自九江告變,皆謂鄧氏狂惑,

眉遜避,維持內外,擁衞臣下,則赤縣爲戎,百姓其魚矣。 陵邑,虐崇憲,燒宗廟,鹵御物,然後蕩覆京都,必使蘭蕕俱盡。 凶人反道敗德,日夜滋深,昵近狡慝,取謀豺虎,非惟毒流外物,惡積中朝,乃欲毀 此事此理,寧可孰念。 自非聖上廟算靈圖,俛

南服,寤寐延首,若反棹沿流,歸誠鳳闕,錫珪開宇,非爾而誰。 吾等並過荷曲慈,俱叨 若疑誑所至,邪詖無窮,汝當誓衆奮戈,翦此朝食。若自延過聽,迷塗未遠,聖上臨物 提毓黔首,若不子民南面,將使神器何歸。而羣小構愿,自己妄生窺覬,成軫惑燕,貫高 以仁,接下以愛,豈直瘫齒先封,乃當射鈎見相矣。當由力窘跡屈,丹誠未亮邪。跂予 之清軌,近忘太尉之純槪。相與了自己或羣從舅甥,或姻婭周款,一旦胡、越,能無悵恨。 亂趙,讒人罔極,自古有之。汝中京冠冕,儒雅世襲,多見前載,縣鑒忠邪,何遠遺郎中 非服,紆金拖玉,改觀蓬門,入奉舜、禹之渥,出見巖、唐之化,雍容揄揚,信白駒空谷之 旣天道輔順,謳歌有奉,高祖之孫,文皇之子,德洞九幽,功貫二曜,日四匡拯家國,

列

時 也 何 毁擲 先基 了自蹈凶戾, 山門蕭瑟, 松庭誰掃, 言念楚路,豈不思父母之邦

幸納惡石,以蠲美疹。裁書表意,爾其圖之。

時 尙 書右 僕射蔡興宗是顗 (舅,領 軍 將 軍袁粲是顗從父弟,故書云羣從舅甥 也

碩奉 不能 未經 言,京師米 軍 萬,來入鵲尾。 胡 士匱 屯 爲 鵲尾, 手 撫 子 詔譬顗 乏, 勛 臣。 接諸將, 徴顗 貴,斗 久不 就顗 今追蹤竇融,猶未爲 自言 下 劉胡 顗本 決。 換襄陽 至數百,以爲不勞攻伐, 尋陽,遣侍中孔道存行雍州 卵歷 每論 無將略, 泰始二年 之資, 觀古今,嶮之與 事 酬對 性叉怯橈, 顕答曰:「 夏,加顗都督征討 晚 甚簡,由此大 也 (强, 都下 在軍 行自 何嘗 事, 兩 中未嘗戎服,語不 離 宅未 失 諸軍 可恃。 散, 顗乃率衆馳下, 人情, 成, 於 事 胡常切齒 ,給鼓吹 是擁甲以待 自股 亦 應 践阼, 經 理, 部, 及戰陳, 使子 恚 塗路! 之。 恨。 不 可可 **戬領家累俱還。** 率 梗塞, 太宗 損 胡 唯賦 樓船千艘,戰 徹。」 以 使顕 南 卿無 詩 又信往 運未 談義 舊門生徐 由 至,二艺 而 士二 來之 時劉 已

邪。 陽。 日三 我 夜 及 非不能死,豈欲草間求活,望一至專陽,謝罪主上,然後自刎耳。」因慷慨叱左右索節 當 劉 止 胡 自 Щ 叛走, 出 間 追之。」因 宿, 不告顗, 殺 馬 勞將 叉 遁走。 顗至 士, 題 顧 謂 伯 夜 至鵲頭 方 知 , ,與戍主 大怒駡 珍 曰:「我 一薛伯 曰:「今年爲 舉 珍 八 州 及 其所 以 小子所誤 謀 領 王 室 数千 , 未 人 呼 步 戰 取 取 飛 而 青林 散, 震 분 謂 欲 非 向 其 尋

首以 得,密致喪瘞於石頭後岡,與一舊奴,躬共負土。 無復應者。 爲己功。 及旦,伯珍請以問言,乃斬顗首詣錢溪馬軍主襄陽兪湛之,湛之因斬伯珍,併送 顗 死時年四十七。 太宗念顗違叛,流尸於江,弟子彖微服求訪, 後廢帝卽位,方得改葬。 四十一日乃

<u></u> 顕子 融為係黃門侍郎,加輔國將軍,戍盆城。 尋陽敗,職棄城走,討禽伏誅。

孔覬字思遠,會稽山陰人,太常琳之孫也。父邈,揚州治中。

允 就 昔之學優藝富,猶尚 沙王義欣 有 視 列 編 室 聽 於 記室 覬 ,自下所 一之要, 、疲農。 者 少骨 也。 鎭 之局,實惟華要,自非文行秀敏,莫或居之。 梗有 軍 宜須通 以奉上。 伏 直山 功曹 願 風力,以是非爲己任。 天 「淵藏引,用不遐棄,故 1,衡陽王義季安西主簿,戶曹參軍,領南 才敏思、江江加性情勤密者。 斯難,況覬能 (明照 覬雖 其 不敏,常服斯言。 心請,乞改今局 薄質 魯,亦 口吃,好讀書,早知 得 授 抃 何容易。 今寵 .風 以閑 (舞潤) **覵學不綜貫,性又疏惰,何可以屬知祕記,** 藉 曹,則 惟 覬聞 凱遜業之舉,無聞於鄉部 舊, 憑附 義陽 鳧鶴從方,所憂去矣。」又曰 居方辨物, 名。 舉 .彌年。 非 太守,轉署記室 初舉揚州秀才,補主簿,長 尙 德, 今日之命,非 君 恐 無 人 所 以 以官 提 · ; 惰 奉牋固辭 衡 所 才 遊 隅, 敢 之貶, 广汽夫 陳 僉 力

螢爛 黄門,臨海 友,祕書丞 之有地、則曲成之施、終始優渥。」義季不能奪、遂得免。 秉筆文闡。[1章]假吹之尤,方斯非濫。 · 增暉光景,固其騰聲之日,飛藻之辰也,豈敢自求從容,保其淡逸。 太守。 ,中書侍郎,隨王誕安東諮議參軍,領記室,黃門侍郎,建平王宏中軍長史。 召爲通直郎,太子中舍人,建平王 伏願矜其魯拙,業 若實有 復爲

覬 宜 雖 部 欲 主 意 簡 重 尙 業閑 意 其 . 書置二人,以輕其任。 ·授時良,永置淸轍。」於是吏部尚書顏竣奏曰:「常侍華選,職任 初 、選,詔 欲 `)晉世散騎常侍選望甚重,與侍中不異,其後職任閑散,用人漸輕。 爲 素,司徒左長史王彧懷尙 輕重,人心豈可變邪 曰:「散騎職爲近侍,事居規納,置任之本,實惟親要,而頃選常侍,陵遲未允, 侍中蔡興宗謂 。」旣 :清理,並任爲散騎常侍。」世祖 而 常侍之選復卑,選部之貴不 人曰:「選曹要重,常侍閑淡,改之以名而 不 ·異 俟才,新除臨海太守孔 欲威權在下,其後 孝建三年,世祖 不 以實, 分更

史、江夏內史,復隨府轉後軍長史如故 不 爲尋陽 · 果。 覬 領 王子房 遷 廷 本 尉 州 冠 卿 大 中正。 軍 ,御史中丞,坐鞭令史,爲有 ·長史,加寧朔將軍 大明元年 ,改太子中庶子,領 - , 行潍南、宣城二郡事。 司 所 糾,原 翊 軍校尉 不問。 其年,復除安陸王子綏冠軍長 ",轉秘 六年,除義興太守,未之任, 書監。 欲以爲 吏 部郎,

日醉 潁川鄢陵人也。 自中丞出爲新安王子鸞北中郎長史、南東海太守,卒官。 三吳富人,咸有輕之之意,覬蓬首緩帶,風貌淸嚴,皆重迹屛氣,莫敢欺犯。 先是庾徽之爲御史中丞,性豪麗,服玩甚華,覬代之,曰之衣冠器用,莫不粗率。 而正色謂道存等曰:「汝輩忝預士流,何至還東作賈客邪!」命左右取火燒之,燒盡乃去。 ,服用不疑,而他物粗敗,終不改易。時吳郡顧覬之亦尙儉素,衣裘器服,皆擇其陋者。 , 勝他人二十九日醒也。」世祖每欲引見, 先遣人覘其醉醒。 列

庾徽之字景猷,

蘭臺令史並

旣

玩

令去不敢去。

不治產業,居常貧罄,有無豐約,未嘗關懷。[110]爲二府長史,典籤諮事,不呼不敢前,不

雖醉日居多,而明曉政事,醒時判決,未嘗有壅。

性眞素,不尙矯飾,遇得寶

衆咸云:「孔公一月二十九

人使酒仗氣,每醉輒彌日不醒,僚類之間,多所凌忽,尤不能曲意權幸,莫不畏而疾

米還彼。」東曰:「自古以來,無有載米上水者,都下米貴,乞於此貨之。」不聽,東乃載米而 吏謂之曰:「我在彼三載,去官之日,不辦有路糧。

二郎至彼未幾,那能便得此米邪。 內史。時東土大旱,都邑米貴,一斗將百錢。道存慮閱甚乏,遣吏載五百斛米餉之。 八年,覬自郢州行真,徵爲右衞將軍,未拜,徙司徒左長史,道存代覬爲後軍長史、江夏 可載 覬

永光 元年,遷侍中,未拜,復爲江夏王義恭太宰長史,復出爲尋陽王子房右軍長史,加

輔國將軍,行會稽郡事。

兵馳 熈 據郡同反。 卽 令,馳書報琛,以南 吳郡太守顧琛,琛以母年篤老,又密邇京邑,與長子寶素謀議,未判。曰三少子寶先時爲 資用已竭。 上流 以代 檄。 太宗 反叛,上遣都水使者孔躁入東慰勞。 延熙 聞子長公、躁二子淹、玄並在都,馳信密報。 即位,召覵爲太子詹事,遣故佐平西司馬庾業爲右軍司馬,代覵行會稽郡事。 吳興太守王曇生、義興太守劉延熙、晉陵太守袁標,一 爲義 今南北並起,遠近離叛,若擁 興, 師 加建威 已近,朝廷孤弱,不時順從,必有覆滅之禍。 將 軍, 以延熙爲巴陵王休若鎭東長史。 躁至,說 親以 『 廢 帝 侈 費 , 泰始二年正月,並叛逃東 時響應。 號前鋒軍 倉儲耗盡,都下罄匱, 業至長塘湖, 已渡浙江,琛 庾業旣 歸。 東, 刨 遣 與延 書 Щ 逐 陰 要

太宗遣建威將軍沈懷明東討, 尚書張永係進,鎮東將軍巴陵王休若董統東討諸軍

移檄東土曰:

構氛,旋潤斧鉞。

斯則昭章記牒,炯戒今古者也。

蓋 聞 景集 有兆, 禍至無門,倚伏之來,實惟人致。 故囂、述貪亂,終殄宗祀;昌、憲 列傳第四十四 孔覬

昇, 慝 虧 蜂 天 龍 重 自 動 煇 一構, 國 蟻 電 步 附。 幽明裁紀,標配 舉。 、時艱,三綱道盡,神歇靈釋,璿業綴旒。 聖圖 盪 一穢紫樞, 霆發,神威四臨,羽馹所屆,義旅雲屬,儳鉞所麾,逆徒冰泮,勝負 斯光。 不俟鳴條之誓,疑政中宇,不肆漂杵之威。 而羣凶恣虐,協扇童孺,蕞爾東垂,復淪 皇上仁雄集瑞,英叡應歷, 是以 醜 迹,邪 墜 維 鳳儀熛 再造, 回從

已顯

戎機。 息。 辨堯、桀 喜 蠡 侍 和 龍 H 郞 盡 驤 Ħ 樓 孫 夫因 晦 將 司 騰焱荆 楯 艦 超之, 軍 建威 徒 刷 螳 一萬,分趣 千艘,覆 王 禍 建安王 馬 松將軍 黽 致 穆之、龍驤 河, 則清 並率 慶 微 () [|]) 資敗爲成,前監不忘,後事明筮。 命 英猷冠世,董率元 沈懷明、鎭 川蓋 江 虎 金甲燭天庭,囂聲震海浦 ·, 擬 義 倒 旅 興。 將軍 雷 流。 汜。 "; 霆 駱驛雲赴。 予猥承人乏,總司 之衝,已枯 以 左軍 頓生,鐵騎 東中兵參軍劉亮、武衞將軍 此 伐叛 垣恭祖 戎。 殿 ,連羣,風 之葉,當霜 何 中將軍杜 、步兵校尉杜幼文、冗 驃騎山陽王風略夙昭,撫厲中陳。 勍 不 戎統 -剿,以: 驅 前將軍 一敬真、 電邁。 聳 飆 之 此 <u>劍</u> 、吳興太守張永,東南 隊 柔 若能相率歸順,投兵効款 壽寂之, 東 殿中 八尺豎 右 服, 馳,公言申 軍 將 何 從 將 所 順 軍 僕 軍 霜 陸 爲 不 射 齊王 : 銳五 憤 位之、 寒 懷 全景文、員 海 心 一、射 千, 曲 ,匹婦 愍 建武 聲校 彼 熊騰 標 或振霜江、 歕 羣 秀,協贊 所為 將軍 外散 尉 氣 少則福 迷 虎步 姚 則 歎 自 吳 騎 道

鍾 年,祉 .覃來裔,孰如身轘宗屠,鬼餧魂泣者哉。 詳鏡安危,自求多福

子弟皆已附逆,上因送軍普加宣示曰:「朕方務德簡刑,使四罪不相及,助順同逆者,一以所 購 生禽覬 卿等當深達此懷,勿以親戚爲慮也。」衆於是大悅。 千五百戶開國縣侯。 生擒琛千戶開國縣侯。斬送者半賞。 時將士多是東人,父兄

從

為斷。

保破岡。 永 至曲阿,未知懷明安否,百姓驚擾,將士咸欲離散,永退還延陵,就休若。諸將帥咸勸退 覬 所遣孫曇瓘等軍,頓晉陵九里,部陳甚盛。 懷明至奔牛,所領寡弱,乃築壘自固。 張

軍於虎檻村,擊大破之,自國山進吳城,去義興十五里。劉延熙遣楊玄、孫矯之、沈靈秀、黃 泰 之殿中將軍,行永世縣事,並賜侯爵。喜、敬眞及員外散騎侍郎竺超之等至國山縣界,遇東 義,攻縣斬景宣,吳喜至,板崇之領縣事。太宗嘉休文等誠効,除休文寧朔將軍,縣如故,崇 乃築壘息甲。 四 溧陽令劉休文攻景宣別砦,斬其中兵參軍史覽之等十五人。永世人徐崇之率鄉里起 .軍拒喜。<a>喜等兵力甚弱,衆寡勢懸,交戰盡日,臨陳斬楊玄、孫矯之、黃泰,<a>只三餘衆一 時永世令孔景宣復反,栅縣西江峴山,斷遏津徑,劉延熙加其寧朔將軍。杜敬眞、陸攸 尋得懷明書,賊定未進。 軍主劉亮又繼至,兵力轉加,人情乃安。

時奔走,因進義興南郭外。延熙屯軍南射堂,喜遣步騎擊之,卽退還水北,乃栅斷長橋,保

郡 自守。 喜築壘與之相 持。 庾業於長塘湖 口夾岸築城,有衆七千餘人,器甲 ·甚盛, 與延 熙

遙相掎角。沈懷明、張永與晉陵軍相持,久不決。

攻郡 狐獠 向晉 興。 興令徐崇之馳往攻之。「三」因其 邑。 兵,至者裁四百。 性 軍 四 緩 又簡 面 食 陵 之。 太宗 俱 進者。 先是,龍 義 宗未 興 率,資給甚易,乃以千人配 人,每見之輙奔走。 兵擊諸 諸 每遺軍 其夜,庾業、 發,會農夫須 縣 驤 唯 東軍 將軍阮 壘 綏安 ・,輙 一栅。 未至 大 多所 孔叡 駭, 令巢 佃夫募 |數十里,遣 農 《人,分》 夫 求 諸營 相 邃 農夫 雖 須,不時上道。 東節 率 以 得 至,衆力尚 奔走, 城壘未 配 蜀 收其船杖, 時奔散, 不移 人參候,云:「賊築 之, 之。 人數百 義 使助 不不 立,農夫親持 及 興 少 戦 受僞 唯 平。 了, 兵 多壯 東討。 外監朱幼舉司徒參軍督護任農夫,驍果有膽力, 與高 龍 每先登, (勢不 驤 爵 劉 勇便戰,皆著犀皮鎧,執短兵。 志之進 將 延 時庾業 城猶未合。」農夫 敵。 軍 刀楯,赴城入陳,大破 熙 孔叡 投 東人並畏憚, 義興援吳喜。 喜乃與數騎登高 水 兵盛 死, 棚 農夫 有人告之, 未 拔 率 於 ٥ 叉怪其 廣武 二月一 喜 延 之, 陵 以 東 乃斬尸,傳首京 **酒**指 形 殺 出 將軍高 庾業 日_, 飾殊 傷 長 本 者 磨,若 塘 應就 喜乃渡 棄 志之、 多 異 ,雖云千 城 - , 乃 走 招 舊 佃 永 開 傳 義 夫

義 興 軍 時 旣 齊 爲 王 率軍 吳喜等所 東討 破, 與 張 奔散者多投晉陵, 永 劉亮、 杜幼文 東軍震恐。 沈 懷 明 等於 上叉遣積射 晉陵 九 里 將軍 西結 江方興、南臺御史 與 東軍 相

列

傳

唯尚 因 譟 皆摧破。 不令居前 道隆便率所領急攻之,俄頃城陷,斬桿宗首。 固 王 此敗走。 道 而 書左 隆 至,標又遺千人繼之,衆軍駭懼,將欲散矣,江方興率勇士迎射之,應弦倒者相繼,曇瓘 其月三日 至 一晉陵 一丞徐爱知之,白太宗稱其驍敢,至是每戰以刀楯直盪,往輒陷決,張永嫌其過銳, 袁標遣千人繼至,齊王與永等乘勝馳擊,又大破之,屠其兩城。 賊連栅周亘、塘道迫狹、將士力不得展、亮乃負楯而進、直入重栅、衆軍因之、卽 ,道隆與齊王 視 賊賊形 勢。 賊帥孫曇瓘 、程捍宗、陳景遠凡有五 劉亮果勁便刀楯,朝士先不相悉,上亦弗聞, 城, 手。 上副聖旨,下成衆氣。 互相連帶。 曇瓘 率衆數百,鼓 **捍宗城猶未**

損失。 還,云:「臺軍已近。」與大懼,墮牀,曰:「懸賞所購,唯我而已,今不遽走,將爲 以 令王蘊 之,並各散走。 下十 吳喜軍至義鄉,爲輔國將軍、車騎司馬孔璪屯吳興南亭,太守王曇生詣璪計事,會信 初,曇生遺寧朔將軍沈 七 發兵據嶮,靈寵 軍 歸順。 躁與曇生焚燒倉庫,東奔錢塘。 太宗嘉之,擢爲鎭東參軍事, 不得進,屯住 靈寵率八千人向黃鵠嶠,欲從候道出蕪湖,迎接南 故鄣。 曇生旣走,靈寵乃與弟靈昭、軍 喜至吳興,頓置郡城, 倉廩遇 因率所領東討。 喜分遣軍主沈思仁、吳係 副 姚 人禽。」左 雨 天覆 不 軍。 率 無 右聞 偏 廣 德 所

公

追躡璪等。

夜,孫曇瓘 陸 |攸之、任農夫自東遷進向吳郡,臺遣軍主張靈符即晉陵。 其月四日,齊王急攻之,其 、陳景遠一 時奔潰。 諸軍至晉陵,袁標棄郡東走。晉陵旣平,吳中震動,吳興軍

又將至,顧琛與子寶素攜其老母泛海奔會稽,海鹽令王孚邀討不及。

太宗以四郡平定,留吳喜統全景文、沈懷明、劉亮、孫超之、壽寂之等東平會稽,追齊

、杜幼文、垣恭祖、張靈符北討、王穆之、頓生、江方興南伐。

山,破其大帥孫會之,於陳斬首。 佃夫、揚武將軍盧僧澤等率軍向黃山浦。 業,新野人也。父彥達,以幹局爲太祖所知 西陵諸軍皆悉散潰,斬庾業、顧法直、吳恭,傳首京都。 隊主闕法炬射殺樓上弩手,叡衆驚駭,思仁縱兵攻之,斬其軍主孔奴,於是敗散。其月十九 令傅琰將家 王、張永、姚道和 劉亮、全景文、孫超之進次永興同市,遇覬所遣陸孝伯、孔豫 日 ,吳喜使劉亮由鹽官海渡,直指同浦,壽寂之濟自漁浦,邪趣永興,喜自柳浦渡,趣西陵。 其月九日,喜等至錢唐,錢唐令顧昱及孔璪、王曇生等奔渡江東。喜仍進軍柳浦,諸 會稽聞西軍稍近,將士多奔亡,覬不能復制。 婦順。 喜遺鎭北參軍沈思仁、强弩將軍任農夫、龍驤將軍高志之、南臺御史阮 自定山進向 東軍據岸結砦、農夫等攻破之、乘風舉帆、直趣定 , 為 益 州 漁浦,戍主孔叡率千餘 二十日,上虞令王晏起兵攻郡,覬以東西 刺 史。 東軍主ト 世 兩軍, 祖世,官至豫章太守,太常卿。 道濟、督戰許天賜 與戰破 人據壘拒戰。 之,斬孝伯、豫首。 請降。庾 佃夫 使

身,委罪求活,便是君輩行意耳。」晏乃斬 交逼 幷令召募。 凡七十六人,於陣斬十七人,其餘皆原 十一。顧琛、王曇生、袁標等並詣喜歸罪,喜皆宥之。 謂之曰:「此事 恨。」含笑就 執尋陽王子房於別署, 誠,及覵走,綏閉封 去,回記衆叛都 |孔叡,將斬之,||叡曰:「吾年已過立,未霑官伍,蒙知己之顧,以身許之,今日就死,亦何 憂遽不 戮。 行達晉陵,袁標就其求仗,長度不與,為標 知 孔璪所爲、江三無豫卿事。 盡 所爲。 孔璪叛投門生陸林夫,林夫斬首送之。二十二日,嵴山民縛覬送詣晏, ,門生載以小 倉庫 其夕, 縱兵大掠, 府庫空盡。 ,以待王師。 船、竄于嵴山村。 率千餘人聲云東討, 二十一日,晏至郡,入自北門,囚綏付作部,其夜殺之。 育。 之東閣外,臨 可作首辭,當相爲申上。」旣曰:「江東處分,莫不由 初遣庾業向 若邪村民錄送偽龍驤將軍、車騎中兵參軍軍 偽車騎從事中郎張綏先遣人於錢唐詣喜歸 實趣石瀃,先已具船海浦,值潮涸不得 所殺。 死 琛子寶素與父相 會稽,追使奉 求 酒,曰:「此是平生所好。」 追贈: 給 朝 事 請孫 中 失,自縊 長度送仗與之, 死。 時年 東軍 五. 晏 所

月,思仁遣軍主姚宏祖、鮑伯奮、應寄生等討破瞻,斬之於羅江縣。 劉 據定陽縣。 越緒諸軍 先是,鄧琬遣臨川 並奔逸。 巴陵王休若遣沈思仁討之,思仁遣軍主崔公烈 晉安太守劉瞻據郡同逆,建安 內史張淹自南路出東陽,淹遣龍驤將軍 內史趙道生起義討 攻 其 (營,斬 柱遑、征西行參軍 強主朱: 伯 聚徒未合。 符首 劉 越緒屯 ,桂遑、

子等屯據縣城。茹公與臺軍主丘敬文、李靈賜、蕭柏壽等攻圍彌時,八月乃剋, 鄧 晚先遣新安太守陽伯子及軍主任獻子襲黟縣,縣令吳茹公固守,力不敵,棄城走,伯 斬伯子、獻

子首。

之,曇率衆突入,淹正禮佛,聞難走出,因斬首。 與之。曇因率衆入山,饗士約誓,揚言虎走城西,鳴鼓大呼,直來趣城,城門守衞,悉委仗觀 欲 因 此 張 斬淹。 淹 屯軍上饒縣,聞劉胡敗,軍副鄱陽太守費曇欲圖之,詐云:「得鄧琬信,急宜諮論。」 淹素事佛,方禮佛,不得時進。 曇復誑云捕虎,借大鼓及仗士二百人,淹信

而

異望。 以義 有 拯 虚 所歸。 溺 |器,政由王氏;蘇峻事雖暫申,旋受屠磔,桓玄宣武之子,運屬橫流,世祖仗順入討,民無 國 動,猶或 史臣曰:自江左以來,舉干戈以圖宗國,十有一焉,其能克振者,四而已矣。 其餘皆漆顙夷宗,作戒於後,何哉。夫勝敗之數,實由衆心,社廟尊嚴,民情所係,安 道屯詖,宜立長君,太祖之昭,義無不可。子勛體自世祖,家運已絕,當壁之命,屬 曲 直 稱難,況長戟指闕,志在陵暴者乎。秦始交爭,逆順未辨,太宗身劋悖亂,事惟 二塗,未知攸適。 徒以據有神甸,擅資天府,宗稷之重,威臨四方,以中制外, 元皇外守

列

故能式清區字。 夫帝王所居,目以衆大之號,名曰京師,其義趣遠有以也。

校勘記

- [1] 鄧琬字元琬 「元琬」南史、建康實錄作「元琰」。
- 為廣州刺史宗慤所執 「廣州」各本並作「江州」,據元龜九二五改。 孫彪宋書考論云:「按宗慇

時爲廣州刺史,非江州也。」

= 荀卞之爲尚書左丞 張森楷校勘記云:「符瑞志有鳥程令尚下之於大明七年言甘露降,疑卽

八。『苟』『荀』未知孰是。」

- 主郭季之馬步三千就攸之」語改。 軍主郭季之荀僧韶 幢主韓欣宗等 「郭季之」各本並作「郭秀之」,據上文「建安王体仁又遣軍
- 二五 始安內史王職之建安內史趙道生安成太守劉襲並舉郡 之」。「趙道生」各本並作「趙遁生」,本書孔覬傳、通鑑並作「趙道生」,按「道生」是,今據改 奉 順 「王職之」通鑑從宋略作 「王識
- へ入し 與南康相沈肅之 「沈肅之」各本並作「沈用之」,據通鑑考異引宋略、南齊書武帝紀、通鑑改。
- [4]不敢攻 各本並脱「攻」字,據南史補。
- 陳慶已與南陵大雷諸軍共遏其上 「共」各本並作「兵」、據通鑑改。

. ماو نسا 於 時中護軍劉 唐、 死虎,不得在 衍 在座 「劉衍」各本並作「劉順」。張森楷校勘記云:「劉順、豫州之將、時爲劉緬破 此。 疑是劉衍之誤。 時劉衍爲中護軍,見上文及劉穆之傳。」按張校是,

今改正。下劉順並改。

殺道憲道預 記室參軍鮑照 「道預」之「道」字,各本並脫。張森楷校勘記云:「上文無名『預』者,

疑脫『道』字,即上所云典籤阮道預」。

以胡爲平西外兵參軍寧朔將軍建昌太守 各本並脫「平」字。 孫彪宋書考論云:「西上當脫平

字。」按孫說是,今補正。

[15] 袁顗字景章 「景章」南史、建康實錄作「國章」。

顗可封新淦縣子 「新淦」各本並作「新隆」,據元龜四六一改。

[12] 功貫二曜 「二」各本並作「三」,據藝文類聚二五改。

[1吾] 而羣小構慝 「小」各本並作「下」,據元龜二一五改。

[1六] 相與 <u>李慈銘宋書札記云:「相與上當有吾等二字。」</u>

〔14〕胡以南運未至 「運」各本並作「軍」,據通鑑改。

〔15〕宜須通才敏思 「思」各本並作「忠」,據元義八一四改。

列 傳 第 四 十 四 一 桉 勘 記 [1·2] 秉筆文聞 「文闡」各本並作「文閨」,據御覽二四九引改。

- 有無豐約未嘗關懷 「有無」各本並作「無有」,據元龜九一四改。
- 覬代之 「覬」各本並作「顗」,今改正。 下誤並改。
- 未判 各本並作「未叛」,據南史改。
- 聳劍東馳 「馳」元龜四一六作「雲」。
- 夫因 禍致慶 「致」各本並作「提」,據远龜四一六改。

呈

臨陳斬楊玄孫矯之黃泰

玄、孫矯之、此云『玄孫』、當有一誤。」按「玄孫」當是「楊玄、孫矯之」之脫文、今訂正 張森楷校勘記云:「按上有楊

「楊玄、孫矯之」各本並作「玄孫」二字。

- 三六 改。 農夫率廣武將軍高志之永興令徐崇之馳往攻之 按下文云「與高志之進義興援吳喜」,亦作「高志之」。 「高志之」各本並作「高尙之」,據元龜三五
- 呈 値潮涸不 得去 「潮」各本並作「湖」,據預史改。
- 三台 此事孔璪所為 「所」各本並作「之」,據通鑑改。

